



Cant. 2.

Isaia 60.

Isaia 49.

Ecimono illam veram
 sponsam Christi esse dici-
 mus, cui ceteræ omnes
 pudoris, & honestatis,
 præminentia item, & di-
 gnitatis, honorificentissimum & ve-
 rissimum testimonium reddunt, at-
 que reddiderunt semper. *Vna est co-
 lumba mea, perfecta mea: vna est matris
 sue, inquit scriptura, electa genitricis
 sue. Viderunt eam filia, & beatissimam
 prædicauerunt: regina, & concubina, &
 laudauerunt eam. Vt igitur eas Eccle-
 sias, quarum reges atque principes
 publicè spectante orbe terrarum, ex
 eo tempore, ex quo fidem recepe-
 runt Christianam, ad sedis Apostoli-
 cæ pedes obedientiam atque subie-
 ctionem suam, iuxta Prophetarum
 prædictiones, deferunt ac detulerunt
 semper, prætermittamus. Et venient
 ad te, inquit Isaias, cur vi filij eorum, qui
 humiliauerunt te, & adorabunt vestigia
 pedum tuorum omnes, qui detrahebant ti-
 bi, & vocabunt te ciuitatem domini, Sion
 sancti Israel. Et, erunt Reges nutritij tui,
 & Regina nutrices tue, vultu in terra de-*
misso

Apo. 3.

Rom. 1.

*misso laudabunt te, & puluerem pedum
 tuorum lingent. Et scies quia ego Domi-
 nus, super quo non confundentur, qui ex-
 pectant eum. Ecce dabo, inquit Ioannes,
 de Synagoga Sathana, qui dicunt se Iu-
 daus esse & non sunt, sed mentiuntur. Et
 cæciam illos ut veniant, & adorent an-
 te pedes tuos, & scient quia ego dilexite,
 quoniam seruasti verbum patientiæ meæ;
 & ego seruabo te ab hora tentationis qua
 ventura est in orbem vniuersum, tentare
 habitantes in terra. Ad Austrum nos
 reframus, quantique Australes Ec-
 clesiæ fecerunt semper Romanam
 Ecclesiam paucis videamus. Vbi in-
 primis inter præcipuas Aphricæ Ec-
 clesias occurrit celebris illa Cartha-
 ginensis, quæ Numidicis, & Maurita-
 nicis inuigilabat; & qui huic tanta
 cum laude præfuit fortissimus mar-
 tyr Cyprianus: Hic profitetur Cathe-
 dram Petri, super quem à domino æ-
 dificata fuit Ecclesia, principalem ef-
 se, vnde vnitas sacerdotalis exorta
 est, cuius fides Apostolo prædicante
 laudata est, & ad quam perfidia non
 possit habere accessum. Et alibi: Deus*
vnus



110411

Elogens D. Hieronimi de
Catholica Elogium folio 186

et alia doctores Sicuti vide: luy

E: V. XIX 15

DE VERAE
ET FALSAE ECCLE-
SIAE DISCRIMINE,

Ad Serenissimum STEPHANVM I.
Poloniae Regem,

STANISLAI SOCOLOVII
LIBRI TRES.

*Ex sacris Scripturis, vetustissimorum
que Patrum sententijs collecti
ac concinnati.*

Quibus adiecta est pro dignoscendis
& fugiendis falsis dogmatibus,
eiusdem concio.

*Aeditio secunda, ab ipso Auctore prio-
ri & emendatior, & locuple-
tior reddita.*

COLONIAE,
Apud Maternum Cholinum.

M. D. LXXXIIII.

Cum Gratia & Privilegio Cas. Maiest.

17410



1410 + 2549

AD SERE-
NISSIMVM STEPHA-
NVM, POLONIAE REGEM,
VICTOREM ET TRIVMPHA-
TOREM MAGNIFICVM,

IN LIBROS DE VERAE ET
falsa Ecclesiae discrimine,

PRAEFATIO.



MULTAS QUIDEM
& varias, easq; pul-
cherrimas ex multi-
plici genere potentis-
simorum hostium vi-
ctorias, STEPHA-
NE REX, dulce
praesidium, dulce de-
cus meum, tibi hoc toto sexennio, quo apud
te officio concionatoris fungor, coram gra-
tulatus sum, nunc absens, propter hanc me-
am affectam valetudinem, ipsum quasi vi-
ctoriarum finem, hoc autem est, optatissi-
mam pacem, latus & ex animo gratulor:
quam eandem tibi, nominiq; tuo amplissi-

PRÆFATIO

mo, nobis Reipublica^q nostra, ac toto orbi Christiano felicem ac faustam in omne a-
 um cuenire, à Deo Opt. Max. precor. Ne-
 que qualemcumque ac vulgarem aliquam
 pacem M. V. gratulor, sed eam, quæ pul-
 cherrima & magnificentissima, hoc nostro
 seculo, in toto terrarum exstitit orbe, &
 quæ tot tantisq; præteriti temporis difficil-
 limis, ac plusquam propemodum Herculeis
 laboribus, contentionibus, bellis ac præstan-
 tissimis tuis rebus gestis extremam quasi
 manum imposuit, easq; pulcherrima cata-
 strophe, hoc tempore conclusit, ad omnem-
 quæ immortalitatem obsignauit. Qua-
 rum quidem admirabili rerum gestarum
 tuarum virtute atque gloria tu superbis-
 simum ac potentissimum hostem perdomu-
 isti, ad pedesq; tuos, sedisq; sanctæ Aposto-
 licæ matris tuæ inuitum, multisq; tempo-
 ribus reluctantem, supplicem tandem ali-
 quādo confugere coëgisti. Quæ eadem præ-
 stans tua virtus potentis inimici iniurijs,
 continuisq; diuexationibus, afflictissimas
 gentes erexit, ac consolata est, illisq; inui-
 ctum & insuperabilem tranquillitatis &
 securitatis parietem excitauit, ac mul-
 tos mortales ab impotentissimi hominis do-
 minatu

PRAEFATIO.

minatu liberauit, opprobrium ex Israel
sustulit, ac nescio quam superioribus tem-
poribus contractam ignavia maculam ab-
sterfit, nomenq; ac decus gentis pristinum
restaurauit. Quæ virtutem, & regni ro-
bur multi temporis otio ac desidia quondā
veluti consēpulta denuò reuocauit, arma-
quē obtusa situ, puluere, ac arugine, prop-
ter diuturnum otium obducta excussit, ac
expoliuit. Quibus iisdem rebus gestis, tu re-
gium tibi, tuorumq; erga te animos, nisi et
beneficiorum ingrati, & publica saluti in-
festi videri velint, mirifice confirmasti, ste-
rilitatemq; superiorum Regum tua vberē
fecunditate sustulisti, totq; pignora atque
aras æterni amoris sponsa tua, regno, in-
quam tuo, tot inquam nobilissimas ac cla-
rissimas victorias, tot munitissimas arces,
& munitiones, tot vberrimas provincias,
tot populossimas vrbes, flumina, portus,
ac integras regiones, tanquā liberos quos-
dam adiecisti, ut neque tu illi, neque illi ti-
bi sterilis & infœcunda permaneat; ut itā
de reliquo tempore, æquē tu illam, atque il-
late, tanta, tamq; illustri, & multiplici in-
tercedente prole, non nisi amare possit. Vi-
cinas gentes perterruisti. Irruit, inquit

P R A E F A T I O

Scriptura, paucor Domini super vniuersa re-
 gna terrarum, cum audissent, quod pug-
 nasset Dominus contra inimicos Israel. A-
 pud Reges atque Principes externos, tibi
 magnum & immortale nomen compara-
 sti. Te illi mirantur, tuam amicitiam expe-
 tunt, te sibi perfectum Imperij exemplar
 proponunt, in te omnium oculi sunt conuer-
 si, te omnes in caelum iure ac verè ferunt.
 Quae eadem rerum gestarum aeternum ce-
 lebranda gloria, ora inimicarum ac emu-
 larum gentium ad maledicendum quon-
 dam aperta magnificè obstruxit, ad nouas
 autem laudes tuas praedicandas aperuit,
 ita vt tuas praestantissimas virtutes inui-
 ti praedicent, vel tacendo iuxta Comici di-
 ctum, satis laudent. Quae religionem Ca-
 tholicam, ordinem sacrum, cultum litera-
 rum, omnemque humanitatem ad eas ip-
 sas hostis immanissimi crudelitae affli-
 ctas ac planè desolatas gentes denuò intu-
 lit, ipsumque Christum Dominum in su-
 am possessionem quasi postliminio redu-
 xit: quae templa atque delubra: arasque ip-
 sas earum gentium, auarissimi hostis cu-
 piditate denudata, tua insigni pietate &
 munificentia, vestimentisque tuis propemo-
 dum

dum, omniq̃ aurea & argentea suppelle-
 Et ille denuò vestiuit, pristinoq̃ splendore
 reddidit. Auditusq̃ post multum luctum
 & lamenta in terra nostra sonus Cytha-
 ræ & Buccinæ, vox exultationis et latitiæ,
 ac iubili: ille inquam: Reuersus est omnis
 Israël & Iosaphat Rex antè illos in Ierusa-
 lem, cum latitiæ magnæ, eo quod dedisset
 illis Dominus gaudium de inimicis suis. In-
 gressique sunt in Ierusalem cum Psalterijs
 & Cytharis & tubis in domum Domini.
 Talem inquam, tam raram, tam illustrè,
 tam magnificam, totq̃ fructibus & doti-
 bus grauidam, & dotatam pacem, tibi gra-
 tulator, ac perpetuo firmam & stabilem à
 Deo immortalis supplex precor: neve hos i-
 psos tuos veros & æternos triumphos agri-
 tudo contaminet aliqua, æterno parenti,
 cōceptis in eā rem votis supplico. Verū cum
 oīs gratulatio quæ dono caret, inops, ieiuna
 & sterilis sit, minusq̃ grato animo accipi
 soleat, vacuumq̃ ante conspectū Dei atque
 regū comparere, vel ipsa scriptura teste, nō
 conueniat, eā ob causam tractationis de Ec-
 clesia Dei apud M.V. aliquādo suscepta, eā
 partē quæ de discrimine veræ et falsæ Ecce-
 lesiæ agit, eiusq̃ signa, indicia, & verissimas

PRÆFATIO

notas explicat, M. V. mitto: ut quemadmo-
 dum quondam falsos Prophetas, verissi-
 mis & maxime proprijs coloribus depinxi-
 mus, ita nunc veram sponsam Iesu Chri-
 sti, inter tot innumerabiles eius amulas &
 inimicas, veramq; eius formam & speci-
 em demonstremus. Tuum enim illud sem-
 per fuit sapientissimum iudicium: qui ve-
 ram Dei Ecclesiam demonstrauerit, qui di-
 scrimen eius à falsis cœtibus inuenerit, e-
 um omnes hæreses, hoc vno factō sublatu-
 rum & interempturum esse. Et verissimè
 quidem. Nam illud quidem inter omnes
 sectarum huius seculi homines, qui modò
 sanæ mentis aliquid reliquum habent, con-
 uenit, Ecclesiæ Dei parendum esse: ut quæ
 sit domus Dei viuentis, columna & firma-
 mentum veritatis, corpus Christi, cui qui
 non pareat, ille in loco Ethnici & Publica-
 ni sit habendus. Quæ autem vera sit, quæ
 falsa Ecclesiâ, in eo cardinem negotij ver-
 sari, omnemq; causâ controuersiam, omni-
 bus id sibi falsò tribuentibus constitutam
 esse: quam qui sustulerit, ille omnibus di-
 sputationibus ac controuersijs finem facile
 imposuerit. Ita tu, nō modo de his artibus,
 quæ tuæ sunt propria, Regijs inquam ac Im-
 pera-

PRAEFATIO

peratorijs, sed de alijs quoq; ita sapienter,
ita acute statuere soles, tanquam eas ipsas
solas didiceris: sic ut te earum disciplina-
rum artifices & doctores plerunque mirentur,
tuasq; sententias atque iudicia laudēt,
atque appellent. Ita autem M. V. eam no-
bilissimam pacem gratulor: ut simul De-
um immortalem orem, ut qua felicitate et
successu externos fregit & perdomuit ho-
stes, nullaq; vi submouendam gloriam, sibi
posteritatiq; suae peperit, eadem contra
quasdam internas ac domesticas utatur
pestes. Pestes autem cum dico, non homines
sed hominum vitia intelligo: hoc autem est
extremam impietatis ac male de Deo, re-
busq; diuinis sentiendi, tot iniquissimis le-
gibus ac foederibus communitam licenti-
am, totq; foedissimas haereses, & ea quae sub
haeresibus latent, indeq; oriuntur flagitia,
cultus inquam diuini abrogationem sacra-
mentorum, ac sanctissimarum caeremonia-
rum profanationem, templorum expilati-
onem, sacrorum vasorum conflationem, do-
tis Ecclesiasticae direptiones, sacri ordinis
in ordinem reductionem, pudoris alieni in-
cestas oppressiones, priuatorum bonorum
per luxum & ambitionem immoderatam

PRAEFATIO.

profusionem: unde rapina, & sura, simonia,
unde mater omnium malorum promanat
auaritia, furti denique, rapinas, publicos
peculatus, innocentissimorum hominum
impunitas vexationes, vulnera, pulsatio-
nes, cades, aliaq; infinita vitia prodeunt.

Quibus malis tantò diligentius, cum ma-
ioreq; studio, hoc tempore tibi erit obsisten-
dum, quantò magis pax ipsa talia vitia a-
lere, illisq; fomitem quendam subijcere so-
let. Cum enim pax & tranquillitas, omnia
quæ optima humano generi esse putantur
secum ferat, hoc tamen nisi prudenter &
sapienter regatur habet vitijs, ut sub illius
umbra infinita succrescant mala, ocium,
inquam, ex quo luxus & profusio, inde te-
meritas & curiositas: inde haereses & mul-
tifarij errores, inde legum contemptus, le-
gitimiq; magistratus despectio: inde turba
domesticiq; tumultus: bella ciuilia: inde ad
extremum occasus & interitus rerum pub.

Quibus malis ita tu facile obsistes, si pri-
mum iniquissimas leges quasdã, cum na-
turaq; & omnis honesti legibus pugnan-
tes, omniq; æquitati inimicas publico Rei-
pub. sancito sustuleris, si licentiæ frena im-
posueris: si à facibus externis, quæ hanc

Rem-

PRAEFATIO.

Rempubl. iam olim turpiter defœdant, regnum maturè expurgaueris: si nullum vitium impunitum, nullam virtutem premio non affectam esse volueris, si benemeritos homines amplissima dignitate, summisq; honoribus ornaueris: si robustos clamatores, quos Demosthenes ac tota Græcia δῆμαγωγούς vocat, contempseris: si facinorosis merita supplicia irrogaueris: si ius suum cuique reddideris: si Tros Tyriusq; nullo tibi in tanta nationum, quibus cœlitus præes, diuersitate, iuxta Poeta dictum discrimine agetur, sed veluti sol quidam benignus ex æquo te omnibus illis amandum et fruendum exhibebis, si Sacrosanctis Ecclesiis Episcopos sanctissimos & doctissimos præfeceris, publicas præfecturas præfectis integerrimis ac innocentissimis viris, qui non ambitione certent, sed dignitate & merito gradum sibi ad veram laudem comparent, non tam ad humana varia & incerta iudicia, quàm ad vnctionis ipsius, spiritusq; sancti, qui tuo muneri astat, internum instinctum contuleris: aulam militesq; tuos, quod facis, quodq; etiam atque etiam in tanta licentia, morumq; dissolutione facere debes,
in of-

P R A E F A T I O.

*in officio continueris, si ipse denique omnes
eas virtutes atque sensus, quos ad Regnum
& Imperium hoc, Dei immortalis munere,
tanquam pulcherrimam quandam &
ditiſſimam dotem affatim attulisti, sacro-
sanctos conseruaueris: religionem inquā,
pietatem, Zelum decoris domus Domini, in-
stitiam, animi aequitatem et moderationē,
māſuetudinem, & ad maiores obedientiā,
morum sinceritatem cum summa grauita-
te cōiunctam, grataq; lenitate conditam,
amorem in tuos, in condonandis iniurijs
planē inuietum & incomparabilem, verē
Stephano dignum, qui nouerat aliquando
etiam pro persecutoribus exorare, animū,
omnem denique honestatem ac vitæ conti-
nentiam, pauperum & orphanorum curā
& sollicitudinem, ac reliquas innumerabi-
les dotes conseruaueris: neque eam animi
tui constantiam suo loco unquam dimoue-
ri passus fueris. Quibus quidem virtuti-
bus, ita vsque adhuc abundas: ut non cum
Regibus tantum, aut alijs tui ordinis & cō-
ditionis hominibus: sed cum ipsis etiam in
eo genere virtutum perfectis certare pos-
sis. Nec modo ab his vlla unquam ratione
te deterreri patieris, sed augebis etiam, &*

PRAEFATIO.

cumulabis, ut q̄ extrema conueniant pri-
 mis, etiam atque etiam vehementer elabo-
 rabis: memor illius pulcherrimi D. Basilij
 dicti: μὴ τροχόπτειν & ἀποκοπτειν. hoc au-
 tem est, ut sanctius interpretetur Leo: Non
 proficere deficere est. Nunc autem sapien-
 tissime Rex, illud apud te statue, atq̄ ita iu-
 dica, hanc ipsam pulcherrimam mulierū,
 cuius nunc verissimos colores atque orna-
 mēta, ex quib. illa cognosci possit, refero at-
 que explico, non tam à me, quam ab ipso Ie-
 su Christo in cruce pendente, in qua illa ex
 latere eius aperto tanquam altera Eua ex
 costa Ada profluxit ac progenita, eius q̄
 sanguine qui inde manauit, sanctificata
 atque lota est: illis verbis, quibus quondam
 dilecto discipulo suo, matrem suam Ioanni
 commendauit, nunc tibi itidem commēn-
 dare, STEPHANE REX inclyte: E C-
 CE MATER tua, qua te in lauacro *fon-
 tis cælorum regno genuit, qua Catholicè et
 Orthodoxè educauit, qua singulis annis
 corpore & sanguine sponsi sui pascit & re-
 ficit, qua in Maximum Regem & Prin-
 cipem unxit. Accipe igitur illam in tu-
 am, ut quidem iam olim accepisti & ada-
 masti, & à cuius constanti amore & dile-
 ctione

P R A E F A T I O.

ctione non te Doëtorum errantium, toties
 tua caussa ne quicquam collecta, impia ma-
 nus, non patrie communis contagio, non æ-
 qualium quondam cauillationes, ac conui-
 tia, non ambitio vlla principatusq; cupi-
 do, non ciuium ardor, vt inquit ille, praua
 iubentium, non instantis vultus tyranni
 abducere potuerunt vnquam. Et mortui
 sunt illi, qui querebant animam tuam, tu
 tamen viuis, viuis imò & felicissime vi-
 ctor & triūphator magnificus regnas, &
 tamdiū viues & regnabis, dum istum præ-
 stātissimum animum erga Christum, qui
 te in partem vñctionis suæ vocauit, corona
 quæ glorie & victorie induit, eiusq; uni-
 cam sponsam geres. Scitum est illud & me-
 morabile, dum ad Polocense bellum profici-
 scebamur, factum tuū. Ardebant tunc ini-
 tio belli omnium animi, in apparatuq; tan-
 tæ obsidionis occupati erant, omnia tunc a-
 lia quisque cogitabat, cum tu de medio illo
 itinere, diuino ac celesti quodā furore perci-
 tus. Collegij sancti patres (dimidiata fere
 cum illis pecuniola, quæ tum victus præsen-
 tis, in ærario satis exigua pro infinitis illis
 sumptibus fuit) in Transylvaniam germa-
 nam patriam tuam fundanda Catholice
 reli-

PRÆFATIO

*religionis causam misisti. Cuius diuini tui fa-
 Et eum fructum cepisti, ut & tu pulcher-
 rima & optatissima victoria potitus sis,
 & illi Christo Domino nobilem prouinciã
 tuo studio adiecerint: illudq; magnificè cõ-
 probatum est; primum quærendum esse re-
 gnum Dei, & omnia adijci nobis. Macte i-
 gitur ea pietate & amore erga Deũ, & ve-
 rã Ecclesiam Iesu Christi esto, nihilq; aut
 publicè, aut priuatim vtile esse cuiquam cẽ-
 seas, quod cum illius incommodo ac dedeco-
 re sit coniunctum. Errant enim, errant ve-
 hementer pleriq; Principes Christiani, qui
 vulneribus illius suarum rerum pub. vulne-
 ra sanari posse putant: eius perturbatiõe su-
 am pacẽ tuentur, eius paupertate suas diui-
 tias augent. Regnum siquidem Christianũ
 illa infelice felix esse nõ potest. Pendent. n.
 à diuinis res humanæ: illas si contēnamus,
 has non facile tuebimur: illæ si labefacten-
 tur, hæ statim corruēt. Et cũ vera Ecclesia
 nihil aliud sit, quam regnum illud cœli, de
 quo prædixit Daniel: In dieb. aut regnorum
 illorum suscitabit Deus regnum cœli, quod in-
 æternũ non dissipabitur, & regnum eius al-
 teri populo non tradent: comminuet aut et
 consumet vniuersa regna hæc, et ipsum sta-
 bit in*

bit in aeternum. Cui quidem Regno, omnia Regna subiecta esse debuerunt: cuius regni cetera membra & particula quaedam sunt: qui totum illud violauerit, infecerit, profanauerit, partes item sanas, & incolumes, nullo modo diu tueri ac sustinere poterit unquam. Probauerunt hoc Asia regna, probauerunt Graeciae, idq; magna rei Christianae inclinatione & ruina, sed et nostros vicinos, atque adeo nos ipsos ista ipsa nimia, si dijs placet, prudentia, quam parum superioribus temporibus inuerit, quam parum bona nobis frugis attulerit, experti sumus, ac in dies magis ac magis experimur. Eos inquam Principes tali sensu praeditos, Rex prudentissime imitari noli, sed illos potius, quibus cum tibi multa communia sunt, Machabaeos inquam viros fortissimos, de quibus illud scribitur: Dixit autem Iudas & fratres eius: Ecce contriti sunt inimici nostri: ascendamus nunc mundare sancta & renouare. Dauidem autem vel imprimis Regem Pientissimum, de quo itidem pace similiter potito, locumq; Domino & tabernaculo eius quarente, cultumq; eius sollicitè cogitante, illud narrat scriptura: Iurauit Domino Dauid, votum vouit Deo

STANISLAI
SOCOLO=
VII DE VERA ET
FALSAE ECCLE-
siae discrimine.

LIBER PRIMVS.

PROOEMIUM.



ON sine diuina ac
coelesti prouiden-
tia, quæ regit Isra- *Psalm. 79.*
el, quæ deducit ve-
lut ouem Ioseph,
euenisse existimā-
dum est; vt post se-
ptuplum vario &

multiplici igne, hæreticorum inquā,
& schismaticorum impugnationib⁹,
ac calumnijs, probatos omnes fidei
Christianæ articulos, vltimo tandem
occidente ac senescente seculo, no-
uissimis temporibus instantibus, vr-
gente Antichristo, hic ipse de vera Ec-
clesia Dei, sponsa Christi, articulus,

A

quæ

quæ & qualis ipsa sit, ac ubi inueniatur, probandus, ac discutiendus, relictus esse videatur. Vt tanquam impendente altero longè periculosiore ac funestiore orbi terrarum diluuiò, alia arca Noe, in qua tantum effugiat naufragium, populo sit quærenda Christiano. Vt enim nihil salutarius, nihil optabilius esse solet, quàm nocte intempesta ingruente, ventis excitatis, tempestate & procella seuiente, latrone, & inimico instante, viatori quidem urbem & diuersorium; naufrago portum; fugiētibus ex acie castra; disiectis & errantibus nauibus cynosuram; dispersis ouibus, caulas & ouilia; pauloque post futuram lucem, demonstrare: sic & nunc, ingruente summa illa & vltima nocte, atque rerum omnium occisione, qua charitas refrigescet, fides extinguetur seuiente infestissimo latrone, & pirata Antichristo, impendente extrema tribulationum & persecutionum tempestate, per tot hæreses & schismata, tãquam inquietissimos ventos, Christi disiectis ratibus, inclinata acie, ouibusq;

busq; dissipatis, nihil magis vtile, magisq; necessarium esse potest; quàm veram IESV Christi sponsam, vnam, Sanctam, Catholicam, & Apostolicam Ecclesiam, Christi ouibus indicare. Ne nocte intēpesta opprimantur: ne naufragium faciant: ne spolientur: ne aberrent: ne à feroci lupo extra caulas & ouile pastoris sui reperiantur: vt denique, quid in tanto errorum turbine & procella electi Dei sequi, quid fugere debeant, recenti quasi commoneantur præmonitione.

Hæc enim est ciuitas illa in monte posita: hæc est vrbs fortitudinis Sion, saluator in ea murus & antemurale; columna & firmamentum veritatis: & ideò, ne portæ quidem inferi, ipseque portarum dominus, Antichristus, cōtra illam præualere potest: intra cuius septum, nemo deprædari, nemo spoliari, nemo decipi, aut falli solet. Hæc est tutissima illa statio carinis, vnicusque portus salutis; in quo nemo naufragium patitur, nemo perit, nisi malè & indignè in vocatione sua viuat: hæc sunt castra illa DEI viuentis,

Matth. 5.

Esaiæ 26.

1. Timoth. 3.

Matth. 16.

Ioan. 10.

Matth. 5.

Isaia 60.

Luce 12.

Matth. 24.

tis, quæ nullus hostis perfringere aut capere potis est: hæc est fixa, nautisq; gratissima cynosura, portum naufragantibus monstrans; qua duce, nemo aberrat vnquam: hoc est illud ipsum ouile ouium, quibus anteit pastor, & oues cum sequuntur, & vocem eius audiunt; quòd nullus lupus superare; nulla fera pessima adire potest: hæc est illa lucerna ardens, posita super candelabrum, errantibus viam monstrans: hæc est sancta Hierusalem, de qua Isaias: *Ecce tenebræ operient terrā, et caligo populos, super te autem orietur Dominus, & gloria eius in te videbitur. Et ambulabunt gentes in lumine tuo, & reges in splendore ortus tui*: hæc est domus Dei viuentis, in qua, ex nuptijs rediēs paterfamilias, vbi suos inuenerit seruos vigilantes; præcinget se, & ministrabit illis: & in qua sola agnus Paschalis manducatur. Extrà quam ne inueniamur, ex qua ne vltimis illis nocentissimis temporibus egrediamur, monet diligenter ipse paterfamilias: *Tunc si quis vobis dixerit: Ecce hic est Christus, aut illic, nolite credere.*

Surgent

*Surgent enim Pseudochristi, & pseudopropheta : & dabunt signa magna & prodigia, ita ut in errorem inducantur (si fieri potest) etiam electi. Ecce pradixi vobis: Ecce in deserto est; nolite exire : ecce in penetralibus; nolite credere. Sicut enim fulgur exit ab Oriente, & paret usque in Occidentem; ita erit & aduentus filij hominis. Vbi-
cunque fuerit corpus, illic congregabuntur & aquila. Extra hanc domum salus non est, vita non est, fides non est, iustitia non est: extra hanc veritas non est; est enim columna & firmamentum veritatis: extra hanc Sacramenta & cerimoniae non sunt: vel si sunt, non profunt: spes immortalitatis non est: extra hanc Spiritus sanctus nulli datur, qui illi semper assistit, cuiusque propria dos est: extra hanc Christus non est; caput enim eius est: Deus non est, nam hic caput Christi est. In hunc enim modum eam catenam ne
Et ait Paulus: Volo autem vos scire, quod omnis viri caput, Christus est, caput autem mulieris, vir: caput verò Christi, Deus: Extra hanc qui est, tanquam ethnicus & Publicanus est: extra hanc virtus*

1. Timoth. 2.
1. Cor. 11.
non

non colitur, & si colitur, nō prodest.

Epist. 152. ad Donatistas. Quisquis ab Ecclesia Catholica, inquit Augustinus, fuerit separatus, quantumvis laudabiliter se vivere existimet, hoc solo scelere, quòd à Christi unitate diuisus est, non habet vitam, sed ira Dei manet super illum.

Epist. 170. ad Severinum.

Cant. 6.

In Epist. ad vitam solitaria agentes.

Hāc neminem ignorare debere, monet idem Augustinus. Vt autem hanc nemini ignorare licet, ita eius cognitio est difficillima. Sexaginta sunt, inquit Scriptura, reginae, & octoginta concubinae, & adolescentularum nō est numerus. Vna est columba mea, perfecta mea: vna est matris suae, electa genitrici suae. Octuaginta fuerunt vsq; ad tempora Epiphaniij hæreses: ducentas suoiā demum tempore numerat Picus Mirandulanus: consecutę sunt postea infinitę ac inenumerabiles alię: exoriuntur item indies magis ac magis alię; ita, vt bellè Athanasius semper, primę secundam dicat succedere: & secundę tertiam: & sic deinceps, sic vt semper posterior priore sit deterior. Nulla tamen ex his fuit, ac ne nunc quidem in tanta earum multitudine est, quę se non illam vnicam columbam

bam atq; dilectam esse dicat: quæ nō vultum, aspectum, incessum, gestum, ornatum, vestitum eius sibi affingat atq; representet. Quis igitur in hac varietate tanta non aberret? quis id, quod verum est, facile sine duce inueniat? quis non hæsitet? Itaq; multò clariùs, teste Augustino, veteres Prophetæ, sanctiq; Apostoli, tamque prisci, quàm huius sæculi Doctores, de ipsa Ecclesia Christi scripserunt, atq; prædixerunt, q̃ de ipso sponso eius Christo Iesu: Plures illius imagines, colores, ornamenta, ex quibus cognosci ac dijudicari possit, adumbrauerunt, quam ipsius sponsi, quem in ædibus sponsæ facile inueniri posse iudicauerunt.

Sequemur igitur & nos hos ipsos præstâtissimos ac sanctissimos duces, sed longis post passibus: ac quæ sit hæc ipsa pulcherrima mulierum, inquiremus. Quæ item inter sexaginta regis Salomonis reginas, & octoginta concubinas, tot inquam & tam varias, & pugnantes sæculi huius sectas atque hereses, vna columba eius, per-

Genes. 24.

fecta eius, vna matri suæ, electa genitrici suæ, priusquam tanta, tamq; horrenda nox incūbat, docebimus. Qui conatus noster, vt melius & fructuosius succedat, cum seruo illo, quem ad quærendam & accipiendam sponsam filio suo, primus pater credentium Abraam miserat, patrem Domini mei occurrere nobis hodie precor: & facere nobiscum misericordiam velit, indicetq; nobis puellam, quā præparauit seruo suo Isaac, vt per hoc intelligamus, quòd fecerit misericordiam nobiscum. Pius autem lector, nos, qui tantum opus aggredimur eodem prosequatur voto: **DOMINVS** mittat angelum suum coram te, vt inuenias sponsam, & uxorem filij eius.

EA

*BEATA SIGNA, QUAE HAE-
retici putant verae Ecclesiae indi-
cia esse, vera signa non
existere.*

CAPVT I.



VI igitur pascat, vbi cu- *Cant. i.*
bet, pulcherrima hæc mu-
lierum, inquiramus; ne
post greges alienarum va-
gari incipiamus: idque ea
ratione, vt primum ea signa, (quæ isti,
qui falsò sibi nomen Ecclesiæ vendi-
cant, comminiscuntur) referamus ac
confutemus: simul illudque doceamus,
neque hæc vera signa veræ Ec-
clesiæ, esse; & si sint, magis tamen hu-
ic Ecclesiæ Catholicæ, quàm istis con-
uenire. Deinde ipsi veras & proprias
eius notas & insignia, quibus sacra
scriptura, quibus omnes vniuersales
Synodi, quibus Patres, quibus vniuer-
sa vetustas vsa est, in medium profera-
mus. Nam cum isti animaduertissent
eas notas, quibus Apostoli, aposto-
lici que viri, atque adeò omnis anti-
quitas, veram à falsa distinxit Ecclesi-

am, suis sectis & hæresibus conuenire non posse: alia signa, aliasq; notas, quæ illorum cœtibus vtrunque accōmodari possint, quærenda sibi existimauerunt, in quibus astruendis, idem illis euenit, quod in cæteris ferè omnib⁹; vt, primū à nobis ac vniuersa vetustate recedant, deinde ipsi secum non conueniant. A nobis quidem recedunt, dum alia quædā & nusquam antea nobis audita signa referūt: secum autem dissident, dum alij alia sequuntur. Quidam enim vnum solum veræ Ecclesiæ Dei signum esse statuunt, perfectam scilicet populi Dei sanctitatem, innocentiam, ac vitæ integritatem: vt illa demum vera sit Ecclesia, in qua omnes à minimo ad maximum cognoscant Dominum: in qua omnes sint iusti: per quam non transeat incircumcissus, neque immundus: in qua nemo peccet: quam omnes, qui viderint, cognoscant, quod illa sit semē, cui benedixit Dominus: quæ sit sancta, immaculata, sine macula, sine ruga. Quæ sententia Nouati primò, deinde Donatistarum, Anabapti-

baptistarum deinceps fuit. Quidam duo, puram, & sanam Euangelij doctrinam, & rectum vsum Sacramentorum, quomodo illi omnes, qui Augustinam sequuntur, vel saltem, qui eam se sequi simulant opinantur: eadem Brentij, eadem Caluini, & qui eorum doctrinam imitantur, fuit sententia. Centuriatores ad has duas, addūt alias duas, perseuerantiam in confessione fidei, vsq; ad mortem: & obedientiam, ad ministrum verbi. In qua tamen signorum ac sententiarum varietate illa duo maximè iactant, ac quasi in prima constituunt acie, ac veluti Catholica yeneratione præcipuè colunt; Verbi Dei, doctrinæq; Euangelicæ, incorruptam professionem, ac Sacramentorum conuenientem diuinę institutioni vsum. Nos verò illud dicimus: Primum quidem hæc talia esse, sine quibus Ecclesia Dei non sit: neque tamen hæc ideò vera Ecclesię Dei signa habenda esse, cum non statim sequatur: vt, si quid tale est, sine quo aliqua res esse non possit, illud ei rei notam atq; indicium esse. Nam & le-

ges, & magistratus, & iudicia talia sunt, sine quibus respublica omninò stare non potest: neque tamen ideo, aut leges, aut iudicia, aut magistratus alicuius Reipublicæ notæ & signa sunt. Sic somnus, cibus, potus, ea quidem sunt, sine quibus humana natura omninò consistere non potest; neque tamen aut hominis, aut alicuius animantis hæc sunt insignia, aut propriæ notæ, quin potiùs accidentia quædam, omni generi animantium communia: quibus si quis tanquam proprijs quibusdam signis ac notis uti vellet; hic stultus quidam ac mentis expers esse videretur. Et vitæ igitur integritas, atque sanctitas huic vitæ cōpetens, & purum putumque verbum Dei, rectusque ac legitimus Sacramentorum vsus, perseuerantia item ac obedientia, huiusmodi quidem sunt, si ne quibus Ecclesia Dei esse non solet: signa tamen Ecclesiæ DEI hæc nullo modo esse possunt: & si sint, magis tamen veræ Ecclesiæ, quàm istis, qui se his rebus nimis effecerunt, conuenire. Primū igitur hos ipsos, qui hæc signa

Ec-

Ecclesię Dei esse statuūt, qui sine scriptura quidq̃ dicere erubescūt, vel hæc ipsa signa, & indicia Ecclesię, ex eo ipso verbo Dei, sacraq; scriptura demonstrare oportuit, ac aliquem insignē, vel ex lege veteri, vel ex Euangelio, vel ex Paulo, locum adferre, vbi clarè & euidenter hæc ipsa, quæ dicunt signa, veræ Ecclesię notæ esse doceantur: cum nihil admittendum esse tradant, quod scripturis non probetur: & quicquid sine illis dicitur, vt verbo affirmatur, ita verbo reiiciendum esse moneant: cū nihil neque magnum, neque paruum sit, quod modò ad salutem aliqua ratione pertineat, quod in scripturis clarè & expressè contineri non putent. Docuissent igitur insigni aliquo & euidenti scripturæ testimonio, aut vitę integritatem, aut purum putumq̃ue verbum Dei, aut legitimum Sacramentorum vsum, aut perseuerantiam atque obedientiam in fide, notas veræ Ecclesię esse; verū nihil tale adferunt, neque adferre possunt. Et in eam quidem partem, quæ docet sine scripturis, si-

ne-

neque verò Sacramentorum usu, alijsque eius generis, Ecclesiam Dei non esse, sine omni negotio, plurima sacre scripturæ testimonia, tam in veteri, q̃ in noua lege inueniri poterūt; hæc tamen veræ Ecclesiæ signa, atque notas esse, ex quib⁹ illa cognosci possit, nusquam scriptum reperient: quin contrarium potius; vbi vera sit Ecclesia, ibi hæc omnia quærenda esse; ducem & regulam, atq; magistram earum rerum omnium, Ecclesiā existere. Qua-

Math. 24.

les sunt illi loci: *Si ergo dixerint vobis: ecce in deserto est; nolite exire: ecce in penetralibus; nolite credere. Vbicunq; .n. fuerit corpus, illic congregabuntur & aquilæ: id est, vbi vera Ecclesia, ibi sacri Euangelistæ, eorumq; interpretes, ibi verbū*

Math. 5.

Dei, ibi verus Sacramentorum usus, ibi cætera omnia. Et illud: Non potest abscondi ciuitas suprà mōtem posita. Hæc ergò reperta, & leges eius, & arcana illius, & reliqua omnia ad eam pertinētia, facilè reperire licebit. Et illud Pau-

1. Timoth. 3.

li. Ecclesia, inquit, quæ est columna & firmamentum veritatis. Cuius tandem veritatis? nū eius, cuius sensus magister est?

est: nequaquam; nam hæc seipsam spō-
 re offert: an eius, quæ per demonstra-
 tionem quaritur? ne huius quidem?
 nam hæc Philosophorum est. Illius i-
 gitur, quæ ex scripturis petitur atque
 confirmatur: Non scriptura igitur Ec-
 clesiam, sed Ecclesia scripturam, tan-
 quam columna & fundamentum om-
 nis veritatis fulcit atq; indicat. Ag-
 nitaq; Ecclesia, veram scripturam de-
 monstrat: est enim scriptura propria
 eius possessio: est depositum in sinu e-
 ius conditum: est semen quo is ager
 consitus viret. Quod præclare expli-
 cat vetustissimus Doctor Tertullia-

nus: *Deinde quoniam nihil proficiat con-* *Tertullianus*
gressio scripturarum, nisi planè, ut aut sto- *de præscripti-*
machiquis ineat versionem; aut cerebri. *onibus aduer-*
sus hæreticos.

Ista hæresis non recipit quasdā scripturas:
& si quas recepit, adiectionibus, & detra-
ctionibus, ad dispositionem instituti sui in-
teruertit: & si recipit, nō recipit integras:
& si aliquatenus integras præstat, nihilo-
minus diuersas expositiones commentata
conuertit. Tantum veritati obstreperit adul-
ter sensus, quantum & corruptor stylus. Va-
ria præsumptiões necessario nolūt agnosce-
re ea,

ea, per quæ reuincuntur: his nituntur, quæ ex falso composuerunt, & quæ de ambiguitate cæperunt. Quid promouebis exercitissimæ scripturarum, cum quid defende-
 ris, negetur ex diuerso, si quid negaueris, si defendatur. Et tu quidem nihil perdes, nisi vocem in contentione: nihil consequeris, nisi vilem de blasphematone laudem. Ille vero, si quis est, cuius causa in congressum descendis scripturarum, ut eum dubitantem confirmes, ad veritatem; an magis ad hæreses deuerget? hoc ipso motus, quod te videat nihil promouisse æquo gradu negandi & defendendi, diuersa parte statutum: certe & pari altercatione incertior discedet, nesciens quam hæresim iudicet. Hac utiq; & ipsi habent in nos retorquere? Necesse est enim & illos dicere, à nobis potius adulteria scripturarum & expositionum eorū mendacia inferri, qui proinde sibi defendant veritatem. Ergo non ad scripturas prouocandum est: nec in his constituendū certamen, quibus aut nulla, aut incerta victoria est, aut parum certa. Nam & si non ita euaderet conlatio scripturarum, ut utramque partem parem sisteret: ordo rerū desiderabat illud prius proponi, quod nunc
 solum

solum disputandum est: Quibus competat fides ipsa, cuius sint scriptura: A quo, & per quos, & quando, & quibus sit tradita disciplina, qua fiunt Christiani. Vbi enim apparuerit esse veritatem disciplinæ & fidei Christianæ; illic erit veritas scripturarum & expositionum, & omnium traditionum Christianorum. Primum igitur nullis sacræ scripturæ locis, hæc vera Ecclesiæ Dei signa esse demonstrant, vel quæ hac sola ratione conuincuntur; cum quicquid apud illos sine scripturis dicitur, id eadem facilitate refelli doceant, qua probatur.

Verum age, paulò liberaliùs ac munificentius cum illis agamus, intraq; præsidia nostra eos recipiamus. Cumque, vt diximus, nullo euidenti sacræ scripturæ testimonio institutum suum probare possint; doceant sanè, quod vniuersale vel particulare Concilium, quæ Synodus his signis veram à falsa Ecclesiam distinguendam esse, suo canone decreuerit? quis ex veteribus Patribus hæc ipsa signa Ecclesiæ protulit? quis contra sui seculi hereses hoc pariete, se, Ecclesiamque suam, à

sectis illorum temporum distinxit? quis limitibus istis possessionem Iesu Christi terminavit? Illud quidem docere possunt, sacram Scripturam, verumque Sacramentorum usum, & reliqua his similia, eos omnes in cælum summis laudibus extulisse, principēque in omni doctrina Christiana, fidē & locum tenere docuisse, ac in refutandis omnibus erroribus sacra Scriptura, tanquam præcipua demonstratio-
 ne, vfos fuisse: cdoctos à D. Paulo. *Om- nem scripturam diuinitus inspiratam, uti- lem esse ad docendum, ad arguendum, ad corrigendum, ad erudiendum in iustitia, ut perfectus sit homo Dei, ad omne opus bonū instructus*: signa tamen veræ Ecclesiæ hæc esse; nusquam dixisse, nec usquā Ecclesias suas ab alijs Ecclesijs his indicijs distinxisse. Pugnaverunt primis Ecclesiæ initijs contra Valentinum, Martionem, ac reliquos Gnosticos, duo præcipua illius sæculi lumina, Irenæus atque Tertullianus, multis argumentis: plurimis sacrarū literarū testimonijs, eorum errores confutarunt; nusquā tamen his signis veram Ec-
 cle-

2. Tim. 3.

clesiam, quam sequebantur, ab eorū
 erroneis sectis separarunt; sed illis po-
 tius, vt quidem paulò pòst pròlixius
 demonstrabimus. *Vniuersalitate*, in-
 quam, Ecclesia, inquit Irenæus, per uni-
 uersum orbem, vsque ad fines terræ semina-
 ta, & ab Apostolis & discipulis eorum, ac-
 cipit eam fidem, quæ est in vnum Deum pa-
 trem omnipotentem, qui fecit cælū & ter-
 ram, mare, & oīa quæ in eis sunt, et in vnū
 Iesum Christum filium Dei, incarnatum
 pro nostra salute: & in Spiritum sanctū,
 &c. *Vnitate Ecclesiæ*, inquit idem Irenæ-
 us, & quidem in vniuersum mundum dis-
 seminata, diligenter custodit, quasi vnā do-
 mum inhabitans: & similiter credit ijs, vi-
 delicet quasi vnā animam habens, & vnū
 cor: & consonanter hæc prædicat, & docet,
 et tradit quasi vnū possidens os. Apostolica
 successione habemus, idem inquit, adnu-
 merare eos, qui ab Apostolis instituti sunt
 Episcopi in Ecclesiis, & successores eorum,
 vsque ad nos, qui nihil tale docuerunt, neq;
 cognouerunt, quale ab his deliratur. Ea-
 dem omnia contra Iudæos, Hæreti-
 cosq; adfert Tertullianus. Pugnavit
 paulò pòst contra Nouatum Cypria-

Lib. 1. cap. 2.

Irenæus li. 1.
cap. 3.

Lib. 3. cap. 3.

Cypria. lib. 1.
Epist. 8. & de
vinitate Eccle-
siae.

nus: Nusquam huc prouocat, sed il-
luc: Deus unus est, & Christus unus, &
una Ecclesia, & cathedra una super Pe-
trum Domini voce fundata. Aliud alta-
re constitui, aut sacerdotium nouum fieri:
præter unum altare, & unum sacerdoti-
um, non potest. Quisquis alibi collegerit,
spargit. Pugnauerunt post cōtra Arriū,
Eunomiū, Aecium, Photinum, Atha-
nassium, Basilium, Nazianzenus, multa p-
clara ex sacris Scripturis testimonia
protulerunt; nullibi tamen his signis
Ecclesiam catholicam ab illorum Ec-
clesijs seiunctam esse docuerunt, sed
illis potius quæ D. explicat Basilius:

Epist. 59. ad
Antiochenā
Ecclesiam.

Fidem autem nos neque recentiore[m] ab a-
lijs conscriptam acceptamus, neque ipsi
mentis nostræ fœtus alijs obtrudere aude-
mus, ne humana putentur pietatis verba:
sed quæ à sanctis patribus edocti sumus, ea
rogantibus nos annuntiamus. Est itaque
ecclesia nostra à patribus administrata, et
à sanctis patribus, qui Nicea conueniēre, cō-
scribere, cōscripta fides: quam tamen si arbi-
tramur oretemus, & apud vos in usu habe-
ri, non tamen detrectabimus, ne desidiei
crimine notemur, ipsa quoque verba lite-
ris

ris annotare. Eos verò qui dicunt, erat aliquando tempus, quando non erat, & antequam gigneretur, non erat, & quod ex non existentibus factus sit, aut ex alia subsistentia esse, vel vertibilem aut alterabilem filium Dei dicunt, anathemate Catholica & Apostolica Ecclesia condemnat. Istis credimus. Et in alio loco: Idem, inquit,

Epist. 74. ad
Necesarionem
ses.

sunt nostri & vestri Doctores mysteriorum Dei, patres spirituales, qui à principio Ecclesiam nostram fundauerunt: Gregorium illum dico in primis, & quicumque ordine & successione Episcopatus vestri sedem acceperunt, alter alteri tanquam sydera quadam succedentes, ac iisdem vestigijs incedentes, ut clarè atque facile dignosci possint, sua gubernationis & administrationis signa, omnibus illis, qui eos sequi velint, reliquerit. Et in alio loco: Nos verò illorum parentum filij existentes, qui paucis characteribus communionis nostrae symbola sanxerunt, ut à finibus terrae ad alios fines usque illa circumferamus, ac omnes omnium nostrum & domesticos esse putemus, nos ipsos ab vniuersali orbe seungamus, & neq. de singularitate erubescamus, neque eam mutua concordia dissectione-

Contra Dona-
tistas ubique

nem, maximum nobis damnum adferre
existimabimus : & alia multa eius gene-
ris. Pugnavit contra Manichæos, Do-
natistas, Pelagianos, falsò sibi nomen
Ecclesiæ usurpare volentes, Hierony-
mus, atq; Augustinus; nullibi tamen
his notis & indicijs vñ esse leguntur;
sed illis potiùs, quæ sæpiùs inculcat
Augustinus: *Et eritis mihi testes ab Hie-
rusalem, Iudæa, & Samaria, & usque ad
extremos fines terræ. Et : Ego namq; Ca-
tholicam fidem profiteor, & per illam me
ad certam scientiam peruenturum presu-
mo.* Et alio loco : *Si ad Evangelium te
tenet, ego ad eos me teneam, quibus pra-
cipientibus Evangelio credidi, & ijs iuben-
tibus, tibi omnino non credam.* Et: *Ego ve-
rò Evangelio non crederem, nisi me Catho-
lica Ecclesiæ commoueret autoritas : qui-
bus ergo obtemperavi dicentibus : Credite
Evangelio; cur eis non obtemperem dicen-
tibus mihi, noli credere Manichæo? Elige
quid velis. Si dixeris; Crede Catholicis, ip-
si me monent, ut nullam fidem accommodẽ
vobis. Quapropter non possum, illis credẽs,
nisi tibi non credere. Si dixeris; Noli Ca-
tholicis credere: non recte facies per Euan-
gelium*

Contra Epist.
fundamenti,
cap. 4.

gelium me cogere ad Manichæi fidem, quia ipsi Evangelio Catholicis prædicantibus credidi. Si autem dixeris: Rectè credidisti Catholicis laudantibus Evangelium, sed non rectè illis credidisti, vituperantibus Manichæum; usque adeò me stultum putas, ut nulla reddat ratione, quod vis credam, quod non vis non credam? Multò quippè iustius & cautius facio, si Catholicis, quoniam semel credidi, ad te non transeo, nisi me non credere iusseris, sed manifestissimè ac apertissimè scire aliquid feceris. Quocirca si mihi rationem redditurus es, dimitte Evangelium. Si ad Evangelium te tenes, ego ad eos me teneā, quibus præcipientibus Evangelio, Evangelio credidi: & his iubentibus, tibi omninò non credam, & alia his similia. Quæ omnia si recensere vellem, integri illorū mihi describendi, atque huic loco inferendi essent libri. Nusquam igitur scriptura, nusquam sacrę Synodi, nusquam sancti patres, hæc indicia Ecclesiæ, hæcque notas esse docuerunt: non quòd plurimum hæc non valeant, nō quòd sacrosancta nō sint, non quòd summa & prima earum maiestas &

& authoritas in Ecclesia esse non debeat, non quòd ad confutandas omnes hæreses, omnesque errores plurimum non valeant, non quod omnis veritatis & gratiæ fundamenta & principia non sint, non quòd Ecclesia Dei sine illis rectè consistere valeat; sed quòd omninò eius signa & notæ propriæ esse non possent: hocq; cum vi et natura earum pugnet.

*CVR SVPRADICTA SIGNA,
neque à sacra Scriptura, neque à Sanctis Patribus inter notas veræ
Ecclesiæ censeantur.*

CAPVT II.



Quinque sunt earum rerum, quæ vera & propria signa, & notæ esse debent, sapientissimorum hominum iudicio, leges atque conditiones.

Primum, vt natura sua cognita, perspecta, & euidentes sint, quæ enim obscura sunt, illa rebus obscuris, & quæ cognosci debent, nullam lucem ad-

De

adferre p
erudit

tet; f

long

yt a

do

dis

tiff

gu

fo

re

CCLES.

culos ha-

& ve-

ſariò

re rē

lux

ari-

ſe.

ud

o

?

DISC

ac iura illi
exposita
qualia sū
nia, reg
num e
cunq;
hoca
voca
dixi
que
fac
et
si

ECCLES.

*Scrutami-
testimoni-
ocidem
sacram
s & fo-
darat:*

*super
foris,*

lum

quis

na

lo,

i-

e-

t

s

,

,

,

adferre. *Fili; quòd omnis prophetia scriptu-*
erudit; a; interpretatione non sit, non e-
tet; scā sēntate humana allata est aliquan-
longegetia, sed Spiritu sancto inspiran-
vt ap ei sunt sãcti Dei homines. Sed quid
doctiq; est in re clara argumētis multis,
discalinter tot hāreses nulla sit, quæ
tipcā verbum Dei, eiusque verum &
gōi manum sensum, non vsurpet: vbi
hūen hoc ipsum verbum Dei, aut
sac. eius verus sensus sit, non ita facile
est iudicare: plurimi que ad hunc lapi-
fem etiam docti nonnunquam of-
fendunt. Ita vt præclarè quidam ex ve-
teribus verbum Dei, sacram que scri-
pturam pulcherrimæ imagini simi-
lem esse dixerit, quæ vnum quidem,
verum & proprium aspectum habe-
at, soli ipsius artificis Spiritui sancto,
& Ecclesiæ Dei cognitum; ita tamen
affecta sit, vt ex quacunque parte quis
constiterit, eum aspicere videatur.
Non est igitur clara ratio sacræ scrip-
turæ, sed & vsus Sacramentorum eo-
dem modo: de quibus itidem iudica-
re & statuere non omnium, sed pau-
corum esse docet D. Paulus. *Sic nos, in* ^{1. Corinth. 4.}
quit,

quit, *existimet homo, ut ministros Dei, & dispensatores mysteriorum eius* : hic iam quæritur inter dispensatores, ut fidelis quis inueniatur. Nam & illud, qui iusti, & sancti in hac vita sint, quod isti non pro mediocri signo ponunt, adeò est obscurum, adeò soli Deo cognitum; ut in hoc iudicio, etiam ipsi sancti, & electi Dei, aliquando lapsi esse videantur, illique qui certò spiritu Dei agebātur. Putabat quodam tempore magnus ille Helias, inter tot sui seculi vitia & scandala solum se iustū, verumq; Dei cultum relictū esse. At audit: Residuos, inquit, seruauī mihi in Israel septem millia virorum, quorum genua nō sunt curuata ante Baal, quorum omnium os nō adorauit eum, osculans manum suam. Putabat Ionas propheta in ciuitate infide-
 li Ninīue, cui nomine diuino certum denunciarat interitum, nullum esse, qui dignus sit placare iram omnipotentis Dei : donec ab illo cuius oculi vident æquitatem, audit : *Tu doles super hederam in qua non laborasti, neque fecisti, ut cresceret, quæ sub vna nocte na-*

3. Reg. 19.

Iona 4.

ta est, & sub una nocte perijt; & ego non
parcam Ninive ciuitati, in qua sunt plus-
quam centum viginti millia hominū, qui
nesciunt, quid sit inter dexteram & sini-
stram suam, & iumenta multa? Itaq; re-
ctè monet D. Paulus: Nolite, inquit, an-
te tempus iudicare, quoadusq; veniat Do-
minus, qui & illuminabit abscondita tene-
brarum, & manifestabit consilia cordiū:
& tunc laus erit unicuique à Deo. 1. Corinib. 4.

Primum igitur eam ob causā hæc
vera Ecclesiæ Dei signa nullo modo
esse possunt, quòd non sint ita clara
& euidentia, vt ab omnibus facilè co-
gnosci ac discerni possint. Sed neque
ea ipsa re, ad quam designandam &
demonstrandam sunt instituta clario-
ra: nam cum Ecclesia Dei ciuitas sit
quædam, & respublica rectè ordina-
ta, scriptura verò ac verbum Dei, sit
eius ciuitatis lex, atque ius, sacramen-
ta autem, depositum atq; thesaurus
quidam teste D. Paulo; quis non vi-
det ciuitatem quamque, atque remp. 1. Timoth. 6.
ipsam cuique nociorem esse, quàm e-
ius leges, atque arcana, ac penitiora
monimenta, eius item opes, atque
de-

deposita; quæ plerunque nec ciuibus
 quidem ipsis omnib⁹ cognita esse so-
 lent? Quot enim in repub. inueniun-
 tur, qui eius iura, leges, institutaque i-
 gnorant: quibus neque mores maio-
 rû, neq; vetera munimenta, neq; san-
 ctiones ullæ sunt cognite? qui eius san-
 ctiones, thesauros, atq; deposita, atq;
 adeo res præciosissimas, dōaria, arcana,
 antiquitates, ne viderint quidē vnquā?
 multi primò de vita decedunt, quàm
 hæc, vtrum sint nec ne cognouerint.
 Neque igitur nota ista atque perspe-
 cta sunt: neque omninò ea ipsa re, ad
 quam designandam ab istis referun-
 tur, notiora; sed neque talia, quæ mul-
 tis communia non sint, & quæ aliò
 transferri non possint, quæ denique
 nō sibi omnes ex æquo vsurpare pos-
 sint. Nulla fuit vnquā tam foeda, tam
 absurda, tam præpostera, tam impia
 hæresis, quæ sibi, & pro se scripturas
 non vsurparet: quæ verò Sacramento-
 rum vsu nō gloriaretur. Mōstra homi-
 num potius quàm homines erāt, Va-
 lentinus, Martion, Manichæus: quos
 cū ob absurditatem doctrinæ, tū ob
 ob

impuritatem vitę postatas veritatis,
 & serpentis aduocatos, pandoras, so-
 phistas peruersissimos, non homines
 sed muta animalia, hominum vm-
 bras præferentes, pepones deniq; Ho-
 merico vocabulo vsus vocat Irenæ-
 us: agrestes, & inanes amigdalas, adul-
 terantes veritatem, regulæ Ecclesiæ
 fures, principes ac duces mysteriorū
 impiorum, animalia immunda, quæ
 bifidas quidem habent ungulas, mi-
 nimè autem ruminant; Clemens A-
 lexandrinus: Vaniloquos, mentis se-
 ductores, Christum mercantes, verbi
 Euangelici caupones, sycophantas,
 fructus mortiferos, progeniem male
 dictam, inimicos crucis Christi, ra-
 mos eorum, qui Dominum gloriæ
 occiderunt, prophetarum interfecto-
 res, malas herbas, feros homicidas, se-
 mentum diaboli nequam, inimici se-
 minarium, cippos & sepulchra mor-
 tuorum, malos operarios, canes mu-
 tos, serpentes se contrahentes, dracū-
 culos squamosos, aspides, basilif-
 cos, scorpiones, thoes astutos, & fi-
 mias hominum imitatrices; Ignati-

*Irenæus li. 1.
cap. 5.*

7. Stromat.

C

us:

Epist. ad Traus. Non homines, sed feras crudeles in
li. & ad Phi- humana figura, lupos perniciosos,
lad. et ad An- diaboli organa & iræ filios; Clemens
tiob. Romanus: Borborianos, Coddia-

Lib. 1. contra
haereses 36.

nos, Stratioticos, Phibionitas, Bar-
 belitas, Barbeliotas; Epiphanius ap-
 pellare solent. Hos tamen omnes, &
 si nihil præter nomen Christi habentes,
 propheticijs sententijs, Euangelicis
 dictis, Pauli doctrina, sua dogma-

Lib. 1. cap. 1.

ta confirmasse, testis est Irenæus. *Fide,*
inquit, digna aptare conantur his, quæ di-
cta sunt, vel parabolas dominicas, vel di-
ctiones propheticas, aut sermones Aposto-
licos, ut figmentum illorum, non sine teste
esse videatur: ordinem quidem & textum
literarum supergradients, & quantum
in ipsis est, soluentes mēbra veritatis. Trās-
ferunt autem & transfigunt, & alterū
ex altero facientes, seducūt multos ex his,
quæ aptant ex diuinis eloquijs, malè com-
posito phantasmata. Similia facientes his,
qui cōtrouersias sibi metipsis quaslibet pro-
ponunt: post deinde conantur Homericis
versibus meditari eas, ita ut idiotæ putent
ex illa temporali declamata controuersia.
 Ho-

Homerum versus fecisse: qui autē scit Homericā, cognoscat versus, argumentum autem non cognoscet. Et Tertullianus itē: *De præscriptis* Scripturas, inquit, obtrudunt, & hac sua *onibus aduersus Hæret.* audacia statim quosdā mouet: in ipso verò congressu, firmos quidem fatigant, infirmos capiunt, medios cum scrupulo dimittunt. Et paulò post, de hoc toto genere, tam scripturæ quàm Sacramentorum fusiùs. Nec periclitor dicere, ipsas quoq; scripturas sic esse ex DEI voluntate dispositas, ut hæreticis materias subministrarent, cum legem oportere hæreses esse, quæ sine scripturis esse non possent. Sed quaeritur, à quo intellectus interpretetur eorū, quæ ad hæreses faciant? A diabolo scilicet, cuius sunt partes interuertendi veritatem: qui ipsas quoq; res Sacramentorum diuinorum, in idolorum mysterijs amulatur. Tingit & ipse quosdam, utiq; credentes & fideles suos: expiationem delictorū de lauacro repromittit, & sic initiat Mithræ: signat illic in frontibus milites suos: celebrat & panis oblationem: & imaginē resurrectionis inducit: & sub gladio redemit coronam. Quid, quòd & summum

*pontificem in vnius nuptijs statuit? Habet
& virgines, habet & continentes? Cate-
rum si Numa Pompiliij superstitiones re-
uoluamus, si sacerdot alia officia insignia,
& priuilegia, si sacrificantia ministeria et
instrumenta, & vasa ipsorum sacrificio-
rum, ac piaculorum, & votorum curiosita-
tes consideremus; nōne manifestè diabo-
lus morositate illam Iudæa imitatus est?*

*Qui ergo ipsas res, de quibus Sacramenta
Christi administrantur, tam emulante
adfectu exprimere, in negotijs idolo-
latria; utique & idem, & eodem ingenio
gestijt, & potuit instrumenta quoque diui-
narum rerum, & Sacramentorum Chri-
stianorum, sensum de sensibus, verba de
verbis, parabolas de parabolis, prophane
& amule fidei attentare. Et ideò neque à
diabolo immissa esse spiritalia nequitia,
ex quibus etiam hereses veniunt, dubita-
re quis debeat: neque ab idololatria distare
hereses, cum & authoris, & operis eiusdē
sint, cuius & idololatria: Deum aut fingūt
aliū aduersus creatorem: aut si vnicū
creatorem confitentur, aliter eum disse-
runt, quam in vero est: Ita omne menda-
cium de Deo, variatio quodam modo se-*

xus est idololatria, Hæc illi: Martionem
 vniuersum Euangelium Lucæ, om-
 nesque Pauli Epistolæ ad suum dog-
 ma ita trāstulisse, vt putares id Lucā,
 aut Paulum loquutum, quod ipsi nū-
 quam locuti sunt, demonstrat gra-
 uissimus author Epiphanius: Mani-
 chæus se Spiritum paracletum esse,
 verbis Domini auditoribus suis pro-
 babat: Paracletus autem Spiritus san-
 ctus, cum venerit, ille vos docebit o-
 mnia, & suggeret vobis omnia. Et il-
 lis item: Mittam vobis Spiritum para-
 cletum de cœlis, &c. Marcus, à quo
 Marcosiorum sectam fuisse deductā,
 testatur Epiphanius, se scientissimum
 ac perfectissimum, & virtutem maxi-
 mam esse, ab inuisibilibus, & inenu-
 merabilibus cœlestibus delapsum lo-
 cis, sceleratus impostor, referente Ire-
 nœo, iactabat. Helcesaitæ, Origenis
 tempore, non tantum præsens scripturæ
 libris erant contenti;
 sed librum etiam de cœlis delapsum
 se habere, & circumferre prædicaue-
 runt: quem qui legisset, & credidisset;
 aliam longè remissionem peccatorū

*Lib. 1. heresi-
 si 34.*

*Lib. 1. cap. 8.
 Euseb. lib. 6.
 histor. ca. 38.*

Lib. 1. ca. 20

acciperet ab ea, qua Christus peccata remisit. Simon Magus, à multis quasi Deus glorificatus est, inquit Irenæus, & docuit semetipsum esse, qui inter Iudæos quidem, quasi filius adparuerit: in Samaria autem quasi Pater descenderit, & in reliquis verò gentibus quasi Spiritus sanctus aduentauerit. Esse autem se sublimissimam virtutē, hoc est, eum, qui sit super omnia Pater, sustinebat ad extremū vocari se, quodcunq; eū vocant homines. Martionis discipuli, perfectos seipso appellabant, quasi nemo possit exæquari magnitudini agnitionis ipsorum: nec si Petrum aut Paulum dicas, vel alterum quendam Apostolorum; sed plus omnibus se cognouisse, & magnitudinem agnitionis illius, quæ est inenarrabilis virtutis, solos ebibisse. Quòd si tam perditī & absurdi hoīes verbo Dei abutebantur tantum, atq; facile suas nugas probabāt; qd de Arrio, Eunomio, Macedonio, dicemus? Nestorius sacram Scripturam se primum, & solum intelligere, & omnes eos ignorasse iactabat, quicunq; ante
 se

se Magisterij munere præditi, diuina eloquia tractauissent: vniuersos scilicet Sacerdotes, vniuersos confesso- res, & martyres, quorum alij explanas- sent Dei legem, alij verò explananti- bus consensissent, vel credidissent: to- tã postremò etiã nunc errare, & sem- per errasse adseueraret Ecclesiam; quæ vt ipsi videbatur, ignaros, erroneosq; Doctores, & sequuta esset, & sequere- tur. Quã ob causam magnus ille Na- zianzenus hæreticos plumbeos enses argenteis vaginis inclusos, & occulta- tos vocabat. Tertullianus autem simi- les meretriculis esse dixit; quæ vt ama- tores quotidie sibi fucò lasciuos irre- tiunt; sic & isti scripturis coaceruatis, incautos fallunt & decipiunt. Vincen- tius Lirinensis Pharmacopolis com- parat, qui noxia gramina salubribus titulis coronant. Sed quid attinet ve- teres allegare hæreses? Quis adeò peri- tus est Arithmeticus, qui nostri sæcu- li hæreses rectè numerare possit? quis Dialecticus eorum omnia dogmata ad certa capita & genera reuocare, Nouorum Iudaizantium inquam,

*Ad Nicobro-
lum.*

*Lib. de heresi-
bus, cap. 35.*

Ebionitarum, Arrianorum, Anabaptistarum, Sacramentariorum, Lutheranorum, Confessionistarum, & id genus aliorum? Quis tamen ex istis est, qui nō se solum verum, & putum verbum Dei, legitimūq; Sacramentorum vsum habere gloriatur, quiq; hoc ipsum sibi plenis & inflatis buccis non vsurpet: & eò magis illi, qui foediores, magisque noxias sententias secuti sunt? Scimus Ebionitas, Arrianos, Macedonianos, hoc solo semper exultare, quòd spretis concilijs, atque patribus, ad solas prouocent scripturas; quem eorum morem perpetuum fuisse, ante mille annos, testatur Lirinen. illis verbis: *Hic fortasse aliquis interroget, an & Hæretici diuina scriptura testimonijs vtantur. Vtuntur planè, & vehementer quidem: nam videas eos volare per singula quæq; sanctæ legis volumina, per Mosi, per Regnorum libros, per Psalmos, per Apostolos, per Evangelia, per Prophetas. Siue enim apud suos, siue alienos; siue priuatim, siue publice, siue in sermonibus, siue libris; siue in cōuiuijs, siue in plateis: nihil unquam penè de*

Vincētius Lirinen. lib. de hæres. cap. 35

de suo proferunt, quod non etiam scriptura verbis adumbrare conentur. Lege Pauli Samozateni opuscula, Priscilliani, Eunomij, Iouiani, reliquarumque pestium;ernas infinitam exemplorum congeriem, prope nullam omitti paginam, quae non noui aut veteris testamenti sententijs fucata et colorata sit. Sed tantò magis cauendi & pertimescendi sunt, quantò occultius sub diuinæ legis umbraculis latitant. Sciunt enim fetores suos nulli ferè citò esse placituros, si nudi & simplices exhalentur: atque idcirco eos, cælestis eloquij, velut quodam odore aspergunt, ut ille qui humanum facile despiceret errorem, diuina non facile contemnat oracula. Itaque faciunt, quod hi solent, qui paruulis austeram quendam temperaturi pocula, prius ora melle circumlinunt: ut incauta etas, cum dulcedinem præsenferit, amaritudinem non reformidet.

Quod etiam his curæ est, qui mala gramina, & noxios succos, medicaminum vocabulis præcolorant: ut nemo ferè, ubi supra scriptum legerit remedium, suspiceretur venenum: Hæc Lirinen. Falsò inquis isti appellant scripturas. At hoc idem illi de te dicent: quis igitur tantas inter

vos de tantis rebus componet lites? non modò ex his, qui foris sunt, ac nunc primum sese ad fidem Christianam conferunt; sed ne ex veteranis etiam ipsis atq; benè fundatis. Tunc igitur illud verum & proprium signū Ecclesiæ Dei esse dices, quod adeò cōmune est multis, vt hoc solo quisque se superiorem & victorem triūphet? vel si hoc ipsum verum & sufficiens signum est, cur inter hos ipsos non distinguit? cur tantas controuersias & dissensiones non aufert? cur tantas inter illos non componit lites? cur nobis non ostendit, quos ex istis potius sequi debeamus, vel illis ipsis saltem? Quomodo item & illa ipsa vitæ innocentia, ac integritas, perseuerantia item atq; obedientia; cur easdem non dirimit rixas? quibus itidem eodem modo veteres hæreses omnes mirè se se ad plebem commendare volebāt. Vnde illa nomina, Angelicorum, Catharorum, id est, mundorum atque piorum, Gnostici, referente Irenæo, albos se & intellectores, perfectos, & semina electionis, ob vitæ sanctitatem,

tem, vocabant. Sabbatianos, & Nouatianos seipſos, Catharos & Aristeros, hoc eſt mundos, & quaſi iuſtos ſe vocaſſe, refert, Canone 7. Concilium primum Conſtantinopolitanum: qui non vita tantum, ſed confectis etiam & commentitijs ſignis, ac miraculis, ſeſe commendabant: *Nemo, inquit, fabulas vendat, ſcribit Auguſtinus: & Potius fecit miraculum, & Donatus orauit, & reſpondit illi de cælo Deus (iactantie hac Donatiſtarum erant.)* Primò aut falluntur, aut fallunt: poſtremò, fac illos mortales transferre: ſi charitatem non habent, nihil ſunt. Videamus an habeant charitatem. Crederem, ſi non diuiſiſſent unitatē. Et cōtra iſtos, ut ſic loquar mirabiliarios, cautum me fecit Deus meus, dicens: In nouiſſimis temporibus, exurgent Pſeudoprophetae, facientes ſigna & portenta. Teneamus ergo unitatem fratres mei, præter unitatem enim, & qui facit miracula, nihil eſt. Vndè illa præclara ſancti Ignatii ſententia: *Quisquis dixerit præter illa, q̄ ſtatuta ſunt, etiam ſi fide dignus ſit, etiam ſi ieiunet, etiam ſi virginitatem ſeruet,*

Tractat. 14.
in Ioan.

In Epistol. ad
Hieron.

etiam

etiam si signa faciat, etiam si prophetet, lupus tibi ceseatur, sub ovis pelle ovium corruptionem moliens. Quomodo item nunc se propnetas, Apostolos, Paulos, Angelorum iudices, Elias, mundi que huius sidera & luminaria, Euangelicos item reformatos, ex vtero sanctificatos, plerique appellare solent.

Nullo igitur modo hac parte hæc signa veræ Ecclesiæ esse possunt. Sed neque illud eis convenire potest, ut ubicunque sint, ubicunque conspiciantur, ibi veram Ecclesiam esse oporteat: cum multi schismatici sint, multi ex gravi aliqua causa excommunicati, qui & si verum sensum scripturæ sequuntur, & legitimo Sacramento-
rum usu utuntur, & multa probitate illustres sint, neque tamen illos in Ecclesia esse vel isti affirmare possunt. Et multæ pro veris Ecclesijs habitæ sunt, quibus aliquid horum, propter primam eorum infantiam ac teneritatem, defuit: nam & Corinthij de corporum resurrectione malè senserunt, & Galathæ simul legalia cum Evangelio retinenda esse docuerunt; quos
eo no-

eo nomine grauiter obiurgat D. Paulus: Cœnæ iridem Domini primario Sacramento, non rectè vlos fuisse Corinthios scribit Paulus: rebaptizabāt hæreticos sub Cypriano, & alijs 86. Episcopis Africanæ Ecclesiæ; pro veris tamen Ecclesijs, quod per ignorantiam errarent, & quod paratæ erant discere, & quod didicissent sequi habebantur: Itaque & Paulus Corinthiorum atque Galatarum, Ecclesias appellat, & in Africa veras Ecclesias fuisse, Hieronymus contra Luciferianos, & D. Augustinus li. 6. ca. 7. cōtra Donatistas docet.

Postremò diximus, signa cuiusque rei exposita, atq; in aperto propalam posita, in ipsoque vestibulo rei constituta esse debere, vt ab omnibus passim videri & agnosci faciliè possint.

Atqui & sacra scriptura, & Sacramentorum vsus atq; administratio, cū in Ecclesia primitiua, tūm apud alias omnes sobrias, sanctæque sanctè colentes, Ecclesias, in arcanis & conditis rebus habita esse legimus: indeq; nomen mysteriorum sortita, ita, vt
nulli

nulli planè præter hos, quos mini-
 stros & dispensatores earum rerum ipse
 constituit dominus, paterent: id-
 quæ ab Apostolis; ac Apostolicis viris
 edocta semper sanctissimè tenet &
 cõservat Ecclesia. Cuius rei primus
 dux & auctor DEVS ipse fuit, qui in
 monte Sinai legem daturus, ipsum
 quidem Moysen nubem subire iu-
 bet: si quis autem Aaron summus sa-
 cerdos erat, comitem se ascensus præ-
 bere, atque in proximo stare, extra
 nubem tamen esse: si autem Nabathi
 quispiam aut Abiud, aut ex seniorũ
 ordine, ascendere quidem illi permit-
 titur, cæterum procul consistere, pro
 puritatis suæ merito atq; dignitate: si
 verò quispiam ex vulgõ huiuscemo-
 di maiestatis & speculationum indig-
 nus, siquidẽ omninò impurus ac pro-
 phanus sit, nullo modo accedere, ne
 ea temeritate periculũ sibi accersat:
 si autem leuiter saltem purgatus, infe-
 riori loco manere, ac solam vocem,
 atq; buccinam audire præcipitur, mō
 tem autem circumfusum ac coruscā-
 tem videre, terrore ac admiratione af-
 ficien-

Nazianzen.
 in epist. Ibe-
 olog. 6. 11.

ficientem eos, qui ascendere neque-
 unt: quòd si quis bellua sit, sacra con-
 culcans, hunc longiùs à monte abscē-
 dere, ne lapidibus opprimatur aut ob-
 ruatur, malusque malè pereat. Idem
 fecit Christus Dominus, qui sublimi-
 orem aliquam doctrinam traditur⁹,
 cum duodecim illis præstantissimis
 doctrinæ suæ nuncijs, semper vel in
 solos montes, vel in deserta, vel in ma-
 re se à turbis recipiebat. Vndè illud:
Vobis datum est nosse mysteria regni cœle- *Matth. 13.*
stis, alijs autem in parabolis. Et illud: *No-* *Matth. 7.*
lite projicere ante porcos margaritas.
 Et illud: *Nolite dare sanctum Dei ca-*
nibus. Sed ne his quidem simul omnia
 manifestabat, sed tum demum; vbi
 ab illo probati, sanctificati, ac cœlesti
 spiritu ex alto illuminati sunt. Vnde
 illud: *Multa habeo dicere vobis, sed non* *Ioan. 16.*
potestis portare nunc. Et Paulus: *Sapient-* *1. Corint. 2.*
tiam, inquit, loquimur inter perfectos, sa-
pientiam verò non huius sæculi, neq. prin-
cipum huius sæculi, quod destruitur; sed lo-
quimur DE I sapientiam in mysterio quæ
abscondita est. Et alio loco: *Spiritua-* *1. Corint. 2.*
libus, inquit, spiritualia comparantes.

Anima-

Animalis autem homo non percipit ea, quæ sunt spiritus Dei, stultitia enim est illi, & non potest intelligere. Ego autem fratres non potui vobis loqui quasi spiritualibus, sed quasi carnalibus. Tanquam paruulis in Christo, lac vobis potum dedi, non escam, nondum enim poteratis, sed necdum quidem potestis: adhuc enim carnales estis.

2. Timoth. 1.

Et Timotheum hortatur, ut arcanum depositum custodiat: Bonum depositum custodi, per Spiritum sanctum, qui habi-

1. Corint. 10.

tat in nobis. De Sacramentis vero illud: Ut prudentibus loquar, vos ipsi intelligite, quæ dico: quasi non omnes passim hæc intelligere diceret. Calix benedi-

2. Ioan. 1.

ctionis cui benedicimus, nonne communicatio corporis Domini est? Et D. Ioannes: Plura, inquit, habens vobis scribere, nolui per chartam & atramentum: spero enim me futurum apud vos, & os ad os loqui. Et alio loco: Multa habui tibi scribere, sed nolui per atramentum & calamum scribere tibi, &c. Dionysius Areopagita pro-

De Cælesti
Hierar. cap. 1

ximus Apostolorum successor, sic Timothæum Pauli discipulum, ea de re diligenter commonet: Vide, inquit, ne sancta sanctorum enuncies, sed reuerebe-

ris

ris ea potius, & quæ occulta Dei sunt, cognitione mētis & animi in honore habebis, ac precio: ita tamen, ut ea & minùs perfectis non tradas, & cum his solis, qui sancti erunt, cum sancta illustratione, pro sacramentorum rerum dignitate, communices. Et paulò post: Itaque sanctis tuis promissionibus ductus, (eas enim sanctum est commemorare) sacrosancti muneris pontificij, ut quod præstet omnibus rationem, cum alio non communicabis, nisi cum diuinis sacramentorum perfectioribus collegis tuis: quibus suadebis, ut profiteantur ex instituto pontificio se mundos, ac sanctos, ad ea, quæ sancta sunt, tractanda, venturos communicaturosque, & diuina cum diuinis solis, & ea, quæ vim perficiendi habent, cum his, qui perficiunt, & cum sanctis, ea, quæ sunt sanctissima. Nam cū alia munera quæ Hierarchie propria sunt, tum hæc tibi mandauit. Hæc Dionysius. Basilus autem: *In lib. de Spiritu sancto, cap. 27.* Nonne, inquit, ex doctrina quam patres nostri in silentio, quod curiosos & ociosos submolet, seruauerunt: pulchrè quidem illi, nimirum docti, arcanorum uenerationem silentio conseruare? Nam, quæ nec intueri fas est, non initiatis; quæ conueniebat horum

D doctri-

doctrinam publicitus circumferri scripto? Deinde Moysis exemplo probans, qui non omnes ad penitiora sacramenta admisit: probè, inquit, sciens pro sua sapientia res usu tritas, & undecunque parabiles, expositas esse contemptui: caterum id, quod depositum est, quodque rarum est, huic natura coniunctum esse, summam admirationem & studium. Ad eundem profectò modum, & qui in primordiis Ecclesiae certos ritus perscripserunt Apostoli, & Patres, in occulto silentioq; mysterijs suam serauerunt dignitatem: neque enim omnino mysterium est, quod ad populares & vulgares aures effertur. Est autem etiam silentij species ipsa obscuritas, qua utitur Scriptura, mentem ad contemplationem dogmatum inhabilem exercens, idque ad utilitatem in scripturis versantium. Hactenus Basilus. Vnde ille communis vetustissimorum patrum dicendi modus: Origenis. Novit, inquit, qui mysterijs intentus est, & carnem, & sanguinem verbi Dei: non ergò immorentur in his, ut quae & scientibus nota sunt, & ignorantibus patere non possunt. Chrylostomi:

Qui

Qui mysterijs initiati sunt, intelligūt quæ dicuntur: (Mysteriorum Dei consortes norunt quod dicitur: Initiati, quæ dicuntur, norunt fideles. Vnde illa contra doctrinæ atque Sacramentorum profanatores Nazianzeni grauis querela: Illud saltem, inquit, inter nos conueniat, ut mystica mysticè, & sancta sanctè proloquamur, nec in profanas aures, quæ in vulgus efferri nefas est, proyiciamus, ne alioqui cōstet eos, qui demones adorant, & turpium fabularum, ac verum cultum profitentur, nobis grauitate superiores esse: quippe, qui his, qui non iisdem sacris initiati sunt, cruorem potius suum, quàm sermones quosdam impertirent. Nostra quidē hac infāna ætate, ebrij magistri stulto populo omnia in publicum protulerunt, planeque prostituerunt, indeq; preciosæ margaritæ ante porcos proiectæ, fœdè conculcatæ iacent.

Cū igitur signa & indicia cuiusq; rei clara, & cuique obuia esse debeāt, omniumq; oculis patere; scriptura autem, atq; sacramentorū vsus, inter arcana & secreta sēper habita sint; hæc signa & indicia verè Ecclesiæ nullo pa

*In oratione
prima de The
ologia.*

cto esse possunt. Atque ita nulla ex parte conditiones verorum signorū his ipsis rebus, quæ isti pro notis veræ Ecclesiæ constituunt, conuenire possunt. Hæcque illa causa est, cur quantumuis hæc maximè sint vtilia ac necessaria, quantumuis principem fidem & locum in Ecclesia DEI teneant; neque tamen aut sacra scriptura, aut sancti Patres his tanquam signis vsi sunt vnquam. Nunc quoniam abundè demonstratum est, hæc vera signa Ecclesiæ Dei nullo modo, nec esse, nec dici posse; ideò ad illud secundum caput orationem nostram trāsferramus, & si vera signa sint, magis tamen Ecclesiæ Catholicæ, quàm istis, qui illis tantoperè gloriantur, conuenire.

SVpra-

*SVPRADICTA SIGNA, ET
si vera nota Ecclesiae Dei non sint, magis
tamen Ecclesia Catholica, quàm ipsis
eorum auctoribus convenire, &
inprimis sanam Euange-
lij doctrinam.*

CAPVT III.



T igitur à Scriptura; sanaque Euangelij doctrina ordiamur; videamus obsecro primum, quid tãdem id sit sacra scriptura, ac verbo Dei, sanaque Euangelij doctrina gloriari, illamq; appellare, suumque quodam modo Euangelium dicere. Num hoc tanquam depositũ quoddam apud se semper conseruare, num plenum ac integrum vsurpare, ita vt non partem quidem illius, prout locus & tẽpus fert alleges, partem autem penitus abroges: num verum & germanum eius sensum ac interpretationem sequi; an omninò nihil, quod illi contrarium sit, cum eoque pugnet, docere aut tradere, his enim omnibus modis, Scripturam, E-
D 3 uange-

uangeliumq; sibi quis vsurpare pos-
 sit. Quamcunq; earum ratione acce-
 peris, omnes illæ Ecclesiæ Catholicæ
 magis, quàm istis conuenient. Nam si
 hoc est, verbum Dei sibi tribuere, su-
 umq; putare, quod semper tanquam
 in deposito qui spiã apud se sanctè cõ-
 seruauerit; quis obsecro, Scripturã p
 hos mille quingētos annos, priusquã
 isti noui dispensatores exorti essent,
 custodiuit? quis ab iniurijs & calami-
 tatibus temporum, ipsiusque, vt ita
 dicam, mortalitatis tutatus est? quis
 à flammis & igne tyrannorum textit?
 quis à fraudibus & adulteratione hæ-
 reticorum defendit? quis ab improbi-
 tate & scelere impiorum vindicauit?
 quis testimonio suo hanc ipsam Ca-
 nonicam scripturam verbumq; Dei,
 & non aliam esse confirmauit, præ-
 ter eam, quæ per orbem vniuersum
 fusa est Catholicam Ecclesiam? Aut
 ex cuius tandem archiuis & Biblio-
 thecis, hæc ipsa Euangelia, quæ sibi i-
 sti falsò tribuunt, aut VVikleff, aut
 Hus, aut Lutherus, primi istorum du-
 ces atque magistri, in publicum pro-
 tule-

tulerunt? in cuius scholis, sub quibus
magistris hoc Euangelium didicerūt?
in quibus Ecclesijs hoc primū legi,
& publicè prædicari audiuerunt? Hęc
ipsa Germania, Boemia, vnde isti di-
uini & cœlestes magistri primū or-
ti sunt, vnde primū fidem Euange-
liumq; Christi accepit? Nostra hæc est
possessio, dicebat Tertullian⁹, nostrū
depositum, Romæ quidem Clemen-
ti à Petro, à Clemente aut Anacleto,
& sic deinceps: Alexandriæ Aniano à
Mario, ab hoc autem Abitio Hieroso-
lymis à Iacobo fratre Domini Simeo-
ni Cleophæ filio, qui frater Saluato-
ris dicitur: Antiochiæ ab eodem Pe-
tro Luce, & post hunc Zachæo, Euo-
dio, ac deinceps alijs: Cretæ Timo-
thæo à Paulo relictum: & sic eodem
modo in alijs Ecclesijs. Isti verò lu-
pieri erant rapaces, cucullis atq; superci-
lijs, tanquam velleribus ouium tecti,
ementitis sacris ordinationibus, at-
que Ecclesiasticis titulis, dum se ami-
cos sponsæ simulant: fraude ac dolo,
dormitante aliquātisper Timothæo,
alijsque negotijs intento, depositum

hoc sustulerunt, ac pro sua propria possessione ad vulgus prodiderunt: illudq; quod per furtum ac dolū malū à nobis quæsierūt, pro vera & germana hæreditate sua, alijs obtrudere non verentur. Quæ tamen ipsa cū per tot annos, integra & incorrupta à vera dispensatrice mysteriorum Dei Ecclesia, ita conseruata fuissent, vt in omnibus linguis & idiomatibus, ne apex quidem vnus ex his disperditus fuerit; ipsi infideles possessores per hos paucos annos, sic deprauarunt, sic prauis versionibus adulterarunt, sic nouis interpretationibus atque castigationibus contaminarunt, sic falsis commentarijs macularunt; vt nō agnoscas hæc eadem esse: sic stultis & temerarijs censuris de loco suo mouerunt, vt non capita tantum quædā sacræ scripturæ sustulerint, sed integras etiam Canonicas Epistolas, atq; adeò ipsum sanctissimum & diuinissimum Ioannis Euangelium, quidam ex illis impiè abrogare non reueriti sunt. Sed quid mirum non enim propria, sed aliena bona dispensarunt: ne
que

que iusti & bonę fidei possessores, sed fures & latrones fuerunt : res autem qua fide quæritur , eadem dispensatur: malè parta , pessimè dilabuntur: prodigus est dispensator, fur & latro. Tūc igitur illam Ecclesiam Euangelio, veroque Dei verbo caruisse dices, à qua nisi accepisses, ne extitisse quidem illud vnquam somniare posses? Itaque eos ex eius tanti peculij possessione pulcherrimè exturbat Tertulianus: *Constat ratio propçiti nostri deficientis, non esse admittendos hæreticos ad eandem de scripturis prouocationem, quos sine scripturis, probamus ad scripturas nō pertinere. Si enim hæretici sunt, Christiani esse non possunt, non à Christo habendo, quod de sua electione sectati hæreticorum nomine admittunt. Ita non Christiani, nullum ius capiunt Christianarum literarum: ad quos meritò dicendum est, qui estis? quando, & unde venistis? quid in meo agitis non mei? quo denique Marcion iure syluam meam cædis? qua licentia Valentinæ fontes meos transuertis? qua potest a te Apelles limites meos commoues? Mea est possessio. quid hic ceteri ad voluntatem*

vestram seminatis & pascitis? Mea est possessio, olim possideo (prior possideo, habeo) origines firmas, ab ipsis auctoribus, quorum fuit res. Ego sum haeres Apostolorum: Sicut caverunt testamento suo, sicut fidei commiserunt, sicut adiurauerunt, ita teneo: Vos certè exheredauerunt semper et abdicauerunt, ut extraneos, ut inimicos. Verùm cum hæc nobis, nisi impudētissimi planè sint, cōcedant oportet; ad ipsum vsum & allegationem sacrarum Scripturarum nos conferamus. De qua non plura dicamus, quàm illud: Communem illam non omnibus hæreticis tantum, sed maligno etiam ipsi spiritui esse, qui quondam contrà ipsum Dei filium, eius auctoritate non tam vti, quàm abuti veritus non est. Si filius, inquit, Dei es, mitte te deorsum. Scriptum est enim: Angelis suis Deus mandauit de te, ut custodiant te in omnibus vijs tuis.

De pleno porrò & nō truncato totius verbi Dei vfu, ex eo ipso, quod afferemus, cui ille magis conueniat, facile quisq; statuere poterit. Vniuersū verbum Dei Paulus atq; Ioānes, duo maxi-

maximi veritatis testes, in duo genera partiti sunt: In verbum scriptum, & ore prolatum: *Itaque fratres, inquit* ^{2. Theff. 2.} Paulus, *state & tenete Traditiones, quas didicistis, siue per sermonem, siue per epistolam nostram.* Et Ioannes toties à calamo & atramento, vti superius diximus, ad viuam vocem nos reuocat. Quod idem postea, omnes sancti Patres mirifico consensu docuerunt, idque se ab ipso Paulo accepisse, testatur Dionysius Areopagita. *Nostra, inquit, hierarchia vis omnis in verbis, quæ* ^{Lib. 1. de Eccl. hierarch. cap. 1.} *à Deo tradita sunt, cernitur. Sanctissima autem venerationeque dignissima verba ea esse dicimus, quæ nobis à sacrosanctis nostris præceptoribus, in sanctis atque Theologicis scripturae libris sunt prodita, quæque ab iisdem sanctis viris institutione, quæ magis à materia abhorreret, proximaque iam quodam modo esset, ac similis cælesti hierarchia, ex mente in mentem verbo corporeo illo quidem, sed quod minus est materie particeps, sine scripto studiorum nostrorum duces principesque didicerunt. Et paulò post. Quocirca, primi illi* ^{Ibidem.} *hierarchia nostra duces ac Principes,*

cum & ipsi à diuina bonitate plenè cumulateq; sanctum hoc munus accepissent, & à diuina benignitate eius apud posteros propagandi, prorogandiq; causa missi essent: idemq; valde ut diuini posteros ad cœlestia, & diuinitatis similitudinem traducere cuperent: signis, quæ sub sensum cadunt cœlestia, varietateq; ac multitudine, id quod cunctum connexumq; erat, & humanis diuinas res, quæque materia carent, ijs quæ ex materia constant, ac nostris eas quæ essentia superiores sunt, partim scriptis, partim non scriptis suis institutionibus, ex sacrosanctis legibus nobis tradiderunt. Eodem modo Irenæus à Policarpo Ioānis discipulo edoctus, suos confutat Gnosticos. Quid enim, & si quibus de aliqua modica questione disceptatio esset, nōne oporteret in antiquissimas recurrere Ecclesias, in quibus Apostoli conuersati sunt, & ab eis de præsentique questione sumere, quod certum & re liquidum est? quid autem, si neque Apostoli quidem scripturas reliquissent nobis, nōne oportebat ordinem sequi traditionis, quàm tradiderunt ijs, quibus committebant Ecclesias? cui ordinationi assentiunt mul-

Irenæus li. 3.
cap. 4.

multa gentes barbarorum eorum, qui in Christum credunt, sine charactere vel atramento scriptam habentes per spiritum in cordibus suis salutem, & veterem traditionem diligenter custodientes, in unum Deum credentes fabricatorem cæli et terræ, & omnium quæ in eis sunt, per Christum Iesum Dei filium. Hanc fidem qui sine literis crediderunt, quantum ad sermonem nostrum, barbari sunt: quantum autem ad sententiam, & consuetudinem, & conuersationem, propter fidem, per quã sapientissimi sunt, & placent Deo, conuersantes in omni iustitia, & castitate, & sapientia. Quibus si aliquis annunciauerit ea quæ ab hæreticis adiumenta sunt, proprio sermone eorum colloquens, statim concludens aures, longo longius fugient, ne audire quidem sustinentes blasphemum colloquium. Sic per illam veterem Apostolorum traditionem, ne in conceptionem quidem mentis admittunt, quodcumque eorum portentiloquium est: neque enim congregatio fuit apud eos, neque doctrina instituta. Traditione igitur quæ est ab Apostolis, sic se habente in Ecclesia, & permanente apud nos, reuertamur ad eam, quæ est ex

est ex scripturis ostensionem, eorum qui & Euangelium conscripserunt Apostolorum. Idem docet D. Basilius, idem August. duo orientis atq; occidētis orbis amplissima lumina. *Quæ in Ecclesia predicantur*, inquit Basilius, *quædam habemus è doctrina scripto prodita, quædam rursus ex Apostolorum traditione, in mysterio, id est, in occulto tradita recepi- mus. Quorum utraque parem vim ha- bent ad pietatem, nec his quisquam contra dicit, quisquis sanè & tenuiter expertus est, quæ sint iura Ecclesiastica. Nam si con- suetudines quæ scripto proditæ non sunt, tanquam haud multum habentes momen- ti, conemur reijcere, imprudentes & ea dā- nabimus, quæ in Euangelio necessaria ad salutem habentur, imò potius ipsam fidei predicationem ad nudum nomen contra- hemus. Et paulò pòst. Aliud, inquit, est δόγμα, & aliud κήρυγμα, dogmata, inquit, silentio teguntur, κήρυγματα publicè pradi- cantur. Hæc Basilius: D. verò Augusti- nus. In his, inquit, de quibus nihil certi statuit diuina scriptura, mos populi DEI, & statuta maiorum pro lege tenēda sunt, & sicut præuaricatio diuinarum legum,*

ita

In libro de
spiritu sancto
cap. 27.

Episto. 86. ad
Cassulanū, di-
scant. 11. cap.
in his.

ita contemptores Ecclesiasticarum consue-
tudinum, coercendi sunt. Cuius quidem
rei causam adfert D. Basilius: *Hæc, in-* *Ibidem.*
quit, est ratio, cur quadam citra scriptu- *Idem Orige.*
ram tradita sunt, ne dogmatum cognitio *in ca. 3. epist.*
prppter assuetudinem vulgo veniret in *ad Titum.*
contemptum. Constat igitur Aposto- *Et Hiero. ad*
lorum, Apostolicorumque viro- *Luciniū, Epi-*
rum luculentissimis testimonijs: vni- *stola 28.*
uersum verbum DEI sacra scriptura *Idem Tertul.*
& traditione contineri, hæcque can- *in lib. de præ-*
dem vim & auctoritatem habere, at- *scriptionibus*
que adeò traditione ipsa magis spiri- *heretic.*
tuale, quid, vt Dionysius; magis autē
arcanum, vt Basilius docet, contine-
ri. Quis igitur melius vtramque hanc
partem verbi Dei complexus est? quis
maiore sanctitate colit? quis summa
fide & integritate vsque ad hodie-
nam diem ambo hæc conseruauit?
Ecclesiæ Catholica, an isti? Quid ver-
bis opus est, cum non modò sacras
traditiones isti non colunt, sed eò e-
tiam solo nomine Ecclesiam maxi-
mè damnent, quòd eas sequatur,
quòd illis maximam habeat fidem. I-
stine igitur plenū Dei verbi vsum sibi
me-

meritò tribuent, qui potissimum eius partem abrogant, sacram autem scripturam ita truncam reddiderunt; ut paucos post dies vix eius vllas reliquias integras apud se retinebunt?

Neque igitur possessione scripturæ, neque usu verbi DEI Ecclesiam Catholicam vincunt: quin potius longissimis passibus post eam relinquuntur. Interpretatione igitur & vero sensu fortasse? hoc enim quartum caput propositi fuit, Nequaquam. Nos enim eos scripturæ interpretes sequimur; qui Christum Dominum ipsi oculis suis viderunt; qui ab ipsis sanctis Apostolis, qui hæc manibus suis contrectarunt, eorumque proximis successoribus edocti atque instituti sunt; qui temporibus illis, quibus hæc gesta sunt, vixerunt; qui rebus ipsis interfuerunt, quorum ingenij vim, doctrinæ copiam, eloquentiæ vbertatē, sapientiam admiratus est infidelium etiam orbis, ducesque eius & magistri; quorum fidei sinceritatem ac constantiam, vitæ sanctitatem multis miraculis & portentis confirmavit ipse Deus;

Deus; qui eam doctrinam, quam nobis tradiderunt, vita sanguineq; suo obfignarunt, qui ea, quæ viderunt, & quorum ipsimet magna pars fuerunt nobis tradiderunt; quorum fidem, auctoritatem, & doctrinam, tot seculorum decursus, totque synodorum ac doctissimorum hominum consensus comprobauit; quos neque amor, neque odium, quæ plerunque iudicia humana peruertunt, neque ullus humanus sensus, vtpotè à nostris controuersijs remotissimos attingunt: horum inquam sensum & interpretationem nos sequimur, illi suum. Et cum scriptura, dicente Petro, priuatę interpretationis non sit; nos Catholicum omnium temporum & locorū tuemur sensum, isti priuatum. De quibus Clemens Romanus Petri successor Epistola 5. sic scribit: *Relatum est etiam nobis, quòd quidam in vestris partibus commorantes, aduersantur sanis doctrinis, & (prout eis videtur) non secundū traditionem patrum, sed iuxta sensum suum docere videntur. Multas enim quidam (ut audiuius) vestrarum partium*

E secun-

secundum ingenium hominum, ex his quæ legunt, verisimilitudines capiunt: & ideo diligenter obseruandum est; vt lex DEI quum legitur, non secundum propriam ingenij intelligentiam legatur, vel doceatur. Sunt enim multa verba in Scripturis diuinis, quæ possunt trahi ad eum sensum, quem sibi vnusquisq; spontè præsumpsit; sed fieri non oportet: non enim sensum, quæ extrinsecus adulteretis alienum & extraneum debetis quarere, aut quomodo ipsum scripturarum auctoritate confirmetis, sed ex ipsis scripturis sensum capere veritatis. Et ideo oportet ab eo intelligentiam discere scripturarum, qui eam à maioribus secū dum veritatem sibi traditam seruauit, vt ipse possit ea, quæ rectè suscepit, competenter asserere. Tūc igitur potius, aut Luthero, aut Caluino, aut Serueto, vel Blandratae ira ac furore accenso, Ioannis vel Pauli aliquem locum interpretanti credes? quàm aut Policarpo, aut Ignatio, aut Ireneo, vel Dionysio, eorumq; discipulis, qui cum illis simul vixerunt, qui ab eis docti sunt, quos ipsi in suis nominarunt libris? Tūc de eo sensu & interpretatione scriptu

ræ, quem vel Nicæna synodus, vel Cō-
 stantinopolitana, vel Ephefina, vel
 Chalcedonen. secuta est, earumq; cō-
 stitutionibus, plus credes Caluino,
 quàm Athanasio; Luthero, quàm Gre-
 gorio, Basilio, Chrysostomo, & alijs,
 qui Synodis illis non interfuerunt tã-
 tum, sed etiam præsuerunt? Gregori-
 um Nazianzenum Constantinopoli-
 tanam primam synodum, ex sententi-
 a vniuersi Concilij, propter eius præstā-
 tem doctrinam, quantum ante om-
 nes alios excelebat Patres, conscrip-
 sisse plurimi censent. Puerorum certè
 aut insanorum, & nō prudentium, &
 adulatorum hominum hæc talia crūt
 iudicia. Quas easdem scripturas, qua
 fide tractent & interpretentur Hære-
 tici, docet Tertul. *Vnde autem extranei
 & inimici Apostolis hæretici, nisi ex diuer-
 sitate doctrina: quam unusquisq; de suo
 arbitrio aduersus Apostolos, aut protulit,
 aut recepit? Illic igitur & scripturarū, &
 expositionū adulteratio deputanda est, ubi
 diuersitas inuenitur doctrina. Quibus fu-
 it propositū aliter docendi eos, necessitas in-
 stitit aliter disponēdi instrumenta doctrinae*

Aliàs enim non potuissent aliter docere; nisi aliter haberent per quæ docerent hæresim. Sicut illis non potuisset succedere corruptela doctrinæ (sine corruptela instrumentorum) eius, ita & nobis integritas doctrinæ non competisset sine integritate eorum, per quæ doctrina tractatur. Etenim quid contrarium nobis in nostris? quid de proprio intulimus, ut aliquid cōtrarium ei & in scripturis deprehensum, detractiōe vel adiectiōe, vel transmutatione remediaremus? Quod sumus, hoc sunt. Inde scripturæ ab initio suo. Ex illis sumus, antequā nihil aliter fuit, quam sumus. Quid denique fuit antequam nobis interPELLarentur, Cū autem omnis interpellatio posterior credenda sit, veniens utiq; ex causa emulatiōis, quæ neque prior, neque domesticarum est eius quem quod emulatur, tam incredibile est sapienti cuique, ut nos adulterum stylum intulisse videamur scripturis, qui sumus & primi et ex ipsis, quā illos non intulisse, qui sunt & posterī, & aduersi. Alius manu scripturas, alius sensu expositiones interuertit. Neque enim si Valentinus integro instrumento uti videtur non callidior ingenio, quā Marcion

manus intulit veritati. Marcion enim exertè & palam machera, non stylo usus est, quoniam ad materiam suam cædem scripturarum confecit. Valentinus autem pepercit: quoniam non ad materiam scripturas, sed materiam ad scripturas excogitavit: & tamen plus abstulit, & plus adiecit, auferens proprietates singulorum quoque verborum, et adijciens dispositiones non comparentium rerum.

At nihil, inquit, scripturæ aduersum, nihil cum DEI verbo pugnans docere, hoc est, sinceram Euangelij doctrinam profiteri. Iam igitur & hoc ipsum expendamus caput. Docet scriptura: Omnem hominem mendacem, solum autem Deum veracem esse: negant isti, dum se solos errare non posse, ac etiam si omnes synodi, vniuersi Patres, tota Ecclesia, diuersum quid ab illis sentiat, ipsi tantum se solos rectè sentire arbitrantur. Docet Scriptura: Obediendum esse Præpositis, etiam discolis, non tantum propter metum, sed etiam propter conscientiam; isti obediunt ferè nemini. Docet Scriptura: Christum Do-

Roman. 8.

Roman. 13.

Matth. 10.

*Ioan. xli.**Ioan. 20.**Psal. 150.**Psal. 138.**Roman. 2.**Luce 1.*

minum priusquam in coelos ascendisset, Petro eiusq; successoribus claves regni coelestis, hoc est, vniuersam Ecclesiae gubernationem tradidisse, terque repetitis vicibus, illi pascendarum ouium suarum & agnorum munus commendasse, negant isti. Docet Scriptura: Christum Dominum in discipulos suos insufflasse, eisq; Spiritum sanctum dedisse, vt quorumcunque dimiserint peccata, dimittantur illis, quorum retinuerint, retenta sint, negant isti. Docet Scriptura: Laudandum esse Dominum in sanctis eius, laudandum in firmamento virtutis eius: nimis honorandos esse amicos Dei; nimis confortatum esse principatum illorum: gloria item esse & honorem omni operati bonum, Iudeo simul & Graeco, & ceteris. Isti Sanctorum honorem idololatriam esse docent. Praedixit ipsa mater Dei: Beatam se praedicaturas omnes gentes, quia fecit illi magna, qui potens est, & sanctum nomen eius: isti matrem Dei angelica voce salutare pro piaculo dicunt. Docet Scriptura: Iustam & piam esse

co-

cogitationem, orare pro defunctis, *Matth. 12.*
 ut à peccatis solvantur: negant isti.

Docet scriptura: Annam Phanuelis fili- *Luce 2.*
 liam non discessisse de templo, ieiunij & obsecrationibus seruiuisse domino die ac nocte: isti ieiunia & orationes ab omni parte cultus diuini excludunt. Docet Paulus: Viduam ir- *1. Timoth.*

ritam facientem primam castitatis fidem, damnationem sibi acquirere: isti votum castitatis irritum facere, libertatem & perfectionem Christianam esse docent. Vult Paulus: omnes *1. Corint. 7.*
 esse sicut ipse fuit, hoc est, castos & continentibus: isti omnes nubere volunt.

Docet Paulus: Virginem quæ nubit, benè facere; si tamen non nubat, melius facere. isti, si nubat, melius facere aiunt. Hic idem dicit, matrimonium *Ephes. 5.*

Sacramentum magnū esse, inter Christum scilicet & Ecclesiam: isti negant.

Docet Christus: Beatos esse pauperes *Matth. 5.*

spiritu, quoniam ipsorum est regnū

cœlorum: Beatos mites, quoniam i-

psi possessuri sint terram: Beatos qui

lugent, quoniam ipsi cōsolabuntur:

Beatos qui esuriunt & sitiunt iustitiā,

quoniam ipsi saturabuntur : Beatos
 misericordes , quoniā ipsi misericor-
 diam consequentur : Beatos mundo
 corde , quoniam ipsi Deum videbūt:
 Beatos pacificos , quoniam ipsi filij
 Dei vocabuntur: Beatos qui persecu-
 tionem patiuntur propter iustitiam,
 quoniam ipsorum est regnum cœlo-
 rum : isti in omnibus his iustum pec-
 care docent. Iubet Dominus omnes
 qui propter nomen eius res aduersas
 patienter perferunt , gaudere & exul-
 tare , quia merces eorum copiosa sit
 in cœlis: isti nullam mercedem bono
 operi propositam esse docent . Dicit
 Dominus: Qui bona egerunt, eos in
 vitam eternam ituros, qui autem ma-
 la, in ignem æternum. Quæ autem i-
 sta sunt bona, aut quæ mala, ipse aper-
 tē explicat: Esuriui enim , & dedistis
 mihi comedere: sitiui, & dedistis mihi
 bibere, &cæt. isti solam fidem ad salu-
 tem sufficere prædicant. Promittit i-
 dem Dominus: veram carnem & ve-
 rum sanguinem , atq; adeò seipsum
 nobis in cibum & potum daturum,
 non sicut Moyses dedit manna in de-
 serto,

Ioan. 5.

Ioan. 6.

ferto, in ymbra & figura, sed verè & re ipsa: isti in sola figura illum carnem & sanguinem suū nobis dedisse mordicus affirmant. Docet Scriptura: Ni- *Marc. 16.*
 si quis crediderit & baptizatus fuerit, eum saluari non posse. Negat hoc Cal-
 uinus, paruulosque si ex Christianis parentibus nascantur, sanctos esse, & si sine baptismo moriantur, omni- *osae 13.*
 nò non damnari affirmat. Docet scri-
 ptura: Perditionem nostram ex nobis esse, salutem autem ex Domino: ne-
 gat hoc Calvinus, qui dicit, sola DEI prædestinatione homines saluari aut
 damnari. Docet Scriptura: Sub nobis *Gen. 4.*
 esse appetitum nostrum, nosque do-
 minos illius esse: & si benè egerimus, nos mercedem recepturos, si autem
 malè, statim in foribus peccatum no-
 strum adfuturum: Deumque homi- *Eccles. 12.*
 nem constituisse in potestate sua, pro-
 posuisse illi bonum & malum, ut ad
 quodcunque extenderit manum, det
 illi, animam eius in manibus eius sitā
 semper: isti omnem liberi arbitrij ra-
 tionem disputationibus suis euertūt.
 Docet Scriptura: Neminem scire, v *Eccles. 15.*

Eccles. 9.
Philip 2.

trum odio an amore dignus sit: in timore & tremore salutem operādam esse: isti neminem damnari posse, nisi qui credere nolit, affirmant. Docent isti, omnes passim ad vtriusq; speciei vsum admittendos esse: Christus Dominus, cum solis duodecim recubuit. Docet Scriptura: Christum Dominum Deum verum, vitam æternam, Deum benedictum esse: negant isti. Docet Scriptura: Per Christum facta esse secula: isti ante Ioseph & Mariam eum extitisse negant. Docet Scriptura: Aequalem esse Patri: isti seruum et creaturam esse blasphemant. Docet Scriptura: Ab angelis debuisse adorari: isti ne ab hominibus quidem adorandum esse tradunt. Satisne clarè & simpliciter pbamus, hos nihil docere, nisi quod cum sacra Scriptura ex diametro quasi pugnet? satisne docuimus hos nulla ex parte sibi sacrā scripturam, verbumq; Dei vsurpare posse? satisne luculēter & sufficienter demōstrauimus ex his ipsis signis, quæ ipsi commenti sunt, quibusq; se magnificè efferūt, apud eos veram Ecclesiam Dei non esse?

VE.

*VERVM SACRAMENTORVM
vsum, quem secundam veram Ecclesiam notã
isti esse dicunt, magis Ecclesiæ Catho-
licæ, quàm illorum cœtibus
conuenire.*

CAPVT IIII.

NAM de legitimo Sacramē-
torum vſu, quid ego di-
cam? de quorum vel nu-
mero inter iſtos non ſatis
conuenit: Illyricani & Ge-
neuenses duo ſola, Illyrico atque Cal-
uino authore numerant: Lipſenſes
tria, Vvitembergenses quatuor: ſunt
qui vnum, ſunt qui nullum: ita vt
quidam ex illis ipſis exhilarata miſe-
ria, facetè hanc eorum inconstantia-
m riſerit: à quo, cùm quæſitum eſſet,
cur quemadmodū reliquę orientales
& occidentales Eccleſiæ ſeptem non
numerarent Sacramenta, reſpōdiſſe
dicitur: Imo, inquit, habemus ſeptē,
& hoc ampliùs duo: Vvitembergę e-
nim quatuor, Lipſiæ tria, Magdebur-
gi duo: q̃ in vnū ſimul collecta, nouē
efficiūt. Aut qua tādē ratiōe illi ritē &
lo.

legitimè Sacramētis vti dici possunt, qui eorum legitimis, & ad eam rem debitè ordinatis ministris careant, cū ipsum sacri ordinis Sacramentum, quod Græci vetustissimo *χερσολογίας* vocabulo appellant, per quod ipsi ministri consecrantur, contra totius orientis ac occidentis orbis consensum, ex numero sacramentorum sustulerunt? Quos quidem ministros debitè ordinatos, imprimis ad vim & naturam Sacramentorum cōstituendam pertinere, si quid reliquum sanę mentis habent, negare nullo modo possunt: quibus cū careant; Sacramentis item illos carere luce meridiana clarius est. Verū iam de singulis Sacramentis aliqua dicamus.

Baptismus primus est, cuius imprimis ritus, & cērimonias ex ipso Apostolorum ore profectas, impiè tāquam humanę traditionis superstitiones: Impurissimos in hac parte imitati Gnosticos abrogarunt; de quibus illud refert Irenæus: *Alij, inquit, hæc omnia recusantes, dicunt non oportere innarrabilis & inuisibilis virtutis ministerium*

Lib 1 cap. 18.
adversus hæ-
reses.

rium per visibiles & corruptibiles perfici
 creaturas: & ea quæ mente concipi non
 possunt, & incorporalia, & insensibilia,
 per sensibilia & corporalia. Esse autem
 perfectam redemptionem, ipsam agnitio-
 nem inenarrabilis magnitudinis. Sustu-
 lerunt inquam hæc omnia, exorcis-
 mos, & illi similiter exsufflationes,
 cruce signationes, manuum imposi-
 tiones, Sathanæ abrenunciationes,
 aurium atque narium apertiones, pa-
 cis & osculi porrectiones, sacras vn-
 ctiones, vestium mutationes, lucernæ
 gestationes, & alias quamplurimas:
 quæ ante mille trecentos annos pri-
 ma Cōstantinopolitana Synodus his
 verbis recenset ferè omnia: *Primo, in-*
quit, die ipsos Christianos facimus: secun-
do Catechumenos: deinde tertio exorcisa-
mus siue adiuramus ipsos, ter simul in fa-
ciem eorum & aures insufflando: & sic
eos catechisamus siue initiamus & cura-
mus, ut longo tempore versentur in Eccle-
sijs, & audiant scripturam, & tunc eos
baptisamus. Quæ eodem modo D. Au-
gustinus in symbolo ad catechume-
nos enumerat: Omnia, inquit, Sacra-
men-

Canone vlt.

menta, quæ acta sunt, & aguntur in vobis, per ministerium seruorum Dei, exorcismis, orationibus, canticis spiritualibus, insufflationibus, cilicio, inclinatione ceruicium, humilitate pedum, pauor ipse omni securitate appetendus: hæc omnia ut dixi, esca sunt, quæ vos reficiunt in utero, ut renatos ex baptismo hilares vos exhibeat mater, nec tantum hæc veteres Patres recensuerunt, sed ultra in his. In quibus verbum illud ore traditum primi Apostolorum successores situm esse indicarunt. Ex illisq; tanquam reb. notissimis, & his quæ ab omnib⁹ admitterentur, tanquã ipso Dei verbo scripto primarias hæreses refutarunt. Demonstrabat contra Marcionē vir proximis Apostolorum temporibus Tertullianus. Sumpto ex his cerimonijs in hunc modum argumento: Creaturam Dei non esse malam. Ille, inquit, neque aquam reprobatur creatoris, quæ suos abluit: neq; oleum, quæ suos unxit: neque mellis & lactis satietatem, quæ nos infantauit. Demonstrat ex iisdem ceremonijs idem author, tanquam ex certissimis diuinæ vocis testimonijs, futuram

Lib. 1. contra
Marcionem.

ram corporum nostrorum resurrectionem illis verbis : *Sed & caro abluitur, ut anima emaculetur : caro ungitur, ut anima muniatur : caro manuum impositione adumbratur, ut & anima spiritu illuminetur : caro corpore & sanguine CHRISTI vestitur, ut & anima de Deo saginetur. Non possunt ergo separari in mercede, qua opera coniungunt.* Episcopi Africani, temporibus Diui Cypriani, probabant hæreticos non posse baptizare, quòd nimirum non potuerint exorcizare. Diuus Augustinus & ipse ab Apostolorum temporibus non multum remotus, & quo in disputando nemo fuit solidior, nemo magis acer contra Pelagianos, probat paruulis inesse originale peccatum, quòd alioqui Ecclesia illos non exorcisaret, neque exsufflaret, eamq; antiquissimam Ecclesiæ traditionem esse docet, qua exorcisantur & sufflatur paruuli. Neque verò in vno aliquo loco hoc vtitur argumento, sed planè infinitis : Sic ille libro secundo de originali peccato, cap. 4. & libr. 1. de nuptijs & concupiscentia, cap. 2.

& lib,

*Li. de carnis
resurrectio.*

& libr. 2. cap. 18. & libr. 1. contra Iulianum cap. 2. & libr. 6. cap. 2. Quo eodem modo Chrysostomus in sermone de Adam & Eva: Optatus libro 4. contra Donatistas argumentantur. *Quest. 137.* Quid illæ voces vetustissimorum Patrum? quàm hoc ipsum, quod dixim⁹ confirmant, Iustini. martyris. *Lib. 1. ep. 12.* *Vnguento inungimur, eius memoriam recolentes, qui vnguenti perfusionem sepultura causa fieri voluit, & figura quidem in hac vita, veritate autem in futura. Cypriani: Vngi quoque necesse est eum, qui sit baptisatus, ut accepto chrismate, id est vntione, esse vntus Dei, & habere in se gratiam Christi possit. Porro autem Eucharistia est, unde baptisati vnguntur, oleum in altari sanctificatum, sanctificare autem non potuit olei creaturam, qui nec altare habuit, nec Ecclesiam, unde nec vntio spiritalis apud hereticos potest esse, quando constet oleum sanctificari, & Eucharistiā fieri apud illos omninò non posse. Basilii quidem Magnus, verbis disertis in his ipsis cæremoniis atque partibus baptisimi, Apostolorum verbum ore prolatum, in libro de Spiritu san-*

tu sancto, contra sui temporis hæreticos situm esse demonstrat, hasque veras Apostolicas traditiones esse affirmat: *Cōsecramus*, inquit, *aquā baptismatis & oleū unctionis*, prater ea ipsū, qui baptismū accipit, ex qbus scriptis, nōne à tacita secretaq. traditione? Ipsā porrò olei inūctionē, quis sermo scripto proditus docuit? iā ter immergi hominē, unde est traditum? reliqua itē quæ fiūt in baptismo, veluti renunciare Sathana & angelis eius; ex qua scriptura habemus? nōne ex privata hac & arcana traditione? nōne ex doctrina hac, quā patres nostri in silētio qd curiosos & ociosos submouet seruauerunt? &c. Multa similia de iisdem baptismi cærimonijs scribit Clemens Romanus libr. 3. de Const. Apost. cap. 15. 16. 17. & lib. 7. cap. 23. 28. 41. 42. 44. & lib. 3. recog. & epist. 3. Dionysius Arcop. libr. de Eccle. Hierar. cap. 2. & 7. Author quæst. apud Iustinum martyrem quæst. 137. Theophilus Antiochenus libr. 1. ad Antolycum; & qui postea vixerunt in oriente. Origenes li. 5. in epist. ad Rom. Chrysost. hom. 12. in 1. ad Corinth. & hom. 6. ad Collossen.

lossen. Naziāzen⁹ oratione in sanctū
baptisma. Arnobius in cōmentarijs
in Psal. 4. 22. 82. 90. 132. & 134. Optatus
Mileuitanus libr. 2. 3. & 7. contra Par-
menianum. Ambrosius libr. 1. de sa-
cramentis, cap. 1. & 7. Hieronymus
contra Lucifera. Pontius Paulinus,
Honorius Fortunatus, vt vel inde co-
gnosci possit, quanta aut impuden-
tia, aut inscitia sūt isti, qui hæc noua
& nuper inuenta, & non potius ab
Apostolis Apostolicisq; viris profe-
cta contra eam testium nubem affir-
mare non erubescunt, in quibus Ra-
psodi Magdeburgenses familiam du-
cunt. Quas quidem sanctissimas cæ-
remōnias ab ipsa Apostolica traditi-
one profectas, posteaquā isti impiè
& temerario ausu primo violassent:
illas etiā ipsas quæ scripto verbo con-
tinentur, impunè eadem temeritate
contempserunt, vt & aquā nō esse ita
necessariā aliqui ex illis doceant, & sa-
cro sanctorū verborum, quæ Christus
præscripsit, vsum magicum, quid esse
blasphement: neq; sanctissimæ Trini-
tatis, per quā Sacramētum hoc cōfi-
citur,

citur, inuocationem pleriq; illorum adhibent, non multò pòst Deum ipsum negaturi. Vltimò, totum baptismum multi ex illis impijs suis disputationibus abrogarunt; & tanquam rem Iudæis tantum & gentilibus, & non Christianis, idq; memoriæ solūmodo causa & discriminis necessariam, nulli⁹ aut gratiæ efficacem sustulerūt, lepidissima capita. Isti tamē legitimum vsum sacramentorum sibi iurè & meritò vendicare audent.

Quid de sacramento manuum impositionis dicemus, quod Græci τελεῖ. *In cap. de baptis. 10. Canone 7.*
 οσην vt sacer Dionysius, σφράγγην id est, obsignaculū; vt sancta synodus Constantinopolitana, Latini, signaculum, operationem Spirit⁹ sancti, chrisma, chrismatis sacramentum; vt Cyprianus, atq; Augustinus appellare solēt? *Lib. 3. contra Donat. ca. 16*
 Confirmationem primus, quod scia Ambrosius in libro de his qui mysterijs initiantur, cap. 6. vocauit: quem postea D. Leo, Gregori⁹, & ceteri posteriores secuti patres sunt. Quod sacramētū nō ex verbo tradito rātū vt supiora, sed ex ipsa sacra scriptura iā

Actor. 8.

Apostolorum temporibus extitisse discimus: & sine quo illi perfectos Christianos fieri non posse iudicauerunt. Cum inquit Lucas, audissent Apostoli, qui erant Hierosolymis, quia recepisset Samaria verbum Dei, miserunt ad eos Petrum & Ioannem. Qui cum venissent, orauerunt pro ipsis, ut acciperent Spiritum sanctum. Nondum enim inquam illorum venerat, sed baptisati tantum erant, in nomine Domini IESV. Tunc imponebant manus super illos, & accipiebant Spiritum sanctum. Et cap. 19. Factum est autem, cum Apollo esset Corinthi, ut Paulus peragratis superioribus partibus, veniret Ephesum, & inueniret quosdam discipulos, dixitque ad eos, si Spiritum sanctum accepistis credentes? At illi dixerunt ad eum: sed neque, si Spiritus sanctus est, audiimus. Ille vero ait: In quo ergo baptisati estis? Qui dixerunt: In Ioannis baptismate. Dixit autem Paulus: Ioannes baptisauit baptismo poenitentiae populum, dicens: In eum qui venturus esset post ipsum, ut crederent, hoc est in IESVM. His auditis baptisati sunt in nomine Domini IESV. Et cum imposuisset illis

illis manus Paulus, venit Spiritus sanctus super eos, & loquebantur linguis, & prophetabant. Quibus in locis clarè docetur, sine manuum impositione, neq; perfectos Christianos fieri, neque omninò Spiritum sanctum, contra quam docet Calvinus, qui solius datæ fidei in baptismo professionem eam esse censet cōferri posse. Quod euidenter & hæc quæ dicta sunt, & illud quod sequitur, falsum esse demōstrant. Cum vidisset autem Simon, quia per impositionem manus Apostolorum daretur Spiritus sanctus; obtulit illis pecunias, dicens: Date & mihi hanc potestatem, ut cuicunque imposuero manus, accipiat Spiritum sanctum, Petrus autem dixit ad eum: Pecunia tua tecum sit in perditionem, quæ donum Dei, atque adeò Apostolatum ipsum, & Episcopatum exigua pecunia posse comparari iudicavit. Cōsentanea his apud Eusebium libr. 6. cap. 43. scribit Cornelius ad Fabianum Nouatum, non esse perfectum Christianum, qui post baptismū non fuerit ab Episcopo confirmatus. Quod idem D. Cyprianus docet, tum de-

Act. 8.

mum scilicet plenè sanctificari fide-
 les, & filios Dei effici, si vtroq; Sacra-
 mento, baptismo, inquam, & manu-
 um impositione nascentur. Et ante
 hos Clemēs Romanus epist. 4. de cō-
 firmatione sic loquitur. *Omnitus ergò
 festinanluz est sine mora renasci Deo, &
 demum consignari ab Episcopo, id est, sep-
 tiformem gratiam Spiritus sancti perci-
 pere, quia incertus est vniuscuiusq; termi-
 nus vitæ. Cùm autem regeneratus fuerit
 per aquam, & postmodum septiformi spi-
 ritus gratia, ab Episcopo (uti memoratū
 est) confirmatus, quia aliter perfectus esse
 Christianus nequaquam poterit, nec se-
 dem habere inter perfectos, si non neces-
 sitate, sed incuria aut voluntate remanse-
 rit (ut à beato Petro accepimus, & ceteri
 sancti Apostoli precipiente domino docue-
 runt) & demum ex operibus bonis osten-
 dat in se similitudinē eius, qui eum genuit,
 patris. Tūne igitur illos rectè & legiti-
 mē sacramentis vti dices, qui illude-
 tiam Sacramētum, sine quo, ipsa scri-
 ptura teste, perfecti Christiani nō ef-
 ficimur, sine quo Spiritus sanctus nō
 datur, & quod ipsū Dei verbum tā
 lucu-*

luculenter commendat, abrogarunt penitus? Quo sacramento cū careant, mirum non est, quòd Spiritu sancto non agantur, quòd subitò ex opinionibus in opiniones commigrāt, quòd nusquam firmi & stabiles cōsistāt, quòd facilè Christum verū Deū & hominem abnegant, hoc autē est, Christiani esse desinunt.

Quid ego de pœnitentia dicam? quid de eius partibus? retinueruntne celebrem illam, & decantatam in omni antiquitate exomologesin, hoc est, plenam & synceram peccatorum omnium confessionem, rem Apostolis, Apostolicisq; viris adedò laudatā, adedò vsitatam; cuius tot viri, qui vel cum ipsis Apostolis, vel paulò post vixerunt, luculentissimi testes & laudatores sunt, de qua Tertullianus: *Tantum, inquit, releuat confessio delictū; quantum dissimulatio exaggetat: Confessio. n. satisfactionis consilium est, dissimulatio contumacia, actus pœnitentia, qui magis Græco vocabulo exprimitur & frequentatur, Exomologesis est, qua delictū Domino confitemur, nō quidē ut ignaro, sed quate-*

Libr. de pœnitent.

nus satisfactio confessione disponitur, ex confessione pœnitentia nascitur, pœnitentia Deus mitigatur: Itaque Exomologesis prosternendi & humiliificandi hominis disciplina est. &c. Idem beatissimus martyr Cyprianus, vereque Apostolicus vir testatur: Videt Deus corda & pectora singulorum, & iudicaturus non tantum de factis, sed & de verbis & de cogitationibus nostris, omnium mentes voluntatesque conceptas, in ipsis ad clausi pectoris latetris intuetur. Denique, quanto & fide maiore & timore meliore sunt, qui quamvis nullo sacrificij aut libelli facinore constrikti: quoniam tamen de hoc vel cogitauerunt, hoc ipsum apud sacerdotes Dei dolenter & simpliciter confitentes, exomologesin conscientia faciunt, animi sui pondus exponunt, salutarem medelam parvis licet & modicis vulneribus exquirunt, scientes scriptum esse; Deus non deridetur.

Idem D. Basilus: Necessario his peccata aperire debent, quibus credita est dispensatio mysteriorum Dei: siquidem rationem hanc, in pœnitentia etiam, veteres illos cernimus sequutos fuisse, quando & in Evangelio scriptum est; quod Ioanni confiteba-

Lib. de lapsis

*In Asceticis
cap. 26.*

tebantur peccata sua: Et in Actis Apostolicis ipsis, de quibus etiam baptisabantur cuncti. Idem Augustinus: Nemo sibi

Lib. 50. familiarum, hominibus 49.

dicat, occultè ago, apud Deum ago, novit Deus qui mihi ignoscit, quia in corde ago.

Ergo sine causa dictum est: Quæ solueritis in terra, solutæ erunt in cælo. Ergo sine causa sunt claves datæ Ecclesiæ Dei? Fru-

stramus Evangelium DEI? Frustramus verba Christi? Quid igitur est impu-

Eadem docet D. Clemens epist. 1. ad Iacobum

dentem & sui oblitum esse, quàm ali-

Eadem Dionysius ad Demophilum.

quid contra tantorum virorum authoritatem & testimonia negare? Ha-

Origenes in Psal. 32.

bentne illas pro peccatis satisfactiones, quas Basilius, vniuersa que Græ-

Euseb. lib. 5.

cia *ἐπιτιμία* vocat: quarum illas partes Tertullianus * numerat, ieiunijs pre-

Hist. cap. 27

ces alere, ingemiscere, lachrymari, & mugire dies, noctesque ad Do-

lib. 6. cap

27.

minum Deum tuum, presbyteris aduolui, & aris Dei adgeniculari?

* Lib. de penitentia.

Quid de admirabili Sacramento Eucharistiæ dicam? quod cum duplici ex causa institutum sit, primò, ut sit perennis quedam memoria, & annuntiatio mortis & crucis IESU Christi, illiusque sacrificij, quo semel

F 5 expi-

expiata & cōsecratā sunt omnia: Deinde mēsa & cibus aduersus omnes, qui tribulant nos. Ex quibus eius partibus, primā illam & præcipuam annunciationis inquam mortis & crucis Domini, æternique eius sacrificij partem penitus sustulerunt: & quod maius est, summo sacrilegio, idololatriæ nomine cōtaminarunt. Cuius sacrificij modum, & ritum, ex ipsorū Apostolorum ore, tot omnium sæculorum nobilissimi patres nobis tradiderunt: Dionysius, inquā, Clemēs, Iustinus, Tertullianus, Basilus, Chrysostomus, Ambrosius, eorumq; successores, qui easdē ipsas eorum liturgias interpretati sunt: Pachimer⁹ Maximus, Germanus Cōstantinopolitanus, Ioānes Cabasilas, Rupert⁹, Innocentius, & reliqui innumerabiles amplissimi doctrinæ Christianæ duces atq; magistri, quos nō sequi, quos nō imitari, quibus non parere; estnè legitimum sacramentorum vsum sequi, an potius graui cōtumacię scelere se se obligare? At vtraq; specie vtuntur, at quantò potius fuerat reb⁹ ipsis vti, quàm

quàm speciebus. Quid.n. iuuat specie frui, si re ipsa sacramentaria labe infectus, careas? quis autem re huius sacramenti caret, nisi ille, qui nihil præter umbram & figuram quandam mortuam corporis & sanguinis IESU CHRISTI, in his speciebus contineri docet? qui-que vero & legitimo illius conficiendi ministro caret?

Quid ordinis sacramentum, per quod cætera consecrantur, & fiunt sacramenta? habentne isti, an potius rident, rem tot sacris literarum testimonijs comprobata, omnisq; vetustatis vñu contestatam? Insufflat Christus Dominus in discipulos, & dicit: *Accipite Spiritum sanctum, quorum remiseritis peccata, remittentur eis: vbi & externam ceremoniam & promissionem remittendi peccata, & gratiæ Spiritus sancti, manifestam collationem videmus. Monet Paulus Timothæum 2. Tim. 1. à se ordinatum: Moneo te, inquit, ut resuscites gratiā Dei, quæ est in te, per impositionem manuum: vbi itidem & cærimonia externa & promissio gratiæ euidenter exprimitur. Et in alio loco: Noli 1. Tim. 4. negli-*

negligere gratiam quæ est in te, quæ est tibi data per prophetiam, & per impositionem manuum presbyterij. Et item:

1. Tim. 5.

Manus citò nemini imposueris. Et in Actis eodem modo Ananias Paulo eadem Spiritus sancti gratiam, per impositionem manuum, ut fungeretur officio Episcopi clarè confert. Quibus locis Calvinus permotus, ac planè coactus, ordinem sacrum Sacramentum esse, quòd sæpè alias negauerat confitetur. Ideo tamen in numero sacramentorum illum se non reposuisse, quòd non sit commune omnium Christianorum Sacramentum. Verùm hæc præsentis instituti non sunt.

Quid Matrimonium, quid extrema vñctio? quorum alterum sacramentum magnum Paulus vocat, negant isti: alteri⁹ modum & formam, ita distinctis verbis, ut nihil clarius, nihil planius, nihil illustrius dici possit, explicat Iacobus. Infirmatur quis in vobis, inducat presbyteros Ecclesiæ, & orent super eum, ungentes eum oleo in nomine Domini, & oratio fidei saluabit infirmum,

Iacob. 5.

firmum, & alleuabit eum Dominus; & si in peccatis sit, remittentur ei. Confitemini ergo alterutrum peccata vestra: & orate pro inuicem ut saluemini: multum enim valet deprecatio iusti assidua. Quam veteres Gnosticos more simiarum imitatos fuisse, duo vetustissimi Apostolorum successores tradunt; Irenæus cum Epiphanio: cuius stupendos mirabilesq; effectus asserunt, Clemens Rom. libr. 8. de Consti. Apost. cap 35. Hiero. in vita Hilarionis: Augustinus libr. 2. de visit. infir. cap. 4. & ser. 215. de tempore: Innocentius primus epistola ad Decentium Eugubinum: & Bernardus in vita S. Malachiæ. Quæ tamen omnia isti non modò non sequuntur; sed etiam rident, prauisq; suis interpretationibus peruertunt. At qui dicunt, nusquam in scripturis aut confirmatio, aut ordo, aut extrema vnctio Sacramenta esse dicuntur. Demonstrant igitur itidem, vbi aut baptismus, aut Eucharistia, aut penitentia Sacramenta appellentur. Quod si hæc Sacramenta eam solam ob causam vocas, quod ita ab Ecclesia edo-

ctus

*Lib 1. cap. 18
Heres. 36.*

ctus sis; cur non idem eius iudicium
in alijs sequeris? Quid? num matrimo-
nium sacramētum Paulus nō vocat?
idq; magnū: tu tamen tui oblitus, ne-
gas. His igitur tu hominibus verum,
purum, & legitimum, sacramentorū
vltimū attribues, & nō potius eorum
cōtaminatores, & abrogatores appel-
labis? Amplius ne in meridie lucernā
accendere oportebit, illudq; docere,
neq; hæc vera signa Ecclesiæ Dei esse,
quæ isti cōminiscuntur, & si sint, istis
tamen nulla ratione cōuenire? Finge
igitur animo, vnā ex illis ipsis, de qui-
bus superius dixim⁹, Regis Salomo-
nis cōcubinis, dum se veram & vnicā
dilectam Regis esse fert, atque iactat,
quædā insignia atq; notas tanquā ipsi
dilectæ proprias cōfingere, ac sibi af-
fingere. Demōstret aut quis ex aduer-
so, neq; illum verum vestitum aut or-
natum Regine esse; & si sit, per fraudē
tamen, & insidias, à Regina ad illam
ipsam cōcubinam translatā esse: ma-
gisq; illum colorem, illa ornamenta,
filie Regis, quàm illius ancillæ cōne-
nre: an nō satis hac ratione docebit,
cam


eam quidem, quæ tantum ausa est nefas, impudicam & procacem mulierem esse, extremoq; supplicio dignā, ut quæ sibi falsò nomen Maiestatem-que Regiam adscribat, aliam autem veram & germanam sponsam magni Regis quarendam esse? Suis igitur armis, suis præsidijs victi, & confossi iacent: neque amplius alijs subsidijs ad illos conuincendos opus esset, si pietatis & non maliciæ, veritatis & non simulationis, charitatis & non odij, zeli domus Domini, & non ambitionis, vincendiq; studij certamē esset. Si enim his signis & notis veram IESV Christi sponsam cognosci & definiri putant, quæ neq; vera signa sunt, & magis alijs, quàm illis ipsis conueniunt; an non vniuersa causa decidunt? an aliquid plenius & illustrius ad totam veritatem commonstrandam, vel ipsis ducib⁹ & magistris adferri poterit? Verùm nos alienis confutatis, nostra confirmemus: ac eas, quæ verè sunt notæ, & insignia Ecclesiæ Dei, in medium adferamus.

DE

96
DE VERAE
ET FALSAE ECCLE-
SIAE DISCRIMINE,
LIBER SECVNDVS.

VERORVM ECCLESIAE DEI
signorum partitio.

CAPVT PRIMVM.

 Ntequàm signa & indicia
Ecclesiæ Dei explicamus,
operæpretium existima-
uimus, vt tota res recto
modo & ordine proce-
dat, ex doctissimorum virorum præ-
ceptis & doctrina, ipsorum signorū
atque notarum distinctionem, pri-
mò paucis repetere: est autem hæc: a-
lia quidem signa esse, quæ necessariò
rem commonstrant; & quasi ex alte-
ra parte negotio respōdent: τεκμήρια,
hæc Græci quasi finem causæ impo-
nentia vocāt: τεκμαρ enim veteribus,
Aristotele teste, finis atque conclusio
dice-

*Arist. libr. 1.
ad Theode-
m cap. 2.*

dicebatur: alia verò non necessaria, quæ idem Græci *σημεία* appellare solent, quæ & si singula rem non demonstrāt, multa tamē simul veluti in vnū cuneum collecta & conferta vincūt, ac tanquā certa vestigia quædam, ad ipsam nos rem deducunt. Primum genus signorum atque notarum, quibus Ecclesia Dei designatur, ac circūscribitur, ipsum sacrum cōtinet Symbolum, atque explicat. Secundum genus sparsim iam ex his, iam ex alijs sacre scripturæ locis, sanctisque Patribus, reque adeò ipsa colligitur, vtrūque igitur summa breuitate, & facilitate Deo duce persequamur.

EA SIGNA QVAE IN SACRO Symbolo continentur, veras Ecclesie Dei notas esse.

CAPVT II.

Primum igitur genus signorum, in ipsis primis & summis religionis nostræ principijs, et fundamentis, duodecim inquam fidei nostræ articulis continetur: in ve-

G ro in-

ro inquā illo & incorrupto fidei Chri-
 stianæ compendio: in diuina, sanctis-
 simaq; per orbem terrarum fusi po-
 puli Christiani tessera: in ipso certissi-
 mo fidei Christianæ limite, totiusque
 vetustatis amplissimo deposito, sacro
 inquam symbolo. Quod pōst vnus
 Trini Dei confessionem, redemptio-
 nisq; nostræ œconomiam, Ecclesiam
 salutis nostræ tutissimum portū, no-
 bis itidem credendum proponit, no-
 tasque ipsius & insignia, vt quæ, qua-
 lis sit, cognosci, à falsisq; & fucatis Ec-
 clesijs distingui possit, diuinitus ex-
 plicat. Vt non satis sit, nos qualem-
 cunq; Ecclesiam credere, sed eā ipsam
 qualis ab ipsis Apostolis, Apostolicis-
 que viris, illisq; hominibus, qui à Spi-
 ritu sancto acti & edocti sunt, nobis
 credenda proponitur: neue quisq; ad
 arbitrium suum Regni Christi notas
 atq; limites sibi fingat: sed intra cos fi-
 nes ac metas, quas nobis maiores no-
 stri posuerunt, se cōtineat. Quod qui-
 dem symbolū, cū maior pars isto-
 rum nobiscum cōmuniter profitea-
 tur, in suisq; congregationibus decan-
 tent;

tent; improba tamen cupiditate victi
 & obcœcati, seipſos exaudire, atq; in-
 telligere non poſſunt: aliam videlicet
 ſe Eccleſiam in ſumma fidei nobiſcū
 profiteri, & aliam quærere; vt vel ex
 ore ſuo rectè cum illo nequam ſeruo
 in hac parte condemnentur? quòd v-
 nam Sanctam, Catholicam, & Apo-
 ſtolicam Eccleſiam profeſſi, Lutherū,
 Philippum, vel Zvvinglium, aut Cal-
 uinum quempiam potiùs ſequātur.
 Verūm, cū eas notas, quæ in ſacro
 ſunt ſymbolo, Eccleſijs ſuis, ita vt di-
 ximus; conuenire nullo pacto poſſe,
 priuata conſcientia iudicaſſent; alias
 neceſſariò ſibi quærēdas eſſe exiſtima-
 runt. Cumq; ad omnia, modò ſtultos
 ſuos ſenſus ſanent ac obtineant, negā
 da ſint parati, erroremq; vnum alte-
 ro ſemper deteriore tueantur, negant
 itidem hæc, vt notas & inſignia Eccle-
 ſiæ, in ſacro Symbolo poſita eſſe: ne-
 que tamen cauſas, cur id negent, adfe-
 runt. Nam fruſtrà & ſuperfluè, in eo p̄-
 fertim compendio, quod breuiſſimū
 Eccleſia eſſe voluit, inſertas eſſe, ſtul-
 tū eſt vel ſuſpicari. Ornatus, inquiūt,

causa. At quid ineptius est, quàm in formula fidei Rhetorum ornamenta quærere? Augendæ orationis gratia. Et illud igitur; Deum verum de Deo vero, lumen de lumine, genitum nõ factum, consubstantialem Patri, &c. eodem modo augendæ orationis causa positum esse credendum erit. Declarandæ, dicent, & explicandæ rei causa. Atque hoc est, quod quærimus. Signis enim & notis res declaratur, atque indicantur. Germanæ igitur notæ, germana insignia, hæc ipsa veræ Ecclesiæ erunt: quibus qui detrahit, aliaque signa quærit; hic idem omnibus illis, quæ in symbolo prius posita sunt, præiudicet oportet: quod quidem iam pridem faciunt: ideoque ru- it alto de culmine Troia. Quæ igitur sunt ista signa, & qualia, aut quem sēsum habent? Illa inquam, vt illa sit vera Ecclesia, quæ est vna, sancta, Catholica, & Apostolica. Hæc enim talia sunt, vt & notissima omnibus sint, & reipsa, quam commonstrant, magis clara, & quæ ad aliam rem designandam transferri nullo modo possint: illam.

illamque necessariò commoſtrant. Palam item poſita & illuſtria, vt nullo, qui modò aliquid ſenſus & rationis habeat, obſcura eſſe poſſint. Quis enim vnitatem Eccleſiæ non cernat? quis conſtantiſſimam ſanctitatem non animaduertat? quis vniuerſalitatem, vt ita dicam, quis æternam & perpetuam ſucceſſionem vel oculis ipsis non videat? Quæ omnia ex quibus ſõtibz ſint hauſta, & quam vim & ſenſum habeant, paucis explicemus.

*PRIMA EX SACRO SYM-
bolo nota explicatur: eam veram Ec-
cleſiam, qua ſit vna.*

CAPVT III.

PRima igitur in ſacro ſym-
bolo nota veræ Eccleſiæ
illa eſt, vt ſit vna: idque
primò ex ipſo verbo dei,
ſacraque ſcriptura, clarũ
eſt: *Vna eſt columba mea, inquit Scriptu-
ra, perfectæ mea, vna eſt matri ſuæ, electæ
genitrici ſuæ, viderunt eam filia, et beatiſ-
ſimam prædicauerunt, regina & concubi-*
na,

Ioan. 15.

Ioan. 17.

na, laudauerunt eam. In hoc cognoscent, vos, dicit ipse Dominus, quia discipuli mei estis, si dilectionem inter vos seruaueritis. Pater sancte, serua eos in nomine tuo quos dedisti mihi, ut sint unum, sicut & nos. Cum essem cum eis, ego seruabam eos in nomine tuo. Quos dedisti mihi, ego custodiui: & nemo ex eis perijt, nisi filius perditionis: ut scriptura impleatur. Non pro eis autem rogo tantum, sed & pro eis, qui credituri sunt per verbum eorum in me: ut omnes unum sint, sicut & tu pater in me, & ego in te: ut ipsi in nobis unum sint: ut credat mundus, quia tu me misisti. Et ego claritatem quam tu dedisti mihi, dedi eis, ut sint unum, sicut & nos unum sumus. Ego in eis, & tu in me: ut sint consummati in unum, & cognoscat mundus, quia tu me misisti, & dilexisti eos, sicut & me dilexisti. Pater, quos dedisti mihi, volo ut ubi sum ego, & illi sint mecum: ut videant claritatem meam, quam dedisti mihi, quia dilexisti me ante constitutionem mundi. Pater iuste, mundus te non cognouit. Ego autem te cognoui: & hi cognouerunt, quia tu me misisti. Et notum feci eis nomen tuum,

tuum, & notum faciam, ut dilectio qua dilexisti me, in ipsis sit, & ego in ipsis. Reg. *Psalm. 144.*
num Christi, regnum omnium seculorum est. *Matth. 12.*

Omne autem regnum multiplex, & in se diuisum, desolari, idem Saluator docet: *Monogamus*, inquit Hieronymus, *primus Adam, monogamus & Christus.* Hoc limite suam Ecclesiam à Valentini, Marcionis, ac reliquorum sui temporis hæreticorum sectis, primus distinxit Apostolorum successor Irenæus.

Lib. 1. cap. 1.

Cum, inquit, hanc predicationem acceperit, & hanc fidem, quemadmodum prædiximus Ecclesia, & quidem in uniuersum mundum disseminata, diligenter custodit, quasi unam domum inhabitans, & similiter credit ijs, videlicet, quasi unam animam habens, & unum cor, & consonanter hæc prædicat, & docet, & tradit, quasi unum possidens os. Nam etsi in mundo loquela dissimiles sunt, sed tamen virtus traditionis una, & eadem est. Et neque hæc in Hiberis sunt, neque hæc, quæ in Celtis, neque hæc quæ in Oriente, neque hæc, quæ in Aegypto, neque hæc, quæ in Libia, neque hæc,

ha, quæ in medio mundi sunt constitutæ; sed sicut Sol creatura Dei in uniuerso mundo unus & idem est; sic & lumen prædicationis veritatis ubique lucet, & illuminat omnes homines, qui volunt ad cognitionem veritatis venire. Et neque qui valde præualet in sermone, ex ijs qui præsunt Ecclesiis, alia quàm hæc sunt, dicet. Nemo enim super magistrum est: neque infirmus in dicendo deminorabit traditionem. Cùm enim una & eadem fides sit; neque is qui multum de ea potest dicere ampliat, neque is, qui minus deminorat. Idem Diuus Cyprianus sentit. Ecclesia una est, quæ in multitudinem latius incremento fecunditatis extenditur, quomodo Solis multi radij, sed lumen unum; & rami arboris multi, sed robur unum tenaci radice fundatū. Et cum de fonte uno riui plurimi defluunt, numerositas licet diffusa videatur, unitas tamen seruetur in origine. Auelle radium Solis à corpore, diuisionem lucis unitas non capit. A fonte præcide riuum; præcisus arefcet. Sic & Ecclesia Domini luce perfusa, per orbem totum radios suos porrigit; unum tamen lumen est, quod ubique diffunditur, nec unitas corporis separatur,

De unitate ecclesie, & li. i
Epist. 8. & in alijs infinitis locis.

tur, &c. Vtitur hoc eodem signo Tertullianus. *Itaque tot, inquit, & tanta Ecclesia, una est illa ab Apostolis prima, ex qua omnes, sic omnes prima, & omnes Apostolica, dum unam omnes probant unitatem, communicatio pacis, & appellatio fraternitatis, & contesseratio hospitalitatis, quæ cura, non alia ratio regit, quam eiusdem Sacramenti una traditio: Nam Augustinum, Hieronymum, Ambrosium quid attinet proferre, cum Augustinus ipse integrum librum de unitate Ecclesiæ conscripserit, eodem quæ modo alij, plurima de unitate Ecclesiæ ediderunt?*

*De præscripti-
one aduersus
hæreticos.*

Verùm cum isti, & hanc, & alias multis & varijs modis, & rationibus effugere ac eludere velint notas, hanc quæ vel in primis, omnem scilicet hæresim vnā esse, imò quicquid est, ea ratione, demum teste Aristotele esse, quia vnum sit, ideo quo sensu hoc loco vna accipienda sit Ecclesia paucis exponamus. Cùm igitur dicimus illā veram Ecclesiam esse, quæ vna sit, hoc ita intelligi volumus. Primùm, quæ semper vna & eadem sit: hoc autem

G 5

est, ne

est, ne hoc quidem anno exoriatur, altero autem occidat; ne nunc quidem de his rebus illud sentiat & iudicet, aliud alias, & iterū aliud; sed ea demū erit vna Ecclesia, quæ semper vna sit, vnumq; & idem, de rebus ijsdem semper senserit. Quæ, quos sensus à principio accepit, quibus à primis ducibus & fundatoribus fidei suæ imbuta & instituta sit, eosdem constanter cōseruet & tueatur: quæ non tanquam vestes, sic opiniones mutet: quæ non tanquam ex hospitij in hospitia, sic ex sententijs in sententias transeat ac transferatur: quæ more paruulorum non fluctuet: quæ omni non circumferatur vento doctrinæ: quæ & si proficiat, & augmenta sua habeat, easdem tamen species rerum conseruet; vt quāuis in gramine, quamuis in herba, quamuis in spica sit; vnum tamen & idem frumentum semper permaneat: non quæ triticum quidem à principio polliceatur, mox in lolium infelix & steriles auenas exeat. Proficit illa quidem, vt dixi; sed ita tamen, vt verè profectus sit ille fidei, non permutatio:

tio: vt quidem præclarè antè hos mille annos rem hanc totā explicat Vincentius Lirinen. *Siquidem ad profectū pertinet, vt in semetipsa vnaquæq; res amplificetur, ad permutationem vero, vt aliquid ex alio in aliud transuertatur. Crescat igitur oportet, & multum vehementerq; proficiat, tam singulorum, quàm omnium, tam vnius hominis, quàm totius Ecclesie ætatum, ac seculorum gradibus, intelligentia, scientia, sapientia: sed in suo duntaxat genere, in eodem scilicet dogmate, eodem sensu, eademq; sententia. Imite-
tur animarum religio rationem corporū, quæ licet annorum processu, numeros suos euoluant & explicent; eadem tamen quæ erant, permanent. Multum interest inter pueritiæ florem, & senectutis maturitatē, sed ijdem tamen ipsi fiunt senes, qui fuerant adolescentes: vt quamuis vnus eiusdemq; hominis staturæ habitusq; mutetur, vna tamen nihilominus, eademq; natura, vna eademq; persona sit. Parua lactentium membra, magna iuuenum; eadem ipsa sunt tamen. Quod paruulorum artus, tot virorum: & si qua illa sunt, quæ aui maturioris ætate pariuntur;*

tur; iam in seminis ratione præsatâ, ut nihil nouum postea proferatur in semibus, quod non in pueris iam antea latitauerit. Unde non dubium est, hanc esse legitimam & rectam proficiendi regulam, hunc ratum atque pulcherrimum crescendi ordinem; si eas semper in grandioribus partes ac formas, numerus detexat ætatis, quas in paruulis creatoris sapientia præformauerat. Quod si humana species in aliquam deinceps non sui generis vertatur effigiem, aut certè addatur quippiam membrorum numero, vel detrahatur; necesse est ut totum corpus vel intercidat, vel prodigiosum fiat, vel certè debilitetur. Ita etiam Christiana religionis dogma, sequatur has decet perfectuum leges; ut annis scilicet consolidetur, dilatetur tempore, sublimetur ætate: incorruptum tamen illibatumque permaneat, & vniuersis partium suarum mensuris, cunctisque quasi membris ac sensibus proprijs plenum, atque perfectum sit: quod nihil prætereà permutationis admittat, nulla proprietatis dispendia, nullam sustineat definitionis varietatem. Exempli gratia: seuerunt maiores nostri antiquitus in hac Ecclesiastica segete triticeæ fidei semina:
iniquum

iniquum valde & incongruum est, ut nos eorum posteri pro germana veritate frumenti, subdititium *Zizania*, eligamus errorem. Quin potius hoc rectum & consequens est, ut primis atq. extremis sibi met non discrepantibus, de incrementis triticea institutionis, triticea quoque dogmatis frugem demetamus: ut cum aliquid ex illis seminum primitiis accessu temporis euoluatur, & nunc letetur & excolatur, nihil tamē de germinis proprietate mutetur: addatur licet forma, species, distinctio; eadem tamen cuiusq. generis natura permaneat. Absit etenim, ut rosea illa Catholici sensus plantaria, in carduos spinasq. vertantur. Absit inquam, ut in isto spiritali paradyso, de cinnamomi & balsami surculis, Lolium repente atque aconita proueniant. Quodcunque igitur in hac Ecclesia, Dei agricultura, fide patrum satum est; idem filiorum industria decet excolatur, & obseruetur: hoc idem floreat & mature scat: hoc idem proficiat & perficiatur. Fas est etenim, ut prisca illa cælestis Philosophia dogmata processu temporis excurentur, limentur, poliantur: Sed nefas est ut commutentur, nefas ut detruncantur, ut

muti-

mutilentur, Accipiant licet euidentiam, lucem, distinctionem; sed retineant necesse est plenitudinem, integritatem, proprietatem. Nam si semel admissa fuerit hæc impia fraudis licentia, horreo dicere, quantum excidenda atque abolenda religionis periculum consequatur. Abdicata etenim qualibet parte Catholici dogmatis, alia quoque atque item alia, ac deinceps alia, et alia iam quasi ex more & licito abdicabuntur. Porro autem singulatim partibus repudiatis, quid aliud ad extremum sequetur, nisi ut totum pariter repudietur? Sed è contra, si nouitia veteribus, extranea domesticis, & prophana sacratis admisceri cæperint, proserpat hic mos in vniuersum necesse est ut nihil post hæc apud Ecclesiam relinquatur intactum, nihil illibatum, nihil integrum, nihil immaculatum; sed sit ibidem deinceps impiorum ac turpium errorum lupanar, ubi erat ante, casta & incorrupta sacrarium veritatis. Sed auertat hoc à suorum mentibus nefas diuina pietas, sitque hic potius impiorum furor. Christi verò Ecclesia, sedula & cauta depositorum apud se dogmatum custos, nihil in ijs vnquam permutat, nihil minuit, nihil addit: non amputat necessaria, non apponit superflua, nō

amittit sua, non usurpat aliena; sed omni industria hoc unum studet, ut vetera fideliter sapienterq; tractando, si qua sunt illa antiquitus informata & inchoata, accurret & poliat: si qua iam expressa et enucleata, consolidet, firmet: si qua iam confirmata & definita, custodiat. Denique quid unquam aliud Conciliorum decretis enisa est, nisi, ut, quod antea simpliciter credebatur, hoc idem postea diligentius crederetur? quod ante alentius predicabatur, hoc idem postea instantius predicaretur? quod antea securius colebatur, hoc idem postea sollicitius excoleretur? Hoc, inquam, semper, neq; quicquam præterea, hæreticorum novitatibus excitata, Conciliorum suorum decretis Catholica perfecit Ecclesia, nisi, ut quod prius à maioribus sola traditione susceperat, hoc deinde posteris etiam, per scripturæ chirographum consignaret, magnam rerum summam paucis literis comprehendendo, & plerunque propter intelligentiæ lucē, non novum fidei sensum, novæ appellationis proprietate signando. Hactenus Lirinensis. Crescat igitur & proficiat Ecclesia, oportet: non tamen in aliam desinat, non seipsam destruat, &

at, & more viperarum conficiat: quæ nihil pugnans, nihil aduersum illis rebus, quas in primis suis initijs docuit ac tradidit, tradat aut doceat: cuius testimonij contra illam ipsam vti nemo possit: quæ denique pro pisce serpentem, pro pane lapidem, pro ouo scorpionem non porrigat. Vna igitur erit, si semper vna & eadem non nomine tantum, non natura, & numero hominum, sed sensu etiam & dogmate, iisdemque rerum speciebus omnibus existet. Verum cum vnitatis hæc atque concordia temporis nonnunquam & necessitatis causa, ex composito, & per syncretismum, ut verbo Demosthenis utar, hoc autem est, per conspersionem, & qualemcunque coherentiam consarciri possit. Sic enim, referente Staphilo, Melanchton dicere solebat: Vel, inquit, nunc inter nos temporis causa utcunque componamus, pacemque faciamus. Qualem pacem & concordiam quondam inter Caipham, Pilatum & Herodem, ad interficiendum Christum, ad tempus compositam fuisse

le-

legimus : & qualem nunc quotannis inter se in suis synodis dicis causa, volunt consuere isti, nec tamen vnquã rectè possunt. Ideò non sufficit ad eã Ecclesiæ vnitatem constituendam, vt quomocunque vna sit, sed etiam vt eius vnitatis in se causas & principia habeat, quas ipsa vnitas vi & natura sua, etiam si hac de re nihil cogites, etiam si syncrētismos nullos comminiscaris, ipsa per se sequatur.

Sed quæ tandem istæ sunt huius vnitatis causæ, quæ principia? In omni quidem animante duæ sunt vnitatis præcipuè causæ, Anima inquam & Spiritus, si internas facultates spectes: caput autem, si exteriora membra, omniumq; facultatum atq; membrorum, ad hæc duo, debita subiectio & consensus; sine quibus duobus animal vnum, nequaquam cōsistere potest: quibus saluis & integris manentibus, vnitas eius perpetuò durat. Hęc igitur eadem vnitatis Ecclesiæ erunt principia: vnitas, inquam, animæ & spiritus, & vnitas capitis: quæ si habet, vna semper est; si non habet, sex-

H

cen-

centos licet nectas syncretismos, ex arena funiculos nectes, vna tamen nunquam erit.

Sed quæ tandem est hæc animæ atque spiritus vnitas? nō alia certè, quā vnus vniuersalis atq; Catholicus sacræ Scripturæ sensus & interpretatio.

2. Corin. 3. Docet hoc Paulus: *Litera, inquit, occidit, spiritus viuificat*: quasi diceret sensum & Spiritum Scripturæ, animam Ecclesiæ esse. Et alio loco: *Vnum corpus, & vnus spiritus*; sicut vocati estis in vna spe vocationis vestræ. Docet idem D. Petrus: *Hoc primum intelligentes*; quòd omnis prophetia scripturæ, propria interpretatione non fit. Non enim voluntate humana allata est aliquando prophetia, sed Spiritu sancto inspirati, locuti sunt sancti Dei homines. Capitis porrò vnitas quæ non alia, quàm vnitas pastoris. Quis hoc docet? Christus Dominus: *Et erit vnum ouile, & vnus pastor*. Quis pastor? quis alius, nisi spontè cæcus & surdus esse velis, quàm ille, cui munus pascendi toties repetitis vicibus, *pasce oues meas, pasce agnos meos*, committitur; Petrus, inquam, eiusque successores?

Quæ

Quæ coordinatio facultatum & mē-
brorum? nisi obedientia & subiectio
ad sensum communem scripturæ, &
ad eum qui præest pastorem. *Obedite
præpositis vestris, inquit Paulus, & sub-
iacete eis, ipsi enim peruigilant, quasi ratio-
nem pro animabus vestris reddituri.* Quæ
igitur Ecclesia vnum Catholicum &
vniuersalem omnium temporum at-
que locorum Scripturæ sequetur
sensem, vnam interpretationem,
quæ vnum habebit pastorem, quæ o-
mnium facultatum atq; membrorū
ad eum spiritū, ad hocq; ipsum caput
conglutinationē & cōsensum; illa ve-
ra & propria vnitatis principia habe-
bit, & ideò vna semper erit. Erit enim
terra labij vnus, vnum erit multitu-
dinis credētium cor, vna anima, vnū
caput. In qua autem secta quot homi-
nes sunt tot sensus, tot erunt interpre-
tationes scripturæ, quæ nullum com-
munem, nullum Catholicū sequetur
scripturæ sensum, quæ item nullū ha-
bebit vnum pastorem, nullam mem-
brorum conglutinationem, hæc nun-
quam vna erit. Hæc hæresis potius

quàm Ecclesia dicetur: sic enim hæresim vetustissimus definit Tertull. *Hæreses dicta Græcæ voce ex interpretatione electionis, quæ quis siue ad instituendas, siue ad suscipiendas eas utitur. Ideò & sibi damnatum dixit hereticum, quia & in quo damnatur, sibi elegit. Nobis verò nihil ex nostro arbitrio indulgere licet, sed ne eligere quod aliquis de arbitrio suo induxerit. Apostolos Domini habemus auctores, qui nec ipsi quicquam ex suo arbitrio quod inducerent, elegerunt, sed acceptam à Christo disciplinam fideliter nationibus adsignauerunt. Docet hoc res ipsa, docet negotij natura, docet recta ratio, docent ea, quæ superius dicta sunt. Verùm ne sine certo autore hæc omnia loqui videamur, docet hoc idem illud sanctorum omnium, & Episcoporum, & Martyrum amplissimum lumen Beatissimus Martyr Cyprianus, quo neq; vetustior, neq; doctior, neq; sanctior quisquā esse potuit, aut nūc esse potest. Cuius illa est hæc de tota re doctrina: Videns inimicus idola derelicta, & per nimium credentium populum sedes suas ac templa deserta, excogitauit nouam*

Cyprianus in tractatu de simplicitate Prælatorū siue de vnitatē Ecclesiæ.

nouam fraudem, ut sub ipso Christiani nominis titulo fallat incautos. Hæreses inuenit & schismata, quibus subuerteret fidem, veritatem corrumperet, scinderet unitatem. Rapit de ipsa Ecclesia homines: & dum sibi appropinquasse iam lumini, atque euasisse seculi noctem videntur, alias nescientibus tenebras rursus infundit, etc. Hoc eo fit, fratres dilectissimi, dum ad veritatis originem non reditur, nec caput quaeritur, nec magistri cælestis doctrina seruatur. Quæ si quis consideret & examinet, tractatu longo atque argumentis opus non est. Probatio est ad fidem facilis compendio veritatis. Loquitur Dominus ad Petrum: Ego tibi dico, inquit, quia tu es Petrus, & super istam petram edificabo Ecclesiam meam, & porta inferorum non vincent eam. Tibi dabo clauis regni cælorum: & quæ ligaueris super terram, erunt ligata & in cælis: & quæcunque solueris super terram, erunt soluta & in cælis. Et eidem post resurrectionem suam dicit: Pasce oues meas. Super illum unum edificat Ecclesiam suam, & illi pascendas mandat oues suas. Et quamuis Apostolis omnibus post resurrectionem suam parem potestatem tribu-

at & dicat: Sicut misit me Pater, & ego mitto vos: accipite Spiritum sanctum: Si cui remiseritis peccata, remittentur illi: si cui tenueritis, tenebuntur: tamen ut unitatem manifestaret, unam cathedram constituit, & unitatis eiusdem originem ab uno incipientem, sua auctoritate disposuit. Hoc erant utique & ceteri Apostoli, quod fuit Petrus, pari consortio praeediti, & honoris, & potestatis, sed exordium ab unitate proficiscitur. Primatus Petro datur, ut una Christi Ecclesia, & cathedra una monstretur: & pastores sunt omnes, sed grex unus ostenditur, qui ab Apostolis omnibus unanimi consensione pascatur.

Quam unam Ecclesiam etiam in Cantico Canticorum Spiritus sanctus ex persona Domini designat, & dicit: Una est columba mea, &c. Et in alio loco: Neque enim aliunde haereses oborta sunt, aut nata sunt schismata, quam inde, quod Sacerdoti Dei non obtemperatur: nec unus in Ecclesia ad tempus sacerdos, & ad tempus iudex vice Christi cogitatur, cui si secundum magisteria diuina obtemperaret fraternitas uniuersa, nemo aduersum sacerdotum collegium quicquam moueret: nemo post diu-

num

num iudicium, post populi suffragium,
post Coepiscoporum consensum, iudicem se
iam non Episcopi, sed Dei faceret: nemo di-
scidio unitatis Christi Ecclesiam scinde-
ret, nemo sibi placens ac tumens seorsum
foris haresim nouam conderet. Ibidem:
Christi aduersarius & Ecclesia eius inimi-
cus ad hoc Ecclesia praepositum sua infesta-
tione persequitur, ut gubernatore subla-
to, atrocius atque violentius circa Ecclesia
naufragia grassetur. Et paulo post: Pe-
trus tamen super quem aedificata ab eodem
Domino fuerat Ecclesia, unus pro omni-
bus loquens, & Ecclesia voce respondens,
ait: Domine ad quem ibimus? Verbum
vitae aeternae habes: & nos credimus &
cognouimus, quoniam tu es filius DEI vi-
ui: significans scilicet, & ostendens eos, qui
à CHRISTO recesserint, culpa sua pe-
rire: Ecclesiam tamen quae in Christum
credat, & quae semel id quod cognouerit
teneat, nunquam omnino ab eo discede-
re, & eos esse Ecclesiam, qui in do-
mo Dei permanent. Et multis interiectis:
Post ista adhuc insuper Pseudoeπισ-
co sibi ab haeticis constituto, nauiga-
re audent, & ad Petri cathedram atque

ad Ecclesiam principalem, unde unitas sacerdotalis exorta est, à schismaticis & prophanis literas ferre, nec cogitare eos esse Romanos (quorum fides Apostolo predicante, laudata est, ad quos perfidia habere non possit accessum. Nec hac iactò, sed dolens profero, cum te iudicem Dei constituas & Christi, qui dicit ad Apostolos, ac per hoc ad omnes praepositos, qui Apostolis vicaria ordinatione succedunt: Qui audit vos, me audit: & qui me audit, audit cum qui me misit. Et qui reijcit vos, me reijcit, & eum qui me misit. Inde enim schismata & haereses oborta sunt & oriuntur, dum Episcopus qui unus est, & Ecclesiae praest, superba quorundam presumptione contemnitur: & homo dignatione Dei honoratus, indignus hominibus iudicatur. Et paulò post: Dominus quoque in Evangelio, cum eum loquentem discipuli dereliquerent, conuersus ad duodecim dixit: Nunquid & vos vultis ire? Respondit ei Petrus, dicens: Domine, ad quem imus? verbum vitae aeternae habes: & nos credimus & cognouimus, quoniam tu es filius DEI viui. Loquitur illic Petrus, super quem aedificata fuerat Ecclesia, Ecclesiae nomine, do-

Et in Episto.
69. ad Florē-
tium siue
Puppiā.

*docens & ostendens, quia & si contumax
ac superba obaudire nolentium multitudo
discedat, Ecclesia tamen à Christo non re-
cedit: & illi sunt Ecclesia, plebs sacerdoti
adunata, & pastori suo grex adharens.
Vnde scire debes, Episcopum in Ecclesia
esse, & Ecclesiam in Episcopo: & si qui cū
Episcopo non sint, in Ecclesia non esse: &
frustra sibi blandiri eos, qui pacem cum sa-
cerdotibus Dei non habentes obrepunt, &
latenter apud quosdam communicare se
credunt: quando Ecclesia quæ Catholica
vna est, scissa non sit, neque diuisa, sed
sit utique connexa, & cohærentium sibi
inuicem sacerdotum glutino copulata.
Hæc Cyprianus:*

Neque verò satis est, ad eam verā
vnitatem Ecclesiæ constituendam, vt
semper vna sit, eiusque vnitatis in se
causas & principia contineat; sed eti-
am oportet, vt vbique, & inter om-
nes, & in omnibus partibus mundi
sit vna: vt quocunque veneris, vnā
eandemque agnoscas, neque necesse
habeas quærere, cuius, & qualis sint
homines illi confessionis, ad quos
pertineant: vt non alio quidē modo

vxor, alio maritus, de religione senti-
at: non dissimilis in vna sit domo, quā
in alia deuotio: vt non alio modo in
ijsdem ædibus in superiore cenaculo,
alio in inferiore credatur & doceat-
tur. Vt enim hæreses & schismata vni-
us linguæ homines, ne seipsos eadem
lingua loquentes intelligant, efficiūt;
ita Spiritus Ecclesiæ Dei, homines di-
uerſarum linguarum eundem habe-
re sensum efficit: *Audiuius illos, in-*

Act. 2.

*quit scriptura, unusquisque lingua nostra
loquentes magnalia Dei: vt illud sit qd̄
sancta sanctè postulat Ecclesia. Veni,
inquit, sancte Spiritus, reple tuorum cor-
da fidelium, & tui amoris in eis ignem ac-
cende, qui per diuersitatem linguarum cū-
ctarū, gentes in unitate fidei congregasti.*

Verū quoniam obijciunt isti, in-
ter Catholicos etiam non omnibus
semper conuenire. Habent Orienta-
les Ecclesiæ ritus suos, habent & occi-
dentales: idcō quibus in rebus eas ip-
sas Ecclesias sibi consentire, vt suam
conseruent unitatem, satis sit, in qui-
busq; rebus vnitas ista consistat, expli-
candum est, vt ita os istorum obstrua-
tur

tur impudens, quo Turcicam perfidiam, similiter vnam semper esse dicere non erubescunt, eamq; cum Catholica Ecclesia comparare non veretur, Explicat autem earum rerum capita, *Ephes. 4.* ipse Doctor gentium Paulus. *Vnum corpus, & unus spiritus: sicut & vocati estis in vna spe vocationis vestrae. Vnus dominus, vna fides, vnum baptisma, unus Deus & pater omnium, qui super omnes et per omnia, & in omnibus nobis.*

Primum igitur caput eius vnitatis ponit Paulus, vt credatur vnus pater super omnia, hoc est, vt sit vna præcellæ diuinitatis confessio; vnus de vero Deo sensus, vt nō alij quidem vnum Deum, alij tres, alij nullum esse profiteantur.

Secundò, vt sit vnus Dominus, id est, vna de filio eius vnigenito fides, vt non ab alijs quidem verus Deus; ab alijs minor Deus, ab alijs instrumentum tantum & creatura, ab alijs purus quidam homo censeatur: & ab his quidem adorandus, ab alijs autem ne adorandus quidē prædicetur: hoc enim est Christum diuidere: qui autem

tem diuidit Christum, dicit Ioannes, Antichristus est.

Tertiò vna item sit fides, hoc est, vnum commune symbolum, vnaq; eius communis expositio ac interpretatio, ne necesse sit inquirere, quem quis fidei ducē sequatur, vt nō id qsq; credat, quod vult, & quantum vult, & quomodo vult; sed quod, & quantum, & quomodo illi vt credat primitus à maioribus suis præscriptum est, vt ille Canon Concilij Ephesini sanctè obseruetur. *Constituit sanctum Concilium, vt nemini liceat aliam fidem vel proferre, vel conscribere, vel componere, quam eam, quæ præstituta ac perscripta est à sanctis Patribus, qui in Nicænorum vrbe, cum auxilio Spiritus sancti coacti fuerunt: Qui autem audeant aliam fidem, vel componere, vel producere, vel proferre, volentibus conuerti ad agnitionem veritatis, siue ex Gentilitate, siue ex Iudaismo, siue alia quacunque secta; vt hi si quidem Episcopi aut Clerici sint, isti ab Episcopatu, hi à clero remoueantur, ac prohibeantur: Sin autem laici sint, vt extrema detestatione & execratione percellantur.*

tur. Haftenus sancta synodus Ephesi-
na. Quo quidem Canone docent san-
cti Patres, post duo illa oecumenica
Concilia, Nicænum, inquam, & Con-
stantinopolitanum, fidem Christia-
nam, ab Ephesina synodo ita conclu-
sam & obfignatā esse; vt illi nihil am-
pliùs à quoquam mortalium addi,
aut adijcere liceat.

Quartò, vt vnum sit baptisma, hoc
est, eadem Sacramenta, idemque co-
rum numerus. Primùm enim & ma-
ximè necessarium, & sine quo alia es-
se non possunt, pro omnibus alijs po-
situm est; vt non alij quidem duo, alij
tria, quatuor alij Sacramenta esse pro-
fiteantur; sed vnum & eundem nume-
rum omnes vt non hi quidē in prima
infantia, alij in decē annis, alij trigēta
demum, alij nunquam baptizentur:
& isti quidem in nomine Patris; & Fi-
lij, & Spiritus sancti, alij autem in so-
lius patris nomine; sed vt omnes co-
dem modo, eodem ritu, eadem sem-
per ratione expientur.

Vltimò, vt sit eadem spes vocatio-
nis, hoc est, eadem fides immortali-
tatis

tatis animarū , eadem post excessum earum sedes & commoratio poenarum, item & præmij, coeli, & inferorū spes atque idem sensus. Eodemq; modo de medijs spei vocationis nostræ, fide, inquam, iustificatione, meritis, legibus, cerimonijs, magistratibus. Vt non hi quidem cantando & psallendo tantum coelo se potituros credant, alij autem per multas tribulationes & angustias, eò properent atq; contendant. In his igitur omnibus, si vna est Ecclesia, non valdè laborandum erit, si in quibusdam ritibus, vel cerimonijs ei⁹ sit aliqua v̄rietas, quæ ad ornatum potius & splendorem, quàm ad diuisionem eius pertineat: vt assistat regina à dextris regis circumamicta varietate.

Psalm. 44.

Verum ampliùs non satis est vbiq; vnā semper esse, eiusq; vnitatis causas & principia in se habere, aut in his partibus, de quibus dictum est, consentire, sed vltra illud postremo addendum est, vt eo genere vnitatis sit vna, quo sacræ præscripserunt & adumbrarunt literæ. Neque enim vnitatem aut
aquæ,

aquę, aut ignis, aliarumq; rerum, quę
ex eiusdę generis partibus cōstant, vt
de rebus publicis dicere solebat Ari-
stoteles, vbi vnaquęque pars aquę est
aqua, & vnaquęque pars ignis est ig-
nis, debet esse vna; sed vnitatem domus.
Est enim, inquit Paulus, Domus DEI ^{1. Timoth. 2.}
omnipotentis. Vnitatem ciuitatis, sic e ^{Esaię 26.}
nim vocatur, vrbs fortitudinis Sion,
Saluator in ea murus, & antemurale. ^{Psal. 79.}
Vnitatem vitis, de qua Dauid: *Deus vir-
tutum conuerte, & visita vitem istam.* V-
nitatem denique corporis, quam hoc
modo explicat Paulus: *Sicut enim in v-* ^{Rom. 12.}
*no corpore multa mēbra habemus, omnia
autem membra non eundem actum habēt;
ita multi vnum corpus sumus in Christo,
singuli autem alter alterius membra, ha-
bentes autem donationes secundum grati-
am quę data est nobis, differentes: siue pro-
phetiam secundum rationem fidei, siue mi-
nisterium in ministrando, siue qui docet in
doctrina. Qui exhortatur in exhortando,
qui tribuit in simplicitate, qui pręest in so-
licitudine, qui miseretur in hilaritate, di-
lectio sine simulatione, odientes malū, ad-
hären-*

1. Cor. 12.

rentes bono, charitatem fraternitatis inuicem diligentes, honore inuicem praeuenientes. Et idem alio loco: Sicut enim corpus unum est, & membra habet multa, omnia autem membra corporis, cum sint multa, unum tamen corpus sunt, ita & Christus. Etenim in uno spiritu omnes nos in unum corpus baptizati sumus, siue Iudaei, siue Gentiles, siue serui, siue liberi, & omnes in uno spiritu potati sumus: Nam & corpus non est unum membrum, sed multa: Si dixerit pes, quoniam non sum manus, non sum de corpore; num ideo non est de corpore? Et si dixerit auris, quoniam non sum oculus, non sum de corpore, num ideo non est de corpore? Si totum corpus oculus, ubi auditus? si totum auditus, ubi odoratus? Nunc autem posuit DEVS membra unumquodque eorum in corpore sicut voluit. Quod si essent omnia unum membrum, ubi corpus? Nunc autem multa quidem membra, unum autem corpus: Non potest autem dicere oculus manui, opera tua non indigeo: aut iterum caput pedibus, non estis mihi necessarij: sed multo magis, quae videntur membra corporis infirmiora esse, necessaria sunt. Et quae
puta-

putamus ignobiliora membra esse corporis; ijs honorem abundantiorē circumdamus. Et quæ inhonestæ sunt nostra, abundantiorē honestatē habent. Honestæ autem nostra nullius egent. Sed Deus temperavit corpus, & cui deerat, abundantiorē tribuendo honorem: ut non sit schisma in corpore, sed in idipsum pro inuicem sollicita sint membra. Et si quid patitur unum membrum, cōpatiuntur omnia membra: siue gloriatur unum membrum, congaudent omnia membra. Vos autem estis corpus Christi, & membra de membro. Et quosdam quidem posuit Deus in Ecclesia, primum Apostolos, secundo Prophetas, tertio Doctores, deinde virtutes, exinde gratias curationum opitulationes, gubernationes, genera linguarum, interpretationes sermonum. Nunquid omnes Apostoli? Nunquid omnes Prophetæ? Nunquid omnes Doctores? Nunquid omnes virtutes? Nunquid omnes gratiam habent curationum? Nunquid omnes linguis loquuntur? Nunquid omnes interpretantur? Emulamini autem charismata meliora: Et adhuc excellentiorē viam vobis demonstro. Quæ quidem D. Pauli ver-

ba illud docent, Ecclesiam quidem Dei vnam esse; ita tamen, vt neque ex vno membro, neque vno genere hominum constet: sed multiplicibus & varijs dignitatibus, ordinibus, magistratibus, functionibus, familijs denique sit distincta: nam neque domus vno pariete, neq; ciuitas vna domo, neq; vitis vno palmite cōstat, neque corp⁹ humanum vno membro cōtinetur: quæ tamē omnia ita distincta, nō modò inter se non pugnant, non modò se non impediunt, sed potius mutuo præsidio, ornamēto, & auxilio sibi esse solent: mutuamq; sibi operā præsant, quod ipse hunc in modum explicat Paul⁹. *Veritatem autē faciētes in charitate, crescāmus in illo per omnia, qui est caput Christus, ex quo totum corpus compactum & connexum per omnem iūcturam subministrationis corporis secundum operationem in mensuram vniuscuiusq; membri augmentum corporis facit in edificationē suā in charitate.* Fallūt igitur isti & fallūtur, qui aliquā diuisionem in Ecclesia esse dicunt, multasque religionum familias & classes

Ephes. 4.

nu-

numerant, dum varijs ordinibus & dignitatibus ac familijs eam distinctā esse cernunt: quorum vestium, panni potius quàm ipsæ inter se differunt. Hæc enim est illa vnitas corporis, vnitas domus, vnitas ciuitatis, vnitas vineæ, vnitas vitis, vna in radice varijs partibus distincta & ordinata: de qua Cyprianus: *Ecclesia vna est, quæ in* multitudinē latius incremēto fecunditatis extenditur, quomodo solis multi radij, sed lumen vnū: & rami arboris multi, sed arbor vna, tenaci radice fundata: & cū de fonte vno riuī plurimi defluunt, numerositas licet diffusa videatur exundātis copie largitate: vnitas tamē seruatur in origine. Auelle radiū solis à corpore, diuisionem lucis vnitas nō capit: ab arbore frange ramum, fractus germinare nō poterit. à fonte præcide riuū, præcisus arescet. Sic & Ecclesia Domini luce perfusa, per totum orbē radios suos porrigit, vnū tamen lumē est, qđ ubiq; diffunditur, nec vnitas corporis separatur: ramos suos in vniuersā terrā copia vbertatis extendit, pfluētes largiter riuos latius pādit: vnū tamen caput est, & origo vna, et vna mater, fecunditatis suc-

De vnitae
Ecclesiæ.

cessibus copiosa. Illius situ nascimur, illius lacte nutrimur, spiritu eius animamur. Adulterari nō potest spōsa Christi, incorrupta est, & pudica: vnam domum nouit, vnius cubiculi sanctitatem casto pudore custodit. Hæc nos Deo seruat: hæc filios regno quos genuit assignat. Quisquis ab Ecclesia segregatus adultera iungitur, à promissis Ecclesia separatur, nec perueniet ad Christi premia: qui relinquit Ecclesiam, alienus est, prophanus est, hostis est. Habere iam non potest Deum patrem, qui Ecclesiam non habet matrem. Si potuit euadere quisquis extra arcam Noe fuit; Et qui extra Ecclesiam foris fuerit, euadit. Hæc Cyprianus.

Quæ igitur Ecclesia eo genere vnitatis ita erit vna, vt & semper ac sit vna, & principia ac causas vnitatis suæ in se habeat, & vbique in his capitibus coniungatur, quibus dictum est, & quæ eo genere vnitatis, quod dictum est, vna sit; illa vera erit sponsa Christi, Germana filia Regis. Quæ autem talis sit, hæcne nostra Catholica, an istorum scētæ; cuiusque iudicio æstimandum relinquo. Neque enim

nim aut in inuidiam quenquam vocare, aut cuiusquam iudicium labefactare, aut in alteram partem inclinare velim: hoc vnum affirmare possum, me aliquando horum sectas dissectas, ad certa genera reuocare voluisse, nec tamen in ea parte meam logicam tantum mihi sufficere potuisse, vt rem natura infinitam ratione finitam facerem. Pulchreque illud dictum esse à Christiano & Catholico principe, Georgio quōdam Saxonie Duce, commemoratur: Nam scire se quidem dicebat, quid hoc anno crederent vicini sui VVittembergenses; quid verò proximè in sequenti anno credituri essent, se nescire, quod subinde dogmata sua variarent. Neque verò singulis annis tantum isti mutantur, sed & in alijs locis alia sentiunt. Quantum isti apud nos pro impunitate religionis pugnent: quantum licentiam cuiq; vt velit credendi astruant: quot leges ac confœderationes iniustissimas cōtra maiorum suorum instituta, pro libidine errādi ferant, non ignoramus.

*Leges in An-
glia contra
Catholicos.*

*Leges pecu-
niariae.*

Videamus obsecro, num in Anglia eādem libertatem bene sentiēdi nostris hominibus dederint? num iisdem præsidijs eos communierint? nū easdem leges de impunitate credēdi tulerint? Duplices latē sunt in Anglia de religione leges; aliæ pecuniariae, Capitales aliæ. Vtrasq; videam⁹: ac cū istis nostris, num eādem sint, cōferamus. Pecuniariae igitur illæ sunt: Quicunq; ad Ecclesias protestantium venire recusauerint, officij diuini (vt loquuntur) præstandi, aut auscultandi causa, si ætatem annorum sedecim excesserint, soluent quoquo mense, suæ absentiae, libras Anglicas viginti: hoc est, aureos 66. qui autem soluendo non sunt, carceribus omninò detineantur, donec soluēdi facultatem habeant. Leges reliquæ hoc ordine sequuntur.

Qui conuictus fuerit audiuisse Missam, etiam si id secretò factum fuerit, patietur carceres per integrum annum, & tam diu postea, quousque persoluat 211. aureos. Sacerdos verò qui sacrum fecerit, non exhibit

car-

carcere, post expletum annum, nisi solutis aureis 422. atque hoc toties quoties fuerit in hoc genere ab eo peccatum.

Omnis vir Ecclesiasticus, qui non publicam fecerit religionis Romanæ detestationem, & auctoritatem Pontificis Romani palàm non abiurauerit; amittet omnia beneficia, omnēq; dignitatem quamcunque Ecclesiasticam.

Nullus scholaris, aut literarum studiosus habere poterit locum in Collegijs Academicis, aut ad vllum gradum literarium ascendere; nisi in ingressu ad illud Collegium, & in susceptione cuiusq; gradus, eiusdē Pontificis auctoritatem in causis Ecclesiasticis abiuret.

Nemo magistratum publicum gerat, aut vllum officium in republica retineat; nisi hanc ipsam summi Pontificis abiurationem, publicè præstiterit.

Pupillus ad perfectam ætatem perueniens, hæreditatem suam adire nō poterit, nec eiusdem vllis commo-

dis gaudere, nisi prius emisericit idem publicum iuramentum.

Quicumque infra dignitatem Baronis positi, vocati fuerint (vt non raro solêt) ad comitia publica, quę parlamentum appellantur (in quo summa libertas suffragiorum solebat esse) amittent omne ius suffragiorum: nisi velint publicè hanc abiurationem Pontificis præstare. Si cuiquam infra conditionem Baronis constituto, hæc abiuratio bis oblata fuerit, & ipse hanc eandem secundò recusa-uerit: amittet omnia bona & possessiones suas, & corpore condemnabitur ad perpetuos carceres.

Qui negauerit Reginam esse supremum caput Ecclesię Anglicanę in causis Ecclesiasticis, eadem poena plectetur amissionis bonorum omnium, & incarcerationis perpetuę.

Quicumque Agnos Dei, (vt vocant) rosaria, grana benedicta, medalias, crucifixos, aut aliam rem quameunque benedictam à summo Pontifice, & in Angliam adductam, receperit, aut retinuerit; eandem poenam

pœnam sustinebit, amissionis bonorum omnium, & incarnationis perpetuæ.

Si quis pædagogum domi retinuerit, ad instruendos pueros, qui Ecclesias protestantium non frequentet, aut ab Episcopo Calviniano approbatus non fuerit; perdet ob eam causam 33. aureos singulis mēsis, quo usque illum eiecerit.

Si quis sciat aliquem, qui alterum reconciliauerit vnitati & communioni Ecclesiæ Romanæ, & si hunc reconciliatorem, aut illum alterum reconciliatum quouismodo iauerit, aut celauerit, ita vt infra spacium 20. dierum proximè sequentium, magistratui publico vtcunque non prodiderit; amittet omnia bona sua, tam mobilia, quàm immobilia, omnesque possessiones dum viuit, & de corpore suo statuetur ad arbitrium Reginae.

Qui nouerit aliquem procurasse alterius reconciliationem ad fidem Romanam, quamuis ipse nec reconciliauerit, nec reconciliatus sit, & si

hūc procuratorem quouismodo iuuerit, aut celauerit, aut non prodiderit magistratui, vt suprā; eiusdem poenæ condemnabitur.

Qui nouerit aliquem consiliū dedisse alicui, vt reconcilietur Romanę fidei, licet ipse hoc omninò non procurauerit; & si hunc consultorē quouismodo iuuerit, aut celauerit, aut non prodiderit, vt suprā; eidem poenæ fiet obnoxius.

Si quis sciat aliquem persuasisse, procurasse, aut consuluisse alicui, vt obediat Romano Pontifici in causis Ecclesiasticis, & si hunc tamen iuuerit, celauerit, aut nō prodiderit, vt suprā; eadem poena plectetur.

Qui cognouerit aliquem permisisse sibi persuaderi, vt obediat in Ecclesiasticis Romano Pōtifici, vel promississe (pro futuro tempore) quamcūq; ei obediētiam: & si hunc quouis modo iuuerit, aut celauerit, aut infra viginti dies non prodiderit, vt suprā; eandem penam amissionis bonorum & possessionum omnium, & incarcerationis subibit.

Qui

Qui sciat sacerdotem aliquem absolutionem alteri dedisse, & hūc iuuerit aut celauerit, aut satis tēpore non prodiderit, vt suprà; ad eandem poenam condemnabitur.

Si quis nouerit sacerdotem habere authoritatem absoluendi, quamuis eam non exercuerit, aut aliquem absoluerit: & si hunc iuuerit, aut celauerit, aut non prodiderit, vt suprà; eidem poenæ subiacebit.

Qui sciuerit aliquē præferre, authoritatem habere absoluēdi, etiam si reuera non habeat, & hunc iuuerit, aut celauerit, aut non prodiderit, vt suprà; eadem poena inuoluetur.

Si quis sciat aliquē esse ab altero absolutum, siue volens petierit illā absolutionem, siue sciens solūm permiserit se absolui nō petentem, & hunc vllō modo adiuuauerit, aut celauerit, aut nō prodiderit, vt suprà; eiusdē poenæ reus existimabitur.

Qui nouerit aliquem dissuasisse alteri religionem, quę nunc est publica in Anglia; hoc est Calvinismum) ea intentione, vt eum trahat ad obediē-
dum

dum Pontifici, & Romanę religioni: vel si sciuerit aliquem procurasse, vel suasse, vt alteri sic dissuadeatur: & si hunc quouismodo iuuauerit, celaue- rit, vel nō prodiderit magistratui in- fra spacium 20. dierum, vt supra; ean- dem pœnam toties iam descriptam patietur, nimirum, vt amittat omnia quæ mortalibus hæc vita dare possit commoda.

*Leges capi-
tales.*

Capitales autem illæ: Quicunque dixerit, scripserit, affirmauerit, vel vl- lo modo etiam per cifras significaue- rit, vel etiam rogatus, confessus fue- rit, Pontificem Romanum esse ca- put Ecclesię Anglicanę, vel vllam ha- bere ibi in causis Ecclesiasticis autho- ritatem, reus læsæ maiestatis existi- mabitur, & eadem prorsus pœna ple- ctetur, qua reipublicæ proditores ple- cti solent.

Qui ad Pontificem Romanum vl- la de causa appellauerit, & bullas, aut alia instrumenta ab illo obtinuerit, & in Angliam inuexerit, eidem læsæ maiestatis pœnæ subiacebit.

Si quis Agnos Dei (vt vocant rosa-
ria,

ria, grana benedicta, medalias, crucifixos, aut quamcunque rem aliam à Pontifice Romano benedictam, in Angliam importauerit; criminis læsæ maiestatis reus erit.

Quicumq; infra dignitatem Baronis constituto, ter oblatum fuerit iuramentum, seu abiuratio contra Pontificis Romani auctoritatem, & pro suprema potestate Reginæ, in causis Ecclesiasticis, & si ille tertio iurare detrectet; eandem poenam læsæ maiestatis sustinebit.

Qui vlllo modo dixerit, scripserit, significauerit, vel rogat⁹ cōfessus fuerit, Reginam Angliæ hæreticam esse, aut schismaticam; eidem poenæ læsæ maiestatis erit obnoxius.

Si quis aliquem Ecclesiæ Romanæ vnitati & communioni recōciliauerit, eandem poenam læsæ maiestatis patietur.

Quicumque fuerit ab aliquo, sciens & volens, ad eandem vnitatem & cōmunionem reconciliatus; eandem poenam sustinebit.

Qui procurauit alicuius reconciliatio-

ationem ad illam vnitatem & communionem; eiusdem poenæ reus erit.

Qui tantum consuluerit alicui, vt ad illam vnitatem & communionem reconcilietur, etiam si non procuret, eadem nihilominus plectetur poena.

Si quis alicui persuaferit, vt Pōtifici Romano, in causis Ecclesiasticis obediat, eodem crimine læsæ maiestatis condemnabitur.

Si quis permiserit sibi persuaderi, vt sic obediat: eiusdem criminis re⁹ censebitur.

Si quis procurauerit vel cōsilium dederit, vt alicui sic persuadeatur, eādem poenam læsæ maiestatis subibit.

Si quis promiserit (pro futuro tempore) se aliquam obedientiā Romano Pontifici in causis Ecclesiasticis præstiturum, eandem læsæ maiestatis poenam sustinebit.

Si sacerdos aliquē ex Reginæ subditis absoluerit, crimen læsæ maiestatis censebitur.

Si quis habeat auctoritatem absol-
uendi in Anglia, licet nullum actu
ab-

absoluerit, incurrit tamen læsæ maiestatis crimen.

Si quis præseferat habere huiusmodi auctoritatem absoluendi, etiam si non habeat, læsæ maiestatis reus existimabitur.

Si quis sciens ab altero absoluator, siue ipse petierit absolutionem illā, siue absolui se permiserit non petentem: eandem poenam læsæ maiestatis sustinebit.

Si quis procurauerit, ut aliquis absoluator, eidem poenæ fiet obnoxius.

Si quis consilium dederit, ut quis absoluator, licet non procurauerit, eandem poenam sustinebit.

Si quis vel procurauerit vel cōsulerit, ut quis absoluat, licet non ut aliquis in particulari absoluator, eidem poenæ subiacebit.

Si quis dissuaserit alicui religionē illā, quæ nūc publicè in Anglia tenetur, vel procurauerit ut dissuadeatur, ea intentione, ut ille cui dissuadeatur, ad obedientiam Romani Pontificis, & Romanæ fidei trahatur; reus erit etiam criminis læsæ maiestatis, & ca-

*Pena atrox
Catholicorū
in Anglia.*

& eadem pœna plectetur, quæ illi criminari debetur. Quæ quidem pœna huiusmodi est. Primū, vt condemnatus, terraque protractus ad locum supplicij, in maiorem cruciatum semi strāguletur laqueo: deinde, vt redeunti ad se, amputentur virilia, & igne comburantur: tunc, vt cultro aperiat ventē, & erutis ilijs, etiam cor, & viscera spiranti adhuc, & reluctanti, manu carnificis euellantur, & in ignem iuxta positum proijcian- tur: denique vt elixus, & in partes dissectus, ad varias ciuitatis portas suspendatur. Bona autem sua & possessiones omnes ad fiscum transeant, nec eorum quicquam ad vxorem, liberos, aut consanguineos descendat; sed vt ipsi præterea, huius vnus ob causam æterna notentur ignominia, & omnis mortui posteritas degrade- tur sanguine. Hactenus Anglicanæ leges, quàm dissimiles ab his nostris, pro quibus isti assiduè dimicant, videtis.

Vbi est illa Christiana libertas? vbi illud: In cōscientias ius præter Deum habere.

habere neminem? vbi illud: Fidem donū Dei esse, ideò nulli eius nomine succēsendum? Vbi illud: Sinite zizania crescere vsq; ad messē, ne simul triticum cum zizania euellatur? O mentes vagas & inconstantes? nihilq; præter cruces & carnifices declinantes? hæc q; illa est extrema plaga. Diuisa sunt corda illorū, inquit scriptura, nunc interibunt. Concurrere inquit faciā Aegyptios aduersus Aegyptios. Sed de prima nota satis, sup- que; sed & apud nos facilè ad Anglicanas leges, mutata voluntate isti redirēt, si tantū viriū haberēt: nā & sine legibus quod exemplar in cos edant, in quos possunt, videmus.

Matth. 13.

Osee 10.

Esa. 19.

SECVNDÆ NOTÆ EXPLICATIO: illam veram Ecclesiam esse,
quæ sit sancta.

CAPVT IIII.



Ecunda igitur illa est ciuitatis Dei nota, eam veram Ecclesiam esse, quæ sancta sit. Vtitur hac nota primū

K fa-

Cant. 6.

Psal. 140.

Ephef. 5.

Apoc. 21.

In Apologet.
cap.

sacra scriptura: *Quæ est ista*, inquit Salomon, *quæ progreditur, quasi aurora cõsurgens, pulchra ut luna, electa ut Sol, terribilis ut castrorũ acies ordinata? Cãtate*, inquit David, *Domino canticum nouum, laus eius in Ecclesia sanctorum.* Viri, inquit Paulus, *diligite uxores vestras, sicut & Christus dilexit Ecclesiam, & seipsum tradidit pro ea, ut illam sanctificaret, mundans eam lauacro aquæ in verbo vitæ, ut exhiberet ipse sibi gloriosam Ecclesiam, non habentem maculam, aut rugam, aut aliquid huiusmodi, sed ut sit sancta & immaculata.* D. item Ioannes in sua Apocalypsi, eodem modo veram describit Ecclesiam. Et ego Ioannes vidi sanctam ciuitatem Hierusalem nouam descendentem de cælo, à Deo paratam, sicut sponsam ornatam viro suo. Vñ sunt eodem signo vetustissimi Patres: Iustinus, Tertullianus, Athenagoras, qui in Apologeticis suis hac nota cœtus suos, Deo dignas congregationes, veramque Ecclesiam esse docuerunt. Iuuat quasi ex ore omnium loquentem audire Tertullianum: *At enim illud detri-*
mentum

mentum reipub. tam grande, quàm verum, nemo circumspicit. Illam iniuriam civitatis nullus expendit, cum tot iusti impedinur, cum tot innocentes erogamur: vestros enim iam contestamur actus, qui quotidie iudicandis custodijs præsidentis, qui sententijs elogia dispungitis, tot à vobis nocentes varijs criminum elogijs recensentur: quis illic sicarius? quis manticularius? quis sacrilegus? aut corruptor? aut lauantium prado? quis ex illis etiam talis Christianus ascribitur? aut cum Christiani suo titulo efferuntur, quis ex illis etiam talis, quales tot nocentes? De vestris semper aestuat carcer, de vestris semper metalla suspirant, de vestris semper bestiae saginantur, de vestris semper munerarij noxiorum greges pascut. Nemo illic Christianus, nisi planè tantum Christianus: aut si & aliud, iam non Christianus. Nos ergo soli innocentes. Quid mirum, si necesse est? Enimuerò necesse est, innocentiam à Deo edocti, & perfectè eam novimus, ut à perfecto magistro releuatam: & fideliter custodimus, ut ab incontinentibili dispensatore mandatam. Vobis autem humana aestimatio innocentiam tra-

didit, humana item dominatio imperavit. Inde nec plena, nec adeò timenda estis disciplina ad innocentia veritatem. Tanta est prudentia hominis ad demonstrandum bonum, quanta auctoritas ad exigendum: tam illa falli facilis, quàm ista contemni. Atque adeò quid plenius dicere, Non occides: an docere ne irasceris quidem? quid perfectius prohibere adulterium: an etiam ab oculis solitariam arcere concupiscentiam? quid eruditius, de maleficio; an de maleloquio interdiceret? quid instructius, iniuriam non permittere: an nec vicem iniuriæ sinere? dum tamen sciat ipsas quoque leges vestras, quæ videntur ad innocentiam pergere, de diuina lege, ut antiquioris formæ mutuatas. Hactenus Tertullianus. Verùm cum nō desint, qui ut superiorem notam, ita & hanc illo ipso modo effugere volūt, ut dicant eam demum esse Ecclesiam sanctam, in qua omnes sunt sancti, in qua, nemo peccet, qualem cum nullam reperiant, omnes contemnunt, ab omniumque iurisdictione se subtrahunt. Est enim nimis quoddam genus hominum callidum, quòd, cum nul-

nulli parere velit, nulliq; coetui se adiungere, sub nulli⁹ leges aut iura abire; eam sibi configit Ecclesiā, quę nūquā sit, nec esse possit: vt suo arbitrio viuat, nulloq; religionis debito obligetur, nullum metuat, omniū iura & iudicia effugiat, nulli subiectū atque obnoxiiū sit. Quare quis sit itidē sensus hui⁹ ipsi⁹ notę, paucis explicem⁹.

Illam igitur Ecclesiam sanctam intelligimus, quę sit sancta in doctrina: sancta in morib⁹: sancta Maiestate & firmitate sua, inuictoq; robore ac stabilitate: vt inuicta & insuperabilis maneat semper.

Sancta in doctrina, id est, quę nulla ex antiquis & veteribus hæresib⁹ doctrinam suam cōtaminauerit vnquā, non Ebionis, non Manichæi, nō Marcionis, non Valentini, non Gnosticorum, non Eunomij, non Photini, nō Arii, non Macedonij, non Sabellij, non aliorum errorem secuta sit. Hoc enim est quod Propheta prædixit: Vir pollutus, non transibit per illam; indeq; & si coniunx & spōsa sit, virgo tamen casta dicitur: quod ab omni

Ezech. 44.

videlicet hæretica fornicatione & immundicia sit alienissima.

Secundò, quòd non solùm nulla se hæresi cõtaminauerit vnquam, sed ne principia quidem atq; fundamenta suæ doctrinæ talia habeat vlla, ex quibus hæresis exoriri aut pullulare possit. Quanquam enim Lutherana, aut Augustana secta, Ebionis, Arii, Macedonij, Apollinaris hæresim sequuta esse nō videtur; ea tamē habet doctrinæ suæ principia, ea fundamenta: quibus stantibus, nō modò Arii, aut Macedonij hæresim in ea renasci, ac denuò germinare necesse sit; sed oēs alias quęcunq; aliquando orbem vexarūt Christianum. Qualia illa sunt: Nihil recipiendum esse præter ea, quę clarè & expressè in sacris reperiuntur scripturis. Priuatum sensum cuiusq; in scripturæ interpretatione sequendum esse. Veterum Conciliorum atque Synodorum paruum vel nullam habendam rationem: Sanctos Patres nullo præcipuo Spiritus sancti dono illustratos fuisse: libertatem de fide decernendi penes omnes equam per-

ma-

manere magistratus spirituales, in fide atque moribus nullam coercendi vim habere: omnes passim sacerdotes, Doctores, pastores existere, aliaque eius generis. Hæc enim talia sunt principia, tales radices, tales bases & fundamenta, in quibus tanquam in semine atque radicibus omnes hæreses continentur, nec prius renasci desinent, donec illa funditus extirpentur. Quas quidem in dies magis ac magis ex his hominibus oriri ac repullulare, non tam oculis videmus, quàm manibus ipsis contrectamus.

Postremò sancta est in doctrina: quòd omnem sanctitatem, vitæque innocentiam complexa sit: quòd virtutem, bonaque opera, omni ex parte commendet ac instillat: quòd ad spiritus & mentis puritatem omnia reuocet: quòd carni & sanguini non acquiescat, licentiæ & libidini fenestras non aperiat: in qua nihil crudele, nihil inhumanum, nihil enorme, nihil populare, nihil cum licentia coniunctum, docetur: quæ nihil fœdum & flagitiosum tradit: cuius lex

fit immaculata, conuertens animas, sapientiam præstans paruulis: quæ virtuti debitam mercedem non auferit: quæ iustum in omni opere bono peccare non docet: quæ aliena iustitia tanquam cornicula alienis plumis non superbit: quæ claustra pudoris & virginittatis non soluit: quæ ex desertis Eremitas non euocat: quæ irritam primam fidem facere non suadet: quæ venire ancillam, si nolit vxor, non iubet: quæ illud, Crescite & multiplicamini, tam importunè non inculcat, vxores non multiplicat, sed castitatem suadet potius: quæ necessitate nos malos esse non docet: Deumque authorem omnis mali esse non tradit: quæ liberum arbitrium, quo homines sumus, & Dei imaginem representamus, non interimit: quo sublato omnis virtutis, honestatis, atque sanctitatis ratio extinguitur.

His ergo modis sancta in fide, sancta in doctrina, & est & dicitur. Sed vltra hæc, sancta etiam in moribus, primùm studio & conatu, quo omnes

nes

nes suos sanctos & perfectos sponso suo IESV Christo exhibere cōtendit; idque multis & varijs modis, rationibusque: legibus, inquam, & institutis sanctissimis, cæremonijs castissimis, disciplina seuerissima, doctrina integerrima, examine arctissimo, cōfessionib⁹ sacris, satisfactionib⁹, excōmunicationibus, amplissimis præmijs, seuerissimis poenis, sanctorum exemplis, ieiunijs, paupertate, humicationib⁹, omniq; carnis mortificatione, & alijs infinitis virtutis, honestisque exercitijs. In quo conatu suo, cur nō proficiat semper, cur nō in omnibus finem suum cōsequatur, pulcherrimas ipsamet causas apud Salomonem reddit: *Fusca sum, inquit, sed* cant. 1. *formosa*. Quæ causa mutati coloris? *In via, inquit, sum non in patria. Decolorauit me Sol: puluere conspersi sunt pedes mei*. Quæ alia causa? *Filij matris meæ pugnaverunt contra me*. Qui filij matris tuæ? falsi & ficti fratres, tepentes & ignaui Christiani, truces hæretici, qui, quam disciplinam ego intendero, illi soluunt, ac omni licen

K 5 tia,

tia, ac libidini asylum apud se proponunt.

Verum non conatu tantum & studio, sed & re ipsa est sancta. Habet enim ex omni tribu & gente, & lingua, ordine & conditione sanctos & perfectos: de quibus D. Ioannes: *Ecce ego Ioannes vidi alterum Angelum ascendentem ab ortu Solis, habentem signum Dei vivi. Et clamavit voce magna quatuor Angelis, quibus datum est nocere terrae & mari, dicēs: Nolite nocere terrae & mari, neque arboribus: quoadusque signemus servos Dei nostri in frontibus eorum. Et audiui numerum signatorum, centum quadraginta quatuor millia signati, ex omni tribu filiorum Israel. Ex tribu Iuda, duodecim millia signati. Ex tribu Ruben, duodecim millia signati. Ex tribu Gad, duodecim millia signati. Ex tribu Aser, duodecim millia signati. Ex tribu Nephtalim, duodecim millia signati. Ex tribu Manasse, duodecim millia signati. Ex tribu Simeon, duodecim millia signati. Ex tribu Leui, duodecim millia signati. Et tribu Isachar, duodecim millia signati. Ex tribu Zabulon, duodecim millia signati. Ex tribu*

tribu Ioseph, duodecim millia signati. Ex tribu Benjamin, duodecim millia signati. Post hæc vidi turbam magnam, quam dinumerare nemo poterat, ex omnibus gentibus, & tribubus, & populis, & linguis, stantes ante thronū: & in conspectu agni, amicti stolis albis, & palmæ in manibus eorum: & clamabant voce magna, dicentes: Salus Deo nostro, qui sedet super thronum, & agno. De quib⁹ item illud magnificè ipsamet canit. Te gloriosus Apostolorum chorus. Te Prophetarum laudabilis numerus. Te martyrum cādidatus laudat exercitus. Te per orbem terrarum sancta confitetur Ecclesia. Qui sanctitatis suæ, non ipsi soli, sed orbis vniuersus, sed vniuersa tempora testes fuerunt: qui non vulgi fallax iudicium, sed Deum ipsum, qui eorum virtutē & sanctitatem varijs signis & portentis in vita & in morte confirmavit, & testatam esse voluit, amplissimum testem & iudicem habuerunt. Non enim qui se ipsum commendat, ille probatus est; sed quem Deus cōmendat, dicit Paulus. Quorum probitatem & vitæ integritatē latere noluit:

quo-

2. Corinth. 1.

Hebr. 12.

quorum innocentie vindex & exor-
nator exstitit semper: quorū ossa & ci-
neres, ita vt vnū ex illis nō pereat nu-
merauit. Neque verò hic meus est de
hoc genere hominū sensus; sed Pauli
ipsius, Ecclesiā in hunc modū descri-
bentis: *Accessistis, inquit, ad Sion montē,
ad ciuitatem Dei viuentis cœlestem Hie-
rusalem, Ecclesiam primitiuorum, qui con-
scripti sunt in cœlis, et spiritus iustorū per-
fectorum.* Qui sunt autē isti iusti perfe-
cti, quàm illi, de quibus diximus, San-
cti inquam Apostoli, Martyres, Con-
fessores, Doctores, Monachi, Virgi-
nes, Viduæ, quos dinumerare nemo
possit, ex omnibus populis, tribub⁹,
& linguis, & quorum sanctitatem, ac
vitæ innocentiam nulla vnquā mor-
talis hominis oratio rectè explicare
posset.

Sancta igitur est in fide sancta, in
vita & moribus, sed sancta etiam ma-
iestate, dignitate, ac inuicta quadam
stabilitate & robore suo: cuius virtu-
ti vniuersa mundi sapientia cessit: ad
quam eloquentia orbis obmutuit:
contra quam portę ipsę inferi, tot in-
quam

quam hæreseō, & schismatum agmina præualere non potuerunt: quam nemo violare, nemo extinguere, nemo superare, ad extremum nemo lædere potuit vnquam: sub cuius iuga mundi potestas tota abiit. Talem siquidem depingunt Prophætæ: Dauid *Psal. 47:*
in primis: *Deus fundauit eam in æternum, non commouebitur. Fundamenta eius in montibus sanctis: diligit Dominus portas Sion super omnia tabernacula Iacob. Et: Fundasti eam super stabilitatem suam, non inclinabitur in sæculum sæculi.* *Psal. 86.*
Quæ apud eundem Dauidem gloriatur: *Sapè expugnauerunt me à iuuentute mea, etenim nō potuerunt mihi.* Et Isaias: *Psal. 103.*
Vrbs fortitudinis tuæ filia Sion, saluator in ea murus & ætemurale. Talem ipse fundator eius futuram prædixit Christus Dominus: *Psal. 128.*
Domum inquam supra petram positam, super quam descenderunt pluuię, & venerunt flumina, & flauerunt venti, & non cecidit; *Isaia 26.*
fundamenta enim eius supra firmam petram. Cuius principibus & fundatoribus illud promittitur. *Matth. 7.*
Ego dabo vobis os & sapientiam, cui non poterunt resistere. *Luc. 21.*

Luc. 22.

resistere, & contradicere omnes aduersarij vestri. Ego oravi pro te Petre, ut non deficiat fides tua. Hanc aciem perumpere conati sunt pagani, omni suppliciorum genere, de pijs sumendo; conati sunt tyranni, libertatem eius eripiendo; conati sunt falsi fratres, charitatem extinguendo; conati sunt Iudæi, fidem illius impugnando; conati sunt schismatici, obedientiam tollendo, eiusque vnitatem scindendo; conati sunt hæretici, scripturas adulterando, veritatemque illarum obscurando, ac prauè eas interpretando. Vicit, fudit, fugauitque hæc omnia: vicit paganos, pro Christi fide vitam cum sanguine profundendo: vicit tyrannos in Deo suo spem ac fiduciam omnem collocando, ac pro persecutoribus suis exorando: vicit falsos fratres tolerando: vicit schismaticos ordinem retinendo, & vni⁹ ductū sequendo; ut de illa rectè dici possit: Egressi sunt omnes filij Israel, & pugnauerunt pariter cōgregati quasi vir vnus: vicit Iudæos & hæreticos, verum scripturarum sensum ab illis non

non intellectum, ab his autem per-
uersè detortum aperiendo, nihilque
illis vnquam concedendo. Omnibus
autem his, à quibus oppugnabatur,
vsa est potius ad profectos suos, & ad
correctionem suam, quàm ad labe-
factionem vllam. *Gentibus quidem,* De verare-
inquit Augustinus, *utitur ad materi-* ligione ca. 6.
am operationis sue; hæreticis ad probatio-
nem doctrinae sue; schismaticis ad docu-
mentum stabilitatis sue; Iudeis ad com-
parationem pulchritudinis sue: Quod in
figura quondam filijs Israel contigis-
se legimus, quos quantò magis op-
primebant Aegyptij, tantò magis mul-
tiplicabantur illi & crescebāt. Vt ve-
rè dictum sit ab Augustino, eam op-
pugnari posse, expugnari non posse.
Non. n. emoritur, vt doctrina huma-
na, neq; flaccescit, vt donum imbecil-
lum; manet autem eiusmodi, vt pro-
hiberi à nullo possit: inquit Clemens
Alexādrinus: Est aurū bonum, quod
cūm vritur, detrimentum non sen-
tit; sed magis fulgur eius augetur. Est
vineā, quæ dum putatur, erigitur, &
recisa non minuitur, sed augetur. Est
palma,

Ser. 189.

Libr. 6. Sre.
malum.

In Psal. 118.
Serm. 3.

palma, quæ pōdere eleuatur: dicebat Ambrosius: eam persecutionibus inflammari & ardere, sicut olim rubū Moyſi; verū loquente in illa domino non consumari: scribit Hieronymus: Est palma contra pondus se erigens, est Adamas nulli malleo cedens. Quæ igitur Ecclesia hunc in modum, & in doctrina, & in morib⁹, & maiestate, & firmitate sua, ita vti dictum, erit sancta; illa vera Ecclesia proculdubio, illa vera Regis Salomonis sponsa existet. Quæ autem talis sit, quisque iudicet, quisque pro sua statuatur conscientia: vbi enim res ipsa loquitur, verbis nihil op⁹ est. De istis hoc solū addam, eos primū per hos totos annos asseruisse nihil, qđ antea ab aliquo damnato hæretico, assertum non fuerit. Bona opera mercedem iustitiæ & salutis non habere docuerunt isti: docuit hoc idem Cheryntus, atque Simon Magus, quem duabus epistolis refutat D. Ioannes, vna item sanctus Iacobus. Sanctos inuocādos esse, eorumque reliquias venerandas negauerunt: negauit hoc
idem

idem Vigilantius, quem refutat D. Hieronymus. Sustulerunt purgatorium: hoc idem fecerunt Aëtrani, quos refellit Epiphanius. Christum in Sacramento Eucharistiæ contineri non posse dicunt: idem fecit Manichæus. Adorationem Sacramenti Eucharistiæ idololatriam esse dixerunt: hoc idem docuit Nestorius. Filium minorem patre tradere audent: tradit hoc antè illos Arrius. Hominem purum esse Christum blasphemāt: hoc idem fecit Ebion. Spiritum sanctum Deum esse negāt: negavit Macedonius. Perpetuam virginitatem matris Dei impugnarunt: impugnauit Eluidius. Imagines sustulerunt: fecerunt hoc idem Iconomachi. Matrimonium virginitati antetulerunt: æquauit Iouinianus: cærimonias accusarūt; accusauit Iouinianus, quē refutat D. Hiero. Romana quidem sedes habet hoc diuinitūs sibi concessum priuilegium, vt ab omni hæretica labe fieret semp alienissima, illique mirè restitit semper. Nam & in Hierosolymitano Patriarchatu, Eutychius, Irenæus, Hilarius

rius Ariani, & Ioannes Origenista Patriarchæ federunt. In Anthiocheno, Paulus Samosatenus hæresiarcha, Petrus Gnaphæus, Eutychianus, Macharius Monthelita & alij. In Alexādrino Georgius & Lucius Arriani, Dioscorus, Eutychianus, Cyrus, Monothelita, & alij. In Constantinopolitano, Macedonius, Nestorius, Sergius hæresiarchæ, & plerique alij. Romanæ autem Ecclesiæ illa fuit perpetua gloria, de qua scribit Agatho Pontifex Maximus, in Epistola ad Constantinum Imperatorem, quæ in sexta Synodo Constantinopolitana, Act. 4. perlecta est, & postea octaua Act. ab omnibus approbata: Hæc est, inquit, veræ fidei regula, quam & in prosperis, & in aduersis viuaciter tenuit & defendit hæc Spiritualis mater, vestri tranquillissimi imperij Apostolica Christi Ecclesia, quæ per Dei omnipotentis gratiam, à tramite Apostolicæ traditionis nunquam errasse probabitur, nec hæreticis nouitatibus deprauata succubuit, sed vt ab exordio

dio fidei Christianæ percepit, ab authoribus suis Apostolorum CHRISTI Principibus, illibata finetenus permanfit, secundum ipsius Domini Saluatoris diuinam pollicitationem, quam suorum discipulorum Principi in sacris Ecclesijs fatus est. Petre, Petre, inquit, Ecce Sathanas expectauit vos, vt cribraret sicut triticum, ego autem rogaui pro te, vt non deficiat fides tua, & tu aliquando conuersus confirma fratres tuos. Consideret igitur vestra tranquilla Clementia, quoniam Dominus & Saluator omnium, cuius fides est, qui fidem Petri non defecturam promisit, confirmare eum fratres suos, admonuit, qđ Apostolicos Pontifices mex exiguitatis prædecessores fecisse, semper cunctis est agnitum.

Sic Nicolaus primus, in Epistola ad Michaellem: Priuilegia, inquit, istius Sedis perpetua sunt diuinitus radicata atque plantata, impingi possunt, transferri non possunt, quæ ante imperium vestrum fuerunt, permanēt Deo gratias hætenus illibata,

manebuntque post nos, & quousque Christianum nomen prædicatum fuerit, illa subsistere non cessabunt. Ac paulò post: Nam & inter cætera is, per quem nobis præcipuè priuilegia ista sunt collata, tu aliquando conuersus, audiuit à Domino: Confirma fratres tuos. Quod idem vniuersi Orientis patres illi deferunt, Origenes, Cyrillus, præcipuè autem Theodoretus, cu-

*In Epistol. ad
Renatū pres-
byterum Ro-
manum.*

ius hæc verba sunt: Tenet, inquit, sancta ista sedes gubernacula regendarum cuncti orbis Ecclesiarum, cum propter alia, tum quia semper hæretici foetoris expers permanfit: Atq; ea causa fuit, cur Orientales Episcopi sanctiores in rebus fidei atque in persecutionibus, quas ab Impp. & à Græcis patiuntur, ad Romanos pontifices confugerunt: S. Athanasius ad Iuliū, S. Ioannes Chrysostomus ad Innocentium Primum, Ignatius Tertius ad Nicolaum, Theodoretus ad Leonē, Maximus ad Martinum, & cæteri, quamobrem literis à Romanis Pontificibus acceptis, suas sedes recepere, & quanta esset à Christo successorib⁹

Petri

Petri collata potestas, re ipsa mōstratum est. Hæc hæctenus.

Deinde morum disciplina, quæ istorum esse potest? cuius illa summa est: Non orare, non ieiunare, non se se macerare, non confiteri, non satisfactionibus peccata expiare, edere, bibere, dormire, ex clerico vxoratum esse, ex monacho coniugem. Ex qua disciplina, qui mores & studia sūt perfecta, audiant popularem suum, non valde ab illis auersum, & qui bona vitæ suæ partem apud illos traduxit, virum alioqui magnum Erasmus Rotherodamum, qui inquit: *Circumspicite mihi sodalitatem istam Euangelicam; quot habet adulteros, quot temulentos, quot aleatores, quot decoctores, quot alijs vicijs infames? Et hos habent etiam in delicijs, tantum abest, ut vitent. Apostoli quò magis vacarent Euangelio, aut abstinebant ab vxoribus, quas ducere licebat, aut legitime ductas vertebant in sorores. Nunc floret Euangelium, quòd sacerdotes & monachi contra certè leges humanas, contra professionem suam ducunt vxores? condonetur hoc: Circumspice, num ca-*

Eras. in epist. contra pseu- euangelicos.

stiora sint eorum coniugia, quàm aliorum, quos ducunt pro Ethnicis? agnoscis, opinor, quas fabellas tibi possim referre, si liberet. Iam an inter Euangelicos minus indulgeatur libidini, an minus sit adulteriorum?

Quid Argentorati fiat, nescio: quid alibi compertum sit, mecum nouit populus. Iam ut donemus istis Euangelij præconibus esse fas uxores ducere; quis non admiretur, ouiculas maectationi destinatas, nihil in hoc mundo quærentes, præter Christi gloriam, tot curis districtos, tot afflictionibus obnoxios (quibus accedit & paupertas, onus cum miserum, tum graue) non posse viuere sine uxoribus? quas tamen multi ob leuiiores causas, aut non ducunt, aut ductas nollent. At istis omnis tragædia exit in cathastrophen comicam. Vbi contingit uxor, occinitur, valete & plaudite. Quæ malum est ista tanta salacitas, quam tot mala non possunt excutere? unde tanta carnis rebellio in ijs, qui se iactant agi spiritu Christi? Dices: nihil tam fuit unquam felix in rebus humanis, quin malorū admixtu vitaretur: ad bonos verte oculos. Fieri potest, ut mea sit hæc infelicitas

Lutheri doctrina sunt homines deteriores.

tas: mihi adhuc neminem contingit nosse, qui non videatur seipso factus deterior: Vos, inquit, strenuè clamatis in luxum sacerdotum, in ambitionem Episcoporum, in tyrannidem Romani pontificis, in garrulitatem Sophistarum, in preces, ieiunia, & missas, nec ista purgari vultis, sed tolli: nec omnino quicquam in receptis placet; sed zizaniam euellitis cum tritico; aut ut melius dicam, triticum euellitis pro zizania. At quid interim nobis profertis melius, & Evangelio dignius, ut ab assuetis recedamus? Circumspice populum istum Evangelicum, & observa, num minus illic indulgeatur luxui, libidini, & pecunia; quàm faciunt hi, quos detestamini? Profer mihi, quem istud Evangelium ex comessatore sobrium, ex feroci mansuetum, ex rapaci liberalem, ex maledico benedicum, ex impudico reddiderit verecundum? Ego tibi multos ostendam, qui facti sunt seipsis deteriores. Et paulò post: Nunquam eorū Ecclesias sum ingressus, sed aliquando vidi redeuntes à concione, veluti malo spiritu afflatos, vultibus omnium iracundiam ac ferociam mirā præferentibus. Sic

opinor, discedunt milites à concione ducis ad prælium exhortati. Quis unquam vidit in eorum concionibus quenquam fundentem lachrymas, tundentem pectus, aut ingemiscentem? Et alio loco: At iste, inquit, populus tam Evangelicus, etiam Turcarum principi dicitur detestabilis, quem ait seditioni natum: quos subinde tumultus excitat? quoties quam leuibus de causis procurrit ad arma? ne suis quidē Ecclesiastis satis obtemperans, nisi dicant blanda auribus: profligandi etiam, si liberius in vitam eorum inuehantur, aut ab opinione dissentiant. Initio tantū non Deus erat illis Lutherus, nunc ysdem prorsus delirat, quod nouum de Eucharistia dogma non recipiat. Nouam verò libertatem Evangelicam, impune facere, sentire quod cuique libitum est. Quod ne ipse quidem primus dux & magister eius disciplinæ dissimulauit. Res in medio est, nunc maiorem auaritiam, crudelitatem, libidinis audaciam, improbitatem esse, quàm ante sub Papatu hæc fuerunt. Et alibi: * Germaniam suam, post nouum Euangelium, tantum non obsessam videri à diabolo ait. Quid enim ab illo homine sanctum, quid

In Postil. mi
nor. super Do
minica 1. Ad
uentus, pa. 1.
* In cap. 6.
ad Galat.

* In cap. 23.
Gen pa 327.

quid honestum, quid castum proficisci potuit; qui & ipse primam fidem irritam fecit, damnationem sibi acquirens, & alijs eius licentiæ vexillum sustulit? Ita vt si cætera sua tueri posset, hoc tamen nunquam obtinebat, vt se periurum non esse probare possit. Quam autem non dissimiles habuerint veteres hæretici mores, quā nō dissimilia studia, vt putes eosdem esse, vel ex iisdē natos, iuuat ex libro Tertull. cognoscere. *Non omittā ipsius etiā conuersationis hæreticæ descriptionē, quā futilis, quā terrena, quā humana sit, sine gravitate, sine auctoritate, sine disciplina, vt fidei sua congruens. Inprimis quis Catechumenus, quis fidelis, incertum est: pariter audiunt, pariter orant: etiam ethnici, si superuenerint, sanctum canibus, & porcis margaritas, licet non veras, iactabunt. Simpliciter autem volunt esse post rationem disciplina, cuius penes nos curam lenocinium vocant. Pacem quoque passim cum omnibus miscent. Nihil enim interest illis, licet diuersa tractantibus, dum ad vnius veritatis expugnationem conspicerent. Omnes tument, omnes scientiam pol-*

licentur. Ante sunt perfecti catechumeni,
 quàm edocti. Ipse mulieres heretica quàm
 procaces, quæ audeant docere, contendere,
 exorcismos agere, curationes repromitte-
 re, forsitan & tingere: Ordinationes eo-
 rum temeraria, leues, inconstantes: nunc
 neophytos cōlocant, nunc seculo obstrictos,
 nunc apostatas nostros, ut gloria eos obli-
 gent, quia veritate nō possunt. Nusquam
 facilius proficitur, quàm in castris rebelli-
 um, ubi ipsum esse illic, promereri est. Ita-
 que alius hodie Episcopus, cras alius: hodie
 Diaconus, qui cras Lector: hodie Presby-
 ter, qui cras Laicus. Nam & laicis sacer-
 dotalia munera iniungunt. Caterum, nec
 suis præsidiis reuerentiam nouerunt. Et
 hoc est, quòd schismata apud hereticos fe-
 rè non sunt: quia cum sint, nō parent schis-
 mata. Est enim unitas ipsa. Mentior, si
 non etiam à regulis suis variant inter se,
 dum unusquisque proinde suo arbitrio
 modulatur, quæ accepit: quemadmodum
 de suo arbitrio ea composuit ille, qui tradi-
 dit. Agnoscit naturam suam, & originis
 suæ morem, profectus rei. Idem licuit Va-
 lentinianis, quod Valentino: idem Mar-
 cionitis, quod Marcioni, de arbitrio suo fi-
 dem

deminnouare. Denique penitus inspectæ
 hæreses omnes in multis cum authoribus
 suis dissentientes deprehenduntur. Pleri-
 que nec Ecclesias habent, sine matre, sine
 Deo, orba fide, extores quasi sigillatæ va-
 gantur. Notata sunt etiam commercia hæ-
 reticorum cum Magis quamplurimis, cum
 circulatoribus, cum Astrologis, cum Philo-
 sophis, curiositati scilicet deditis. Quærite,
 & inuenietis, ubique meminerunt. Adeo
 & de genere conuersationis qualitas fidei
 æstimari potest: doctrinæ index disciplina
 est. Negant Deum timendum. Itaque
 libera sunt illis omnia & soluta. Vbi autē
 Deus non timetur, nisi ubi non est? ubi
 DEVS non est, nec veritas ulla est. Vbi
 veritas nulla est, meritò & talis discipli-
 na est. At ubi Deus, ibi metus in De-
 um, qui est initium sapientiæ. Vbi metus
 in Deum, ibi grauitas honesta, & diligen-
 tia attonita, & cura sollicita, & adle-
 ctio explorata, & communicatio delibe-
 rata, & promissio emerita, & subiectio
 religiosa, & apparitio deuota, & pres-
 sio modesta, & Ecclesia unita, & DEI o-
 mnia. Proinde hac pressiora apud nos
 testimonia disciplina ad probationem ve-
 ritatis

ritatis accedunt : à qua diuertere nemini expedit, qui meminerit futuri iudicij : quo omnes nos necesse est apud Christi tribunal astare, reddentes rationem, inprimis ipsius fidei. Picardi, atque Anabaptistæ dices honesti sunt: si sunt, laudo: at cætera desunt. Nam & Encratitæ, Cathari, Angelici, continentes fuisse leguntur: verùm cùm rectam fidem non habuerint, quam vera vitæ integritas sequitur, foedi extiterunt hæretici. Virum autem sanctum, qui integritatis suæ cœlitus testimonium acceperit aliquod, vel vnum demonstrent, qui vel muscam sua deuotione & pietate à mortuis excitauerit, & causam obtinebunt. An ne id quidem curant, vt aliquos tales habeant? Nam de robore & duratione quid ego dicam? cùm nudius tertius exorti, eodem die more auicularum, quas ephimeras vocant, occidant, & oriantur. Lutherus certè primus huius tragoediæ excitator dogmati suo superuixit, idq; nullo impugnante, nullo persequente, omnibus autem fauentibus & applaudentibus, ac ad vexillum licentiæ quid ere-

erexit effuso gradu concurrentibus.
Res clara verbis non indiget.

*TERTIÆ NOTÆ EXPLI-
catio: eam esse veram Ecclesiam,
quæ sit Catholica.*

CAPVT V.



Erùm nos ad tertiam no-
tam referamus, hæc au-
tem est: Illam verè Eccle-
siam esse, quæ Catholica
sit, hoc autem est, per to-
tum orbem terrarum, ac per omnia
tempora fusa. Quam quidem notam
maximè ex omnibus vniuersa sacra
commendat atque celebrat Scriptu-
ra: hac vniuersa antiquitas limites ve-
ræ Ecclesiæ amplissimè contra om-
nes hæreticos semper tutata est. Talis
enim reuera Ecclesia quærenda est,
qualis primis Patriarchis promissa
est. qualem S Propheta adumbrarūt:
qualem CHristus ipse eius fundator
futuram esse prædixit. Primò igitur
Abrahæ talis Ecclesiæ status promit-
titur: *Benedicam, inquit, tibi, & multi-* Genes. 22.
plicabo

plicabo semen tuum, sicut stellas cœli, & veluti arenam quæ est in littore maris: possidebit semen tuum portas inimicorum tuorum: benedicentur in semine tuo omnes gentes terræ, quia obediisti voci meæ.

Genes. 26.

Idem Isaaco pollicetur Deus: *Benedicentur in semine tuo omnes gentes terræ, eo quod obediuit Abraham voci meæ.*

Genes. 28.

Eodem modo Iacobo: *Dilataberis ad orientem & occidentem, & septentrionem, & meridiem: & benedicentur in te, & semine tuo, omnes tribus terræ.* Talem futuram prædixerunt Prophetæ omnes.

Psalms. 71.

Et dominabitur à mari usque ad mare, inquit Dauid, & à flumine usque ad terminos orbis terrarum, Et adorabunt eum omnes reges terræ, omnes gentes serui-ent ei. Et benedicentur in ipso omnes tribus terræ, omnes gentes magnificabunt eum, & replebitur maiestate eius omnis terra.

Psalms. 2.

Et in alio Psalmo. *Postula à me, & dabo tibi gentes hereditatem tuam, & possessionem tuam terminos terræ.* Et in alio.

Psalms. 21.

Psalms. 18.

Conuertentur ad dominum uniuersi fines terræ, & uniuersa familia gentium. Et: In omnem terram exiuit sonus eorum, & in fines orbis terræ verba eorum. Non sunt loque-

loquela neque sermones, quorum non audi-
antur voces eorum. Et item: Vineam de ^{Psalm. 79.}

Aegypto transtulisti: eiecisti gentes, & plā-
tasti eam. Dux itineris fuisti in conspectu
eius: & plantasti radices eius, & implevit
terram. Operuit montes umbra eius, & ar-
bustae eius cedros Dei. Extendit palmites
suos usq. ad mare: & usque ad flumen pro-
pagines eius. Isaia nō tam adumbrat, ^{Isaia 60.}
quā viuis quibusdam coloribus tā
amplos & dilatatos eius fines depin-
git: Tunc videbis, & afflues, & mirabi-
tur, & dilatabitur cor tuum, quando con-
uersa fuerit ad te multitudo maris, fortitu-
do gentium venerit tibi. Inundatio came-
lorum operiet te, dromedarij Madian &
Epha, Omnes de Saba venient, aurum &
thus deferentes, & laudem Domino an-
nunciantes. Omne pecus Cedar congrega-
bitur tibi, arietes Nabaioth ministrabunt
tibi. Offerentur super placabili altari
meo, & domum maiestatis meae glorifica-
bo. Qui sunt isti, qui ut nubes volant,
& quasi columbae ad fenestras suas?
Me enim insula expectant, & naues
maris in principio, ut adducam filios tu-
os de longē. Argentum eorum, & au-
rum

rum eorum cum eis, nomini domini DEI tui, & sancto Israël, quia glorificauit te. Et adificabunt filij peregrinorum muros tuos, & reges eorum ministrabunt tibi. In indignatione enim mea percussi te, & in reconciliatione mea misertus sum tui. Et aperientur porta tua iugiter, die ac nocte non cludentur, vt afferatur ad te fortitudo gentium, & Reges earum adducantur. Gens enim & regnum quod non seruiert tibi, peribit: & gentes solitudine vastabuntur. Gloria Libani ad te veniet, abies, & buxus, & pinus, simul ad ornandum locum sanctificationis meae, & locum pedum meorum glorificabo. Et venient ad te curui filij eorum qui humiliauerunt te, & adorabunt vestigia pedum tuorum omnes, qui detrahebant tibi, & vocabant te ciuitatem Domini Sion sancti Israël, pro eo, quod fuisti derelicta, & odio habitata, & non erat qui per te transiret, ponam te in superbiam seculorum, gaudium in generatione, & generationem, & suges lac gentium, & mamilla regum lactaberis. Et scies, quia ego Dominus saluans te, & redemptor tuus fortis Iacob. Pro aere afferam aurum, & pro ferro afferam argentum, & pro li-

pro lignis as, & pro lapidibus ferram. Et
 ponam visitationem tuam pacem, & præ-
 positos tuos iustitiam. Et alio loco: Lau- *Isai. 54.*
 da sterilis quæ non paris, quoniam multi fi-
 lij desertæ magis, quàm eius quæ habebat
 virum. Dilata locum tentorij tui, & pelles
 tabernaculorum tuorum extende, semen e-
 nim tuum gentes hereditabit. Lapis a- *Dan. 2.*
 pud Daniele excisus absque mani-
 bus, excrescit, fit in montem magnū,
 & replet vniuersam terram. Tumultua- *Michæ 2.*
 bit à multitudine gentium, inquit Miche-
 as. Potestas eius à mari vsque ad mare, &
 à fluminibus vsque ad fines terræ, inquit *Zach. 9.*
 Zacharias. Ab ortu solis vsque ad occa-
 sum, magnum est nomen meum in genti-
 bus: & in omni loco sacrificatur & offer-
 tur nomini meo oblatio munda: quia mag-
 num est nomen meum in gentibus, dicit
 Dominus exercituum, dicit Malachi. *Malach. 1.*
 as. In illa die erit Dominus vnus, & erit
 nomen eius vnum, & reuertetur omnis ter-
 ra vsque ad desertum, inquit Zacharias.
 Et omnes qui reliqui sunt de vniuersis gen-
 tibus, ascendent ab anno in annum, ut ado-
 rent regem Dominum exercituum. Et
 hæc quidem Prophetæ prædixerunt.

M

Idem

Idem aut & Christus Dominus docuit:

Marc. 16.

Euntes, inquit, in mundum uniuersum, predicate Euangelium omni creatura, &c. illi autem profecti predicauerunt ubique,

Act. 1.

&c. Item. Et eritis mihi testes in Hierusalem, & in omni Iudea & Samaria, & usque ad ultimum terrae. Et alio loco.

Luc. 24.

Oportuit Christum pati, & resurgere a mortuis tertia die, & predicari in nomine eius poenitentiam, & remissionem peccatorum in omnes gentes, incipientibus ab Hierosolyma. Et iterum. Amen amen dico vobis: oportet predicari hoc Euangelium in uniuerso mundo. Et omnem particularitatem excludens alio loco ad-

Matth. 24.

dit: Tunc si quis vobis dixerit: Ecce hic est Christus, aut illic, nolite credere. Surgent enim pseudochristi & pseudoprophetae, & dabunt signa magna & prodigia, ita ut in errorem inducantur, si fieri potest, etiam electi. Ecce praedixi vobis. Si ergo dixerint vobis. Ecce in deserto est, nolite exire: ecce in penetralibus, nolite credere. Sicut enim fulgur exit ab oriente, & paret usque in occidentem, ita erit & aduentus filij hominis. Vbicunque fuerit corpus, il-

luc

luc congregabuntur & aquila. Et item:
Et mittet Angelos suos cum tuba, & voce
magna, & congregabunt electos eius à
quatuor ventis, à summis cælorum usque
ad terminos eorum. Et in Actis: Erant Act. 2.
autem in Hierusalem habitantes Iudæi vi
ri religiosi ex omni natione qua sub cælo
est. Facta autem hac voce, convenit multi
tudo, & mente confusa est, quoniam au
diebat unusquisque lingua sua illos lo
quentes. Stupebant autem omnes, & mi
rabantur dicentes: Nōne ecce omnes isti
qui loquuntur Galilæi sunt? Et quomodo
nos audiimus unusquisque linguam
nostram, in qua nati sumus? Parthi &
Medi, & Elamitæ, & qui habitant
Mesopotamiam, Iudæam & Cappadoci
am, Pontum & Asiam, Phrygiam, &
Pamphyliam, Ægyptum & partes Li
biæ, quæ est circa Cyrenen, & aduenæ Ro
mani, Iudæi quoque & Profelyti, Cretes
& Arabes, audiimus eos loquentes no
stris linguis magnalia Dei. Stupebant au
tem omnes, & mirabantur ad inuicem di
centes: Quidnam hoc est?

Cur hoc loco ipsi Doctores omnium gentium linguis loquuntur, quā quod ad omnes gentes fidem prædicare debebāt? Quod signum, cūm cui dentissimum ac certissimum sit, & quo nullum ferè clariùs & illustriùs in sacris scripturis explicatur, & quòd vel solum ad faciendam fidem abundè sufficit; nemo fuit inter veteres illos sanctos Patres, qui veram spōsam Iesu Christi hoc ipso signo & nota ab falsis Ecclesijs non distinxerit, nemo qui huc non prouocauerit. Iuuat aliquos ex vetustioribus in mediū proferre: nam omnium testimonia adscribere, infinitæ prolixitatis negotium esset. Primus ferè omnium post Apostolorum tempora, qui cum hæreticis cōgressus est, Irenæus fuit. Hic eo signo hunc in modum sui temporis conuincit hæreticos. *Ecclesia, inquit, per vniuersum orbem vsque ad fines terræ seminata, & ab Apostolis, & à discipulis eorum accepit eam fidem, quæ est in vnum Deum patrem omnipotentem, qui fecit cælum & terram, mare, & omnia quæ in eis sunt. Et in vnum Iesum Christum*

Lib. 1. aduersus hæreses, cap. 2.

filium

filium Dei, incarnatum pro nostra salute:
Et in Spiritum sanctum, qui per Prophe-
tas predicauit dispositiones Dei & aduen-
tum, & eam, quæ est ex virgine genera-
tionem, & passionem, & resurrectionem
à mortuis, & in carne in cælos ascensionē
dilecti Iesu Christi Domini nostri, & de
cælis in gloria patris aduentum eius ad re-
capitulanda vniuersa, & resuscitandam
omnem carnem humani generis: ut Chri-
sto Iesu Domino nostro, & Deo, & Salua-
tori, & regi, secundum placitum patris in-
uisibilis, omne genu curuetur, cælestium,
terrestrium, & infernorum, & omnis lin-
gua confiteatur ei, & iudicium iustum in
omnibus faciat. Spiritualia quidem nequi-
tia, & angelos transgressos, atque Aposta-
tas factos, & impios, & iniustos, & ini-
quos. & blasphemos homines in aeternum
ignem mittat: iustis autem & aequis, &
præcepta eius seruantibus, & in dilectione
eius perseverantibus quibusdam quidem
ab initio, quibusdam autem ex pœnitētia,
vitam donans, incorruptelam loco mune-
ris conferat, & claritatem aeternam circū-
det. Hanc prædicationem cum acceperit, &
hanc fidem quemadmodum prædiximus,

*Ecclesia, & quidem in uniuersum mundū
 disseminata diligenter custodit, quasi vnā
 domum inhabitans, & similiter credit ijs,
 videlicet quasi vnā animā habens, &
 vnum cor, & consonantē hęc prędicat, et
 docet, & tradit, quasi vnum possidens os.
 Nā & si in mundo loquela dissimiles sunt,
 sed tamen virtus traditionis vnā & eadē
 est: Et neq; hęc, quę in Germania sunt fun-
 data Ecclesia, aliter credūt, aut aliter tra-
 dunt, neq; hęc, quę in Hiberis sunt, neq; hęc,
 quę in Celtis, neq; hęc, quę in oriente, neq;
 hęc, quę in Aegypto, neq; hęc, quę in Libia,
 neq; hęc quę in medio mundi sunt constitu-
 tæ: sed sicut Sol creatura Dei in uniuerso
 mundo vnus & idem est, sic & lumen prę-
 dicatio veritatis vbique lucet, & illumi-
 nat omnes homines, qui volunt ad cogniti-
 onem veritatis venire. Et neque qui valde
 pręualet in sermone ex ijs, qui pręsunt Ec-
 clesijs, alia quā hęc sūt, dicet: nemo enim
 super magistrum est: neq; infirmus in dicē-
 do deminorabit traditionem. Cū enim
 vnā & eadē fides sit, neq; is, qui multum
 de ea potest dicere ampliat, neq; is, qui mi-
 nus, deminorat. Et de Ecclesię quidem
 vniuersalitate hęc.*

De istorum autem dissidijs, ac inconcinna paucitate illud: videamus, inquit, nunc & eorum inconstantem sententiam; cum sint duo vel tres, quoadmodum de eisdem non eadem dicunt, sed & nominibus, & rebus contraria respondent. Irenæum secutus est *In lib. contra* Tertull. qui eandem texit contra Iu. *Iudeas.* daos Geographiam, in hunc modum: Cui enim & alie gentes crediderunt, Parthi, Medi, Elamitæ, & qui inhabitant Mesopotamiam, Armeniam, Phrygiam, Cappadociam, & incolentes Pontum & Asiā, Pamphiliam immorantes Aegyptū, & regionem Aphricæ, quæ est trās Cyrenen, inhabitantes, Romani, & incolæ, tunc & in Hierusalē Iudæi, & ceteræ gentes, ut iam Getulorum varietates, & Maurorū multi fines, Hispaniarum omnes termini, & Galliarum diuersæ nationes, & Britannorum inaccessa Romanis loca Christo vero subdita, & Sarmatarū, & Dacorum, et Germanorum, & Scytharum, & abditarū multarum gentium, & prouinciarū, & insularū multarum nobis ignotarum, & quæ enumerare minus possumus. In quibus omnibus locis Christi nomen, qui iam venit, reg-

*nat: utpotè ante quem omnium ciuitatum
 porta sunt aperta, & cui nulla sunt clau-
 sa; ante quem serae ferreae sunt comminu-
 ta, & valuae aerea sunt aperta. Quanquā
 & ista spiritaliter sint intelligenda, quo
 praeordia singulorum varijs modis à dia-
 bolo obsessa fide Christi sint reserata, at-
 tamen perspicuè sunt adimpleta, utpotè in
 quibus omnibus locis populus nominis chri-
 stiani habitat. Quis enim omnibus regna-
 re potuisset, nisi Christus Dei filius? qui o-
 mnibus in aeternum regnaturus nunciaba-
 tur. Et de vniuersalitate quidem verè
 Ecclesiae hæc. De istorum autem orbi-
 tate & pugnis illud. Mentior (ait Ter-
 tullianus) si nō etiam à regulis suis variāt
 inter se, dū unusquisq. proinde suo arbitrio
 modulatur, q̄ accepit: quemadmodū de suo
 arbitrio ea composuit ille, qui tradidit. Ag-
 noscit naturam suam, & originis suae mo-
 rem, profectus rei, idem licuit Valentini-
 nis, quod Valentino, idem Marcionitis,
 quod Marcioni, de arbitrio suo fidem in-
 nouare. Et paulò superiùs: Vnde extra-
 nei & inimici Apostolis haeretici, nisi ex-
 dixerint de doctrina, quam unusquisque
 de suo arbitrio aduersus Apostolos, aut pro-
 tulit*

*Lib. de præ-
 scriptione hæ-
 reticorum.*

tulit, aut recepit? Illic igitur ad scriptura-
rum & expositionum adulteratio deputan-
da est, ubi diuersitas inuenitur doctrinae.

Quid illud quàm magnificum Augu-
stini testimonium? *Ut omittam synce-
rissimam sapientiam, multa sunt alia quae
in Catholica Ecclesiae gremio me iustissi-
mè teneant. Tenet consensus populorum atq;
gentium, tenet authoritas miraculis inchoa-
ta, spe nutrita, charitate aucta, vetustate
firmata. Tenet ab ipsa sede Petri Apostoli,
cui pascendas oves suas post resurrectionē
Dominus commendauit, usque ad prae-
sentem Episcopatum successio sacerdotum. Te-
net postremò ipsum Catholica nomen, quod
non sine causa inter tam multas haereses
sic ista Ecclesia sola obtinuit, ut cum om-
nes haeretici se Catholicos dici velint, qua-
renti tamen peregrino alicui, ubi ad Ca-
tholicam conueniatur, nullus haeticorum
vel basilicam suam, vel domum audeat o-
stendere. Tenenda est nobis Christiana re-
ligio, & eius Ecclesiae communicatio, quae
Catholica est, & Catholica nominatur,
non solum à suis, verum etiam ab omnibus
inimicis. Velint enim nolint vel ipsi quoq;
haeretici, & schismatum alumni, quando*

Contra epist.
fundamenti.

*Aduersus lu-
ciferianos.*

non cum suis, sed cum extraneis loquuntur, Catholicam nihil aliud, quam catholicam vocant. Non enim possunt intelligi, nisi hoc eam nomine discernant, quo ab uniuerso orbe nuncupatur. Quid Hieronymus? Breuem, inquit, tibi apertamque animi mei sententiam proferam. In illa esse Ecclesiam permanendum, quae ab Apostolis fundata, usque ad diem hanc durat: Sicubi audieris eos, qui dicuntur Christi, non à Domino Iesu Christo, sed à quoquam alio nuncupari, utputa Marcionitas, Valentinianos, Montenses siue Campitas: scito non Ecclesiam Christi, sed Antichristi esse Synagagam. Ex hoc enim ipso, quod postea instituti sunt, eos se esse indicant, quos futuros Apostolus praeiunxit. Et in alio loco: Stultum est cum paruo loco vel abscondito querere, qui totius mundi lumen est. Ecclesia porro Catholica ibi est, ubi est fides Catholica. Fides autem Catholica ea est, quae per orbem uniuersum, iuxta Christi praeceptum, eadem semper annuntiatur: nec vel tempore, vel locis unquam variatur: à qua si quis dissentiat, is Catholicus non est, quod singularem quandam opinionem, non unam communem omnium fidem amplecti,

Ad Damasum Papam.

plecti videtur. Quid Pacianus? *Christia* Episto. prima
ad Sympronianum Neupati
nus mihi nomen est, Catholicus verò cog-
 nomen: illud me nuncupat, istud ostendit:
 hoc probor, inde significor. Et si reddenda
 postremi Catholici vocabuli ratio est, &
 exprimenda de Græco interpretatione Ro-
 mana: Catholicus ubiq; vnum, vel ut do-
 ctiores putant, obedientia omnium nuncu-
 patur mandatorum scilicet Dei. Ergò qui
 Catholicus, idem obediens: qui obediens, i-
 dem est Christianus, atque ita catholicus
 Christianus est. Quare ab hæretico nomi-
 ne noster populus hac appellatione diuidi-
 tur, cum Catholicus nuncupatur. Hacten-
 us Patres.

Verùm, quoniam hoc signum, qd
 illos tantoperè vrget, varijs interpre-
 tationib⁹, similiter vt & superiora de-
 clinare solent: ideò paucis quid sit ca-
 tholicum esse, explicemus. Cùm igi- Catholicum
esse quid?
 tur Catholicam siue vniuersalem Ec-
 clesiam dicimus, nō illud intelligim⁹,
 quòd omnes homines, quicunq; vbi-
 que sunt, contineat, hoc enim nun-
 quam futurū fuisse, figura designabat
 Regni Saul. Quem & si vniuersus Dei
 populus sequutus fuit, nō defuerunt
 tamen

tamen filij Belial, qui recesserunt ab eo: de quibus illud scriptum est: *Et abiit cum eo pars exercitus, quorum tetigerat Deus corda. Filij verò Belial dixerunt: Num saluare nos poterit iste? Et despexerunt eum, & non attulerunt ei munera.*

Neque in eam sententiam Catholicā accepimus, quòd nulli Iudæi, nulli gētiles, hæretici nulli, qui eam ipsam ita vti dictum est exerceant, eiusque stabilitatem ac firmitatem suis impressionibus demonstrent, exstare debuerint. Virtus enim in aduersis probatur, & vbi desunt certamina, desunt & coronæ. Itaque & Iudæi ad vesperam vsque, quando venerit plenitudo gentium conuertentur: & gentiū vocatio ad extremum vsque iudicij diem continuari debuit. Quod in filiis Israel similiter adumbratum fuit, qui, & si terra promissionis potiti erant; reliquerat tamen Dominus Philistæos, Chananæos, & alios multos, qui populum illum erudirent, atque exercerent, rebusque secundis, aliquando insolentem, & elatum depri merent: de quibus gentibus scriptura inquit:

inquit: *Ha sunt gentes quas Dominus dereliquit, ut erudiret in eis Israël, & omnes, qui non nouerant bella Chananæorum: & postea discerent filij eorum certare cum hostibus, & habere consuetudinem præliandi.* Ne igitur Christiani aduersariis carentes (quod in concione habita de delenda Carthagine dixit aliquando apud Romanos Scipio Nasica) otio torperent, vel in eadem fide tepescerent; pientissimus Deus, quò cautiùs viueretur; hostes in medio eius dereliquit. Et Israelitis Aegypto egressis obstitit hostis in faciem, permansit in medio eorum semper. Similiter idem prudēs paterfamiliās, permisit lupos circuire gregem Euangelicum, vineam vulpes suffodere, agros euertere: utque fides ex ipsa contentione haberet meritum, voluit in Ecclesia sua post prædicatum Euangelium, & fidē susceptam, ne vnquam deesset hereticus, qui illam vexaret. Neque deniq; ita Catholicam intelligimus, quòd nullæ hæreses, nulla schismata in ea ipsa futura sint: prædixit enim Paulus, *oportere hæreses esse, ut qui probati sunt,*

Iudic. 3.

1. Corin. 11.

ma

manifesti fiant. Nam aliàs, vel hac ipsa nota nihil opus esset, nisi inuenirentur alij, à quibus per eam ita, vt & per alias distingueretur particulares cœtus. Idque ipsum multis verbis Terullianus docet. *Conditio presentium tēporum* (fratres) etiam hanc ammonitionem prouocat nostram, non oportere nos mirari super hæreses istas, siue quia sunt; futura enim prænunciabantur: siue quia si dem quorundam subuertunt; ad hoc enim sunt: (1.) vt fides habēdo tentationem, haberet etiam probationem. Vanè ergo & inconsideratè plerique hoc ipso scandalizantur, quòd tantum hæreses valeant (2.) quātum (non valerēt) si non fuissent: cum quod sortitum est (vt) omnimodò sit, sicut causam accepit, ob quā sit, sic vim cōsequitur per quam sit: nec esse non possit. Febrem denique inter ceteros mortiferos & cruciarios exitus erogando homini deputatam, neque quia est miramur; est enim: neque quia erogat hominem, ad hoc enim est. Proinde hæreses ad languorem & interitū fidei productas, si expauescimus hoc eas posse, prius est vt expauescamus hoc eas esse, que

que dum sunt, habent posse: & dum possunt habent esse. Sed enim febrem ut malum, et de causa, & de potentia sua, ut notum est, abominamur potius quam miramur, & quantum in nobis est precauemus, (3.) non habentes abolitionem eius in nostra potestate, Hereses vero mortem eternam, et maioris ignis ardorem inferentes, malunt quidem mirari, quod hoc possint, quam deuitare ne possint: cum habeant deuitandi potestatem.

Ceterum nihil valebunt, si illas tantum valere non mirentur. Aut enim dum mirantur, in scandalum subministrantur: aut quia scandalizantur, ideo mirantur, quod tantum valeant, quasi ex aliqua veritate veniant. Mirum scilicet ut malum vires suas habeat: nisi quod hereses apud eos multum valent, qui in fide non valent. Hec Tertul.

Quam eandem totam causam pulcherrime explicat D. August. qui vnus pro omnibus istis in orbe Christiano valuit semper, & merito valere debet. In quibus ergo gentibus nondum est Ecclesia, oportet ut sit, non ut omnes qui ibi fuerint credant: omnes enim gentes promissa sunt, non omnes homines omnium gentium. Non enim omnium est fides. Credit itaque omnis gens in

De supremo
mundi die,
Epist. 80.
Tomo 2.

omni-

Matth. 24.

omnibus, qui electi sunt ante constitutionē mundi, in ceteris non credit, & credentes odit: quomodo enim & illud implebitur: Eritis odio omnibus gentibus propter nomen meum: nisi in omnibus gentibus sint, & qui oderint, & quos oderint? Quo pacto igitur ab Apostolis est prædicatio ista completa, quando adhuc usque sunt gentes, quod certissimum est nobis, in quibus modo cœpit, & in quibus nondum cœpit, impleri?

Act. 1.

Non itaque sic dictum est Apostolis: Eritis mihi testes in Hierusalem, & in tota Iudæa, & Samaria, & usque in extremum terræ, tanquam ipsi soli quibus tunc loquebatur, tantum munus fuerint impleturi: sed sicut eis solis videtur dixisse, quod dixit: Ecce ego vobiscum sum usque in consummationem sæculi: quod tamen eum vniuersæ Ecclesiæ promississe, quæ alijs morientibus, alijs nascentibus, hic usque in sæculi consummationem futura est, quis nō intelligat?

Matth. 28.

Cum igitur Catholicum dicimus, illud cum Vincentio Lirinense intelligimus, quod ubique est, quod semper fuit, quæ inter omnes reperitur. In quorum primo est vniuersitas, in
secun-

secundo antiquitas, in tertio consensu: vt illa sit Ecclesia Catholica, quæ vbiq; sit, hoc autem est, quæ non aut Geneuæ, aut V Vittembergæ, aut Romæ tantum colatur; sed quæ vbiq; terrarum ita inueniatur, vt nulla pars mundi existat, nulla prouincia, nulla natio, in qua eius aliquam portionem non reperiatur. Ita vt in alijs quidem partibus plura eius membra sint, in alijs pauciora, vbiq; tamen semen hoc benedictum sparsum crescat ac floreat. Tale enim illud est: *In Psal. 18. 1*
omnem terram exiuit sonus eorum, & in fines orbis terra verba eorum. Non sunt loquela neque sermones, quorum non audiantur voces eorum. Et, omnes gentes quascunque fecisti, venient & adorabunt coram te Domine. *Psal. 85.* Et in Apocalypsi: *Apoc. 5.* *Redemisti nos Deus in sanguine tuo, ex omni tribu, lingua, populis, & natione, & fecisti nos Deo nostro regnum.*

Vt igitur illa erit Catholica Ecclesia, quæ vbiq; in omni mundi parte, in omni prouincia, in omni gente & natione colitur; ita illud Catholicū, quod vbiq; laudatur, prædicatur, do-

cetur. Ille Catholicus, qui cum orbis terræ consensum sequitur: qui huic sentui, nō hominis cuiuspiam auctoritatem, non amorem, nō ingenium, non eloquentiam, nō doctrinam anteponit; sed hæc cuncta despiciens, orbis terrarum consensum ubiq; in omnibus sequitur. Consensus. n. & conspiratio omnium gentium, dicebat Marcus Cicero, vox naturæ est existimandus. Consensus omnium membrorum Christi, vox Christi & Spiritus sancti est, qui oēs sequitur, errare non potest. Neq; enim cuiquam vni mortalium dictum est: Mitram tibi spiritum paracletum; sed, mittam vobis, qui vos docebit omnem veritatem. Neq; priuatim aut separatim ipsis Apostolis Spiritus sanctus datus est; sed omnibus simul in vnum locum congregatis: *Erant, inquit scriptura, omnes pariter sedentes in eodem loco, & repleti sunt omnes Spiritu sancto, &c.*

Ioh. 16.

Act. 2.

Catholicum igitur est, quod ubiq; est; sed & quod semper. Vt illa sit vera Ecclesia, non quæ nunc primū occidentibus sæculis exorta fuerit; sed quæ

quæ à principio fuit, per omnesq; decursus temporum progressa, ad nostram vsq; peruenerit ætatē. Ita enim dictum est: *Ego vobiscum sum usque ad consummationem sæculi.* Et alio loco: *Amen dico vobis, non præteribit generatio hæc, donec omnia fiant.* Et Paulus populum Christianum, mortem Domini annunciatum prædixit, donec ipse veniat.

Matth. ult.

Luc. 21.

1. Cor. 11.

Vt aut̃ illa est Catholica Ecclesia, quæ semper est: ita illud Catholicū, quod semp, vel vbiq;, cōstanti doctrina traditur. Ille Catholicus, qui id credit, id sequitur, quod semper creditū est, & quod semp fideles sunt sequuti. At dices fortasse: Quomodo igitur illud tanquam Catholicū, quod semper in Ecclesia creditum est, sequar; cū vt ipsi homines ita & sensus eorum iam demortui sunt? Ita quidem est, homines illi, qui sæcula nostra antecesserūt, vtpotē mortales nati, mortui sunt, aut potius ad vitā longē magis hac nostra vitalem translati; fides tamē & sensus illorum viuit & viget. Vbi nam dices? in locis communib?

Philippi fortasse, aut Caluini institutionibus? Nequaquam: nam isti heri & nudius tertius exorti, nobiscum simul vixerunt. Vbi igitur? In amplissimo illo totius vetustatis & antiquitatis thesauro atque deposito, Conciliorum, inquam, atque Decretorum libris, in quibus tanquam depositis quibusdam, vltimam voluntatem suam, fidem, & sensus suos, tanquam testamento & vltima configuratione primitiua reliquit Ecclesia. In scriptis item, ac commentarijs veterum Patrum, qui illud, quod de singulis rebus suo tempore Ecclesia sensit, quæ iudicia, & qui sensus eius de rebus omnib⁹ fuerint, quid item aut docuerint, aut crediderint, ipsi nobis tradiderunt. In vsu denique ipso veteri, & more, ritibus, & cærimonijs, quæ à maioribus nostris, tanquam hereditate quadam, relicta atque tradita, ad hanc vsque diem sanctè & intemeratè conseruamus. In ipsis ad extremum iuribus, legibus, priuilegijs, publicis tabulis, templis deniq;, statuis, publicisque ædificijs. Hæc enim

nim vniuersa sunt veluti certa & impressa vestigia quædam, & monumēta eorum, qui nos antecesserunt hominum ac fidei doctrinæ. Quæ, qui vel ipse non cognouit, vel ab his qui hæc cognouerunt nō discit; quomodo Catholicus dici possit, non video. Quid si amplius extincta esse velit? quid si noua & recens conficta pro veteribus obtrudat? quid si omnem vetustatem abrogari cupiat? quid si earum rerum inimicus sit? quid si eas de manibus suorum excutiat? quid si omnem authoritatem illis abroget? eritne hic Catholicus, aut aliquo modo dici poterit? aut habebitne Catholicam fidem? Nequaquam profectò. Eant igitur isti, & à cerdonibus, atq; sutoribus, mulierculis etiam si placeat, fidem Catholicam, quæ tanta eruditionis & antiquitatis suppellectili opus habet, discant. Et tamen putant se solos videre, in clarissimaque luce versari, cum cœci sint, ac in densissimis tenebris versentur. Illud igitur est Catholicum, quod vbique est, & quod semper fuit. Sed & quod in-

ter omnes, nō quidem inter omnes, quod iam dictum est numero, sed inter omnes, gente, lingua, natione, tribu, ordine, & cōditione. Non enim, inquit Paulus, est distinctio Iudæi, neque Græci, non Barbari, nec Scythæ, non seruus & liber, non masculus & foemina; sed omnia in omnibus eadē fides, idem consensus omnium, vt sit illud, quod superius diximus: *Egressi sunt filij Israel, & pariter pugnarunt vt vir vnus*. Et illud: *Erat*, inquit, *omnibus cor vnum, & voluntas vna*.

Concludamus igitur, illam veram Ecclesiam esse, quæ Catholica sit. Catholica autem erit, quæ vbique, quæ semper, quæ inter omnes, ita vti dictū viget. Vtq; nomen ipsum Catholicū, quod vniuersale significat ex aduerso hæresi, quæ à parte designat opponitur, quomodo illud à parte Nouati esse, à parte Donati, à parte Lutheri dicitur; ita res ipsa, Catholicū inquam esse & hæreticū maximè pugnant atque dissident, plurimumq; à se distinguuntur. Catholica. n. Ecclesia, veluti vitis quædam abundans in lateribus domus

domus Dei crescit: filij eius tanquam nouellæ, in conspectu mensæ eius virent, vitis tota, vitis plena, vitis abundans & frugifera: hæreses autem veluti sarmenta quædam inutilia, à vite amputata, arida & mortua, vndique vitem temerè circumiacentia, ac sua ariditate, nisi amputentur & expurgentur, eam siccantia ac corrodentia: Itaque cætera quidem nomina, ferè omnia vti dictum est impudica præsumptione heretici sibi vsurpât, ita, vt se Angelicos, Apostolicos, Euangelicos dicant; Catholicos cerè nunquam se nominare ausi sunt. Itaque dicit Augustinus: *Querenti peregrino alicui, ubi ad Catholicam conueniatur, nullus hæreticorum, aut Basilicam suam, aut domum audet ostendere. Quæ causa? non enim ubiq; sunt, neque semper sunt, neq; omnes sunt; sed heri & nudiustertius exorti vno die occidūt. Quare nō nisi sub certo nomine, inquit Vincēti⁹ Lyrinen. certo loco, certo tēpore describuntur. Ecclesiæ aut tantum ea nota cōuenit, vt ab ea sola cognominetur. Cū igitur Catholicam Eccle*

fiam quærimus, quæ vbique est, quæ
semper est, quæ inter omnes; eamque
sequamur, illi adhæreamus, ab ea nos
nulla ratione dimoueri patiamur.
Quisquis verò, vti præclare monet
idem Lyrinen. quamuis ille sanctus,
& doctus, quamuis Episcop⁹, quam-
uis Confessor & Martyr, præter om-
nes, aut etiam contra omnes sene-
rit; id inter proprias, & occultas, &
priuatas opiniunculas, à communis
publicæ ac generalis sententiæ autho-
ritate secretum sit: nec cum summo
æternæ salutis periculo, iuxta sacrile-
gam hæreticorum & schismatico-
rum consuetudinem, vniuersalis do-
gmatis veritate dimissa, vnius homi-
nis nouitium sectemur errorem. Ve-
lint enim nolint, inquit Augustinus,
nos Catholicos appellent, se verò
quiduis potius: qua causa? num noui-
tate vocis offensi? nequaquam: anti-
quissimum enim est: num significa-
to? at augustissimum: num vsu? atque
omnibus bonis frequentissimum:
quæ igitur causa? nulla profectò alia,
nisi quòd Catholici non sint. Quos
non

nō modò à Catholicorum nomine,
sed à Christiano etiam lege sua D.Im-
peratores excluderunt.

VALENTINVS LEONTIO. Dam- Decretū Im-
nato portentuosæ superstitionis auctore peratoris.
Nestorio: nota congrui nominis eius im- De hæreticis
ratur gregalibus; ne Christianorum ap- Manichæis
pellatione abutantur. Sed quemadmodum lege 6.
Ariani ab *Ario*, lege diuæ memoriæ
Constantini, ob similitudinem impietatis,
Porphyriani à *Porphyrio* nuncupantur;
sic ubique participes nefariæ sectæ *Ne-*
storij, *Nestoriani* vocentur. Vt cuius sce-
lus sunt in deserendo Deum imitati, eius
vocabulum iure videantur esse sortiti.
Necnon impios libros nefandi & sacrile-
gi *Nestorij* aduersus venerabilem ortho-
doxorum sectam, decretaque sanctissimi
cœtus antistitum *Ephesi* habiti, scriptos
habere, aut legere, aut describere au-
deat quisquam: quos diligenti requiri stu-
dio, aut publicè comburi decernimus. Ita
ut nemo in religionis disputatione ali-
quam supradicti nominis faciat mentio-
nem: aut quibusdam eorum habendi con-
siliij gratia in ædibus, aut villa, aut subur-
bano suo, aut solo quolibet, aut alio loco cō-

ueticulam clam aut aperte praebeat. Quos omnes cætus celebrandi licentia priuari statuimus, sciētibus vniuersis violatorem huiusmodi legis publicatione bonorum esse coercendum.

*QUARTAE NOTAE EXPLICATIO: eam veram Ecclesiam esse,
quæ sit Apostolica.*

CAPVT VI.



Erum nos ad vltimam notam explicandam transeamus. Ea autem est, nos eam veram Ecclesiam credere, quæ sit Apostolica.

Matth. 16.

Indicat & explicat hanc notam ipse Dominus: *Et ego tibi dico Petre: quia tu es Petrus, & super hanc petram edificabo Ecclesiam meam, & portæ inferi non praualebunt aduersus illam. Nō ad Petrum dices hæc verba referri. Ergo ne ad Christum quidem illa referentur: Tu es Christus filius Dei viui.* Alter enim locus alterum sequitur. Vtitur item hac eadem nota D. Paulus: *Super edificati super fundamentum Apostolorum*

Ephes. 4.

&

& Prophetarum ipso summo angulari lapide Christo IESV. Quod fundamentum Apostolorum, ipse interpretatur: Vt sapiens, inquit, artifex fundamentum ieci, alius superadificauit. Vtitur eodem modo D. Ioannes: Veni, & ostendam tibi sponsam, uxorem agni, & murus ciuitatis fuit, habens fundamenta duodecim, & in ipsis duodecim nomina duodecim Apostolorum & agni, Ad hanc item tanquam sacram anchoram, veteres confugerunt: huic soli promissum spiritum veritatis in æternū sibi persuaferunt: hanc denique vt murum ahæneum vniuersis infidelium machinis & arietibus opposuerunt: hoc telo omnes priorum Gnosticorum copias confodit Tertullianus: huiusmodi argumento Nouatianos coarguit Cyprianus lib. 1. epist. 6. In hoc asylum se recepit Hieronymus aduersus tot Orientis sectas dissectas, vt indicat ipse epist. ad Damasum, & Dialog. contra Luciferianos. Parmenianum, & Donatistas, hoc laqueo præfocat Optatus Milcuitanus, lib. 2. Isti⁹ successionis cōsideratione, quasi ar-
ctissi-

1. Cor. 3.

Apo. 21.

ctissimo vinculo retentum, & fortissimis repagulis conseruatū se in gremio Catholicæ Ecclesiæ affirmat frequenter Augustinus, libr. cōtra epist. Manich. cap. 4. Psalmo contra partem Donati. epist. 163. & 165. libr. de vtilitate credendi, cap. 17. & 49. libr. quæstionum veteris & noui Testamenti, quæst. 110. libr. 2. contra literas Petiliani cap. 51. Hac nota sanctissimi Imperatores populis sibi à Deo creditis eam commonstrant.

Gratian. &
Valent. &
Theodo.

Decretum Imperatorum. *Cunctos populos quos clementia nostra regit imperium, in tali volumus religione versari, quam diuinum Petrum Apostolum tradidisse Romanis, religio vsque adhuc ab ipso insinuat a declarat: quamque Pontificem Damasum sequi claret. Et Petrum Alexandriæ Episcopum virum Apostolica sanctitatis, hoc est, secundum Apostolicam disciplinam, Euangelicamq; doctrinam, patris, & filij, & Spiritus sancti, unam deitatem sub pari maiestate, & sub piatrinitate credamus. Hanc legem sequentes Christianorum Catholicorum nomen iubemus amplecti; reliquos verò demen-*

dementes, vesanosque iudicantes, heretici dogmatis infamiam sustinere diuina primum vindicta, post etiam motus animi nostri, quem ex caelesti arbitrio sumpserimus, ultione plectendos.

Illa igitur Apostolica Ecclesia erit. Primum, quam ipsi fundarunt Apostoli: *Vt bonus artifex, inquit Paulus, fundamenta ieci, alius autem superedificauit.* Quomodo Romanam quidem Petrus: Asianam Ioannes: Perficam Simon & Iudas: Indicam Thomas & Bartholomeus: Aethiopicam Matthæus: Achaicam Andreas: D. Paulus Syriacam, Antiochenam, Thessalonicam, Philippensem, & cæteras Græcas.

Deinde quæ non partem aliquam tantum Apostolicæ doctrinæ; sed vniuersam doctrinam Apostolorum complexa est, ab eaque ne latum quidem vnguem discedit. Quam quidem Apostolicam doctrinam in duas partes distinctam esse, superiori libro ex Paulo docuimus. In eam, quæ ore tenus prolata est, ac in moribus hominum constituta: & eam quam
episto-

Reuchlinus
 lib. 3. de ver-
 bo mirifico
 cap. 17.
Postellus lib.
de vniuersa
litate.

Dionys. ca. 1.
de cœlesti Hi-
erarchia.

epistola atque atramento contineri docet Ioannes. Quod idem clarè D. Dionysius Areopagita tradit: *Eloquia diuina duplicis, inquit, generis sunt, nimirum quædam in sanctis & Theologicis libris nobis commendata: alia præterea, quæ ex animo in animum medio intercurrente verbo, sine literis transfusa sunt. Si quidem primi illi nostri sacerdotes, duces, Apostoli, summa illa & substantialia, partim scriptis, partim non scriptis institutionibus nobis tradiderunt. Idem Irenæus. Quid autem si neq. Apostoli scripturas reliquissent nobis, nonne oportet sequi ordinem traditionis, quam tradiderunt ijs, quibus committebant Ecclesias?*

Irenæus lib.
3. cap. 4.

Vltimò illa Apostolica dicitur Ecclesia, in cuius cathedra aliquando Apostoli ipsi confederunt: & quæ ab ipsis Apostolis pastorum & doctorum continuam & perpetuam successionem usq; ad hodiernam diem conseruauit. Prolixè hæc docet omnia Tertullianus: *Statim igitur Apostoli, quos hæc appellatio missos interpretatur, assumpto per sortem duodecimo Matthia in locum Iudæ, ex autoritate*
Pro-

Prophetia, quæ est in Psalmo David, consecuta promissa vim Spiritus sancti ad virtutes & eloquium, primò per Iudeam contestata fide in IESVM Christum, & Ecclesijs institutis, dehinc in orbem profecti, eandem doctrinam eiusdem fidei, nationibus promulgauerunt: & proinde Ecclesias apud unamquamq; civitatem condiderunt, à quibus traducem fidei & seminam doctrinæ, cetera exinde Ecclesiæ mutata sunt, & quotidie mutantur, ut Ecclesiæ fiant. Ac per hoc & ipsa Apostolica deputantur, ut soboles Apostolicarum Ecclesiarum. Omne genus ad originem suam censeatur, necesse est. Itaque tot ac tanta Ecclesiæ, unam esse illam ab Apostolis primam, ex qua omnes. Sic omnes prima, & omnes Apostolica, dum unam omnes probant unitatem. Communicatio pacis & appellatio fraternitatis, & contesseratio hospitalitatis: quæ iura non alia ratio regit, quàm eiusdem sacramenti una traditio. Hanc igitur dirigimus præscriptionem: si Dominus IESVS CHRISTUS Apostolos misit ad prædicandum, alios non esse recipiendos prædicatores, quàm quos Christus instituit: quia nec alius patrem novit
nisi

nisi filius, & cui filius reuelauit: & nec alijs videtur reuelasse filius, quàm Apostolis, quos misit ad predicandum, utiq; quod illis reuelauit. Quid autem prædicauerint, id est, quid illis CHRISTUS reuelauerit, & hic præscribam, non aliter probari debere, nisi per easdem Ecclesias, quas ipsi Apostoli condiderunt, ipsi eis predicando, tam vna (quod) aiunt voce, quàm per epistolas postea. Si hæc ita sunt. Constat proinde omnem doctrinam, quæ cum illis Ecclesijs Apostolicis matricibus & originalibus fidei conspiret, veritati deputandam, & sine dubio tenentem, quod Ecclesiæ ab Apostolis, Apostoli à Christo, Christus à Deo suscepit: reliquam verò omnem doctrinam de mendacio præiudicandam, quæ sapiat cōtra veritatem Ecclesiarum, & Apostolorū, & Christi, & Dei. Quamquam autem omnes illæ Ecclesiæ Apostolicæ dicuntur, quæ hoc modo, vel ab Apostolis ipsis sunt fundatæ, vel eorum doctrinam in omnibus sequuntur, vel quibus ipsi præfuerunt Apostoli, præcipuè tamen & peculiariter, ac quasi per excellentiam quādam illa Apostolica dicta est semper
Eccle.

Ecclesia, quam ipsi principes Apostolorum, D. inquam Petrus & Paulus, fundarunt, ipsique præfuerunt, vel propter Apostolorum dignitatem, vel propter præcipuum Christi promissum: *Ego pro te oravi Petre, ut non deficiat fides tua. Et: Elegi eum mihi, ut sit vas electionis, ut portet nomen meum coram gentibus.* Vel propterea, quòd alijs ob varias hæreses atque schismata, aliosque errores cessantibus, ac planè extinctis, hæc sola perpetuò durare debuit; itaque sola peculiari quodammodo ab omnibus veteribus, sedes Apostolica dicta est: ad eamque solam omnes ferè aliæ prouocarunt semper: soliusque successionem demonstrant, quod vetustissimorum Patrum exemplis atque testimonijs demonstratur: in quibus primus est Irenæus. *Traditionem itaque Apostolorum in toto mundo manifestatam, in omni Ecclesia adest perspicere omnibus, qui vera velint audire, & habemus ar. nuerare eos, qui ab Apostolis instituti sunt Episcopi in Ecclesijs, & successores eorum usq; ad nos, qui nihil tale docuerunt, neq;*

O

cogno-

cognouerunt, quale ab his deliratur. Etenim si recondita mysteria scissent Apostoli, qua seorsim & latenter ab reliquis perfectos docebant, his vel maxime traderent ea, quibus etiam ipsas Ecclesias committebant. Valde enim perfectos, & irreprehensibiles in omnibus eos volebant esse, quos & successores relinquebant, suum ipsorum locum magisterij tradentes, quibus emendatè agentibus fieret magna utilitas, lapsis autem summa calamitas. Sed quoniam valde longum est, in hoc tali volumine omnium Ecclesiarum enumerare successiones, maximæ, & antiquissimæ, & omnibus cognitæ, à gloriosissimis duobus Apostolis Petro & Paulo, Romæ fundatæ & constitutæ Ecclesiæ, eam quam habet ab Apostolis traditionem, & annunciatam hominibus fidem, per successiones Episcoporum peruenientem usq; ad nos, indicantes, confundimus omnes eos, qui quoquo modo, vel per sui placentiam malam, vel vanam gloriam, vel per cæcitatem, & malam sententiam, præterquam oportet colligunt. Ad hanc enim Ecclesiam propter potentiorē principalitatem, necesse est omnem conuenire Ecclesiam, hoc est, eos
qui

qui sunt undiq; * conseruatæ est ea, quæ est * fideles, in
 ab Apostolis traditio. Fundantes igitur & quæ semper
 instruentes beati Apostoli Ecclesiam, Lino ab his qui
 episcopatum administranda Ecclesia tra- sunt undiq;
 diderunt. Huius Lini Paulus in his quæ
 sunt ad Timotheum epistolis meminit:
 succedit autem ei Anacletus, post eum ter-
 tio loco ab Apostolis episcopatum sortitur
 Clemens, qui & vidit ipsos Apostolos, &
 contulit cum eis, cum adhuc insonantem
 predicationem Apostolorum & traditi-
 onem ante oculos haberet. Non solus e-
 nim, adhuc multi supererant tunc Apo-
 stolis docti. * Huic autem Clementi succe- * Paulò infe-
 dit Euaristus, & Euaristo Alexander, ac rius.
 deinceps sextus ab Apostolis constitutus
 est Sixtus, & ab hoc Telesphorus, qui eti-
 am gloriosissimè martyrium fecit, ac deinceps
 Hyginus, post Pius, post quem Anice-
 tus. Cum autè successisset Aniceto Soter,
 nunc duodecimo loco episcopatū ab Aposto-
 lis habet Eleutherius. Hac ordinatione &
 successione ea quæ est ab Apostolis in Ec-
 clesia traditio, & veritatis preconatio
 peruenit vsq; ad nos. Et est plenissima hac
 ostensio, unam & eandem viuificatricem
 fidem esse, quæ in Ecclesia ab Apostolis
 O 2 vsq;

usque nunc sit conseruata, & tradita, in
 Cypri. libr. 1. *veritate*. Item docet D. Cyprianus.
 epistolarum. *Novatianum baptisari & sanctificari*
aliquem posse; prius ostendat & doceat,
Novatianum in Ecclesia esse, aut Ecclesia
præsidere: Ecclesia enim una est, quæ una,
& intus esse, & foris non potest. Si enim
apud Novatianum est, apud Cornelium
non fuit: si verò apud Cornelium fuit, qui
Fabiano Episcopo legitima ordinatione
succesit, & quem præter sacerdotij hono-
rem martyrio quoque Dominus glorifica-
uit, Novatianus in Ecclesia non est, nec E-
piscopus computari potest, qui Euangelica
& Apostolica traditione contempta, ne-
mini succedens, à seipso ortus est: habere
namque aut tenere Ecclesiam nullo modo
potest, qui ordinatus in Ecclesia non est.
Foris enim non esse Ecclesiam, nec scindi
aduersum se, aut diuidi posse, sed insepara-
bilis atque indiuidua domus unitatem te-
nere, manifestat scripturæ diuinæ fides,
 Exod. 12. *cum de Sacramento Paschæ & agni, qui*
agnus Christum designabat, scriptum sit:
In domo una comedetur, non eijcietis de
domo carnem foras. Quod item circa Ra-
ab, quæ ipsa quoque typum portabat Eccle-
sia,

sic, expressum videmus, cui mandatur & dicitur: Patrem tuum, & matrem tuam, Ios. 2. & fratres tuos, & totam domum patris tui colliges ad te ipsam in domum tuam, & omnis qui exierit ostium domus tue foras, reus sibi erit. Quo sacramento declaratur in unam domum solam, id est, in Ecclesiam victuros, & ab interitu mundi euasuros colligi oportere. Quisquis autem de collectis foras exierit, id est, si quis quāvis in Ecclesia gratiam consecutus recesserit, & ab Ecclesia exierit, reum sibi futurum, id est, ipsum sibi quod pereat, imputaturum. Quod Apostolus Paulus explanat docens, & præcipiens, hæreticum vitandum esse, ut peruersum & peccatorem, & à semetipso damnatum. Hic est enim, qui reus sibi erit, non ab Episcopo eiectus, sed spontè de Ecclesia profugus, & hæretica præsumptione à semetipso damnatus. Et idcirco Dominus insinuans nobis unitatem de diuina auctoritate, venientem ponit & dicit: Ego & pater unum Ioan. 10. sumus: ad quam unitatem redigens Ecclesiam suam, denuo dicit: Et erit unus grex & unus pastor. Si autem grex unus Ibidem. est, quomodo potest gregi annumerari, qui

Psalm. 67.

De prescrip-
tionibus hæ-
reticorum.

*in numero gregis non est? aut pastor ha-
beri quomodo potest (qui manente vero pa-
store, & in Ecclesia Dei ordinatione succe-
danea presidente) nemini succedens, & à
seipso incipiens, alienus sit & prophanus,
dominica pacis ac diuina unitatis inimi-
cus, non habitans in domo Dei, id est, in
Ecclesia Dei, in qua non nisi concordēs atq;
vniuersales habitant? loquente in Psalmis
Spiritu sancto, & dicente: Deus qui inha-
bit cre facit vniuersales in domo. Non dis-
similia his tradit Tertullianus. Ita ex
ipso ordine manifestatur, id esse domini-
cum & verum, quod sit prius traditum: id
autem extraneum & falsum, quod sit po-
sterius immissum. Ea sententia manebit
aduersus posteriores quasque hæreses, qui-
bus nulla constantia & conscientia conce-
dit ad defendendam sibi veritatem. Cate-
rùm si quæ audent interserere se etati A-
postolicæ, ut ideo videantur ab Apostolis
traditæ, quia sub Apostolis fuerunt: pos-
sumus dicere: Aedant ergo origines Eccle-
siarum suarum: euoluant ordinem Episco-
porum suorum, ita per successiones ab ini-
tio decurrentem, ut primus ille Episcopus
aliquem ex Apostolis vel Apostolicis viris,
qui*

qui tamen cum Apostolis perseuerauerit, habuerit authorem & antecessorem. Hoc enim modo Ecclesie Apostolica census suos deferunt, sicut Smyrneorum Ecclesia habens Polycarpium ab Ioanne conlocatum refert, sicut Romanorum Clementem à Petro ordinatum: proinde utique & cetera exhibent, quos ab Apostolis in episcopatum constitutos Apostolici seminis traduces habeant. Et paulò inferius: Si autem Italiae adiaceres, habes Romanam: unde nobis quoque authoritas præsto est statuta. Felix Ecclesia, cui totam doctrinam Apostoli cum sanguine suo profuderunt: ubi Petrus passioni dominica adequatur: ubi Paulus Ioannis exitu coronatur: ubi Apostolus Ioannes posteaquam in oleum igneum demersus, nihil passus est, in insulam relegatur. Videamus quid didicerit, quid docuerit? Idem facit Epiphanius: Epiph. lib. 1. tom. 2.
 Peruenit equidē iam ad nos fama, quomodo Marcellina quadā ab ipsis decepta, multos corrumpit, temporibus Aniceti Epī Romæ, qui Pio & superioribus successit. Etenim in Roma fuerūt primi, Petrus & Paulus Apostoli, ydē ac Episcopi, deinde Linus, deinde Cletus, deinde Clemens, qui con-

*temporaneus fuit Petri & Pauli: huius mentionem facit Paulus in epistola ad Romanos. Et nemo miretur quod ante ipsum alij episcopatum assumpserunt, quum sub Apostolis hic fuerit contemporaneus Petri ac Pauli, nam & illi contemporanei Apostolorum fuerunt. Sive igitur adhuc ipsis superstitibus à Petro accepit impositionem manuum episcopatus, & eo recusato remoratus est (dicit enim in una epistola sua: Secedo, ab eo, erigatur populus Dei: hoc enim in quibusdam commentarijs reperimus) sive post Apostolorum successionem à Cleto Episcopo hic constituitur, non ita clarè scimus. Verum tamen etiam hic potuit superstitibus adhuc Apostolis, Petro videlicet ac Paulo, alios Episcopos constituere; propterea quòd Apostoli sæpè ad alias terras ablegabantur, propter Christi prædicationem: non potuit autem urbs Roma sine Episcopo esse. Paulus enim in Hispaniam profectus est, Petrus verò sæpè Pontum et Bithyniam visitavit. Possibile est autem, postquam discessit ac recusavit Clemens (si modò sic factum est; rationem enim sic in eo, non decerno) postea post obitum Lini & Cleti, quorum v-
ter q.*

terq; ad duodecim annos episcopatum tenuit, post sancti Petri ac Pauli obitum, qui contigit duodecimo anno Neronis, hunc rursus coactum esse ad suscipiendum episcopatum. Attamen Episcoporum in Roma successio hanc consequentiam habuit: Petrus & Paulus, Linus, Cletus, Clemēs, Euaristus, Alexander, Xystus, Telesphorus, Euaristus, Hyginus, Pius, Anicetus, qui supra in catalogo indicatus est. Et ne quis miretur, quod singula ita exactè recensemus: per hac enim semper claritas ostenditur. Idem docet Optatus Mileuitanus: Probamus eam esse Ecclesiam Catholicam, quæ sit in toto terrarum orbe diffusa. Eius iam commemoranda sunt ornamenta: & videndum ubi sint quinque dotes, quas tu sex esse dicis, inter quas Cathedra est prima: ubi nisi sederit Episcopus, cōiungi altera dos non poterit, qui est annulus, videndum est, qui, & ubi prior Cathedra sederit. Si ignoras, disce: si nosti erubescere. Ignorantia tibi adscribi non potest. Restat ergo, ut noueris: scientem errare, peccatum est. Nam ignorantibus nō nunquam solet ignosci. Igitur negare non potes, scire te in urbe Roma Petro primò

Lib. 2. cōtra
Donatistas.

Cathedram episcopalem esse collatam : in qua sederit omnium Apostolorum caput Petrus : unde & Cephias appellatus est : in qua una Cathedra, unitas ab omnibus seruaretur, ne ceteri Apostoli singulas sibi quisque defenderent : ut iam schismaticus & peccator esset, qui contra singularē Cathedram, alteram collocaret. Ergo Cathedra unica, quae est prima de dotibus, sedit prior Petrus. Cui successit Linus, Lino successit Clemens, Clementi Anacletus, &c. Iulio Liberius, Liberio Damasus, Damaso Siricius hodie, qui noster est socius, cū quo nobis totus orbis commercio formatarum, in una communionis societate concordat. Vestra Cathedra vos originem reddite, qui vobis vultis Sanctam Ecclesiam vindicare. Eūdem ordinem successionis texit D. Augustinus: Si enim ordo Episcoporum sibi succedentium considerandus est, quanto certius & verè salubriter ab ipso Petro numeramus, cui totius Ecclesiae figuram gerenti Dominus ait, Super hanc petram aedificabo Ecclesiam meam, & portae inferorum nō vincent eam. Petro enim successit Linus: Lino, Clemens: Clementi, Anacletus: Anacleto, Euaristus: Euaristo,

sto, Alexander: Alexandro, Sixtus: Six-
to, Theleſſphorus: Theleſſphoro, Iginus: Igi-
no, Anicetus: Aniceto, Pius: Pio, Soter: So-
teri, Eleutherius: Eleutherio, Victor: Vi-
ctori, Zepherinus: Zepherino, Calixtus:
Calixto, Urbanus: Urbano, Pontianus. Pō-
tiano, Antherus: Anthero, Fabianus: Fa-
biano, Cornelius: Cornelio, Lucius: Lucio,
Stephanus: Stephano, Xystus; Xysto, Dio-
nyſius; Dionyſio, Felix; Felici, Eutychia-
nus; Eutychiano, Gaius; Gaio, Marcelli-
nus; Marcellino, Marcellus; Mar-
cello, Eusebius; Eusebio, Miltiades;
Miltiadi, Sylueſter; Sylueſtro, Mar-
cus; Marco, Iulius; Iulio, Liberius; Libe-
rio, Damasus; Damaso, Siricius; Siricio,
Anaſtaſius. In hoc ordine ſucceſſionis
nullus Donatiſta Epiſcopus inuenitur.
Sed ex tranſuerſo ex Aphrica ordinatum
miſerunt, qui paucis præſidens Aphris, in
orbe Romæ Montenſium, vel Cuzupitarū
vocabulum propagauit. In illum autem or-
dinem Epiſcoporum, qui ducitur ab ipſo
Petro uſq; ad Anaſtaſium, qui nunc ean-
dem Cathedram ſedet, etiam ſi quiſquam
traditor per illa tempora ſubrepiſſet, ni-
hil præiudicaret Eccleſiæ & innocentibus
Chri-

Christianis : quibus Dominus providens, ait de propositis malis: Quae dicunt, facite: quae autem faciunt, facere nolite: dicunt enim, & non faciunt. Ut certa sit spes fidelibus, quae non in homine, sed in Domino collocata, nunquam tempestate sacrilegi schismatis dissipetur: sicut isti dissipati sunt, qui legunt in codicibus sanctis Ecclesias quibus Apostoli scripserunt, & nulum in eis habent Episcopum. Et in alio loco: Verumtamen si omnes per totum orbem tales essent, quales vanissime criminaris: Cathedra tibi quid fecit Ecclesia Romana, in qua Petrus sedit, & in qua hodie Anastasius sedet? vel Ecclesia Hierosolymitana, in qua Iacobus sedit, & in qua hodie Ioannes sedet, quibus nos in Catholica unitate connectimur, & à quibus vos nefario furore separastis? Quare appellas Cathedram pestilentiae Cathedram Apostolicam? Et item. Puto tibi eam partem orbis sufficere debere, in qua primum Apostolorum Dominus voluit gloriosissimo martyrio coronari. Cui Ecclesiae praesidentem beatum Innocentium, si audire voluisses; iam nunc periculosam inventutem tuam Pelagianis laqueis excussis-

August. cont.

Peil. libr. 2.

eussisse. Quid enim potuit vir ita sanctus
Aphricanis respondere consilijs, nisi quod
antiquitus Apostolica sedes & Romana
cum ceteris tenet perseveranter Ecclesia?
Idem facit in alijs infinitis locis. Eodem
prouocat D. Hieronymus: Quoniam
vctusto oriens inter se populorum furore
collisus, indiscissam Domini tunicam, &
desuper textam, minutatim per frustra dis-
cerpit; & Christi vineam exterminant
vulpes; ut inter lacus contritos, qui aquā
non habent difficile, ubi fons signatus, &
hortus ille conclusus sit, possit intelligi ideo
mini Cathedram Petri, & fidem Apo-
stolico ore laudatam, censui consulendam:
inde nunc anima mea postulans cibum,
unde olim Christi vestimenta suscepi.
Neque verò tanta vastitas elementi li-
quentis, & interiacens longitudo terra-
rum, me à pretiosa margarita potuit in-
quisitione prohibere. Vbicunq; fuerit cor-
pus, illic congregabuntur & aquila. Pro-
fligato à sobole mala patrimonio, apud
vos solos incorrupta Patrum seruatur hæ-
reditas. Ibicespitem terra fecundo. Domini-
ci seminis puritatem centeno fructu re-
fert; hic obruta sulcis frumenta in lolium

Hier. epi. 57

aue-

Isaia 14.

Math. 5.

Exod. 12.

*auenasq; degenerant. Nunc in occidente
 Sol iustitiæ oritur: in oriente autem Luci-
 fer ille, qui ceciderat, supra sydera posuit
 thronum suum. Vos estis lux mundi, vos
 sal terra, vos aurea vasa & argentea: hic
 testacea vasa, vel lignea, virgam ferream,
 & æternum operiuntur incendium. Quã-
 quam igitur tui me terreat magnitudo,
 inuitat tamẽ humanitas. A sacerdote vi-
 ctimam salutis, à pastore presidium ouis
 flagito. Faceat inuidia: Romani culmi-
 nis recedat ambitio: cum successore piscat-
 toris, & discipulo crucis loquor. Ego nullũ
 primum, nisi Christum sequens, beatitu-
 dini tuæ, id est, Cathedræ Petri, communi-
 one consocior: super illam petram ædifica-
 tam Ecclesiam scio. Quicumq; extra hanc
 domum agnum comederit, profanus est. Si
 quis in arca Noe non fuerit, peribit reg-
 nante diluuiò. Et quia pro meis facinori-
 bus ad eam solitudinem commigraui, quæ
 Syriam iuncto Barbariæ fine distermi-
 nat; nec possum sanctum domini tot inter-
 iacentibus spatijs, à sanctimonia tua sem-
 per expetere: ideo hic collegas tuos Aegyp-
 tios confessores sequor, & sub onerarijs na-
 uibus parua nauicula delitescò. Non noui
 Vita-*

Vitalem, Meletium respicio, ignoro Paulinum. Quicumque tecum non colligit, spargit: hoc est, qui Christi non est, Antichristi est. Et paulò post: Ego interim clamito. Si quis Cathedra Petri iungitur, meus est. Meletius, Vitalis, atque Paulinus tibi habere se dicunt: possem credere. si hoc unus assereret: nunc aut duo mentiuntur, aut omnes. Idcirco obtestor beatitudinem tuam per crucem Domini, per necessarium fidei nostrae decus, per passionem Christi; ut qui Apostolos honore sequeris, sequaris & merito, ita in solio cum duodecim indicaturus sed eas; ita te alius senem cum Petro cingat; ita municipatum celi cum Paulo consequaris; ut mihi literis tuis, apud quem in Syria debeam communicare, significes, noli despicere animam, pro qua Christus mortuus est. Haftenus veteres.

Hieron. epi.
fol. 58.

Quid ad tot, tantaque sanctorum Patrum testimonia, Pontificum, Doctorum, Martyrum dicent isti? dictane negabunt an ridebunt? non puto certè, nisi impudentissimi esse velint. Neque est, quod hic obijciant hos tantos auctores Latinos fuisse;
cùm

cùm omnes ferè, aut Afiani, aut Aphri, aut Græci fuerint. Quòd si successione triginta vel quadraginta Pōtificum, tantopere vrgebant sui temporis hæreticos veteres Pātres; quantò magis & efficacius nunc ducentorum, & amplius idem facim⁹? verùm ideo tantum tributum fuisse successioni à veteribus mussitat Calvinus, quod nondum illi, qui in successione numerabantur, amiserant rectam fidem: ridiculum verò disputatorem: quasi itidem illius temporis hæretici, vt & nunc, Romanæ sedis rectam concederent fidem: quod si fecissent, secuti certè fuissent, nec pro hæreticis haberi possent. Iudaicum quid esse successionem numerare calumniantur isti: eodemque modo, longeque efficacius veterem synagogam Christo & eius Apostolis eandem seriem successionis obijcere potuisse, quomodo nunc illis obijcitur. Vtrumque hoc falsum est: nam etsi in veteri lege successio fuit; omnia tamen ea, quæ maioris alicuius fuerunt momenti, in figura nouæ euenisse legis docet
Pau-

Paulus : Ita vt illa veteris legis successio nihil aliud fuerit , quàm vmbra quædam & typus eius successione , quæ in noua futura erat : vt quemadmodum in veteri lege veritas doctrinæ successione manente ad Christum vsque dominum eiusque tempora ducta est, nulloque modo, quantumuis vita eorum, qui continuabant successionem, fuerit flagitiosissima, deprauari potuit: ipso testante domino: *Super Cathedram Moysi sederunt scribæ* Matth. 23. *& Pharisei. Omnia ergo quaecunque dixerint vobis seruate, & facite : secundum opera verò eorum nolite facere.* Dicunt enim & non faciunt. Ita & nunc manente eadem successione , veritas de ore Cathedræ Christi, donec ipse venerit, nunquam auferri poterit, vti præclare prædixit Isaias : *Spiritus meus qui est in te, Isaias 59.* *& verba mea, quæ posui in ore tuo, non recedent de ore tuo, & de ore seminis tui, dicit Dominus, amodo & usq. in sempiternum.* Deinde illud falsum est, eandem esse rationem Christi, & istorum qui se eius maiestati effreni quadam audacia conferre ac comparare non erubescunt.

1. Timoth. 3.

cunt. Primò enim Christo Domino, eiusq; Apostolis, omnes Patriarchæ, Prophetæ, ac vniuersa lex testimonium perhibuerunt: de istis autem illud solum prædictum legimus: *In nouissimis temporibus venient Pseudoprophetae, pseudochristi, & seducent multos. Et: In nouissimis temporibus venient homines sui amantes, cupidi, elati, superbi, blasphemi, parentibus non obediētes, ingrati, scelesti, sine affectione, sine pace, criminatores, incontinentes, immites, sine benignitate, proditores, proterui, tumidi, cæci, & voluptatum amatores magis quam Dei, habentes speciem quidem pietatis, virtutem autem eius abnegantes.* Deinde super Christū Dominum, eiusque Apostolos visibiliter descendit Spiritus sanctus: paterna vox de cœlo audita est, hic est filius meus dilectus, in quo mihi benè complacui, ipsum audite. Hocq; est, quod ipse dicit, se testimonium ab homine non accipere, sed maius testimonium habere omnibus, testimonium inquam Dei. Isti verò quam vnam vocem de cœlo audiuerunt, nisi

nisi illam fortasse: Attendite vobis à falsis Prophetis, qui veniunt ad vos in vestitu ouium, intus autem sunt lupi rapaces. Denique Christus Dominus, & eius Apostoli, ea signa fecerunt, quæ nemo vnquam fecit; vltimoque vi ac diuina virtute sua deuicta morte rediuius mundo comparauit, in coelosque gloriosè ascendit. Faciat idem Lutherus vel Calvin⁹, aut quispiam alius ex istis, & tum demum causam suam cum Christo & Apostolis eius comparare audebit. Vltimò, Iudaicam successionem aliquando desituram fuisse legimus, at istius seriem æternam futuram prædixit Dauid: *Iurauit Dominus, & non pœnitebit eum, tu es sacerdos in æternum, secundum ordinem Melchisedech. Pro patribus tuis nascentur filij, ideò constitues eos principes super omnem terram.* Et Christus Dominus: *Ego oraui pro te, vt non deficiat fides tua.* Et Paulus vsq; ad consummationem seculi duraturam ad Ephesios scribit.

Psal. 109.

Psal. 44.

Luca

Eph.

Extincta est, inquiunt, ista succes-

De Ioāne Pa-
 fa femina cō-
 mentum ha-
 reticorum re-
 fellitur.

fio vestra in Ioanne Papa foemina. Fal-
 sum est hoc: Nam neq; foemina Sum-
 mus Pontifex esse potuit vnquam, et-
 iam si millies creata sit, cū id natu-
 ra rei non patitur, vt foemina vir sit,
 tantò minus Pontifex, tantisperque
 sedes vacaret, si fortè per errorem ele-
 cta fuisset, dum illa viueret, nisi fortè
 Anglicanum vellent habere Papa-
 tum, vel talem, quale quid de Caligu-
 læ Imperatoris equo narrat Dion,
 Velocissimum hunc appellabat, quē
 tanto perè diligebat, vt eum crebrò
 ad coenam inuitaret, ei hordeum ex
 auro apponeret, funderetque vinum
 in poculis aureis, ac per salutem eius
 ac fortunam iuraret: Neque ijs con-
 tentus, cum ad honores & dignitates
 Reipub. prouehere statuit, seq; cum
 consulem facturum pollicebatur. Et
 fecisset, inquit Dion, si vixisset diuti-
 us. Vel saltim huic respondeant rati-
 oni: vel enim foemina summus Pon-
 tifex esse potest, vel nō: si rectè potest
 esse, quid accusant? quid quæruntur?
 si non potest esse, cur dicunt fuisse?
 Sed isti homines sui planè obliti seip-
 sos

sos non intelligunt. Quod idem de
 omnibus illis Pontificibus intelligen-
 dum est, qui vel aliquo vicio creati,
 vel in schismate Pontifices renuncia-
 ti sunt, eos scilicet veros, donec res
 melius examinata est, Pontificis non
 fuisse. Et hoc ipsum ex triuio commu-
 ne arreptum, falsum est, quod hac
 ratione, cum præsertim nullis certis
 authoribus nitatur, facillimè doceri
 potest: Græcos post schisma factū fu-
 isse Latinis sēper infensissimos, maxi-
 mē autē sedi Romanæ, contra q̄ om-
 ne virus acerbitalis suæ semper euo-
 mere conati sunt: neque vnquam
 prætermiserunt quidquam, quod ad
 eorum infamiam augendam, fidem-
 que diminuēdam pertineret; nusquā
 tamen id aut Latinis, aut Romanis
 obiecisse leguntur: non prætermissu-
 ri, si vel minimum aliquod argumen-
 tum tanti conuicij habuissent, cum
 præsertim idem illis ipsis à Latinis ali-
 quando obiectum fuisse, eos inquam
 foeminam Patriarcham habuisse, ex
 libro Leonis Noni, aduersus Michaelē
 Patriarcham Constantinopoli-

Leo ix. Papa
 cap. 23.

tanum discamus, cuius illa sunt verba: *Absit autem, ut velimus credere, quod publica fama non dubitat asserere, Constantinopolitana Ecclesia contigisse, ut eunuchos contra primum sancti Nicæni Concilij Capitulum, passim promouendo, faminam in sede Pontificum suorum sublimasset aliquando. Hoc tam abominabile scelus, detestabileque facinus, & si enormitas ipsius, vel horror, fraternaque beneuolentia non permittit nos credere; considerata tamen incuria vestra, erga Sanctorum censuram Canonum, quia eunuchos, & aliqua parte corporis immixtos, non solum ad Clericatum, sed ad Pontificatum etiam indifferenter ac solenniter adhuc promouetis, fieri potuisse pensamus. An igitur tantum conuicium illi æquo animo tulissent? an non regeffissent, si qua ratione verisimili potuissent? Sed isti nugatores nugas persequuntur.*

Malicia Alexandri Pape, & reliquorum Pontificum vita flagitiosa eam successionem sustulit. At qui successionem generationis Christi, neque mere-

meretrices, neque idololatræ. Reges auferre, aut perrumpere potuerūt vnquam. Quid impurius Iuda Scariote? quid flagitiosius? de quo dictum est, melius erat si homo ille natus non fuisset, & tamen malicia eius successionem illius non sustulit.

Audi enim quid scriptura dicat: *In diebus illis; Exurgens Petrus in medio fratrum dixit: Erat autem turba hominum simul ferè centum viginti: Viri fratres, oportet impleri scripturam, quam prædixit Spiritus sanctus per os David de Iuda, qui fuit dux eorum, qui comprehenderunt Iesum: qui connumeratus erat in nobis, & sortitus est sortem ministerij huius. Et hic quidem possedit agrum de mercede iniquitatis, & suspensus crepuit medius, & diffusa sunt omnia viscera eius. Et notum factum est omnibus habitantibus Hierusalem, ita vt appellaretur ager ille lingua eorum. Acheldemach, hoc est, ager sanguinis. Scriptum est enim in libro Psalmorū: Fiat commoratio eorum deserta, & non sit qui inhabitet in ea, & Episcopatū eius accipiat alter. Oportet ergo ex ijs viris, q̄ nobis cū sunt cōgregati in omni tēpore, quo itrauit*

exiuit inter nos Dominus Iesus, incipiens à baptismo Ioannis, usque in diem qua assumptus est à nobis, testem resurrectionis eius nobiscum fieri unum ex istis. Si igitur improbitas Iudæ sortem ministerij eius non sustulit, quantò magis illius Apostoli, pro quo Christus specialiter orauit, nulla humana malitia auferre poterit vnquam?

Sed quæ tandem huius successio-
nis, tâta causa est? quæ necessitas? quis
vñsus? maximus per omnia. Primùm
quòd potestas non est, nisi sit à Deo
profecta, idque vel sine medio vñlo,
vel mediâte saltem eorum, qui à Deo
missi sunt ordinatione, siquidem ne-
minem sibi debere sumere honorẽ,
nisi vocatum à Deo tanquam Aaron,
docet Paulus. Cùm igitur Episcopa-
tus, Pastoratus, & Presbyteratus, atq;
adeò Sacerdotium omne, potestas in
Ecclesia summa sit, sine qua Ecclesia
Dei omninò esse non potest, potestas
non erit, nisi à Deo sit profecta, idque
vel sine medio vñlo, vt in illis ipsis fu-
it, quibus dictum est: *Sicut misit me
pater, ita & ego mitto vos*, vel mediâte,
vt in

Hebr. 6.

vt in illis omnibus, qui ab his acceperunt, quibus dicitur: *Sicut misit me pater, ita mitto vos.* Quorum verborum sensus est: Cum qua potestate misit me pater, cum eadem mitto vos: missus sum à patre, cum potestate alios mittendi, cum eadem item potestate alios mittendi mitto vos. Ab his igitur qui missus non est, fur est & latrō, quia non intrat per ostium. Christus enim est ostium ouium, cui soli mittendi à patre potestas data est, vel per illum ipsum, vel per hos, quibus dixit: *Sicut misit me pater, ita & ego mitto vos.* Ideò igitur Matthæus, ideò Paulus Apostoli, quia ab Apostolis ordinati sunt; ideò Titus & Timothæus, quia à Paulo; ideò alij Cretæ ac reliquarum vrbiū Presbyteri, quia à Tito & Timothæo, per manus impositionem ordinati sunt, & sic eodē modo alij. Nam plebi, vel Regibus, à quibus isti ordinari volūt, nusquam dictum est: *Sicut misit me pater, ita & ego mitto vos.* Ideò ad hanc vocem quæ sola pastores facit, sicut misit me pater, ita mitto vos, nullo modo suam vocationē

P 5 & ordi-

ad Antonia-
num, lib. 4.

& ordinationem referre possunt. Et hoc est quod dicit Cyprianus: *Monatus, inquit, in Ecclesia non est, qui seipsum ordinavit, à seipso incepit.* De Cornelio verò magnificè: *Et factus est Episcopus à plurimis Collegis nostris, qui tunc in urbe Romana aderant, qui ad nos literas honorificas & laudabiles, & testimonio sua predicationis illustres de eius ordinatione miserunt.* Factus est autem Cornelius Episcopus de Dei & Christi eius iudicio, de Clericorum omnium penè testimonio, de plebis quæ tunc affuit suffragio, & de Sacerdotum antiquorum & bonorum virorum collegio, cum nemo antè se factus esset, cum Fabiani locus, id est, cum locus Petri & gradus Cathedra Sacerdotalis vacaret, quo occupato de Dei voluntate atque omnium nostrum consensione, firmato, quisquis iam Episcopus fieri voluerit, foris fiat necesse est, nec habeat Ecclesiasticam ordinationem, qui Ecclesiæ non tenet unitatem, quisquis ille fuerit, multum de se licet iactans, & sibi plurimum vindicans profanus est; alienus foris est. Et cum post primum secundus esse non possit, quisquis post unum, qui solus esse debeat, factus est non

est non iam secundus ille, sed nullus. Cum igitur isti neque ab illo primò missi sint, qui dicit: Sicut misit me pater, ita & ego mitto vos: hoc enim solis duodecim contigit, neque ab his, ad quos hoc ipsum dictum est; sicut misit me pater, ita mitto vos: foris sint oportet nulli sint necesse est: à Deo missi esse non possunt: quod præclare explicat Tertullianus. Pro bent se novos Apostolos esse: dicant Christum iterum descendisse, iterum ipsum docuisse, iterum crucifixum, iterum mortuum, iterum resuscitatum; sic enim Apostolos solet facere, dare illis prætereà virtutem eadem signa edendi, quæ & ipse. Volo igitur virtutes eorum proferre, nisi quòd agnosco maximam virtutem eorum, quæ Apostolos in peruersum æmulantur. Illi enim de mortuis suscitabāt, isti de viuis mortuos faciunt. Hactenus Tertullianus.

*De eodem
de suprâ, fo
lio III.*

Secundò, fides diuina esse non potest, nisi quam os domini primum locutum sit. Deinde quæ multis signis similiter & portētis, ac miraculis, & varijs virtutibus, & Spiritus sancti distributionibus confirmata, & quasi obfi
gnata

gnata & contestata fuerit. Postremò,
quæ in Deum ipsum auctorem refera-
tur, ac desinat. Sed quoniam neq; De-
um ipsum cum singulis hominibus
loqui semper conuenit, neque mira-
culis ubiq; locus est, sufficit, vt ad pri-
mos duces atque principes fidei os
Domini locutum sit, eosq; instruxe-
rit, vt denique multis signis & porten-
tis ac prodigijs eorum doctrinam &
ordinem Deus confirmarit. Isti autẽ,
his qui eos sequuntur, eandem doctri-
nam per successionem quandam tra-
dant, aliosq; in locum & functiones
suas sufficiant. Sic factum est in Moy-
se: os Domini cum illo locutum est:
signa & portenta plurima in monte
Sinai apparuerunt. Satis erat alijs ad
fidem faciendam in eandem doctri-
nam atque ordinem successisse. Sic fa-
ctum est in Aarone: Deus cum ipso
locutus est: palma eius reffloruit: cæte-
ris porrò propter eadem signa & pro-
digia, ob continuam ordinationem
& successionem creditum est. Cùm
enim propter schisma, vindictam-
q; schismaticorum, Core & Abirò,
orta

orta fuisset seditio contra Moysen, Aaron, quod non ipsi soli deberent offerre incensum Domino, neque item ex ipsorum tantum ore lex petenda esset, eoque nomine in tabernaculum foederis concessissent, locutus est Dominus ad Moysen dicens: *Loquere* Numeri 17.
ad filios Israël, & accipe ab eis virgas singulas, per cognationes suas, à cunctis principibus tribuum virgas duodecim, & unus cuiusque nomen superscribes virga sua. Nomen autem Aaron erit in tribu Leui: & una virga cunctas eorum familias continebit: ponésque eas in tabernaculo foederis coram testimonio, ubi loquor ad te.

Quem ex ijs elegero, germinabit virga eius, & cohibebo à me querimonias filiorum Israël, quibus contra vos murmurant. Locutusque est Moyses ad filios Israël, & dederunt ei omnes principes virgas per singulas tribus. Fueruntque virga duodecim, absque virga Aaron. Quas cum posuisset Moyses coram Domino in tabernaculo testimonij, sequenti die regressus, inuenit germinasse virgam Aaron in domo Leui, & turgentibus gemmis eruperant flores, qui folijs dilatatis in amigdalas deformati sunt.

sunt. Protulit ergo Moyses omnes virgas de conspectu Domini ad cunctos filios Israël, videruntque et receperunt singuli virgas suas. Dixitque Dominus ad Moysen: Refer virgam Aaron in tabernaculum testimonij, ut seruetur ibi in signum rebellium filiorum Israël, & quiescant querelæ eorum à me, ne moriantur. Fecitque Moyses sicut praeceperat Dominus. Dixerunt autem filij Israël ad Moysen: Ecce consumpti sumus, omnes peribimus. Quicumque accedit ad tabernaculum Domini, moritur. Num usque ad internecionem cuncti delendi sumus? Dixitque dominus ad Aaron: Tu & filij tui, & domus patris tui tecum, portabitis iniquitatem sanctuarij; & tu & filij tui simul sustinebitis peccata sacerdotij vestri. Sed & fratres tuos de tribu Levi, & sceptro patris tui, sume tecum, præstoque sint & ministrent tibi. Tu autem & filij tui ministrabitis in tabernaculo testimonij. Legitimum sempiternum erit in generationibus vestris. Nihil aliud possidebunt, decimarum oblatione contenti, quas in usus eorum, & necessaria separavi. Simile quid in noua lege, sed longè perfectius, longè euidentius factum esse legimus.

mus: eliguntur ad opus ministerij duodecim præstantissimi viri: ex oreq; ipso Dei instruuntur: cum illaq; amplissima in totum dimittuntur orbẽ legatione: *Euntes in uniuersum orbem, annunciate verbum uniuersæ creaturæ: at illi profecti, prædicauerunt Euangelium, Domino cooperante, sequentibus signis.* Neq; solùm dicto paruerunt, sed vt ipsi missi sunt, ita & alios miserunt. Ideo constitui te, scribit Paulus Timotheo, Cretæ, vt constituias presbyteros & Episcopos: vt ille quidem fundamentũ iecerit; alij autem ædificium exstruxerint: vt illud Prophetæ impleretur: *Spiritus meus qui est in te, & verba mea, quæ posui in ore tuo, nõ recedent de ore tuo, & de ore seminis tui, a modo vsque in sempiternum.* Quod idem Paulus lõgè clariùs illis verbis explicat: *Propterea à abũ* ^{Hebr. 2.} *dantiùs oportet obseruare nos ea, quæ audiuius, ne fortè perfluamus. Si enim qui per Angelos dictus est sermo, factus est firmus, & omnis prauaricatio & inobedientia accepit iustam mercedis retributionem; quomodo nos effugiemus, si tantã neglexerimus salutem? quæ cùm initium accepissent,*

cepissent, enarrari per Dominum ab eis
 qui audierunt, in nos confirmata est, conte-
 stante Deo signis, & portentis, & varijs
 virtutibus, & Spiritus sancti distributio-
 nibus, secundum suam voluntatem. Ha-
 bet quoque non mediocre momen-
 tum ea ipsa successio, ad cōseruatio-
 nem puritatis & synceritatis dogma-
 tum, vbi à patribus, tanquam hæredi-
 tatem quandam manu de manu acci-
 piant filij: quomodo vniuersam le-
 gem naturæ, quomodo artes & scien-
 tias omnes, quomodo eam ipsam fa-
 cultatem, quam Hebræi Cabalam vo-
 cant, auctas, & conseruatas, atque per-
 fectas esse legimus. Nam literarum
 monumenta plerunq; vel perire pos-
 sunt, vel situ & diuturnitate consu-
 mi, vel calamitatibus & periculis ab-
 oleri, vel hominum malicia depraua-
 ri solent; quomodo ducto in captiui-
 tatem Babylonicā populo Hebræo,
 vniuersa lex ferè scripta interierat, vix
 postea per successiōem sacerdotalem
 ex memoria, dono Spiritus sancti re-
 uocatur, hominum autem generales
 successiones nunquam extinguuntur,
 verum

verùm hæc materia alterius & vberius est tractationis, nunc illud concludamus. Inter Catholicum & Hæreticum, hac in parte illud interesse, neutrum quidem Deum ipsum alloqui: cùm neutro præsens os Domini locutum esse: vtrumque signa & miracula nulla edere. Verùm Catholicus, & si ipse Deum loquentem nunc non audiat, & si miracula non faciat; eorum tamen doctrinam, tuetur, ad eos se refert, hos ordinatores suos demonstrat, ad quos os domini locutū est, quorum doctrina multis portentis & miraculis, multorum item seculorum testimonijs & probationibus est confirmata: quàm cùm eandem tueatur atque doceat, ad eadem se signa & miracula refert, diuinamque non humanam esse certò sibi & alijs persuadet, non trepidat, nō tergiuersatur, non dubitat; sed illud potiùs Tertulliani rectè vsurpat: *Mea est possessio, olim possideo, prior possideo, habeo origines firmas ab ipsis authoribus, quorū fuit res: ego sum hæres Apostolorum, sicut cauerunt testamento suo, sicut fidei com*

2 *mise-*

miserunt, sicut adiurauerunt. ita teneo, vos alios certè exhæreditauerunt semper atq; abdicauerunt, ut extraneos & inimicos. Hæreticus neutrum habet: nã neq; ad ipsum os domini locutū est, neq; signa & miracula edit ipse, & nūc primū exortus est, sed neq; eorum doctrinā tuetur, ad quos os Domini aliquando locutum esse sciat, vel qui miracula aliqua ediderint, & quos ipse præfens videt, cum illisq; simul viuit, & idcò doctrinam planè humanam nouam, ac quibusdam sophismatibus tantum subnixam tuetur. Ante Valentinum. n. inquit Irenæus, nō fuerunt, qui sunt à Valentino: neque ante Marcionem erant, qui sunt à Marcione: neque omnino erant aliqui sensus maligni, quos suprā enumerauimus, anteq̃ initiatores et inuētores peruersitatis eorum fierent. Vel saltem demōstrent, num cū auctoribus ipsorum doctrinæ Deus aliquando locutus fuerit, vel aliqua miracula per eos ediderit: num Apostolorum temporib⁹ aliquis ex illis vixerit. Verūm cū nihil horum docere possint, nullo cer-

Ita certè modo, seipſos ad illam primā & ineffabilem veritatem; Deum inq̃ ipsum referre poterunt: Ad quos meritò dicendum eſſe, docet Tertul. *Qui estis? quādo, & vnde venistis? quid in meo agitis non mei? quo denique Marcion iure syluam meam cædis? qua licentia Valentinæ fontes meos transuertis? qua potestate Apelles limites meos commoues? Mea est possessio: quid hîc ceteri ad voluntatem vestram seminatis & pascitis?* Sed hæc hæc hactenus.

Si ergò istorum Ecclesias Apostoli ipsi fundarunt, si plenam eorū doctrinam tuentur, si ab illis successionem suam demōstrant; Apostolicas habēt Ecclesias. Si autem nulla earum cōditionum illis cōuenit; nam & Ecclesias eorum nuper Lutherus fundauit: vel si vetera repetere malūt, Simō Magus, quem primū principem & ducem hæreticorū fuisse, testatur Irenæus atque Tertull. qui eodem modo cū illis fide sola hoîes iustificari docuit. Si itē doctrinam Apostolorū, ita vt monstratum est, non sequuntur: si successionem non modò non mōstrant, sed et

Q²

impu-

impugnant; Apostolicas Ecclesias nō habent: hæreses igitur sequuntur.

Illa igitur vera erit Ecclesia, quæ Vna, q̄ Sācta, quæ Catholica, q̄ Apostolica.

Verū de primo genere signorū hactenus dictum sit. De quibus, qui plura & meliora cognoscere velit, legat eum, qui primus hanc ante alios omnes viam præclarè triuit, doctissimū simul ac Sanctissimum Cardinalem,

Stanislaum Hosium, popularem
& fautorem quondam nostrum planè singularem.

DE

DE VERAE ET FALSAE ECCLE- SIAE DISCRIMINE,

LIBER TERTIVS.

PRIMUM INSIGNE VERAE
*Ecclesia, praesentia Spiri-
tus Sancti.*

CAPVT PRIMVM.



Vnc ad secundum signo-
rum genus transeamus,
σημεῖα hæc Aristoteles vo-
cat, quæ & si, vt superiùs
diximus, singula rem ne-
cessariò non demonstrant, turba ta-
men conferta tanquam præstantissi-
morum tironum cuneus, magnam
vim faciunt: quæ & si cum re ipsa non
conuertuntur, vbi tamen non sint,
rem ipsam inueniri planè impossibi-
le fieri solet. Quæ & si non ad omnes
veteres hæreses vndiquaque for-
tasse referri possent; nostri tamen

Q 3

secu

seculi sectas planè confodiunt, quorum primum hoc sit: Illam veram Ecclesiam esse, quæ certa signa & indicia præsentia Spiritus sancti habet: hic enim Ecclesiæ semper præsens adesse debuit, eam regere, eam gubernare, eam viuificare, consolari, docere denique debebat. Pollicetur hoc illi Isa-

Isa. cap 30.

ias: *Et dabit tibi Dominus panem arctum, & aquam breuem, & non faciet auolare à te ultra doctorem tuum, & erunt oculi tui videntes præceptorem tuum, & aures tuæ audient verbum post tergum monentis. Hæc est via, ambulate in ea, & non declinetis neq; ad dextram neq; ad sinistram. Et contaminabis laminas sculptilium argentitui, & vestimentum conflatis auritui, & disperges ea sicut immunditiam menstruata.* Pollicetur ipse sponsus

Joan. 14.

Christus Dominus. *Et ego rogabo patrem, & alium paracletum dabit vobis, ut maneat vobiscum in æternum, spiritum veritatis, quem mundus non potest accipere, quia non videt eum, nec scit eum. Vos autem cognoscitis eum, quia apud vos manebit, & in vobis erit. Præsentia autem Spiritus sancti, nulla clariora, nulla il-*
lustratio.

iustiora ac euidentiora argumenta
 esse possunt, quàm ipsi eiusdem Spiritus
 sancti fructus: Ex fructibus siqui-
 dem cuiusque rei, naturam cognosci
 debere, ipse Saluator docet: vbi illi
 præsentes sint, ibi rem ipsam esse ne-
 cessariò, fructibus sublati, rem quo-
 que ipsam auferri oportere. *Fructus autem*
spiritus sunt, inquit Paulus, *Charitas, gau-* Galat. 5.
dium, pax, patientia, benignitas, bonitas,
longanimitas, mansuetudo, fides, mode-
stia, continentia, castitas. Charitatis autem 1. Corint. 13.
 quæ est primus spiritus sancti, fructus
 illæ sunt partes: *Patiens est, benigna est:*
non emulatur, non agit perperam, non in-
flatur, non est ambitiosa, non querit quæ
sua sunt: non irritatur, non cogitat malum,
non gaudet super iniquitate, congaudet au-
tem veritati: omnia suffert, omnia credit,
omnia sperat, omnia sustinet. Si igitur hæ-
 reses hos fructus habent, veram Eccle-
 siam apud eos esse oportebit: si autem
 eos fructus non modò nō habent, sed
 etiam impugnant, rident ac contem-
 nunt; quomodo verè Ecclesiæ nomē
 sibi usurpare possunt? Quæ enim apud

Q 4

illos

illos est charitas? qui fructus eius? qđ
gaudium? quæ pax? quæ patientia? quæ
benignitas? quæ bonitas? quæ longa-
nimitas? quæ & qualis mansuetudo,
modestia, continentia, castitas? à qui-
bus quantum absint, superiùs docui-
mus abundè: eadem enim repetere,
hominis est & tempore, & ocio abu-
tentis. In Ecclesia verò Catholica hi
fructus semper Deo ipso teste exstite-
runt & exstant adhuc, Spiritum san-
ctum igitur nunquam ab illa abesse
fateamur, oportet. Vbi autem Spiri-
tus sancti adest præsentia, ibi veram
Ecclesiam esse diximus, cui⁹ ille dux,
præceptor, consolator perpetuus es-
se debuit.

*SECUNDVM INSIGNE: AD
formas & species eius, in scriptura
adumbratas, conuenientia
& consensus.*

CAPVT II.



Vius illa sit secūda nota, cam
veram Ecclesiam esse, quæ ma-
ximè cum illis imaginibus, &
formis,

formis, ac quasi exemplis conuenit, quibus ipsa per Spiritum sanctum in sacra scriptura ornari ac veluti p̄gi solet. Cū enim Rex ipse Salomon, Christus Iesus dilectam suam, vnicā suam, multis dotibus, multis ornamentis, insignibus & coloribus multis, vario item vestitu & ornatu decorasset, omnemque plenitudinem gratiæ, secū dum seipsum in illa inclusam & ob signatam esse voluisset, quæ vniuersæ dotes cum vnica oratione explicari non possent, multis & varijs coloribus, & imaginibus, varias dotes, exprimentibus, eas scriptura circumloqui necesse habuit: per quæ illa cognosci, ac veluti digito demonstrari possit. Ex quibus hæ quidem eius cum sponso inseparabilem cognitionem, amorem, & dilectionem representant, dum illam ipsam sororem, dum filiam regis, dum matrem pulchræ dilectionis & magnæ spei, dum columbam, amicam appellare solet: sponsam, atque adeò dominam domus, quæ in partem omnium bonorū vocata est: regnat enim ille, reg-

Q 5 nat &

nat & illa? docet ille, docet & illa: pascit ille, pascit & illa: curat ille, curat & illa: aperit in cœlum ille, aperit & illa: soluit ille, soluit & illa: orat & deprecatur ille, deprecatur & illa: iudicat ille, iudicat & illa: plectit fontes, coronat merentes ille, facit hoc idem & illa: Corpus denique eius est os de ossibus, & membrum de mēbro corporis sui. *Cuius caput, inquit Bernardus, aurum est optimum, ipse Iesus Christus, in quo sunt reconditi omnes thesauri scientiæ & sapientiæ Dei: cuius facies decora, illa inquam, de qua dictum est: Sic luceat lux vestra, ut homines videntes bona opera vestra, glorificent Deum qui in cœlis est. Cuius genæ turturis, hoc autem est casti, & continentes homines: cuius oculi, oculi columbarum, magistratus, inq̃tām spirituales quàm seculares: cui⁹ labia fauus distillans, Doctores, inq̃t, & prædicatores eximij, cuius vbera, hoc est, Sacramentorum ministri & dispensatores, pastores, inquam ipsi pulchriora vino: cuius manus distillant mirram, homines virtutis exercitio dediti: cuius pedes speciosi, pedes*

Bern. in Can.
Col. 2.

Cant. 2.
Matth. 5.

D. Bernhar.
in Cantic.
Cant. 1.

des inquam euangelizantium bona,
euangelizantium pacem.

Vt autem hæc adiuncta arctissimā
cius ad sponsum coniunctionem desi-
gnant; ita illa summam eius pulchri-
tudinem, splendorem, lucem, sancti-
tatem & integritatem demonstrant:
dum templum, in quo Deus inhabi-
tat, extra quod sacrificium non est, sa-
cerdos non est, doctor non est, cultus
veri Dei non est, vocatur. *In monte san-
cto meo, inquit Ezechiel, in monte excel-* *Ezech. 20.*
so Israël, ait Dominus Deus, ibi seruiet mi-
hi omnis Israël, omnes inquam in terra, in
qua placebunt mihi, & ibi quæram primi-
tias vestras, et initium decimarum vestra-
rum, in omnibus sanctificationibus ve-
stris. Tabernaculum militiæ nostræ
ut habitet in nobis ac veluti in nube,
& columna ardente nos semper & v-
bique præcedat: regale sacerdotium: *1. Petr. 2.*
ciuitas iusti & sancti: gens electa,
gens sancta, conciuēs sanctorum,
hæreditas Domini, domestici DEI
appellatur: mons Domini, ne- *Matth. 5.*
que obscurus aliquis, aut latens
mons, sed mons in vertice montium,
cui-

*Cant. 4.**Psal. 18.*

ciuitas in monte posita, quæ abscon-
 di non potest ad quem confluent oēs
 gentes : tota formosa , speciosa, tota
 pulchra, sine ruga, sine macula, auro-
 ra, luna, sol ipse esse censetur: thronus
 eius, inquit sicut sol in cōspectu meo,
 & sicut luna perfecta in æternum , &
 testis in cœlo fidelis. Et: In sole posuit
 tabernaculum suum , & ipse tāquam
 sponsus procedens de thalamo suo.
 Quæ annexa planè conuincunt eorū
 insanam opinionem , qui Ecclesiam
 Dei, aut obscuram , aut planè inuisi-
 bilem esse docent , qualia Calvinus,
 Brentius, atque ipse Lutherus aliquā
 do somniare solent. Si enim obscura,
 quomodo in monte posita? quomo-
 do aurora, sol, luna , lux ipsa esse dici-
 tur? si inuisibilis, quomodo , qui eam
 non audit, tanquā ethnicus atq; pub-
 licanus, esse censetur? quomodo fra-
 ter rebellis illi denunciari potest? quo-
 modo vox docentis audiri, manus Sa-
 cramenta dispensantis videri potest?
 quomodo oues in ei⁹ ouilia ingredi?
 quomodo pastoribus suis subijci po-
 terunt? Quid tu. (inquit Aug.) hæreti-

ce fugis in tenebras, qđ latitare conaris, omnis enim qui malè agit, odit lumen, & non venit ad lumen, vt non arguantur opera eius: qui autem facit veritatem, venit ad lumen, vt manifestentur opera eius, quæ in Deo sunt facta.

Tertium genus attributorum, celebrat eius imperium, regalem maiestatem, ordinem; vt cū regnum cœlorum, regnum omnium seculorum, ^{Psal. 47.} imperatrix & regina, ciuitas regis magni dicitur, quæ diues est: *Gloria & diuitia in domo eius, & iustitia eius manet in seculum seculi*, diues gratijs, diues sacramentis, diues virtutibus, diues opibus: extra hanc omnis habitat paupertas. Quæ ordinata, vt castrorum ^{Cant. 6.} *acies ordinata*: quæ pulchra: *portæ Hierusalem ex Sapphiro & Smaragdo edificabuntur: & ex lapide pretioso, omnis circuitus murorum eius: ex lapide candido & mundo, omnes plateæ eius sternetur: & per vias eius Alleluia cantabitur.* Quæ ^{Tob. 13.} frequens & populosa est: *Et aperientur portæ eius iugiter, die ac nocte non claudentur, vt afferatur ad te fortitudo gentium,* & re-

& reges eorum adducantur : gens & reg-
 num quod non seruiet tibi, peribit, & gen-
 tes solitudine vastabuntur . Quæ abun-
 dans rebus omnibus necessarijs refer-
 ta est: Est enim in medio plateæ eius flui-
 us, & ex utraque parte fluminis, lignū vi-
 tæ afferrens fructus duodecim: per menses
 singulos reddens fructum suum, & folia li-
 gni ad sanitatem gentium. Quæ fortis &
 munita est Fundamenta enim eius in mō-
 tibus sanctis, diligit dominus portas Sion,
 super omnia tabernacula Iacob: ipse domi-
 nus murus eius & antemurale. Quæ cla-
 ra & illustris est: Gloriosa dicta sunt de
 te ciuitas Dei. Quæ concors est. Hierusa-
 lem quæ edificatur ut ciuitas, cuius parti-
 cipatio in idipsum. Illuc enim ascenderunt
 tribus, tribus Domini, testimonium Isra-
 ël: ad confitendum nomini Domini . Huic
 ciuitati opponitur illa, de qua Dauid:
 Vidi iniquitatem & contradictionem in ci-
 uitate, die ac nocte circumdabit eam super
 muros eius iniquitas, & labor in medio e-
 ius, & iniustitia, & non defecit de plateis
 eius usura & dolus. Quæ eadem porta
 coeli, domus Dei, regina denique &
 princeps dicitur.

Quar-

Apoc. 22.

Psal. 86.

Is. i. 26.

Psal. 86.

Psal. 121.

Psal. 54.

Quartum genus insignium, robur & inuictam vim illius demonstrat, dū coelum & terra dicitur, vrbs fortitudinis Sion, acies castrorum ordinatorum, ciuitas in monte posita, columna & firmamentū veritatis, acies ordinata, exercit⁹, agmē, castra dei uiuentis.

Quintum, fecunditatem eius representat, dum vitis abundans in laterib. *Psal. 127.*
Psal. 79.
 domus Domini, quæ extendit palmites suos ad mare, & propagines suas, vsq; ad terminos terræ, dicitur. dū vinea florens appellatur. Vineam est, docet Bernardus, propter vitem, quæ est Christus: propter agricolā, qui est æternus pater: propter fulcra, quib. per clauiculos palmites hærent, sacerdotes inquam & magistratus. Vineam propter septem successionis continuæ: vineam, propter vinū optimum, qui sunt sancti Dei. Habet clauiculos charitatis & veritatis: habet pampinos ceremoniarū, habet flores sacramentorum, habet fructus prestantissimarū virtutū: plantatur in fide, mittit radices in charitate, defoditur in sarculo discipline, poenitentiarū lachrymis stercoreatur, presentium

dicantium doctrina irrigatur. Eadē, hortus conclusus appellatur, in quo adest flos lilij candidus, in virginibus: flos violæ, in innocentibus: flos rosæ, in martyribus: flos malogranati, in Apostolis: flos oliuæ pinguis, in sanctis Confessoribus atq; Doctoribus: flos balsami in virgine sancta: denique, fons signatus, ager foecundus, sagena plena bonis & malis piscibus: area expurgata, cathedra magni Doctoris vocatur.

Genes. 32.

Sextum ornamentorum genus denotat eius pericula, certamina, pugnas: vt cū castra Dei viuentis, acies ordinata, mulier pariens, nauis, quæ ex vno ligno non constat, quæ omnem inscensorem admittit, præter latronē, insula quæ fluctibus ceditur, specula cuius custodes die ac nocte non dormiunt, ablactata à lacte, vidua, sterilis & deserta, mulier quæ parit, appellari solet. Habent ea castra hostes varios. Pagani impugnant illa turbando pacem: Iudei Christi incarnationem negando. Hæretici fidei sinceritatem inficiendo: Schismatici obedientiam, & Eccle.

& Ecclesiæ vnitatem rumpendo; Tyranni & principes Ecclesiæ libertatē opprimendo, falsi fratres charitatem extinguendo. Varios habet hostes; sed & propugnatores non pauciores; gentibus opponit Reges ac principes suos, Iudæis & hæreticis opponit Pontifices, & Doctores; Schismaticis opponit sanctorum communionem, regimen Prælatorum, obedientiam subditorum Tyrannis, Martyrum agmen; vtitur contra malos fratres, excommunicatione, contra hæreticos scripturis, & antiquitate atque oratione. Et vt hæ ipsæ imagines designant eius pugnas, & pericula; ita illa aduncta, eius celebrant triumphos & victorias, cū dicitur; *Hierusalem, ciuitas sancta, mons Sion, qui in æternum non commouebitur, populus fortitudinis, ciuitas gentium robustarum, vrbs fortitudinis, virgo intemerata, visio pacis.*

Si igitur hunc tam varium & magnificum ornatum habent nostri sæculi concubinæ; reginæ sunt. At si nihil ex isto splendore & apparatu in

R his

his inuenitur, si inimicæ Christi sunt, si sordidæ, & obscœnæ, si pauperes & mendicæ, si infirmæ & debiles, si sterunt & dormiunt, si sponte sua ruunt, si infœcundæ & vbera habentes arentia; non sponsæ, sed pellices sunt. At cui omnes isti colores, omnes gē-mæ, omnis vestitus, & apparatus, v-nione (quæ conueniunt; illa vera coniunx Regis Salomonis erit, talis autē est, vna, sancta, Catholica, & Apostolica Ecclesia.

TERTIVM INSIGNE: FILIAE

*Regis obedientia ad legem primam,
hoc est, ad legem naturæ.*

CAPVT III.



ON mediocre est & illud veræ Ecclesiæ DEI ornamentum atq; decus; quod non Euangelium tantum, non sola veteris & noui testamenti instituta sequitur, sed etiam ad primam illam & summam legem, naturæ inquam & rationis, respicit, atque se totam componit; quā legem

legem nulla lex aut abrogare, aut illi derogare, vel abrogare quidquam potest. Est enim ipſius Dei omnipotentis ſpiraculum vitæ homini inflantis digito in ipſa præſcripta natura; de qua Paulus magnificè; *Cum enim gentes qua legem non habent, naturaliter ea qua legis ſunt faciunt, eiſmodi legem non habentes, ipſi ſibi ſunt lex, qui oſtendunt opus legis ſcriptum in cordibus ſuis, teſtimonium reddente illis conſcientia ipſorum, & inter ſe inuicem cogitationum accuſantium, aut etiam defendentium, in die cum iudicabit Dominus occulta hominum ſecundum Euangelium meum per IESVM Chriſtum.* Et in alio loco: *Condelector enim legi Dei ſecundum interiorem hominem: video autem aliam legem in membris meis repugnantem legi mentis meæ, & captiuantem me in lege peccati, qua eſt in membris meis.* Itaque hæc ipla prudentiſſima mulier non omnia in Euangelio quærit, non omnia ex lege ſcripta petit, multa ex ipſius principijs naturæ haurit. Proinde non differentiam ſacri & profani, non priuati & publici, iuſti & in-

iusti, æqui & iniqui, doctoris & discipuli, præfecti & subditi, casti & incesti, inde repetit. Non sacerdotem, nõ sacrificium, non aras & templã, non cultum & carimonias externas, non decimas, victumque & alimenta altaris, & id genus alia, his similia, inde sibi demonstrari postulat. Hæc enim ex ipsius legis naturæ vi atque decretis primò hausit, atque edocta est. Nõ ciuiles leges, non rerum publicarum formas & species, non magistratum officia & functiones, ac gubernationis modum; non belli & pacis iura, sed ab ipsa natura hæc talia edocta sequitur iamque hæc in alia lege longè prius præscripta ac definita esse nouit, lege inquam vt dixi naturæ, Deumque semel dicere nec iterum frustra repetere, à sacra scriptura est præmonita. Quam quidem legem primam & summam constantissim⁹ ille legislator Deus abrogat nunquã, cùm non sit illius tanquam hominis mortalis cuiusdam sua rescindere decreta, aut aliquam palinodiam cantare, aut poenitentia vlla duci; sed
deui.

deuiantibus ab ea hominibus, & nō naturalia pro naturalibus amplectētibus, perficit atque interpretatur. Itaque ne veterum quidem doctissimorum virorum, etiam illorum, qui fidem nō receperint, inuenta de virtute, de vitio, de honesto & iusto, de decoro, acco, quod non conuenit aspernatur; sed tanquam ab illis, quibus hæc Deus reuelauit, teste Paulo, atque adeò tanquam ab iniustis earum rerum possessoribus, vt inquit Augustinus, accepit at veneratur. Et proinde nihil vnquam ineptè, nihil inconcinnè ac insolenter, nihil enormiter, atque inhumanè, nihil effusè, atque flagitiosè, nihil naturæ & rationi repugnans agit; quæ omnia, cū hæreses non sequantur, spernant atque rideant, ab hisque sint alienissimæ, mirum nō est: si ad nullam item veræ Ecclesiæ Dei partem pertineant, ac instar beluarum ab omni recta rationis & iudicij regula remoti uiuant, multa que foedè, immaniter, flagitiosè, crudeliter perpetrent; si ordinem nullum habeant, si aliena

rapiant καὶ πάντα σφετεροῦσι hoc est, omnia tua faciunt, nihilque cuiusquam ferarum more proprium esse volunt.

QUARTVM INSIGNE: VBERTAS donorum Spiritus sancti.

CAPVT IIII.



Quartum est, Regis Salomonis sponsæ decus ac ornamentum, vbertas inquam donorum Spiritus sancti: quæ sicut unguentum pretiosum, primò descendit in caput ipsius summi Aaron Iesu Christi, deinde in barbam & vultum illius, ac demum vniuersis membris eius perfusis, descendit in vltimam oram vestimenti eius. Hunc enim vixit æternus pater oleo lætitiæ præcōfortibus suis; sed tamen non sine confortibus eius. Illeque est, in quo primum inhabitat omnis plenitudo diuinitatis corporaliter, & de plenitudine eius accipimus omnes. Vtitur hoc

hoc signo Irenæus lib 2. cap. 51. vtitur Iustinus in Dialogo contra Triphonem, quorū verba paulò post magis opportuno adferemus loco. Dona autem Spiritus sancti enumerat Isaias: *Et requiescet super illum spiritus Domini, spiritus sapientia, & intellectus, cōsiliij, & fortitudinis, spiritus scientia, & pietatis, & replebit eum spiritus timoris Domini.* Quæ dona qui non habet, inquit Paulus, non est eius. Qui igitur coetus tantam vbertatem eorum donorum ostendere poterit, quam ostendit vna, sancta, Catholica & Apostolica Ecclesia; ille meritò sibi eius nomen vindicare poterit: hoc est, in quo tanta sapientia, & intellectu tot homines præditi reperiantur, tanto consilio & fortitudine, tanta scientia & pietate, tanto demum timore Domini: qui æquè veloci mente omnium supernarum mentium ordines superauerint: qui tam profundè in ipsius diuinitatis abyssos sese insinuarint: qui causas, principia, atque elementa rerum perfectius intellexerint, atque alijs explicauerint: qui maiore con-

filio, prudentia, dexteritate in rebus gerendis vsq̃ fuerint: qui fortius & animosius omnia tela ignita inimici intrepidè exceperint: qui maiorem diuinarum & humanarū rerum scientiam habuerint: qui res obscurissimas & inperuestigabiles acutius cōprehenderint: qui rerum difficilissimarum modos & rationes inuenerint: qui omnes difficultates, quæ humano animo concipi possunt, vberius explicarint: qui omnium inimicorum, siue gentilium, siue Iudæorum, siue hæreticorum magnificentius ora obstruxerint: qui pari doctrina, linguarum cognitione, eloquentia, differendi subtilitate, ingenij acumine præditi fuerint: qui maiore pietate & religione, Deum coluerint: qui illum ex toto corde & anima omnibusque viribus magis amauerint & timuerint: qui denique omnem mundi sapientiam, omnium temporum & sæculorum, omnium item sectarum ac philosophorum cognouerint, sapientiaque & ingenio suo, longè superauerint. Quæ igitur congregatio,

gatio, qui coetus, tantam vbertatem
donorum in se complexa fuerit; illa
merito sibi nomen veræ Ecclesiæ v-
surpabit. Si igitur isti veræ Ecclesiæ
dignitatem sibi vsurpant; proferant
nobis inprimis Dionysios, Clemen-
tes, Iustinos, Origenes, Epiphianos,
Tertullianos, Cyprianos, Athanasi-
os, quos ipsi mundi sapientes impri-
mis admirati, illisque magistris vsi
sunt. Notum est Porphyrij testimo-
nium; de Origene: notum Plotini,
in cuius scholam cum aliquando O-
rigenes venisset, statim genas rubo-
re suffusus assurgere voluit, sermo-
nem verò ab Origene continuare ro-
gatus, respondit: studium loquendi
cessare, quando qui loquitur anim-
aduertit se, ad illos, qui idem ipsi lon-
gè melius norint, verba facturum: at-
que ita, cum pauca quædam disseru-
isset, inde surrexit. Quos omnes vasa
sapientiæ, & intellectus spiritus Do-
mini rectè appelles. Ostendant Con-
stantinos, Theodosios, Iouinianos,
Mauricios, Carolos, Boleslaos, Pudi-
cos, VVladislaos, Iagellones, Sigis-
mun.

mundos: qui viri consiliorum in scriptura vocantur. Ostendant Stephanos, Laurentios, Vincentios, Sebastianos, Albertos, Stanislaos: Teucclas item & Catherinas, Cecilias, Lucias, qui sua fortitudine omnem tormentorum vim cōtra pietatem debilem esse docuerunt. Demonstrant Gregorios, Basilios, Apollinares, Chrysostomos. Cyrillos, Augustinos, Ambrosios, Hieronymos, Thomas, Bonauenturas, Hosios, quibus vniuersa veterum doctrina, subtilitas, atque eloquentia cessit. Ad quos sæculi sapientes doctrinæ & eruditionis causa à longè venerunt, quorum eloquentiam admirati sunt? quos nihil diuinum aut humanum, quantum ista vita fert, latuit. Basilij quidem iam planè sacris literis immergi epistola, cum quondam Athenas in scholam principis illius sæculi Oratorum ac Sophistarum Libanij perlata fuisset, cumque eam Libanius legisset, tacitè inspectis omnibus, subridensque & gaudens, Victi sumus, aiebat. Et quam victoria, rogabant illi, vi-

ctus

*In Basilij e
pistolis, epist.*

ctus es? & quamobrē si victus es, non doles? In elegantium, inquam, epistolarum certamine vict' quidem sum, & Basilius est, qui vicit, is autem amic' noster est; & eam ob rationem gaudeo. Cumque hæc diceret, ex ipsis volebant literis iudicare de victoria, legitque Alypius princeps discipulorum, audientibus reliquis qui aderant: lata verò sententia est, illum nihil esse mentitum: & qui literas habebat ac legerat, secum illas auferebat, ostensurus puto & alijs, ægreque ablatas restituit. Scribe ergò similia, & vince, alloquitur Basilius Lybanius: hoc enim est me vincere. Et de studio quidem sacro loquitur more suo impiè, de persona Basilij autem magnificè: Libros, inquit, quorum peiorem dictionem, meliorem verò mentem ac sententiam esse dicis, habeto, nemo prohibet; eorum verò, qui nostri sunt semper, tui iam olim radices adhuc in te manent, ac manebunt, donec in hac vita fueris, nec vlllo tempore excidentur, etiamsi illas quàm minimè rigaueris. Quem

dein-

*Ibidem in e.
pistolis.*

deinceps hominem admirandum,
vocem melle cōditam, linguam auream, os, in quo insint eloquentiæ fontes, virum Acheloi filiabus elegantio- rem, quatenus demulceret quidem, quemadmodum & ille, non autem noceret vt ille. Præ quo Platonis sapientiam, & Demosthenis in dicendo vehementiam frustra iactatas esse docet; præ illoque sermonem suum, atq; si culicem elephanto conferas, dicit. Homerus, inquit, hic vir est; imo Plato, imo Aristoteles, quin Sufario magis qui nihil ignorabat. Hunc deinde petebat, vt per eius illustrem sapientiam liceret pertingere, ad Homericæ sapientiæ altitudinem, hoc est, quosdam locos Homeri illo enarrante ac interpretante, intelligere. Similia multa de Gregorio Nazianzeno, ac de alijs scripta reperies; Et quanquam hæc magna ac planè diuina sunt, tamen illa multò maiora, maioreq; admiratione digna, & quæ ipsius Spiritus sancti planè vim demonstrant, in tanta, tam admirabili virorum excellentia, tantus amor,


tan-

tanta concordia, tantus in tradendis
 dogmatibus, interpretandęque scri-
 pturę consensus; vt planę dicas vno
 corde, vno ore, omnes locutos esse,
 eadem omnes manu scripsisse: idque
 tam disiunctis locis, regionibus, ac
 temporibus; vt de illis hoc verissimę
 dictum esse videatur: *Qui habitare* *Psal. 67.*
facit vnus moris in domo. Veteres
 quidem Philosophi ne duo inter se *Hæreticorū*
 conuenire poterant vnquam; inter *dissensio.*
 hos duos qui dissideant, non inueni-
 es. Apud Nouatores verò, quis disci-
 pulus à præceptore non defecit? quis
 illum non impugnauit? quis non ac-
 cusauit? quis se illi non præferri vo-
 luit? Demonstrent denique Paulos,
 Antonios, Hilariones, Maccarios, O-
 nuphrios, Benedictos, Bernardos,
 Dominicos, Franciscos, Hyacinthos.
 Proferant item Nicolaos, Martinos,
 ac reliquos iustos & timoratos vi-
 ros, quorum omnium pectora pieta-
 tis ac verę charitatis templa fuisse, or-
 bis terrarum consensus fatetur. Qua-
 lium hominum, dum non modò
 rem non habeant; sed ne ymbra-
 qui-

quidem ac imitationem vllam, quos dum exæquare non possunt, conui-
cijs, & maledictis lacerant atque pro-
scindunt. Facessant igitur cum hac
sua, suorumque cœlestium dono-
rum paupertate: neque sibi orna-
tum, pretiosaque monilia verę spon-
sæ Regis Salomonis falsò vsurpare,
maiestatemque Dei Ecclesiæ sibi tri-
buere desinant.

*QVINTVM INSIGNE: IN-
corrupta per omne æuum fundamen-
torum religionis Christiana
conseruatio, atq; eius do-
cumentorum.*

CAPVT V.

IT igitur quintum insig-
ne Regis Salomonis spō-
sæ: Eam esse veram spon-
sam, quæ summa & prima
capita & fundamenta re-
ligionis nostræ integra, intemerata,
ac sacrosancta, in omni decursu sæ-
culorum conseruauit: nec ipsa fun-
damenta tantum; sed etiam eorum
funda-

fundamentorum & capitum documenta, & demonstrationes omnes.

Summa autem & prima capita religionis nostræ illa sunt: Sanctissimæ Trinitatis Patris, & Filij, & Spiritus sancti confessio: IESV Christi incarnatio: duarumque naturarum, in nulla parte diminutarum, in vna persona plena, inconfusa, intemerata unio: redemptionis item & reconciliationis nostræ modus & ratio: iustitiæ nostræ prima fundamenta: Sacramentorum res & nomina: populi Christiani partes & functiones: vitæ, immortalitatis, resurrectionisque futuræ certissima spes: poenarum ite, ac præmiorum certa ratio. Quæ quidem sunt prima & summa fidei nostræ Christianæ capita. Eorum autem capitum & primorum quasi fidei nostræ principiorum, quibus hæc firmantur, ex quibus pendent, sunt documenta, ac præsidia illa; libri noui & veteris Testamenti, sacrum Symbolum, Canones, Cōstitutionesque Apostolicæ, sacrarum item Synodorum, quæ per omne hoc tempus per-

Capita Christianæ religionis.

actæ

272 DE VERÆ ET FAL. ECCLES.
actæ sunt, decreta & instituta, sanctis-
simorum Pontificum edicta, atque
responsa, sanctorum Patrum, sacræ
scripturæ interpretatio, fidei Christi-
anæ confirmatio, hæresum refutati-
ones, difficillimarum quæstionū ex-
plicationes, historiæ, vetustatisque
fides & monimenta.

Quæ igitur Ecclesia hæc omniâ
integrè vsque ad hanc diem conser-
uauit; illam spōsam Christi esse, quis
non confitebitur? Neque enim pos-
sibile est sine præcipua Spiritus sancti
ope & præsidio hæc facta tecta con-
seruari, in hisque non errari. Atqui
hæc omnia vna, sancta, Catholica, &
Apostolica Ecclesia, cuius princeps
& magistra, ac quasi promacunda
Romana semper meritò habita est,
integra & incōtaminata cōseruauit,
& conseruat adhuc. Cuius suæ fidei,
fidelisque dispensationis, vtraque
hac in parte, omnium sæculorum
amplissima refert testimonia: Pauli
imprimis *Gratias ago Deo meo*, Roma-
nis scribens, *quod fides vestra annuncia-
tur in vniuerso mundo*. Deinde vniuersi
ori-

Rom. i.

orientis, cuius patres tam magnificè
 cam compellant sedem. *Reuera, sum-*
ma prædicatione felicitatis vestre dig- *In epistola*
num est illud, quod sanctitati vestre tri- *Basilij.*
butum est à Domino, mancum & adulte-
rinum à probato & puro posse discerne-
re. Patrum autem fidem, sine omni im-
 pedimento prædicare, quam & nos susce-
 peramus & cognoueramus ex Aposto-
 lorum traditionibus delineatam, & in
 cuius cōsensum vobiscum venimus. Nam
 nostris temporibus res ipsa testari
 potest, omnia sana, omnia integra &
 incorrupta, hæc ita vti à principio à
 maioribus sunt tradita, conseruari
 videmus. Vt autem fidei ipsius fun-
 damenta incorrupta conseruantur;
 sic & documenta ipsorum atque præ-
 sidia omnia: testis est nobilissima il-
 la orbis terrarum in Vaticana Bibli-
 otheca, cui nunc amplissimus Scirle-
 tus, magna laude & diligentia præst;
 in qua vniuersam nouam & veterem
 legem, sanctorum Patrum senten-
 tijs, in modum catenarum contex-
 tis expositam, manu in membranis
 conscriptam videmus: in qua vni-
 uersa

*Bibliotheca
 Vaticana.*

uerſa orientis & occidentis orbis doctrina conſeruatur, canones item & decreta: in qua eodem modo omnium Conciliorum ferè Patrum volumina, pleraque ipſorummet manu conſcripta, eadem fide aſſeruantur. Quo cùm Græci atque alij orientales homines veniunt, mirantur, ac ingemiſcunt, dum opes & theſauros ſuos olim temerè amiſſos recognoſcunt. Me quidem magis ille locus permo- uebat, quàm ipſum Rhemi atq; Romuli capitolium, omneſque omnium ſæculorum ſtatux ac marmora. Cuius diligentix noſtræ, vel iſti ipſi, nolint velint teſtes eſſe coguntur. Vnde enim Legem, vnde Euangelia, vnde Pauli epiſtolas, vnde Concilia, vnde veteres Patres acceperunt, vti ſuperius demonſtratum eſt, quàm à nobis? quæ tamen ipſi modico hoc tempore, ex quo in earum rerum diſpenſationem ſe ingeſſerunt vel amiſerunt, vel prauis interpretationibus adulterarūt, vel ineptiſſimis ſuis ſcriptis atque cōmentarijs deſœdarunt, potius quàm illuſtrarunt. Quæ non

eadem fide ab alijs Ecclesijs custodita fuisse, & res ipsa testatur, & sacri conqueruntur Patres Athanasius, Basilus, Theophanes, Isauricus Anastasius, Bibliothecarius Itaque S. Leo primus, epistola 83. ad Palæstinos quæritur, à Græcis epistolam ad Flavianum suam se adhuc superstitem fuisse corruptam. Et S. Gregorius Papa lib. 5. epistola 15. ad Narsenasserit, Constantinopolitanos corrupisse Synodum Chalcedonensem, idemque ait, se suspicari de Ephesina, codices autem Romanorum longè veraciores esse quàm Græcorum, quoniam, inquit, Romani sicut non acumina, ita nec imposturas habent. Denique Nicolaus primus in epistola ad Michaëlem Imp. cum eam ad epistolam Adriani primi remitteret: Si tamen, inquit, non falsata more Græcorum, sed sicut à Sede Apostolica missa est, penes Ecclesiam Constantinopolitanam hætenus conseruatur. Non erat inquit difficile summa religionis capita, eorumque documenta conseruare. Cur igitur ipsi non conserua-

S 2

runt?

runt? cur non tutati sunt? quinquagesimus vix est annus, vt earum rerum possessionem inuaserūt, & iam vix reliquias fidei Christianæ, quam tot hæresibus, tot schismatibus turpissimis defœdarunt, retinent. Quid ipsa documenta, quæ non nisi Spiritus sancti ope conseruari, testis est Græcia, quæ apud se nata, ita non retinuit, vt nunc necesse omnino habeat, vel ea ex his nostris Septentrionalibus regionibus iuxta vet^o prouerbiū, ἀνοποταμοὶ accessere, ac quasi postliminio repetere. Sed hæc hætenus.

*SEXTVM INSIGNE: VERI
cultus diuini perpetua conseruatio.*

CAPVT VI.



Extum illud erit Ecclesiæ Dei documentū, vt illa sit vera sponsa Christi, in qua sit verus & syncerus cultus diuinus, omnesq; partes illius. *Confitebor tibi Domine, inquit Dauid, in Ecclesia magna, in populo graui*

Psalm. 34.

gravi laudabo te. Et: Beati qui habitant Psal. 83.
in domo tua Domine, in sacula seculorum
laudabunt te. Et: Laus eius in Ecclesia Psal. 149.
sanctorum. Et de cultu quidem inter-
no nihil est quod dicamus: hic enim
cum intus sit, Deo que soli cognitus,
signum & indicium Ecclesie Dei esse
nullo modo potest. Externus cultus, *Cultus exter-*
rebus, personis, & circumstantijs at- *nus.*
que instrumentis continetur. Res
cultus diuini consistunt in sacrificijs,
de quibus Malachias: Non est mihi Malach. 1.
voluntas in vobis, dicit Dominus exerci-
tuum, & munus non suscipiam de manu
vestra: ab ortu enim Solis usque ad oc-
casum, magnum est nomen meum in gen-
tibus: & in omni loco sacrificatur, & of-
fertur nomini meo oblatio munda; quia
magnum est nomen meum in gentibus, di-
cit Dominus exercituum. In cerimonijs,
de quibus Genesis 26. Daboque posteris
tuis vniuersas regiones has, & benedi-
centur in semine tuo omnes gentes ter-
ra, eo quod obedierit Abraham voci
meae, & custodierit precepta mea, &
mandata mea, & carimomas, legesque
seruauerit. In votis: Vouete & red- Psal. 75.
date

1. Tim. 2.

Ephes. 5.

2. Cor. 11.

dite Domino Deo vestro munera. In obsecrationibus, orationibus, postulationibus, gratiarum actionibus, pro omnibus hominibus, pro regibus & omnibus qui in sublimitate sunt. In hymnis, Psalmis, canticis spiritualibus: in labore & ærumna, in vigilijs multis, in fame, in siti, in ieiunijs multis, in frigore & nuditate, in sumptibus castigatione, humique cubationibus, omni que carnis mortificatione, referente & enumerato hæc omnia Paulo. Personæ cultui diuino destinatæ illæ in scripturis leguntur: Pontifices, Presbyteri, Sacerdotes, Diaconi, Subdiaconi, Acoliti, Lectores, Ostiarii, Exorcistæ, Monachi, Eremitæ, Virgines item, Deoque deuotæ viduæ. Circumstantiæ & instrumenta cultus diuini illa sunt: Tempia, altaria, vasa & vestitus sacer, dies item festi, supplicationum, ieiuniorum, poenitentia, &c. stata tempora vniuersa, quæ ipsa sacra Scriptura docet, tum ipsa natura insita, quadam voce commendat. Quæ omnia, cum Ecclesia, tam occidentalis, quam orientalis arctissime

simè tueatur, ac ita, vt à primis suis
fundatoribus accepit, retineat; huius
autem sæculi hæreses, non modo hæc
ipsa non habeant, sed rideant etiam;
sed superstitiones atque inuentiones
humanas, Euangelicam libertatem
extinguētes, legis autem seruitutem
inducentes appellent; illa quidem ve
ra sponsa; hæc autem impure pellices
erunt. Sacrificium visibile habent
nullum, vota nulla, cærimonias nul
las, sacrorum & cærimoniarū antisti
tes nullos: templa ab his sunt demo
lita, altaria euersa, sacra vasa confla
ta, virginitas irrita, p̄ Daudicis Psal
mis, quæ de ore Ecclesiæ Iudæis ipsis
testib⁹ nunquam recedere debebāt;
cantica quædam aulicorum hominū
introduc̄ta sunt. Et potest quispiam
dubitare, cum quidem cœtum, qui
hæc omnia integra retinet, Catholi
cum & sacrosanctum esse, veramque
& legitimam sp̄sam Regis Salomo
nis existere; horū autē conuenticula,
quæ nihil horum integrum retine
runt, vagas quasdam & procaces con
cubinas esse. Addamus in honorem

Luc. 2.

beatissimæ virginis Mariæ matris
 Dei Colorarium illud: In vera Eccle-
 sia debet esse perhennis veneratio
 matris Dei: hoc enim ipsa in spiritu
 Dei prædixit: Ecce enim ex hoc bea-
 tam me dicent omnes generationes:
 quia fecit mihi magna qui potens
 est, & sanctum nomen eius. Cum igitur
 in istorum Synagogis mater Dei
 non modò non prædicetur tantum,
 sed illi maledicatur, proscindatur, ac
 traducatur nonnunquam, graueque
 nefas putetur, si Angelica salutatio-
 ne honoretur, profectò non erunt de
 illis generationibus, de quibus illa
 prædixit, beatam eam prædicaturas
 in perpetuum; sed ex illius principis
 cohorte potius, de quo dictum est
Inimicitias ponam inter te & inter muli-
erem, & illa calcabit super caput tuum,
& tu insidiaberis calcaneo eius: procul-
 que ab illa domo erunt, in qua beati
 habitantes omnes, quia in æternum
 laudabunt Dominum: remotissimi
 ab Ecclesia sanctorum: remotissimi à
 populo graui, in quo benedicatur
 Dominus. Neque Ecclesiam solum;
 veram

Gen. 2.

veram tales homines non habent, sed ne Christiani quidem sunt, ac ne Deum quidem norunt, nec ullum religionis ac pietatis sensum, vel Iudeo quopiam aut Ethnico teste, meritò habere possunt. Quomodo enim ille religione aliqua imbutus esse putandus est, qui nullum certum modum, nullam certam rationem atque formulam diuini numinis colendi habet? nullos ritus, nullas caerimonias certas amplexus est? Itaque præclare profectò illi ipsi, ad quos isti non ita pridem prouocarunt, orientales Patres contra illos eam tulerunt sententiam: Nisi sacras preces inquirunt, liturgiasque dies festos, & his similia, non cauponantes, sed Deum piè timentes peragimus, quæ quidem omnia fidei sunt consequentia, præclaraque opera; gens quædam absq; Deo esse putabimur, quæ Deum non timeat; & quæ à fide viua, quæ in omnibus principem locum tenet, ac quasi familiam ducit, sit alienissima. Sublatis enim rebus illis, quæ rem aliquam necessariò natura sua conse-

*In Censura
orientalis
Ecclesie.*

2. Paral. 15.

quantur, fructusque eius quodammodo sunt, quantum in nobis est; illud ipsum, quod principale est, auferri oportet: ad illamque ciuitatem pertinent, de qua secundo Paralipomenon scribitur. *Transibunt autem multi dies in Israel absque Deo vero, & absque sacerdote doctore, & absque lege. Cumque reuersi fuerint in angustia sua ad Dominum Deum Israel, & quaesierint eum, reperient eum. Sed hæc hæc tunc.*

SEPTIMUM INSIGNE:
ordo à Christo Domino & eius Aposto-
lis designatus & inchoatus, usque
ad hanc ætatem integer
conseruatus.

CAPVT VII.



Septimum est filiæ Regis monile. Ordinata est: ipse enim altissimus, qui ordinem ante alia oïa amat, & qui sub pondere, mensura, & numero fecit omnia, eam fundauit, ad formamque illius cœlestis Hierusalem, in qua summus rerum omni-

omnium ordo est, eam conformauit: *Pulchra est*, inquit scriptura, *ut luna, electa ut Sol, terribilis ut castrorum acies ordinata*. Et, quæ à Deo sunt, ordinata esse docet Paulus. Neque simpliciter ea ciuitas ordinata est, sed eo genere ordinis ordinata, quem ipse sponsus, sanctique eius Apostoli perscripserunt, quem delinearunt, cuius fundamenta ipsi iecerunt. Ordinata autem ita esse debuit, ut p̄timò in ea sit pastor, ipso sponso ita ordinante, deinde ouile: *Et erit inquit unus pastor & unum ouile*. In ouili autem quidam debebant esse spirituales, quidam seculares, laici quidam, quidam clerici. Vtrunque complexus est D. Petrus: *Seniores ergo, qui in vobis sunt, obsecro consenior, & testis Christi passionum: qui & eius quæ in futuro reuelanda est gloria communicator: Pascite qui in vobis est gregem Dei, prouidentes non coactè, sed spontaneè, secundum Deum, neque turpis lucri gratia, sed voluntariè: neque ut dominantes in cleris, sed forma facti gregis ex animo; & cum apparuerit princeps pastorum, percipietis immarcescibilem gloriam*

Cant. 6.

Rom. 12.

IOAN. 10.

1 Pet. 5.

Ephes. 4.

gloria coronā. Spiritualiū hominū eos recenset ordines Paul⁹. Et ipse, inquit, dedit quosdam quidem Apostolos, quosdam autem Prophetas, alios verò Evangelistas, alios autem pastores & doctores ad consummationem sanctorum, in opus ministerij, in edificationem corporis Christi. In secularibus eiusdem Apostoli designatione numerātur Præpositi primum, in his autem Reges, Duces, & alij in sublimitate positi, quibus obedire oporteret, non tantum propter metum, sed etiam propter conscientiam. Deinde subditi: de qua vtriusque ordinis diuisione Petrus: Subiecti igitur estote omni humane creature propter Deum, siue Regi, quasi præcellenti, siue Ducibus tanquam ab eo missis ad vindictam malefactorum, laudem verò bonorum: quia sic est voluntas Dei, ut benè facientes obmutescere faciatis imprudentium hominum ignorantiam. In his autem omnibus alij coniugati censentur, alij vidui & viduæ, virgines, & qui cum mulieribus coinquinati nō sunt alij. Quorum omnium non solum mentionem facit Paulus, sed etiam

1. Pet. 2.

tiam eorum leges & officia explicat.

CONIUGATORVM quidem Mu- Ephes. 5.
 lieres viris sint subditæ, sicut Domino;
 quoniam vir caput est mulieris, sicut Chri-
 stus caput est Ecclesiæ. Ipse, Saluator cor-
 poris eius: Sed sicut Ecclesiæ subiecta est
 Christo, ita & mulieres viris suis in om-
 nibus. Viri diligite uxores vestras, sicut
 & Christus dilexit Ecclesiam, & seipsum
 tradidit pro ea, ut illam sanctificaret mū-
 dans eam lauacro aquæ in verbo. *VIDV-*
ARVM. Quæ autem verè vidua est & 1. Tim. 5.
 desolata, speret in Deum, & instet obse-
 crationibus nocte & die. Nam quæ in de-
 licijs est, viuens mortua est. & hoc præci-
 pio, ut irreprehensibiles sint. *VIRGI-*
NY. *M* item. Mulier innupta & vir- 1. Cor. 7.
 go, cogitat quæ Domini sunt, ut sit sancta
 & corpore & spiritu.

Illā igitur erit vera Ecclesiā, quæ
 ordinata est, & in hunc modum, quo
 dictum est, ordinata: alioqui falsa e-
 rit scriptura, quæ dicit eum ordinem
 vsque ad cōsumationem sanctorum
 permansurum. Cū igitur in Eccle- Ephes. 4.
 siā Romana, alijsque Ecclesijs Apo-
 stolicis omnibus hæc eadem ratio or-
 dinis

dinis permaneat, ac integra conseruetur, apud nostri autem temporis hereticos nihil horum sit: nam neq; vnum pastorem agnoscunt, neq; distinctos Apostolorum, Euangelistarum, pastorum, Doctorum grad⁹ habent: Reges, & duces vix sufferūt, virginitatem & viduitatem rident. Initiationes nullas, ordinationes nullas adhibent. Quòd si quid ordinis retinent, in hoc nihil sanctum, nihil Deo dicatum, nihil initiatum, Hierarchicum nihil agnoscant: sed omne illud quicquid est, ad solum ciuile ministerium referunt: in numerumq; agasonum & aurigarum coniiciunt; Ecclesiam Dei profectò quæ ordinata est, apud eos nō esse certum erit: quæ enim à Deo sunt, ordinata sunt apud eos cū nullus sit ordo; nihil item diuinum sit oportet: ad illamq; potius ciuitatem referentur, quam Iob, ac reliqua scriptura terram miseriæ & tenebrarum, vbi vmbra mortis, & nullus ordo, sed sempiternus horror inhabitat, appellare solet.

OCTA.

*Ufus de ea
nota tractat
in fine operis
Panarij Epi-
phanij, vbi
omne sui tem-
poris rationē
ordinis Eccle-
siæ i pul-
chre expli-
cat.
Iob. 10.*

OCTAVVM INSIGNE:
*communioris sanctorum sensus
 & consensus.*

CAPVT VIII.



Scimus igitur octauo, ve-
 ram Ecclesiam cōmunio-
 nem sanctorum profiteri,
 firmiterq; tueri ac defen-
 dere, eius enim illa vox

est: Credo communionem sancto-
 rum. De qua communionem D. Ioan-

1. IOAN. 2.

nes: *Vt & vos societatem habeatis nobis-
 cum, & societas nostra sit cum patre & fi-
 lio eius, IESV Christo.* Ex quo cœtu

GENES. 48.

hominum fuit ille, qui inquit: Deus
 in cuius conspectu ambulauerunt pa-
 tres mei, Abraham & Isaac: Deus qui
 pascit me ab adolescentia mea vsque
 in præsentem diem: Angelus qui eru-
 it me de cunctis malis, benedicat pu-
 eris istis, & inuocetur super eos no-
 men meum: nomina quoq; patrum
 meorum, Abraham, & Isaac, & cres-
 cant in multitudinem super terram.

Et ille: *Quiescat ira tua, & esto placabi-*

EXOD. 32.

bilis super nequitia populi tui. Recordare

Abra-

Psal. 118.

Abraham, Isaac, & Israel servorum tuorum, quibus iurasti per teipsum. Et alius: Particeps ego sum omnium timen-

Daniel. 3.

Et illi ipsi tres pueri in camino ignis ardentis: Ne, quæsumus, tradas nos in perpetuum, propter nomen tuum, & ne dissipes testamentum tuum, neque auferas misericordiam tuam à nobis propter Abraham dilectum tuum & Isaac servum tuum, & Israel sanctum tuum, quibus locutus est pollicens. Fortissimus item ille

2. Mach. 12.

Machabæorum dux Iudas, facta collatione, duodecim millia drachmas argenti, misit Hierosolymam, offerri sacrificium pro peccato. Benè & religiosè de resurrectione cogitans (nisi enim eos qui ceciderant resurrecturos speraret; superfluum videretur, & vanū orare pro mortuis) & quia considerabat, quod cum pietate dormitionem acceperant, optimam haberent repositam gratiam. Sancta ergo & salubris est cogitatio pro defunctis exorare, ut à peccatis solvantur. Ex eodem genere hominum fuit Paulus: Obsecro ergo vos, inquit, fratres per dominum nostrum IESUM Christum, & per charitatem sancti

Rom. 15.

sancti spiritus, ut adiuuetis me in orationibus pro me ad Deum, ut liberer ab infidelibus qui sunt in Iudaea, & obsequij mei oblatio accepta fiat in Hierusalem sanctis, ut veniam ad vos in gaudio per voluntatem Dei, ut refrigerer vobiscum. Et: Adiuuantibus & vobis in oratione pro nobis, ut ex multarum personis facierum, eius quae in nobis est donationis, per multos gratia agantur pro nobis. Et in omnibus sumentes scutum fidei, in quo possitis omnia tela nequissimi ignea extinguere: & galeam salutis assumite, & gladium spiritus, quod est verbum Dei: per omnem orationem & obsecrationem, orantes omni tempore in spiritu, & in ipso vigilantes in omni instantia, & obsecratione, pro omnibus sanctis, & pro me, ut detur mihi sermo in apertione oris mei, &c. Et, Orationi instate, vigilantes in ea, in gratiarum actione, orantes simul & pro nobis, ut Deus aperiat nobis ostium sermonis ad loquendum mysterium Christi, propter quod etiam vinctus sum, ut manifeste illud, ita ut oportet me loqui. De cetero fratres orate pro nobis, ut sermo Dei currat & clarificetur sicut & apud vos, & ut liberemur ab importunis & malis

2. Corin. 12

Ephes. 6.

Coloss. 4.

2. Thess. 3.

T

malis

malis hominibus. Quæ quidem communio sanctorum, nihil aliud est quàm militantis Ecclesiæ, cum ea, quæ cum Christo triumphat cœlesti Ecclesia, atq; illa, quæ post mortem suorū reliquias purgat peccatorum, ipsarumq; partium omnium inter se cōiunctio quædā, societas ac indiuidua vnitas. Quæ societas omnium operū ac meritum, siue illa sint sacrificia, siue orationes, siue eleemosynæ atque ieiunia, siue martyria, siue carnis mortificationes, ac reliquæ virtutes omnes, habet communem vsum & vtilitatē, vt quod vnum membrum ex hoc corpore facit, hoc prodest omnibus; iuxta illud promissum Christi. Qui accipit prophetam in nomen prophetæ, mercedem accipiet prophetæ. Et si compatitur vnum membrum, inquit Paulus, compatiūtur & reliqua. Est enim Ecclesia fidelium cōgregatio, est corpus vnum ex multis membris compactum, cuius caput est Christus: ipsū enim Deus dedit caput super omnem Ecclesiam, quæ est corpus ipsius. Et sicut in vno corpore multa membra habet,

Matth. 12.

Ephes. 5.

Ephes. 1.
Rom. 12.

habemus, omnia autem membra nō eundem actum habent; ita multi vnū corpus sumus in Christo, singuli autem alter alterius membra. Qualis itaque membrorū inter se societas est, vbi operatio cuiusque membri cedit in commodum totius corporis; talis est inter Ecclesiæ membra, qui sunt fideles, bonorum operum quædam cōmunio, non solū eorum, quæ fecit Christ⁹ caput huius corporis, ex quo manat in reliquū corpus omne, & in singula eius mēbra quicquid est boni, quicquid est meriti; verū & piorū hoīm omnium, qui sunt, quiq; fuerunt ab initio mundi: nobis vt eorum beneficia subueniant, nos iuuent, nos ædificent, vt bonorum omnium spiritualium, quę fiunt, & quę facta sūt olim in Ecclesia, quo ad illius esse membra nō desierimus, participes efficiamur. Hoc est, quod CHRISTVS nos orare docens, iubet, non sibi quemque peculiariter petere, sed velut vnius corporis membra, eodem animata spiritu, quod in commune cunctis expediat, à communi omnium patre

Matth. 6.

Galat. 6.

Jerem. 5.

Iob. 42.

Genes. 18.

postulare, dicendo: Da nobis, dimitte nobis, libera nos: ita ut alter alterius onera portemus, & sic legem Christi adimpleamus. Hoc est, quod apud Ieremiam dicit quoque dominus: *Circuite vias Hierusalem, & aspiciate, & querite in plateis eius, an inueniatis virum, qui faciat iudicium, & querat fidem, & propitius ero ei.* Propitium se fore promittit Hierusalem, dum modò vel vnus aliquis vir iustus reperiatur in ea. Similiter & in libro Iob legimus, quod ad Eliphaz Themanitem dixerit dominus: *Iratus est furor meus in te, & in duos amicos tuos, quoniam non estis locuti coram me rectum, sicut seruus meus Iob. Sumite ergo vobis septem tauros, & septem arietes, & ite ad seruum meum Iob, & offerre holocaustum pro vobis, Iob autem seruus meus orabit pro vobis, faciem eius suscipiam, et non vobis reputabitur stultitia.* Hoc est, quod in Genesi quoque scribitur: Si decem iusti Sodomis reperti fuissent, quod propter eos non fuerit Deus ciuitatem deleturus. Quem locum explicans Ambrosius. *Vnde discimus, inquit, quantus murus patrie sit vir iustus: quem-*

quemadmodū non debeamus inuidere Sanctis, nec temerè derogare. Illorum enim fides seruat, illorū iustitia ab excidio defendit. Sodoma quoq; si habuisset viros iustos decem, potuit non perire. Sic apud Ezechiel *Ezech. 22.* *dicit Dominus: Quasiui de eis virum qui interponeret sepem, & staret oppositus contra me pro terra, ne dissiparem eā, & non inueni. In qua quidem communiōe, non modo sancti Ecclesiæ militantis in terra peregrinantes, verū etiam beati omnes Ecclesiæ cū Christo in coelis felicissimè triumphantis, ac insuper piorum animæ, quæ ex hac vita egressæ, nondum tamen illam beatorum felicitatem sunt consecutæ, simul comprehenduntur. Extra hanc Sanctorum communionem (sicut extra Noë arcam) certum quidē exitium, nulla verò salus mortalibus: non Iudæis aut Ethnicis, qui fidem Ecclesiæ nunquam receperunt: non hæreticis, qui receptam deseruerunt vel corruerunt: non schismaticis, qui pacem & vnitatem Ecclesiæ reliquerunt: postremo neque excommunicatis, qui qualibet alia graui de cau-*

sa id meruerunt, vt ab Ecclesiæ corpore ceu pernicioſa quædam membra præſcinderentur ac ſepararētur. Atq; iſtius modi omnes, quoniam ad Eccleſiam eiſque ſanctam communio- nem non pertinent, diuinæ gratiæ & ſalutis æternæ non poſſunt eſſe parti- cipes, niſi Eccleſiæ, à qua ſuo illi vitio ſunt ſemel auulſi, primum reconcili- entur atq; reſtituātur. Certa eſt enim Cypriani & Auguſtini regula: Non habebit Deum patrem, qui Eccleſiam noluerit habere matrem. Cuius com- munionis eandem rationem descri- bit vetuſtiſſimus & ſanctiſſimus Do-

Lib. 1. Offici-
orum, cap. 29

ctor Ambroſius: *Eccleſia autem, quædā forma iuſtitie eſt, commune ius omnium.*

In commune orat, in commune operatur, in commune tentatur. Deniq; qui ſeipſum ſibi abnegat, ipſe iuſtus, ipſe dignus Chri-

1. Corint. 3.

ſto eſt. Ideo & Paulus fundamentum poſu- it Chriſtum, vt ſupra eum opera iuſtitie lo- caremus, quia fides fundamētum eſt. In o- peribus aut aut malis iniquitas, aut bonis iuſtitie eſt. Ab ea igitur tali communi- one Sanctorum, cū huius ſeculi hæ- retici remotiſſimi ſint, eamq; impug- nent,

nent, rideant etiam. Illud quasi tacitè indicantes, se & fidem, & mores alios esse secutos, quam Sancti Dei sunt secuti, & ideò nihil se commune cum coelesti illa Hierusalem, nihil cum sanctis Dei habere, ex alia denique ciuitate, ex alio ouili, ex alio coetu esse. Remotissimos item à vera Ecclesia, eiusque membris, spiritu item, & capite eius Christo Iesu esse oportebit.

NONVM IN SIGNE:

virtus miraculorum.

CAPVT IX.



IT igitur nonum reginæ ornamentum; Gloria miraculorum: quæ eam ob causam superiùs necessaria esse diximus, ne doctri-

na eius humanum potius inuentum, quàm diuina reuelatio esse videatur: nèue fraudi & fallaciæ locus aliquis relinquatur. Pollicetur eam

dotem illi ipse sponsus. *Qui crediderit,* Marc. 16.
inquit, & baptizatus fuerit, saluus erit
qui verò non crediderit, condemnabitur. *Signa autem eos qui crediderint, hac*

Hebr. 2.

sequentur: In nomine meo demonia eijci-
ent, linguis loquentur novis: serpentes tol-
lent, & si mortiferum quid biberint, non
eis nocebit: super agros manus imponunt,
& benè habebunt. Quod idem docet
Paulus: Quomodo nos effugiemus, si tan-
tam neglexerimus salutem? quæ cum ini-
tium accepisset enarrari per dominum, ab
eis qui audierunt, in nos confirmata est, cō-
testante Deo signis & portentis, & varijs
virtutibus, & Spiritus sancti distributio-
nibus, secundum suam voluntatem. Vti-
tur hoc eodem signo Irenæus. Qua-
propter & in illius nomine, qui verè illius
sunt discipuli, ab ipso accipientes gratiam,
perficiunt ad beneficia reliquorum homi-
num, quemadmodum unusquisque acce-
pit donum ab eo. Alij autem laborantes
aliqua infirmitate, per manus impositio-
nem curant, & sanos restituunt. Iam eti-
am, quemadmodum diximus, & mortui
resurrexerunt, & perseverauerunt nobis-
cum annis multis: & quid autem? Non
est numerum dicere gratiarum, quas per
universum mundum Ecclesia à Deo accipi-
ens in nomine Christi Iesu crucifixi sub
Pontio Pilato per singulos dies in opitula-
tionem

tionem gentium perficit, neque seducens aliquem, nec pecuniam ei auferens: quemadmodum enim gratis accepit à Deo, gratis & ministrat: nec inuocationibus angelicis faciat aliquid, nec incantationibus, nec aliqua praua curiositate, sed mundè, & purè, & manifestè, orationes dirigentes ad Dominum, qui omnia fecit, & nomen Domini nostri Iesu Christi inuocans, virtutes secundum utilitates hominum, sed non ad seductionem perfecit. Hoc eodem signo usus est Tertullianus: Pro bent se, ait, nos Apostolos, eadem signa edant. Volo igitur et virtutes eorum proferre, nisi quod agnoscam & maximam virtutem illorū, quæ in peruersum Apostolos emulantur. Illi enim de mortuis viuos faciebant, isti de viuis mortuos faciunt. Quo eodem insigni se in eius sinu retineri testatur D. August. Me, inquit, tenet in Ecclesia authoritas miraculis inchoata, spe nutrita, charitate aucta, vetustate firmata. Et alio loco: Si nec scripturarum authoritatis antiquitas, nec miraculorum potestas, nec morū sanitas, nec rationis veritas, vos asserit: abite confusi, & redite confessi, etc. Quæ quidem signa & miracula, quæ,

T 5 & quan-

& quanta in Ecclesia exstiterint semper, testis est omnis vetustas. Neq; vllus est aut Ecclesiasticus, aut profanus scriptor, qui eius rei testis non sit, testantur hoc idem omnes omnium seculorum historie atque annales: testantur tot templa, atq; monumenta, tot sanctorum martyrum fana atque sepulchra, tot anathematibus, atque donarijs, eo nomine per totum orbem exornata atque decorata: quibus omnibus fidem derogare, est parum prudentis & ingenui hominis. Sed & nunc & si non tam frequentia propter iam fundatam fidem (signa enim infidelibus dantur, non credentibus) in hoc nostro orbe conspiciuntur; in alijs tamen, vbi nunc primum fides Catholica fundatur, partibus mundi, eadem ferè, quæ Apostolorum temporibus fuerunt, fieri itidem cōspiciuntur: in America, inquam, Indijs, Iapone, cæterisque noui orbis partibus. Quod si isti negant, reddāt causam, quid illud sit, quod tam feras, tam inhumanas, tam ab omni pietate remotas gētes, sub iugum Christi venire coegit atq;

com-

compulit, si non hæc ipsa de quibus disputamus, signa & miracula?

Sed & apud nos Exorcistæ sunt, qui ab obsessis hominibus palam videntibus, atq; spectantibus omnibus quotidie demonia eijciunt. Quo signo ad confirmandā verā Ecclesiā vltus est itidē aliquādo Irenæus. *Quapropter & in illius nomine, qui verè illius sunt discipuli ab ipso accipientes gratiam, perficiunt ad beneficia reliquorum hominum, quemadmodum unusquisque accepit donum ab eo. Alij enim demones excludunt, firmissimè & verè, ut etiam sapiissimè credant ipsi emundati sunt à nequissimis spiritibus, & sint in Ecclesia. Vtitur & Iustinus: Vim Christi nominis timent demonia tremantia, & hodie adiurata per nomen crucifixi Iesu Christi sub Pontio Pilato Iudææ præside, imperata faciunt. Idem rursus* Priori Apolo
in alio loco: Multos arreptitios per totum orbem, & in hac ipsa ciuitate Romana, multi ex nostris Christianis, adiuratos per nomen Iesu Christi sub Pontio Pilato crucifixi, sanarunt: quos nec adiuratores alijs, nec incantatores, expiatoresque sanare potuerant. Multa, inquis, e mentitè fiunt. Non nego: quid tū? Ac

multa etiam verè & sincerè; neque enim e mentitè fierent, nisi verè aliquādo essent. Fictio enim veritatem imitatur, tota quæ se ad illam componit, ubique veritas non est, neq; fictioni locus esse potest. Reges Galliæ solo cōtactu sine omni alio remedio certos curant morbos. Multorū sanctorum sepulchra & ossa pretiosum vnguētū sudāt. Quotidie multos inuenias qui vel ad sacrosanctā Eucharistiæ arcam, vel ad martyrum delubra vota referētes sua, optatis potiuntur bonis, voti quæ sui compotes fiunt. Ostendant igitur isti ab eo tempore, ex quo exorti sunt, quid tale apud eos contigerit? ostendant Exorcistarum ordinem: ostendāt curationum gratiam, qua vel vnum dæmonium, & si mutum, & si surdum eiecerint: qua vel vnum ægrū curauerint; quanquam tanta fide uti iactant abundant. Conati sunt quidē multi, vt Lutherus, & alij, sed quid profecerunt, quid ipsi retulerunt, vos legistis. Iocatur iucundè Erasmus: *Apostoli, ait, quoniam excutiebant vipersas, sanabant egrotos, excitabant mortuos, imposita*

*sita manus dabant dona linguarum; ita de-
 mum creditum est, & vix creditum est il-
 lis paradoxa docentibus. Nunc cum iuxta
 communem opinionem adferant penè pa-
 radoxotera, nullus illorum adhuc exstitit,
 qui vel claudum sanare potuerit. Confin-
 guntur, inquiunt, à vobis miracula,
 aut arte magica fiunt. Hoc idem Chri-
 sto Domino, atque eius Apostolis Iu-
 dæi, atque Gentiles falsò obiecerunt.
 Ioannes, inquiunt, Baptista, nulla sig-
 na, nulla miracula edidit. Falsum est,
 nam vniuersa vita eius miraculum
 quoddam fuit: non sine miraculo cō-
 ceptus: nō sine miraculo in vtero por-
 tatus: non sine miraculo totam tradu-
 xit vitam. Et quod caput est, illud te-
 stimonium à Christo audiuit: *Hic est
 plusquam propheta*. Et illud: *Non surre-
 xit maior Ioanne Baptista*. Doceant isti
 aliquid tale, & tūc miracula ab his nō
 repetemus. Antichristus signa faciet?
 At falsa & ementita. Neq; tamen hoc
 dicimus, vbi cunq; sint qualiacunque
 miracula, ibi Ecclesiam Dei esse, sed il-
 lud potius, vbi non sint, ibi Ecclesiam
 Dei omninò esse non posse. Signa, in-
 quiunt,*

quiunt, dantur infidelibus non credentibus: atq; nos iampridem fidem perdidisse toties iactant: nostra igitur causa aliquid tale faciant, vel saltem Iudæorum atque Gentilium gratia: verum nihil tale faciunt vnquam, Ecclesia igitur, quæ signis & miraculis confirmata non est, Ecclesia vera dici non potest.

DECIMUM INSIGNE: Lumen & veritas Prophetiæ.

CAPVT X.



Ulcherrima & illa est Ecclesiæ DEI dos, & quasi pretiosissimum monile, lumen & veritas Prophetiæ. Prædixit hanc dotem

Ioel 2.

Ioel: *Et erit post hac: Effundam spiritum meum super omnem carnem, & prophetabunt filij vestri, & filia vestra. Senes vestri somnia somniabunt, & iuuenes vestri visiones videbunt.* Prædixit ipse sponsus: *Ecce ego mitto ad vos. Prophetas, Sapientes, & Scribas, &c.* Quod idem illi in Euangelio docent, qui dicunt: *Domine, nõne in nomine tuo prophetauimus?*

Matth. 23.

Matth. 7.

1. Cor. 12.

Idem Paulus futurum prædicit: *Vnicuique*

que autem datur manifestatio spiritus ad utilitatem: alij quidem per spiritum datur sermo sapientie, alij autem sermo scientie secundum eundem spiritum, alteri fides in eodem spiritu, alij gratia sanitarum in uno spiritu, alij operatio virtutum, alij prophetia, alij discretio spirituum, alij genera linguarum, alij interpretatio sermonum. Hac autem omnia operatur unus atque idem spiritus, &c. Et alio loco: Spiritum nolite extinguere, Prophetias nolite spernere. Omnia autem probate, quod bonum est, tenete. Vtitur hoc signo Irenæus: Alij autem & præscientiam habent futurorum, & visiones, & dictiones Propheticas. Itaq; nulla vnquã fuit ætas, in qua in Ecclesia Dei nõ exstitissent aliqui, qui dono fuerunt prophetie præditi, qui clades, pestes, hostiũ aduentus & inuasiones, multò ante non prædixerint, pacem item, & tranquillitatẽ. Quod donũ prophetiæ maximũ illũ Quadratum Atheniensem habuisse, testis est Eusebius lib. 4 histor. Reuelationes & visiones de futuris reb. frequẽter factas Polycarpo & Cypriano;

ip-

ipsi idonei testes sūt. Sed & B. Carpo,
 visionem planè mirabilem contigis-
 se scribit Dionysius Arcopagita, quo
 eodem tempore mortuum suscitātū
 fuisse Papiæ, testimonio confirmat lu-
 culenter Eusebius. Quomodo & isto-
 rum infaustum ortum & progressum
 pulcherrima & verissima imagine ef-
 finxit longè antè Sancta Brigida: *Nūc
 ēt ostendam tibi (reuelatio Christi sanctæ
 viduæ Brigida) quid ista significet. Castrū
 illud quod suprà dixi, est ipsa sancta Eccle-
 sia: quam de sanguine meo, & sanctorum
 meorum edificavi, & cemento charitatis
 meæ coniunxi, & posui in ea electos meos,
 & amicos. Fundamentum huius est fides,
 scilicet, credere me iustum iudicem & mise-
 ricordem. Sed nunc suffossū est fundamē-
 tum, quia omnes credunt me, & prædicant
 misericordē, sed quasi nullus prædicat nec
 credit me esse iustē iudicantem. Ipsi habent
 me quasi iniquum iudicem. Iniquus enim
 esset iudex, qui ex misericordia iniquos di-
 mitteret impunitos, ut iniqui iustos eò ma-
 gis opprimerent. Sed ego sum iustus iudex,
 & misericors, ita quod nec minimū pecca-
 tū relinquam impunitum, nec minimum
 bonum*

bonum irremuneratum. Per huius muri suffossionem intrauerunt illi in sanctam Ecclesiam, qui absque timore peccant, qui iustum me esse negant, & amicos meos sic conturbant: quemadmodum illos qui sunt in cyppo. Non enim est eisdem amicis meis gaudium nec consolatio, sed omne opprobrium & omnis dolor eis imponitur, tamquam demoniacis. Si veritatem de me dixerint, confutantur, & mendacij arguuntur. Vehementer sitiunt audire vel loqui recta, sed non est qui eos audiat, vel eis recta loquatur: Ego quoque dominus & creator, blasphemor. Dicunt enim: Nescimus si est Deus. Et si est, non curamus. Vexillum meum prosternunt & conculcant, dicentes: Quare passus est? Quid prodest nobis? Si velit dare nobis voluntatem nostram, sufficit nobis, & habeat ipse regnum suum & cælum. Ego quoque ad eos ingredi volo, sed ipsi dicunt, ante moriemur, quam voluntatem nostram relinquamus. Ecce sponsa mea quales ipsi sunt. Ego feci eos, & vno verbo possem delere. Quomodo superbiunt contra me? Nunc autem propter preces matris meae & omnium Sanctorum, adhuc ita misericors sum & patiens, quod mittere eis volo

V verba

verba mea, quae de ore meo processerunt, et offerre eis misericordiam meam. Si recipere voluerint, placabor, sin autem, sentient meam iustitiam. Ita, quod sicut fures publicè coram angelis & hominibus confundentur, & ab omnibus dijudicabuntur. Sicut enim homines in furca suspensi deuorantur à coruis, sic isti à demonibus deuorabuntur, nec consumentur: Hæc illa. Pleni sunt talium rerū annales, plenæ historiæ. Hoc enim est, quod vim ipsam diuinā denotat, eamq; Ecclesiæ Dei adesse demonstrat. Iuxta illud Isaïæ: Hæc dicit dominus rex Israël, & redemptor eius, dominus exercituum. Ego primus, & ego nouissimus, & absq; me non est Deus. Quis similis mei? vocet & annunciet, & ordinē exponat mihi, ex quo constitui mihi populū antiquum: ventura & quæ futura sunt, annuncient eis.

Isaia 44.

Neq; solum hoc donum in vera Ecclesia semper esse, sed etiam signū veræ doctrinæ iuxta legis præscriptionē existere debuit: *Propheta autem, inquit lex, qui arrogantia deprauatus voluerit loqui in nomine meo, quæ ego non præcepi illi ut diceret, aut ex nomine alienorū Deorū,*
interfi-

Deut. 18.

interficietur. Quod sit acita cogitatione responderis, quomodo intelligere possum verbum quod dominus non est locutus, hoc habebis signū. Quod in nomine domini Prophetā ille prädixerit, & non euenerit, hoc dominus nō est locutus, sed per tumorem animi sui prophetā confinxit, & idcirco non timebit eū. Qua gratia, quantū Ecclesia abūdauit, semper & abundet adhuc, iam diximus: nunc quantum illi noui prophetæ eius habent, quātum in ea excellant, paucis videamus. Prædixerunt istorū duces, corū prædicatione, religionem, fidemq; totā à nobis neglectā, mirifica incrementa sumpturā: Sacrosanctæ Trinitatis nomen, & maiestatem, illustrem per orbem vbique futurā: Iesu Christi gloriā & laudem, quā pontificij obscurarunt, ad omnes gentes promanaturam: Sacramentorum verū vsum restituendum esse: Euangelium propagandum: virtutem, ac omnem honestatē maxima incrementa accepturam: Romanā sedem intra duorū vel trium annorum spacio ruiturā: fidem Catholicam extinguendam esse: doctrinam illorum v-

niuersum orbem peragratutam : victorias præstantissimas secundum illos stare debuisse : mundi finem paulò post adfuturum . Euenitne aliquid horum? Nihil profectò . Nam & fidei articuli vix iam aliqui hac eorum prædicatione cōstanter retinentur, & venerandū Trinitatis nomen foedè blasphematur : & Christi gloria conculcata iacet : eiusq; maiestas extincta est : Euāgelio nō creditur : Romana sedes viuit, vigetq; : Sanctissimos Episcopos & Pastores habet : Ecclesia Catholica in vltimis finibus terræ propagatur : Orthodoxa doctrina illustratur : istorum sectæ extinguuntur : mundus illis mortuis superuiuit : victoriæ quas prædixerunt , in clades ipsorummet & ruinam , conuersæ sunt : multi mortales vndiq; perierunt : tot hominum millia : tot animarum simplicium pleni greges funestè cæsi sunt . Istine gratiam aut lumē prophetiæ habent? istine veri sunt prophetæ? aut istæ veræ Ecclesiæ quæ tales principes magistros & duces sequuntur? Ite & accendite lucernam in meridie.

VNDE.

VNDECIMUM IN SIGNE:
præsens ubique & perenne
 DEI adiutorium.

CAPVT XI.



Ndecimum sit illud veræ
 sponsæ insigne, præsens
 semper, & opportunum
 in omni tempore eius ne
 cessario, diuinum præsi-
 dium & adiutorium.

Prima quasi aggressione post spon-
 si discessum inuasit eam Iudæorum
 perfidia, qui signa, vt inquit Paulus,
 quærunt. Contra quos dedit illi Do- 1. Corint. 1.
 minus eam vim & virtutem signorū;
 vt vel soli panni Apostolorum ad æ-
 gros delati, vmbra denique eorū sola
 curaret infirmos.

Secundò, impugnata est per Tyran-
 norum & Monachorum sæuitiam &
 crudelitatem, quæ maximam patien-
 tiā animiq; robur requirebat, & hau-
 sit cælitus eam in perferendis tormen-
 tis fortitudinem & constantiam, quæ
 omnem ignem extinxit, omne fer-
 rum emolliuit, dentes denique ipsos

310 DE VERAE ET FALS. ECCLES.
leonum confregit.

Tertius impetus fuit Græcorū per Philosophiam, eamque maximè, quæ ex Platonis fuit Academia, ex quo genere fuit Porphyrius, Celsus, Ammonius, & alij multi: deditq; illi Dominus sapientiam eam, cui illi resistere nullo modo poterant: eduxitque ex eadem Platonis schola viros, quibus magistris illi vterentur, potiusquàm illis nocerent quidquam, Dionysios, inquam, Iustinum, Originem, Clemētem, Irenæum, Tertullianum: quorū, quæ, & qualis fuerit sapientia, paulò antè abundè diximus.

Quartò vexata est per eloquentiā, dicendiq; vim, ac omnem cultiorem doctrinam: ex quo genere fuit Arri⁹, Eunomius, Macedonius, Appolinaris, Sabellius, homines eloquentissimi, ac disertissimi, acumine summo, maxima concludendi vi, qui tãquam nefarij latrones vnicam Dei sobolem diuinitate spoliabant sua, & velut Aloide petulantissimi cœlū conscendere nitebantur; vt omnium rerum architecti diminuerent maiestatem, vtq;
sum.

summum opificem temporum ac se-
 culorū in ordinem redigerent corū,
 quæ aliquando non fuissent. Arma il-
 lis erant cōpta, vermiculataq; verba,
 dissertationes atticismorū elegantijs
 cōcinnæ, quas veluti catapultas in cæ-
 lum cōtorquebant. Nec verò princi-
 pis apostatæ Iuliani eodem tēpore se-
 quitia clementior exstitit, qui furibun-
 dus omni falcatorū ensium & ancipi-
 tum bipenniū genere, rediuiua Chri-
 sti germina succidere properabat. Nā
 cū è studijs eloquentiæ gloriā sibi per-
 ambitiosè quæreret, imò verò locuti-
 onē fūco pigmentisq; circumlitā, al-
 mæ loco deæ veneraretur; indignè fe-
 rebat aridā & ieiunā (vt ipse exprobra-
 bat) palestine superstitionis disciplinā
 cōtagione per incautum stolidumq;
 vulgus lōgè lateq; serpente, priscis au-
 thoribus, qui laudatarum artium de-
 cus luminibus orationis illustrassent,
 situm & squalorem obducere, tene-
 bras offundere, ineuitabilem demum
 perniciem intentare. Sit enim fas no-
 bis acerba retulisse conuitia, quæ ty-
 rannus quidem ille stomachabund⁹

euomebat, nostræ verò detestantur aures, nostraque cogitatio reformidat. At Deus, cui sæpè rebelles animos eodem armorum genere profligare mos est, exsuscitauit Athanasium, Basilium, Cyrillum, Eusebium, Chrysostomum, Gregorium Nazianzenum, Hieronymum, Ambrosium, Augustinum: qui grauitate sententiarum, pondere verborum, omnibusq; eloquentiæ instrumentis ex pari poterant cum vetustis gentilibus certare, atque ob id cum aduersarium præfidijs, quibus ipse potissimum confidebat, facile deturbauissent, à calumnijs impiæ verborum, ingenuum coelestium mystarum sermonem, ornatè, copioseque tutati sunt. Semel igitur atque iterum contra disparem hostem par pari relatum est, & ars arti succubuit, atque, vt prouerbio dicitur, Cornicum oculi confossi sunt. Nam vt enucleata recentium Theologorum subtilitas, cum naturæ secretarijs & conscijs, quos Philosophos appellant, cominus pedem conferens, vanas opiniones de sempiter-

na cœli conuersione vel vnitate intellectus humani labefactauit, pectoribusque hominum eiecit; sic antiquorum patrum, quos modò nomina-
bam, oratio perelegans, hostem emblemata dictionum, pictæq; tectoria, linguæ iactantem compescuit.

Quinta impugnatio fuit Peripateticam doctrinam differendi subtilitatem, illiusque sentuosas tricas atque spinas. Quot captiosis argumentis, quot fallacibus cauillis, Alexander, Auerrois, Auicenna, Auenpacen, aduersus pios irruerint? Quàm ingenti cachinno credulitatem eorum deriserit, quos ex ignorance naturalium disputationum scriptis fidem habuisse putabat, nullo syllogismo cõmunis? Sed non impunè tulerunt: nam suo ipsius gladio iugulati sunt: euestigiò namque Deo duce & auspice nati sunt, Thomas, Bonauentura, Scotus, Albertus, Aegidius, cæteriq; Transalpinæ scholæ procures, qui sacrilegas, incestoq; ore voces, in summum omnipotentem cœli regem impiè euibratas, acriter vindicarēt: nam

validis, acutis, atque è penitissimo philosophiæ recessu depromptis rationibus, arcana scita consultaque defenlarunt: quæ Deus ipse vatibus ac legatis electis à se nuda veritatis simplicitate dictauerat. Neque enim seuerissimum, ac tanta iudicem autoritate subtiliter argumentari, sed breuiter ac grauer sententiam pronunciare decebat. Horum igitur firmis quasi pedamentis & adminiculis Christi vitium ita corroboratū est; vt Arabicarum Græcarumque impetus procellarum, ne pampinorum quidem nobis inuexerit iacturam.

Sextum & vltimum his nouissimis temporibus eius bellum ac certamē exstitit, per allegationem scripturæ, per prouocationem ad omnem antiquitatem, veteraque tempora. Qua impulsione, cum omnia de sedibus & fundamentis suis commota & concussa ruere cœpisset, subito exstiterunt viri, qui totam scripturā, qui vniuersam vetustatem, monimenta, consilia, patres exhausserunt, ac veluti digitos proprios nouerunt; Sadoleti inquam,

quã, Poli, Roffenses, Mori, Hofij, Lindani, Tapperi, Sotti, Cani, Medinæ, Oforij, Canisij, Sanderi, alijque innumerabiles: qui veluti splendidissima sydera, istorum tenebras illustrarunt, istosq; fumantes ignes, suo splendore sustulerunt ac planè extinxerunt. Nūquam igitur caret sponsa magni regis necessaria ope, nunquam necessarijs præsidijs: Neq; enim vnquam dormit *Psalm. 120.* aut dormitabit, qui custodit Israel.

DVODECIMVM INSIGNE:

*opportuna & salutaris correctio
ac depressio.*

CAPVT XII.



Eq; verò hic sponsus spō. tam suam tuetur, ornat & auget tantum, illique perpetuò adest; sed eam castigat etiam nonnunquam ac deprimat: iuxta illud Dauidi factum promissum: *Si autem dereliquerint filij tui legem meam, & in iudicijs meis non ambulauerint. Si iustitias meas profanauerint, & mandata mea non custodierint. Visitabo in virga iniquitates eorum, in verberibus peccata eorum*

*eorum. Misericordiam autem meam non
dispergam ab eo, neq. nocebo in veritate
mea. Neque profanabo testamentum me-
um: & quæ procedunt de labijs meis, nō fa-
ciam irrita. Quos enim Deus diligit,
castigat, non castigari autem à spon-
so repudiari est. Non visitabo dicit Do-
minus, super filias vestras, cum fuerint for-
nicatae, & super nurus vestras, cum adul-
terauerint. Ita vt hæc ipsa sponsa neces-
se habeat sæpius vrgente procella in-
clamare: Domine salua nos, perimus,
& fac tranquillitatem. Vt enim pri-
mam eius infantiam, quæ varia sorte
iactata est, prætermittamus. Exulta-
bat rerū feliciū successu vinea hæc
Constantini Magni, primi sui alumni
temporibus: subitoq; exortus est Ar-
rius, Eunomius, Macedonius, atq; a-
deo ille ipse vrsus violentissimus Iu-
lianus: qui illius noualia pulcherri-
mè virentia iam & florentia, impio
pede calcavit, ac fero dente succidit.
Erecta deinde est Iouiniani, Valenti-
niani, Theodosiorum item pietate. I-
terum dormire cœpit. Exortus est i-
terum Nestorius, Eutyches, Appoli-
naris,*

Hebr. 12.

Osea 4.

Math. 8.

naris, qui lætitiā illius conuertit in
 luctum, eamq; denuò ad cinerē & cili-
 cium reuocauit. Reuixit de nouo, ra-
 mosq; suos vsq; ad mare protendit,
 maximaq; quiete & fœcunditate
 hircire. Ecce tibi adest Atila, Totila,
 Genfericus, aliaq; infinita barbarorū
 manus, quæ eam multis cladibus &
 calamitatibus excitatam, atque exer-
 citam reliquit. Tandem pacatum est
 mare: res compositæ: extendit palmi- *Psal. 79.*
 tes suos vsque ad mare, & propagines
 suas vsque ad terminos terræ. En ali-
 ud incomparabile malum; Saraceni-
 cus ferus immissus in eam Mahome-
 tus, qui depastus est eam, extermina-
 uit eam: in eiusq; ceruice positus.
 Neq; tamen hæc succubuit; sed eò ma-
 gis operuit montes vmbra eius, & ar-
 busta eius cedros Dei. Et iterum tamē
 in somnum resoluta, oscitantius om-
 nia agere visa est; excitatur subitò pri-
 mum per Berengarium. Dum tardiùs
 euigilat; excitatur denuò per Vvi-
 cleu, Hussum. Dum ampliùs ster-
 tit, nec penitùs Duces eius euigilare
 volunt; diruta est maceries eius, & vin-
 demians

demiant eam omnes, qui prætergre-
diuntur viā, tot inquam funestarum
sectarum atq; hæresum greges; donec
iterum Deus virtutum conuertatur
& respiciat de coelo, & videat, & visi-
tet vineā suam, & perficiat eam, quā
plantauit dextera eius: quod iam cer-
tè præ foribus esse videmus. Putatio-
nibus enim & incisionibus hæc vinea
crescit: falce hæretica expurgatur, fœ-
cundatur, & pinguescit: stercus hoc
maioris vbertatis frugum causa est.
Nec vnquā perfectiùs tractatum est
de fidei præcipuis articulis, inquit Au-
gustinus, donec obsisterent hæretici:
nec vnquam perfectiùs tractatum est
de Trinitate, donec oblatrarent Arri-
ani: nec de poenitentia, donec obsiste-
rent Nouatiani: nec de baptismo, do-
nec Donatistæ contradicerent. Et isti
quidem peribunt, qui quærunt ani-
mā eius. Væ enim illis, quia flagellum
sunt, ac more virgæ, qua pater corri-
git filios, consumentur, ac in ignem
mittentur æternum. Hoc iā retulit Ar-
rius, Eunomius, Iulianus, Nestorius,
Eutyches, & ceteræ eius generis labe.

Filia

Filia Babylonis misera: beatus est qui *Psalm. 136.*
 retribuet tibi retributionem tuā, quā
 retribuisti nobis. Beatus, qui tenebit *Psalm. 102.*
 & allidet paruulos suos ad petram Il-
 lius autem iuuentus renouabitur vt
 aquilæ. Vt illud occinat: *Castigans ca-*
stigaui me dominus, & morti non tradi-
dit me. Ei⁹ enim perpetua illa vox est: *Psalm. 117.*
Virga tua, & baculus tuus, ipsa me conso-
lata sunt: Deus noster refugium & vir-
tus, adiutor in tribulationibus, qua inue-
nerunt nos nimis. Propterea non timebi-
mus: dum turbabitur terra: & transfe-
rentur montes in cor maris. Corrigitur i-
gitur, deprimitur, excitatur; sed dese-
ritur nunquam. At concubinæ effre-
nes & licentiosæ sine iugo vagantur,
 donec lasciua feritate sua percitè in
 certum exitium agantur & pereant.

TREDECIMVM IN SIGNE:
perpetuus in melius profectus.

CAPVT XIII.

TERTIADecima dos est illa, fi-
 liæ principis, profectus in me-
 lius. Proficit illa in fide,
 profi-

proficit in moribus , proficit in numero hominum . Habetque instar crescentis & adolescentis hominis ætates suas : habet infantiam , quæ lacte , vt inquit Paulus, indiget : habet adolescentiam, de qua Salomon : *Soror nostra paruula est , & vbera non habet*. Habet maturam ætatem , in qua illud cantat : *Ego mater pulchra dilectionis, & magna spei*. Habet & senectutem & maturitatem suam , de qua illud : *Senectus mea in misericordia vberi*. In qua tam diu , dum tradet filius patri suo regnum, & erit DEVS omnia in nobis, inuicta perdurabit . Neque verò mirum est, quòd semper crescat & proficiat, nec deficiat vnquam. Habet enim rectorem atque custodem illum, qui inquit : *Qui portamini à meo utero, qui gestamini à meo sinu, vsque ad senectam ego ipse, & vsque ad canos ego portabo. Ego feci, & ego feram, & ego portabo, & saluabo* : Vt autem illa crescit ac proficit in melius semper; ita hæreses è contrario deficiunt, & si proficiunt , in peius proficiunt :
ita

Hebr 3.

Cant. 8.

Eccles. 24.

Psalm. 91.

1. Cor. 15.


Isaie 46.

ita vt etſi principia earum ſpecioſa
 & magnifica prima fronte appare-
 ant, exitus tamen & profectus foedis-
 ſimi ac miſerabiles ſemper fieri ſo-
 lent. Docet hoc Paulus: *Mali autem,* 1. *Timoth. 3.*
inquit, homines & ſeducſores proficient
in peius: errantes & in errorem mitten-
tes. Quem vtraque ex parte profectũ
 atque defectum pulcherrima para-
 bola tritici & zizaniæ adumbrat ipſe
 ſponſus, quorum alterum ex ſimili
 culmo ſiue calamo in optimum gra-
 num, alterum in infelix lolium ac
 ſteriles deſinit auenas. *Simile, inquit,* Matth. 13.
factum eſt regnum cœlorum homini, qui
ſeminauit ſemen bonum in agro ſuo. Cum
autem dormirent homines, venit inimi-
cus eius, & ſuperſeminauit zizania in
medio tritici, & abiit. Cum autem creuiſ-
ſet herba, & fructum feciſſet, tunc appa-
ruerunt & zizania. Accedentes autem
ſerui patris familias, dixerunt ei: Domi-
ne, nonne bonum ſemen ſeminaviſti in agro
tuo? Vnde ergo habet zizania? Et ait il-
lis: Inimicus homo hoc fecit. Serui autem
dixerunt ei: Vis, imus & colligimus ea?
Et ait: Non. Ne fortè colligentes ziza-
 X *nia,*

nia, eradicetis simul cum eis & triticum. Sinite utraq; crescere vsq; ad messem, & in tempore messis dicam messoribus: Colligite primum zizania, & alligate ea in fasciculos ad comburendum, triticum autem congregate in horreum meum. Quā- tum Ecclesia Catholica in dies doctrina, moribus, numero item gentium & hominum proficiat, videmus: quantum item hæreses deficient, obscurum non est: vnde coeptū sit, quo profectum, vbi defitum, facile cernimus. Sanctos non esse honorandos à principio docuerunt; nunc an Christus sit adorandus, disputant alij, negant alij penitus. Animas in purgatorio expiari negauerunt; nunc nullas esse dicunt. Sanctos de cœlo detraxerunt; nunc ipsum Deum, trinum, & vnum inde exturbare conantur. Qui igitur coetus proficit, Christi est: qui deficit, diaboli & Antichristi. Oportet enim Christo crescente, Antichristum minui, & decrescere, donec penitus spiritu oris eius percussus dispereat.

*QVATVORDECIMUM INSI-
gne: nouitatem omnem fugere, ac susse-
ctam habere, veneranda autem
vetustati in omnibus
adherere.*

CAPVT XIII.

 **Q**UARTUM decimum illud
sit ciuitatis DEI insigne:
Ecclesiam Catholicā ἀρ-
χαίσειν semper, hoc autem
antiquitatem, & vetusta-
tem sequi; vt id maximè laudet, qđ
vetustissimum, & antiquissimū est:
id peculiariter sequatur, quod cū
maiorum instituto ac doctrina con-
iunctum est: recipiat nihil, nisi illud,
quod εὐαγγελικῶς καὶ πατρικῶς simul,
vt post M. Basilium Damascenus lo-
quitur, dicatur. Vti hæreticorū pro-
prium fuit semper νεοεπισείν hoc au-
tem est, nouitati in omnibus adhere-
re. Nnque enim illos appellare vo-
lunt, quos certò sciunt contra se sen-
tentiam laturus, neque ad illos pro-
uocare, quorum sententiam perti-
mescent. Qua ipsa re, plurimum an-

tiquitati vel inuiti addūit fidei: suum autem produnt errorem, produnt malè consciū animum. Fur enim odit lucem, & nemo illum appellat iudicem, apud quem se causa casuum certò nouit: erroneiq; errorum depulsores fugiunt. Quorum doctrina stante, suam nullo modo cōsistere posse iudicant. Vtrumque autem hunc morem, vtraque ex parte solennem & perpetuum quasi fuisse, tam Ecclesiæ, quàm hæreticis ipsis, testatur inprimis Ephesina Synodus. Nāque cū lecta esset sancti Capreoli episcopi Carthaginensis epistola, qui nihil aliud intendebat, & precabatur, nisi, vt expugnata nouitate antiquitas defenderetur: ita Episcopus Cyrillus proloquutus est, & definiuit: quod hic quoque interponere non ab re videtur: ait enim in fine gestorum: *Et hac, inquit, quæ lecta est epistola venerandi & multum religiosi Episcopi Carthaginensis Capreoli, fidei gestorum inseretur, cuius aperta sententia est: vult enim antiquæ fidei dogmata confirmari: nouitia verò, & superflue adinuenta,*

Lyrinensis
cap. 42.

uenta, & impie promulgata, reprobari atque damnari. Omnes Episcopi adclamauerunt: Hæ omnium voces sunt, hæc omnes dicimus, hoc omnium votum est. Quæ tandem omnium voces, atque omnium vota, nisi vt quod erat antiquit⁹ traditum, teneretur: quod adinuentū nuper exploderetur? Vnde testatur Damasus Pontifex: Patrum nostrorum sententiæ nobis sunt retinendæ. Testatur magnum illud orbis Christiani lumen Magnus Basilius: Fidem, inquit, nos, neque per alios nobis nouiter præscriptam amplectimur, neque nos ipsi mentis nostræ incerta nobis proponere audemus, ne humana putentur esse potius verba; sed quæ à sanctis patribus didicimus, hæc interrogantibus tradimus. Vnde illa eiusdem querela. Contemnuntur, inquit, Patrum dogmata, Apostolicæ traditiones adnihilantur, nouorum hominum inuenta introducuntur. Episcopum autem illum esse dicit, qui sit custos doctrinæ Patrum, omnis autem nouitatis hostis. D. item Ambrosius: Seruemus, inquit, præcepta maiorum, ne hereditaria signacula ausu rudis temeri-

tatis violamus. Librum signatum illum Propheticum, non seniores, non potestates, non angeli, non archangeli aperire ausi sunt: soli Christo explanandi eius prerogativa servata est. Librum sacerdotalem, quis nostrum resignare audeat, signatum à Confessoribus, & multorum iam martyrio consecratum? Quem qui resignare coacti sunt, postea tamen damnata fraude signarunt: qui violare non ausi sunt, Confessores & martyres exstiterunt. Quomodo fidem eorum possumus denegare, quorum victoriam predicamus? Subiungit Vincentius Lyrinen.

Cap. 7.

Prædicamus, inquam, o venerande Ambrosi, prædicamus planè, laudantesq; miramur. Nam quis ille tam demens est, qui eos & si adsequi non valeat, non exoptet sequi, quos à defensione fidei maiorum nulla vis depulit? non mina, non blandimenta, non vita, non mors, non palatium, non satellites, non Imperator, non imperium, non homines, non demones. Quos inquam pro religiosa vetustatis tenacitate tanto munere dominus dignos iudicavit, ut per eos prostratas repararet Ecclesias? extinctos spiritales populos vivificaret?

caret? deiectas sacerdotum coronas reponeret? nefarias illas nouellæ impietatis nō literas, sed lituras, infuso cœlitus Episcopis fidelium lachrymarum fonte deleret? vniuersum postremò iam penè mundum, sœua repentina hæreseos tempestate percussum, ad antiquam fidem à nouella perfidia, ad antiquam sanitatem, à nouitatis vesania, ad antiquam lucem, à nouitatis cœcitate reuocaret? Quod postea idem Lyrinensis verba Pauli explicans, la- Idem 33.
 tius docet. Sed, inquit, ad Apostolum 2. Tim. 1.
 redeamus. O Timothæe, inquit, depositum custodi, deuittans profanas vocum nouitates. Deuita, inquit, quasi viperam, quasi scorpionem, quasi basiliscum, ne te non solum tactu, sed etiam visu, afflatuq; percutiant. Quid est deuittare? Cùm huiusmodi, nec cibum sumere. 1. Cor. 5.
 Quid est deuita? Si 2. Ioan. 1.
 quis, inquit, venit ad vos, & hanc doctrinam non adfert. Quam doctrinam? nisi Catholicam, & vniuersalem, & vnā, eandemq; per singulas ætatum successiones incorrupta veritatis traditione manentem, & usq; in secula, sine fine mansuram. Quid tum? Nolite, inquit, recipere cum in domum, nec AVE ei dixeritis:

qui enim dicit illi *AVE*, communicat operibus eius malignis. Profanas, inquit, vocum nouitates. Quid est profanas? Quae nihil habent sacri, nihil religiosi: ab Ecclesia penetratibus, quae est templum Dei, penitus extraneas. Profanas inquit vocum nouitates: Vocum, id est, dogmatum, rerum, sententiarum nouitates, quae sunt vetustati, quae antiquitati contraria. Quae si recipiantur, necesse est, ut fides beatorum Patrum, aut tota, aut certe magna ex parte violetur: necesse est, ut omnes omnium aetatum fideles, omnes sancti, omnes casti, continentes, virgines, omnes clerici, leuitae, & sacerdotes, tanta confessorum millia, tanti martyrum exercitus, tanta urbium, tanta populorum celebritas & multitudo, tot insulae, prouinciae, reges, gentes, regna, nationes, totus postremo iam penè terrarum orbis, per Catholicam fidem Christo capiti incorporatus, tanto saeculorum tractu ignorasse, errasse, blasphemasse, nescisse quid crederet, pronuncietur. Profanas, inquit, vocum nouitates deuota, quas recipere atque sectari nunquam Catholicorum, semper verò haeticorum fuit. Et reuera, quae unquam

Idem ca. 34.

quam hæresis, nisi sub certo nomine, certo loco, certo tempore ebulliuit? Quis unquā hæreses instituit, nisi qui se prius ab Ecclesiæ Catholicæ vniuersitatis & antiquitatis consensione discreuerit? Quod ita esse, luce clarius exempla demonstrant. Quis enim unquam ante profanum illum Pelagium, tantam virtutem liberi præsumpsit arbitrij, ut ab hoc in bonis rebus per ætæ singulos adiuvandum, necessariam Dei gratiam non putaret? Quis ante prodigiosum discipulum eius cælestium, reatu præuaricationis Adæ, omne genus humanum negavit astrictum? Quis ante sacrilegum Arium, Trinitatis unitatem discindere, quis ante sceleratum Sabellium, unitatis trinitatem confundere ausus est? Quis ante crudelissimum Novatianum, crudelem Deum dixit, eò quòd mallet mortem morientis, quàm ut reuertatur & viuat? Quis ante magum Simonem, Apostolica districtione percussum, à quo vetus ille turpitudinum gurgis usq; in nouissimum Priscillianum continua & occulta successione manauit, auctorem malorum, id est, scelerum, impietatum, flagitiorumq; nostrorum, ausus est

*dicere creatorem Deum? Quippe quem
adserit talem, hominum manibus ipsum
suis creare naturam, quæ proprio quodam
motu, & necessaria cuiusdam voluntatis
impulsu, nihil aliud possit, nihil aliud ve-
lit, nisi peccare; eò quòd furijs omnium vi-
tiorum exagitata, & inflammata, in om-
nia turpitudinum baratra, inexhausta
cupiditate rapiatur? Innumera sunt ta-
lia, quæ brevitatis studio prætermittimus:
quibus tamen cunctis satis euidenter per-
spicueq; monstratur, hoc apud oēs fere hæ-
reses, quasi solenne esse ac legitimum, ut
semper profanis nouitatibus gaudeant,
antiquitatis scita fastidiant, & per oppo-
sitiones falsi nominis scientiæ, à fide nau-
fragent. Contra verò, Catholicorum hoc
fere proprium, deposita sanctorum Patrū,
& commissa seruare: damnare profanas
nouitates: & sicut dixit: Et iterum dixit
Apostolus: Si quis annunciauerit, præ-
terquàm quod acceptum est, anathemati-
sare. Hac Lyrinensis. Itaque dum tem-
porib⁹ Theodosij Magni Ariana im-
pietas denuo repullulascere ac renas-
ci cœpisset, resque in disputationem
deducta fuisset, propositum est à Na-
ctario*

ctario Constantinopolitano Archi-
 episcopo Arianis Sisinijs suasu, num
 veterum doctrinam admitterent:
 num antiquis Patribus fidem habe-
 ant. Quod cum ita esse dixisset, quæ-
 situm est ab illis, num eadem eorum
 doctrina fuisset cum hac quam ipsi
 profitebantur. Quod cum illi pro-
 bare non possent, statim victi & reie-
 cti sunt. Apud istos verò, quæ sit an-
 tiquitatis ratio, quæ auctoritas, dis-
 camus ex primo istorum duce Lu-
 thero. *Hieronymus fidei inquit & vera*
religionis, ne semel quidem in suis scri-
ptis meminit. Origenem iam olim excom-
municavi: Chrysostomum nullo loco ha-
beo: nihil est enim nisi loquaculus. Basilius
planè nihil valet, totus est monachus, ego
ne pili illum facio. Apologia Philippi
superat omnes Doctores Ecclesie, & ip-
sum Augustinum. Et rursum in Gene-
sim scribens, ubi econtra Pontificij san-
cti, in leuibus causis impatientissimi sunt,
quàm impatiens est ipse Hieronymus?
& in alio loco. Quin te Hieronyme con-
culcamus cum tua Bethleem, cucullo, &
deserto. Et alibi. Impia hæc & diabolica

Fusus hæc
narrat Soz.
lib. 7. ca. 12.
Niceph. libr.
12. cap. 15.

Lib. de collo-
quijs Mensa-
libus apud
Aurifabrâ.

In cap. 20.
pag. 272.

Cap. 22. pag.
319.

Cap. 31. pag.
466.

- Cap. 42. pag. 631. *vox est Hieronymi. Et iterum. Gregorius fons & auctor est fabularum de purgatorio, & Missarum pro defunctis. Et deinde: Gregorius admodum tenuiter cognouit Christum, & verbum Euangelij: Benedictus, Franciscus, & alij Monachorum Patres cum Abraham comparati, mera stercora sunt. Et Franciscus stultus fuit, & stigmata ex inani gloria sibi impressit. Si ergo vera Ecclesia est, antiquitatem in omnibus sequi, hæreseum autem nouitates consecrari; quæ nunc vera sit Ecclesia, quæ falsa, quisque suo statuatur iudicio.*
- Cap. 49. pag. 716.
- Cap. 31. pag. 164.

*QVINTVMDECIMVM VERAE
Ecclesie insigne: ° extrema non se-
quitur, medio tutissima
incedit.*

CAPVT XV.



*Media & illa sponsæ regis
laus est, Spiritusq; sancti
gubernationis singulare
argumentum; quòd me-
dia semper via incedat,
extrema sequatur nunquam: Non de-
clina-*

clinabis, inquit scriptura, neque ad dextram, neque ad sinistram. Ebion cum Cherinto legem cum Euangelio simul seruandam esse docuerunt: Manichæ⁹ malam & à malo Deo latam esse docuit: medium secuta est Ecclesia; vt legem quidem sanctam diceret, iugum tamen legis Euangelica libertate temperaret, figurasque rebus succedentibus excluderet. Negabat Christi veram humanitatem Manichæus, Arius diuinitatem: Ecclesia Christum verum Deum & hominē confitetur. Confundebat in diuinis Sabellius & naturas, & personas, nudaque relinquebat nomina; distrahebat hæc omnia Arius, Eunomius, Macedonius; medium sequuta est Ecclesia; naturas coniungit, personas & nomina distinguit. Multiplicabat & naturas, & personas Nestorius in Christo; confundebat hæc omnia Eutiches; vera Ecclesia naturas distinguit, vnitatem personæ tuctur. Nouatus lapsos pœnitentes non suscipiebat; suscepit Lutherus etiam sine pœnitētia. Ecclesia excludit præsumptuo-

ptuosos, solos suscepit poenitentes. Desperat Nouatus, præsumit Lutherus, sperat Ecclesia. Palagius omnem partem iustitiæ viribus humanis tribuit; Lutherus, & Calvinus, omnia ad gratiam libero hominis excluso arbitrio refert; iungit & sociat Ecclesia vtrumque. Donatus meritis & operibus omnia tribuit; Lutherus fidem solam laudat; vtrumq; complexa est Ecclesia. Rudem, & mortuam carnem Christi comedit Capharnaïta; Nestori⁹, & Lutherus mortuam; Zuinglius, Oecolampadius, Calvin⁹, nullam; viuam & verā Ecclesiā Dei. Ieiunabāt omni tempore Encratitæ; Lutherus semper epulatur; ieiunat suis temporibus Ecclesia. Damnabāt matrimonium Gnostici; Lutherus ipsum solum exclusa virginitate & viduitate laudat; commendat & sequitur omnia hæc Ecclesia. Hic igitur verè Catholicus erit, qui extrema fugiens, mediūque tutissimus incedit.

SEDE.

SEDECIMVM ECCLESIAE

*insigne: perpetuum contra illam omni-
um haeticorum & schismatico-
rum bellum ac impug-
nationes.*

CAPVT XVI.



Decimus igitur sedecimo
illam veram sp̄sām Chri-
sti esse, quæ ab omnibus
hæresibus quātumuis in-
ter se contrarijs atque pu-
gnantibus, quātumuis diuerfis, sem-
per impugnata sit, atque etiam nunc
impugnatur. Docet hoc scriptura; *Cant. 2.*
Sicut, inquit, lilium inter spinas, sic amica
mea inter filias. Filij, inquit, matris mea *Cant. 1.*
pugnauerunt contra me. Et: Sæpè expug- *Psal. 128.*
nauerunt me à iuuentute mea, etenim
non potuerunt mihi. Ut enim sponsus *Luc. 2.*
eius CHRISTUS IESVS signum est il-
lud, cui semper contradicitur, & ad-
uersum quem reges terræ, & princi-
pes populorum conspirasse legim⁹;
Dirumpamus vincula, inquit, eorum, & *Psal. 2.*
proijciamus à nobis iugum ipsorum; ita &
sponsa eius idem illud signum est, in
quod

quod omnes omnium sæculorum
 hæreses direxerunt iacula sua; & cui⁹
 calcaneo insidiantur omnes; vincula
 eius dirumpere, iugum excutere vo-
 lunt. Neque alio certe modo hoc sig-
 no vera Ecclesia Dei à falsis synago-
 gis distinguitur, quàm si inter octo-
 ginta illas Regis Salomonis concu-
 binas, ex æquo pudicitiam per om-
 nia simulantes, ita vt eundem habi-
 tum, eundem vultum, eundem ge-
 stum, & incessum præferant omnes,
 vnā illā solā dilectā & vni-
 cam eius, cū omnia similia & com-
 munia quodammodo cū cæteris
 habeat, dignoscere velis; hac vna sola
 ratione id facilè cōsequi possis; hoc-
 quē vnico indicio, in eius cognitio-
 nem peruenire; vt quā illę omnes
 maximè oderint, quā maximè per-
 sequerentur, quā accusent, cū
 quā nihil commune habere velint,
 quā omninò ex suo consortio ex-
 clusam esse cupiant; illā reginā
 pudicā, ceteras corruptas & impu-
 dicas esse iudices. Vt, quæ cū illis
 commune nihil habeat; vt, quæ suo
 pu-

pudore illorum impudicitiam conuincat, & coarguat: vt quæ omnes illarum fraudes & insidias aperiat. Cū igitur Romana Ecclesia talis sit, quæ omnes hæreses semper impugnarūt, atque etiam nunc impugnant; vt, quamuis in omnibus inter se diffideant, ac secum planè pugnent, mutuoque sibi oculos confodiant; in hoc solo tamen cōueniunt, vt Ecclesiam Romanam eiusque pastorem exturbent, ac suffodiant, ac planè extinctam esse velint: quod illa salua vigente atque incolume, se omninò stare, iusque suum tueri non posse existiment: planeque idem faciūt quod Tertullianus Gentiles facere solitos esse dicit; vt omnes deos vanos coleant, solum verum illum, qui cælum & terram condiderit, & qui solus, & vnus Deus sit, non solum non reciperent, sed etiam grauiter persequerentur, ac oppugnarent. Recipiunt isti omne dogma mendax, negant oppugnandum esse, quamuis aperte veritati aduersetur; modò Pontificem Romanum, hoc est, veritatis

IESV CHristi custodem, oppugnet: omnia figmenta exosculantur, solam Catholicam fidem explodūt, ac nullum apud se veritati locum relinquunt. Vera igitur Ecclesia, vera sponsa CHristi hæc, vel ex eo indicio fit oportet. Illæ autem cōcubinæ impudicæ ac adulteræ meritò censeri debebunt.

DE C I M V M S E P T I M V M
insigne: quod sit canon & regula omnis
veritatis; & quòd ultimo omnes
hæretici ad eam prouocent
ac redeant.

CAPVT XVII.



Equè illud obscurum est, veræ Ecclesiæ decus atque symbolum: eam videlicet veram Ecclesiam esse, quā cæteræ omnes, & si eius inimicæ sint, & si ab ea diffideant, & si extinctam esse cupiant; pro norma tamen & regula fidei suæ habere solent: & quæ tanquam Cynosura nautis; sic illa errantibus & fluctuantibus

bus omnibus pro insigni veritatis
 proposita sit. Si enim quando inter
 hos ipsos dissensio religionis exori-
 tur, Augustanos dico, Sacramenta-
 rios, Anabaptistas, Arianos, Ebioni-
 tas, Samosatenses, & alios, si inter se
 (quod quidem illis perpetuum est)
 digladiantur, illi melius sentire, ad
 veritatemque propius accedere pu-
 tantur, minusque errare, qui ab Ec-
 clesia Catholica minus discesserint.
 Itaque ubi vel ab ipsa conscientia &
 veritate conuicti, in extremos absur-
 dosque errores se prolabi vident, di-
 cere solent: Multum iam aberramus:
 iam, inquit, multum absumus. Vnde
 obsecro? dic verè, dic ingenuè, dic pa-
 lām, ne crubescas verum fateri. Ab
 ea, inquit, fide, in qua nati sumus,
 quam à maioribus nostris accepim⁹.
 Quæ est ista? Non alia certè, quàm
 Romana. Ac ubi quid veritate & ne-
 cessitate victi sanare volūt, tum vno
 & altero passu ad eam Ecclesiam ac-
 cedunt, ac Catholicum quid restitu-
 unt. Quod in Transyluania eos nu-
 per fecisse audimus: ubi quo suos in

*Hæreticorū
 Trāsylnani-
 en. factum.*

officio retinerent, post reuocatam
 Magni Stephani Regis pietate in il-
 lis regionibus Catholicam fidem, a-
 liquot Sacramenta, atque aliquot
 cærimonias Catholicas restituisse di-
 cuntur, ac veluti postliminio quo-
 dam, vt rem obsoletam, in medium
 protulisse. Ita vt si fortè in hac impie-
 tatis licentia, in hac vniuersæ religio-
 nis perturbatione, in hac omnium
 hæreseon, quæ modo aliquando fue-
 runt, resuscitatione, Ecclesia Roma-
 na, aliæque Apostolicæ sedes sublatae
 fuissent; certè neque fides Christiana
 qualis fuerit, neque quò sibi regredi-
 endum, aut progrediendum esset, re-
 ctè scirent: neque in tantis erroribus,
 in quæ impudentes & temerarij per
 inobedientiam deferuntur, quid a-
 gerent, aut quò se referrent, habere
 possent. Itaque quantumuis eam Ec-
 clesiam oderint, quantumuis interi-
 jisse expetunt, quantumuis omnia or-
 namenta & fortunas illius sublatas
 esse velint, quantumuis vitam cum
 sanguine illius exposcant; in hac ta-
 men parte eam laudant, ad illam ran-
 quam

quam tutissimum portum confugi-
unt, ad illam prouocant, eam solam
fundamenta & principia Catholicæ
religionis conseruasse victi veritate
docent. Et, si sani sunt, colere certè,
venerari, gratias etiam illi agere de-
bent, si non vniuersam religionem
Christianam extinctam esse, si salu-
tem animarum suarum conseruare
volunt. Fecit hoc vi veritatis coactus
primus istorum dux ac vexillifer Lu-
therus, cuius illud fuit Romanæ Ec-
clesiæ elogium. *Audite, inquit, & vi-
deo rebaptisationem à quibusdam usur-*
pari ex eo fundamento, ut in despectum
Papæ faciant, tanquam hi qui nihil ab
Antichristo habere velint. Quemadmo-
dum & Sacramentarij propterea merum
panem & vinum habere volunt in despe-
ctum Papæ: arbitantes se hoc pacto rectè
subvertere posse Papatum. Profectò friv-
olum est hoc fundamentum, supra quod ni-
hil boni edificaturi sunt. Hoc enim pacto
negare eos oporteret, totam quoque scrip-
turam sacram & predicandi officium:
hoc enim totum à Papa nimirum habe-
mus. Et nouam quoque scripturam sacram

*Luther. in-
pist ad duos
plebanos de
Anabaptistis*

nos facere oporteret, Sic & vetus testamentum nos dimittere oporteret, ne quid ab infidelibus haberemus Iudais. Stultitia est hoc totum. Nam & Christus in gente Iudaica inuenit Phariseorum & Scribarum abusus, non tamen propterea totum reiecit, quod illi habuerunt & docuerunt: Nos autem fatemur sub Papatu plurimum esse boni Christiani, imò omne bonum Christianum, atque etiam illinc ad nos deuenisse. Quippe fatemur in Papatu verā esse scripturā sacra, verū baptismū, verū Sacramentū altaris, veras clauas ad remissionē peccatorū, verum predicandī officium, verum catechismum, ut sunt, Oratio Dominica, Decem præcepta, & Articuli fidei: dico insuper sub Papatu veram Christianitatem, imò verum nucleum Christianitatis esse. Et alio loco: Quod Romana Ecclesia à Deo sit præ alijs omnibus honorata, non est dubium: Ibi enim sancti Petrus & Paulus, quadraginta sex Romani Pontifices, ac tot centena millia martyrum sanguinem suum fuderunt, infernum & mortem vicerunt, ut vel palpari queat, quā singularem habeat ad eam Ecclesiam respectum Deus.

Quod

Luthe. in declarat. quorundam articulorum.


Quòd si nunc, proh dolor, res habet Roma, ut expediret habere melius: attamen neq. hæc, neque alia causa vlla tam grandis est, nec esse potest, ut ab Ecclesia illa separatio, aut discessio vlla fieri debeat: Imò quòd peius res ibi habet, tantò magis accurrendum & adherendum est. Per separationem enim & contemptum non fit melius: Nec dimittendus est Deus propter diabolum, nec vitandi reliqui boni, propter turbam pravam, imò propter nullum peccatum aut malum, quodcunque excogitari aut nominari potest, debet rescindi charitas, nec spiritualis vnitas diuidi: Charitas enim omnia potest. Hæc Lutherus. Itaque cùm antea summum Pontificem Antichristum dicerent, Romanam autem sedem Babylonem magnam, quæ à vino iræ fornicationis sue potet omnes gentes, meretricem magnam, quæ sedeat super aquas multas, cum qua fornicati sunt reges terræ, impudenter appellarent, vbi Anabaptistę germana istorum soboles ac viperarum genimina, contra hos ipsos magistros suos illud intulissent? Si Papatus pro eo, atque apud vos

*Augustanos, atque Caluinistas didicimus, Antichristi sedes est, à quo nihil syn-
cerum & integrum in doctrinae veritate
promanare possit, & quem omnia iura di-
uina subuertisse confidenter clamatatis:
nec dogma quoque de diuinitate Christi
summaq; Trinitate, quod alias in Papatu
egit radices, & quod à nullis alijs acrius
defenditur, verum esse potest, pro quo hic
ipse quem vos dicitis Antichristum tan-
to perè depugnat. Qua eorum oratione
permoti, coacti sunt retrocedere, il-
lamque gloriosam ad omnes gentes
& omnia sæcula sedi Petri palinodi-
am occinere vt diceret. Eos quidem,
qui Christi gloriam & diuinitatem
tuentur, Antichristos esse non posse,
sed illos potius, qui eam oppugnant,
hoc nomen, in prolem suam conui-
cium referentes, iure mereri. Quod
si inimici homines tantum vel inui-
ti Ecclesie Catholice tribuunt, quan-
tò magis reges atque principes Chri-
stianos portum hunc veritatis & syn-
ceritatis tueri oportet; si & seiplos &
populos sibi subiectos seruare, certif-
simosque exitij scopulos declinare*

volunt, in quos omnes inciderunt illi; quibus hæc cinosura veritatis occiderit, ac de medio conspectu sublata fuerit. Verùm nos nomen Ecclesiæ vsurpamus tantum, omnia autem in detrimentum & dedecus ac deformationem eius facimus, obsequiumque nos facere Deo arbitramur, si res nostras ex illius infelicitate & miseria augeamus; ideo in quo loco res Christiana constiterit ipsi videmus, & paulò post etiam atque etiam vehementius experiemur.

*DECIMUM OCTAVVM INSI-
gne: quod Deus ordinavit ex eius
ore audire gentes Euangelium,
& credere.*

CAPVT XVIII.

 Equitur decimum octavum
ciuitatis Dei irrefragabile
documentum; quod qua-
ratione isti effugere pos-
sint non video. Eam esse
veram Ecclesiam Dei, ex cuius ore
voluit Deus gentes Euangelium au-

Psal. 47.

dire & credere, fidemq; Christianam accipere. *Deus in domibus eius, inquit scriptura, cognoscetur; cum suscipiet eā. Quoniā ecce Reges terra congregati sunt, cōuenerūt in unū: ipsi vidētes sic admirati sunt: cōturbati sunt, cōmoti sūt: tremor apprehēdit eos. Ibi dolores ut parturiētis, in spiritu vehemēti cōteres naues Tharsis. Sicut audiuiimus, sic vidimus in ciuitate Domini virtutum, in ciuitate Dei nostri, Deus fundauit eā in eternū. Neq; n. diuina & celestis prouidētia noualia sua recens confita, in primis fidei ini. tijs noxijs spinis, atque sentibus, & tribulis inquinari, ac infici pateretur. Atqui ex Cathedra Petri voluisse Deum omnes fere gentes fidem & Euangelium suum discere & credere: docet in primis D. Petrus: Viri fratres, vos scitis, quoniam ab antiquis diebus DEVS in nobis elegit per os meum audire gentes verbum Euangelij & credere. Et qui prouit corda Deus, testimonium perhibuit, dans illis Spiritum sanctum, sicut & nobis, & nihil discreuit inter nos, & illos, fide purificans corda eorum. Docet hoc idem vsque ad diem hanc res ipsa.*

Actor. 15.

ipsa. Vt enim Europæos hos nostros
populos mittam, qui ab antiquis di-
ebus omnes ferè fidem Christianam
à sede Petri acceperunt, ac edocti
sunt, Italos, inquam, Hispanos, Gal-
los, Dalmatas, Pannonos, Sauroma-
tas, Scythas plerosque, vel eas ipsas
Ecclesias, quas isti nunc labe sua infe-
cerunt, quis fidem Christianam pri-
mus docuit? quis primus in eas intu-
lit? an non in Britanniam quidem E-
leuterius per Fugazium & Damianū,
in Scotiam Celestius per Paladium,
in Tholossatibus per Exuperium, in
Daniam Agapetus, in Boemiam Ste-
phanus, in Noruegiam Adrianus, in
Bulgariam Nicolaus I. in Germani-
am Gregorius II. Pannoniam qui-
dem vniuersam, Morauiam item, at-
que Poloniam, an non D. Albertus,
aliasque septentrionis regiones, Epi-
scopi alij, qui in Romanæ Ecclesiæ v-
nitate vixerunt, Christo adiunxêre?
Testantur historiæ veteres: testantur
annales earum gentium: quo tem-
pore, quo anno, quo summo Ponti-
fice, per quos, & à quibus aliqua pro-
uin.

uincia religionem Christianam suscepit. Nostro tempore noui orbis gentes in omnibus ferè partibus mundi, & in oriente quidem Malacca, Goa, Comorino, in Occidente verò America, in Septentrione Iaponia, in Meridie Brasilia, Maronitæ, Actiopes nonnulli, cæteræque ferè innumerabiles insulares nationes, vnde quæso fidem & religionem in ore oculisque nostris in dies accipiunt? vnde prædicationem verbi, vnde sacras cærimonias, ritusque vniuersos accersuerunt, nisi ab hac eadem Romana sede? Hæc clarissima sunt, hæc notissima, hæc negari aut impugnari non possunt. De hæreticis autem illud perpulchrè Tertullianus: *De verbi autem administratione quid dicam, cum hoc sit negotium illis, non Ethnicos conuertendi, sed nostros evertendi? hanc magis gloriam captant, si stantibus ruinam, non si iacentibus elevationem operentur: quoniam & ipsum opus ecrum, non de suo proprio edificio venit, sed de veritatis destructione nostra suffodiunt, ut sua edificent.* Ad-

me

me illis legem Moysi, & Prophetas, & creatorem Deum, accusationem, & loqui non habent. Ita fit ut ruinas facilius operentur stantium edificiorum, quàm exstructiones iacentium ruinarum. Adhæc solummodo opera humiles, & blandi, & summissi agunt. Itaque cùm quidam ex istis nostro tempore Galli, ad eas gentes conuertendarum earum causa sese contulissent, ibiq; hæreticum virus ferentes peruenissent; statim ab illis hominibus deprehensi, ac ad vnum trucidati sunt. Neque enim Deus passus est, simplicitatem ac teneritatē nouæ plantationis suæ, istorum venenosis doctrinis infici ac inquinari: quo loco, non signis & argumentis, sed sensu ipso ut videmus res demonstratur.

*Hæreticorū
in cōuertēdis
gentibus ir-
riti conatus.*

*DECIMVMNONVM INSIG-
ne: omnium Ecclesiarum præsentis
& præteriti temporis ve-
rissimum testimo-
nium.*

CAPVT XIX.

Decimo-



Ecimono nono illam veram
 sponsam Christi esse dici-
 mus, cui cæteræ omnes
 pudoris, & honestatis,
 præminentix item, & di-
 gnitatis, honorificentissimum & ve-
 rissimum testimonium reddunt, at-
 que reddiderunt semper. *Vna est co-
 lumba mea, perfecta mea: una est matris
 sue, inquit scriptura, electa genitricis
 sue. Viderunt eam filia, & beatissimam
 predicauerunt: regina, & concubina, &
 laudauerunt eam. Vt igitur eas Eccle-
 sias, quarum reges atque principes
 publicè spectante orbe terrarum, ex
 eo tempore, ex quo fidem recepe-
 runt Christianam, ad sedis Apostoli-
 cæ pedes obedientiam atque subie-
 ctionem suam, iuxta Prophetarum
 prædictiones, deferunt ac detulerunt
 semper, prætermittamus. Et venient
 ad te, inquit Isaias, cur vi filij eorum, qui
 humiliauerunt te, & adorabunt vestigia
 pedum tuorum omnes, qui detrahebant ti-
 bi, & vocabunt te ciuitatem domini, Sion
 sancti Israel. Et, erunt Reges nutricij tui,
 & Regina nutrices tue, vultu in terra de-
 misso*

Cant. 2.

Isaie 60.

Isaie 49.

*misso laudabunt te, & puluerem pedum
tuorum lingent. Et scies quia ego Domi-
nus, super quo non confundentur, qui ex-
pectant eum. Ecce dabo, inquit Ioannes,
de Synagoga Sathanae, qui dicunt se Iu-
daeos esse & non sunt, sed mentiuntur. Ec-
ce faciam illos ut veniant, & adorent an-
te pedes tuos; & scient quia ego dilexite,
quoniam seruasti verbum patientiae meae;
& ego seruabo te ab hora tentationis quae
ventura est in orbem vniuersum, tentare
habitantes in terra. Ad Austrum nos
referamus, quantique Australes Ec-
clesiae fecerunt semper Romanam
Ecclesiam paucis videamus. Vbi in-
primis inter praecipuas Aphricae Ec-
clesias occurrit celebris illa Cartha-
ginensis, quae Numidicis, & Maurita-
nicis inuigilabat; & qui huic tanta
cum laude praefuit fortissimus mar-
tyr Cyprianus: Hic profitetur Cathe-
dram Petri, super quem à domino æ-
dificata fuit Ecclesia, principalem es-
se, vnde vnitas sacerdotalis exorta
est; cuius fides Apostolo praedicante
laudata est, & ad quam perfidia non
possit habere accessum. Et alibi: Deus*

*Apoc. 3.**Rom. 1.**vnus*

unus est, inquit, & Christus unus, & una Ecclesia, & Cathedra una super petram domini voce fundata. Aliud altare constitui, aut sacerdotium nouum fieri, prater unum altare, & unum sacerdotium non potest, quisque alibi collegerit, spargit. Idem ex Concilio plurimorum sacerdotum, Martiano Arelatensi, & legatis, quos in Aphricam vsque miserat, optantibus ad communionem eius admitti, communionis beneficium denegat: eò quòd Cornelio Papa, in Catholica Ecclesia, de Dei iudicio & cleri ac plebis suffragio ordinato, profanum altare erigere, & adulteram Cathedram collocare, & contra verum sacerdotem sacrilega sacrificia offerre tentauisset. Idem rursus singulos ex Aphrica Romanam nauigantes, ne cum scandalo villo nauigarent, hortabatur, vt Ecclesiæ Catholicæ matricem & radicem agnoscerent & tenerent, curabatq; vniuersos collegas suos, hoc est, Numidiæ & vtriusque Mauritaniae Episcopos, Cornelij Papæ communicationem, id est, Catholicæ Eccle-

cle.

clesiae unitatem pariter & charitatem
 probare firmiter ac retinere. Ne verò
 Cyprianum duntaxat nomine priua-
 to ita docuisse quisquam putet, ex v-
 niuersa Lybia, Numidia, & Maurita-
 nijs in synodum Carthagenen. coeun-
 tium Episcoporum nomine & sen-
 tentia, ille ad Stephanum Papam ma-
 ximè scribendum, & cum eius graui-
 tate & sapientia conferendum censu-
 it, quod hoc & ad Sacerdotalem au-
 thoritatem pertineret, & ad Ecclesiae
 Catholicae unitatem. Diuo Cypria-
 no, Tertullianus magister eius (sic e-
 nim eundem appellasse, dum eius ex-
 emplaria nocturna versaret manu &
 diurna, testis est Hieronymus) suffra-
 gatur. *Si Italiae adiaceres, inquit, habes Ro-*
manam Ecclesiam, unde nobis authoritas
præsto est statuta. Felix Ecclesia, cui totam
doctrinam Apostoli cum sanguine suo
profuderunt: ubi Petrus passioni Domini-
cae adequatur: ubi Paulus Ioannis exitu
coronatur: ubi Apostolus Ioannes post-
quam in oleum igneum demersus, nihil
passus est, in insulam relegatur. Cartha-
gine, Hypponem, ubi Episcopum e-
 git

*Epist. 162.**Epist. 157.**Epist. 162.*

git Augustinus, proficiscamur, qui maximam suam erga beati Petri sedem, id est, Romanam Ecclesiam, reuerentiam & obedientiam nos docebit. Libros quatuor, quos contra duas epistolas Pelagianorum ediderat, ad Bonifacij Papæ sanctitatem potissimum dirigit examinandos, & emendandos, Apostolicæ sedis correctioni se, suæque committens: Melchiam Papam Christianæ pacis filium, & patrem Christianæ plebis vocat: Innocentium obnixè rogat, Apostolicæ sedis auctoritatem Concilij Carthaginen. & mediocritatis suæ decretis, cōtra Pelagium & Celestium adhibere. Venerabilis Papæ Zozimi iussu coactum, & Ecclesiastica necessitate ad Cæsaream in Mauritania se euocatū scribit. Cœcilianum Carthaginēsem contemnere potuisse conspirantem, multitudinem, inimicorum Donatistarum, cū se Romanæ Ecclesiæ, in qua semper viguit Apostolicæ Cathedræ principatus, per cōmunicatorias literas se videret esse cōiunctum, ait. Stephanum Papam contra Anabaptismum

tissimum ætate Cypriani in Aphrica v. *Lib. 5. de baptis. cap. 23.*
 surpatum, scripsisse & præcepisse confirmat. Sanctum Innocentiū Papā de
 synodi Palestinæ gestis indicasse, quibus se Pelagius absolutum falsò gloriabatur, refert & probat. Apostolatus Petri principatum, cuilibet Episcopatui præferendum iudicat. Solius Ecclesiæ Romanæ successiões à B. Petro ad suam ætatem vsq; , vt ingentis virtutis molem schismati Donatistarū opponit. Totius Numidiæ ad Mileuitanum Concilium coacti Episcopi, Innocentium summum Pontificem demisse precantur, vt magnis periculis membrorū Christi pastorem diligentiam adhibere dignetur, & hæreticos Celestium in Asia: Pelagiū verò Hierosolymis constitutos, auctoritate sanctitatis suæ, de sanctarum scripturarū auctoritate deprompta, cohibeat: alijq; instantè & celeriter prouideat, authore eodem Augustino. Huius & paulo superiùs nominati cōcilij Carthaginensis relationes ad Apostolicæ sedis antistitem missas, simulque ab eodem responsiones ad Aphros directas,

Lib. de peccato Originali. cap. 8.

Lib. 2. de Baptismo, cap. 1. Epist. 165.

Epist. 92.

Etas, agnoscit probatq; idem Augusti-
 nus epist. 106. & li. 1. contra Iulianum
 Pelag. & lib. 2. contra Pelagium & Ce-
 lestium, cap. 7. Aphricanas Ecclesias
 sequitur Aegyptus, eiusque Ecclesiae,
 in quibus princeps Alexandrina, in
 qua Origenes ille admirandus eius Ca-
 techista, Petro summam rerum de pa-
 scendis ouibus traditam, & super ip-
 sum velut super terram, fundatam es-
 se Ecclesiam docuerat, ipsumq; me-
 ruisse Ecclesiae fieri fundamentum. Et
 ad Zepherinum Romanum praesule
 scribit, ideo se Romam iter suscepisse,
 quod sibi admodum in optatis esset,
 Ecclesiam Romanam plane antiquis-
 simam videre. Magnus Athanasius, &
 una cum eo totius Aegypti Episcopi,
 Marcum, sanctae Romanae Apostolicae
 Sedis, atq; vniuersalis Ecclesiae Papam
 nominant: sanctamq; eius sedem, ma-
 trem & caput omnium Ecclesiarum
 agnoscunt: cui cum omnibus sibi com-
 missis, perpetuo se futuros obedien-
 tes pollicentur. Alibi Athanasius idem
 Ursatij, & Valentis Arrianorum anti-
 situm sycophantijs grauiter succenset,
 quod

quòd ne Liberio quidem Romano Episcopo pepercerint, nulla reuerentia ducti, cuius sedes Apostolica erat, in qua nullius, nisi Dei metus resideret.

Ab austro in orientem progressus adest Basilius Cappadocię & Phrygię Archiepiscopus, qui optat petitque à Romano Pontifice, res orientis cōsiderare, iudicij sui decretum interponere, & sua autoritate vsum, orientem visitare, diligenti illius examini semetipsum sistere paratus. In tres diuersas sententias de Spiritus sancti diuinitate distractę Ecclesię Oriētales, acceptis Episcopi Romani literis, quibus vnà cum Episcopis occidētis Trinitatem & consubstantialem esse, & gloria æqualem, suadebat, in vnitatē redierūt: singuli rebus ab Ecclesia Romana semel indicatis acquiescentes. Authore Sozomeno lib. 2. ca. 22. hist. Paulum Constantinopoleos, Aschlepam Gazę, Luciū Adrianopolis, Marcellum Ancyre Galatię minoris Episcopos, ab improbis & hēreticis sedib. eiectos restituit Iulius Episcopus Romanus,

manus, literis ad orientales liberiùs scriptis, eos à quibus temerè abdicati fuerant grauitè arguens, quoniã Ecclesia Romana (ait Socrates) priuilegium præter cæteras obtinet: atq; (adiicit Sozomenus) propter sedis dignitatem, cura omnium ad ipsum Iuliũ spectabat. Illi licet decreta sua infringi grauitè ferrent, literis tamen suis ad eundem Iulium Ecclesiã Romanã primas apud omnes ferè, vtpotè quæ Apostolorum schola, & pietatis metropolis iam ab initio fuisset, agnouerunt. Chrysostomus, Theophili, Epiphani, & multorum orientis Episcoporum factionibus sede pulsus & relegatus. Epistola ad Innocentium Papam ipsum obsecrat, vt authoritate sua, acta illorum robur nullum habere decernat; sed eos q iniquè egerunt, poenarum Ecclesiasticarum legib. subiiciat. Innocentius aut Atticum Chrysostomi loco suffectum supersedere iubet: & Proclum Cizici Episcopum, Constantinopolitanam Ecclesiã tantisper pascere; donec causa perpendetur. Idemq; Arcadium orientis Impera-

peratorem, Eudoxiamq; Imperatricē quos relegationis tanti Doctoris reos comperit, à communiōe Ecclesiæ, & sacrorum submouit: ac poenitētes postmodum absoluit. Interea Anysius Thessalonicensis se Romanæ Ecclesiæ iudicium sequi fatebatur: Antiochenæ sedis presbyteri, eiusdē disciplinam se agnoscere scribebant, Syriac^{us} Apamænsis Bithinię, Palladius Helenæpoleos, Demetrius Pisinuntis, totius Cariæ Episcopi, & Mesopotamię monasteria, nefariā Chrysostomi depositionem & relegationē execrātes, Romanæ sedis iudicio adhærebant.

In oriente adest Antiochena Ecclesia, quā totius orientis metropolim fuisse, docent ex Latinis Hieronym^{us}, ex Græcis Theodoretus libro 9. cap. 2. Et ex Hebræis Hegesippus, libro 3. capite 5. Socrates item, Theodoretus, Sozomenus vno consensu memoriæ prodiderunt, Flavianum eiusdem sedis Antistitem, per legationem precibus Chrysostomi & Theophili, Ecclesiæ Romanæ Episcopo, à quo ob violatum iusiurandum communione

priuatus fuerat, reconciliatum fuisse, & communioni restitutum. Eadem Paulinum Patriarcham lubens amplexa est, quòd per Pontificis Romani legatum Luciferum nomine, sibi traditus & ordinatus esset: qui postea & ipse vnà cum Epiphanio & Hieronymo, de rebus Ecclesiasticis consulturus, ad Romanum Pontificem profectus est. Adest Ecclesia Chalcedonensis, in qua à sexcentis Episcopis illud pro Romana sede decernitur Leo vniuersalis Archiepiscopus, vniuersalis Ecclesiæ Papa, vniuersalis Ecclesiæ Episcopus, omnium consensu appellatur, actione 3. Postea omnem primum & honorem præcipuum secundum Canones, antiquæ Romæ Archiepiscopo conseruari voluit. Adest Nicæna. Hæc communi omnium Episcoporum nomine, Epistolam ad Syluestrum scribit, ac precatur, vt quicquid in tanto cœtu & cōsensu visum esset, oris illius consortio cōfirmaretur. Adest ad orientē demum Constantinopolitana perpetua quasi huius sedis æmula: in hac tamen à duabus cœ-

cume

Actione 16.

cumenicis synodis hæc definiūtur. In prima quidem illud: Constantinopolitanæ ciuitatis Episcopum habere oportet primatus honorem post Romanum Episcopum, propterea quòd sit Noua Roma. In octaua verò illud: Omnes quidem honorandos Patriarchas esse, præcipuè tamen Sanctiss. Papam senioris Romæ; nec oportere etiam sententiam dicere in vniuersali synodo, contra summos seniores Romæ Pontifices. In eadem pulcherrimum illud Pij Imperatoris Basilij exauditur, de Sedis Apostolicę auctoritate testimonium. *Neg. enim, ut sacratissimus Patriarcha ad proprium regrederetur thronum, imperij mei opus, vel excogitatio facta est; sed multum ante Sanctissimus & beatissimus Papa Nicolaus, quę circa illum erant certissimè discens, synodicè decreuit; reddi ei ius proprij throni, & anathema, cum tota sancta Romanorū Ecclesia pronunciauit, cōtra resistentes huiusmodi consilio ac sententia. Hoc autem nos olim scientes, & pauentes anathematis iudicium, promulgari, obsecundare synodico iudicio, Romanę Ecclesię necessarium*

Plura de hoc ipso argumento scripserunt viri huius seculi. doct. s. mi Fenarolius in cap. 3. li. 3. Cōtra hereses Irenęi. Albertus Pighius lib. 4. ca. 8. & Alphons. script. in dict. papa. 11. & Stapletonius in controuersijs cā. 17. lib. 6. Idē Pighius controuersiarum Ratiſponensium cōtrouersia 16 Melchior Canus li. 6. Lacerum cōmunū cap. 7. A Enas Syl-

uius li. gesto-
rum, concilij
Basilien. Cy-
prian. in expo-
sit. Symbol.
heresim nul-
lam Romæ o-
bortam ver-
bis significati-
bus affirmat.
Beatus Rhe-
nanus in lib.
Tertulliani
de præscripti-
onibus here-
ticorum.

*duximus: & huius rei gratia, reddidimus
ei proprium thronum.* Et tale quidem o-
mnium Ecclesiarum fuit de Romana
Ecclesia iudicium.

VIGESIMVM ET VLTIMVM

*Insigne: Apostasie, hoc autem est ab ea de-
fectionis præsentissima, tam publicè
quàm priuatim Dei vindicta.*

CAPVT XX.



Dilectum igitur illude-
rit regni Iesu Christi insig-
ne, quòd magnificè expli-
cat Isaïas: *Gens, inquit, &
regnum quod non seruiert ti-
bi, peribit, & gentes solitudo vastabit.*

Hoc autem est, quod regnum, quæ
gens ab hoc ipso omnium seculorū
regno defecerit atque apostatauerit,
illi quæ rebelle factum fuerit, illud ne-
cesse sit, aut in manus infidelium gen-
tium tradi, aut inter se mutuis dissidi-
js ac bellis ciuilibus confici, aut fœdo
& impotenti muliebri imperio subij-
ci, aut omni cultu, elegancia, splendo-
re amisso; ad extremum in improbū

Iuda-

Iudaismum vel Gentilissimum suprema cœcitate & dementia percussum deferri. Quòd quàm verum sit, res ipsa docet : circumspiciamus obsecro circūquaq;, oēsque partes orbis Christiani diligenter consideremus. Quid passa sit vniuersa Asia, quid Aegypt⁹, quid tota Græcia, videmus.

Ferunt, vbi postrema legatione à *Græcia.* Sede Apostolica legatus Constantinopolim pacis & concordiae causa venisset, adeò se insolenter homines illos gessisse, vt ne literas quidem Summi Pontificis aspicere vellent. Legatum demum pontificis tanta iniuria permotum, in princeps templum D. Sophiæ venisse, ibiq; in summo altari legationis suæ literis depositis, Deum obtestatum esse, nihil principem suum prætermisisse, quòd ad pacē & cōcordiam aliquo modo pertineret: excusso deinde pedum puluere de templo exiuisse: eodemq; tempore summum laquear templi illius ruptum atq; discissum fuisse, noctuq; columnam igneā ex ea vrbe egredi, ac sursū deferri visā: ac modico post interie-

Et o tem

tempore Mahometem Turcarū Imperatorem cum omni vi sua aduenisse, urbemque illam Sedem quondam Imperij vltima expugnatione vnā cū Patriarcha Imperatoreq; cepisse. Ita nunc Constantinopolitanus Patriarcha, vbi veteri more à prouinciæ Episcopis in Patriarcham electus est, ad ianuam Imperatoris præsens sistitur: nec prius in conspectum eius admittitur, quàm ab Imperatore quis fortè exierit, qui illius aduentum denunciet, licentiamque adeundi accipiat: eo admissus, ad pedes prouolutus, vestem eius exosculatur: dataq; fide, acceptis legibus, & conditionibus, iuste & legitimè Ecclesiam administrandi dimittitur. Grauis & miseranda sors & conditio: sed quæ insolentiam ac legitimæ potestatis contemptum semper quasi cōsequi solet. Quid nuper passa sit Vngaria, & quid adhuc patiatur, videmus. Quibus motibus, quibus bellis ciuilibus concussa iacet Gallia: quantum sanguinis in ea effusum: quot homines cæsi: inter multa hominum millia vix hominem senē

in-

inuenias, tamen profectum est nihil, nec proficietur vnquam. Quid Germania? Num quid præclare ab eo tempore, ex quo ab Ecclesia Catholica defecit, gessit? num aliquos successus secundos per hos annos habuit? num aliquid optatum vidit? Quid Flandria? quæ, & qualia nunc patitur mala? an non ipsi met suis manibus quasi succenditur? misero ministerio, ac turpi obsequio, quod de Iudæis dixit Hegesippus, se suis tradit direptoribus, cuius potius, quàm Catholico Regi obtemperare parati. Quid Anglia? quid reliquæ orbis Christiani partes passæ sunt? Quam ob causam? Illam certè quam explicat Dominus: *Veruntamen seruiant Sesi regi Aegyptiorum, ut sciât distantiam seruitutis meæ, & seruitutis regni terrarum.* 2. Par. 12.

Sed ne nostra quidem hæc Polonia priuilegium impietatis à Deo accepit: vereor quæ, ne quantò seriùs in eam animaduertitur, tantò acerbius plectatur: ne uel istis successibus secundis idèò altiùs efferatur, ut postea magis deprimatur. Eleuans allisiti me, *Psal. 101.*
inquit

inquit Psaltes: & ne item suæ impietatis, ac iliorum insidiosorum & fraudulentorum nominum, ac in exitiū regni Christi comparatorum, cōfederationum, inquam, cōpositionum, dignas aliquando rependat poenas: quod tamen omen Deus benignus & misericors procul ab illa auertat. Mitto nūc altera ex parte felicitatem, pacem, & omnem Dei benedictionem illarum prouinciarum, quæ Catholicae Ecclesiae matri suæ plenè adhæserunt, Italiae, inquam, Hispaniarū, Bavariae, & reliquarum; de quibus illud præclarè cecinit Spiritus sanctus: *Adducentur regi virgines post eam, proxima eius afferentur tibi: afferentur in letitia & exultatione, adducentur in templum regis.* Mitto felicissimos successus, gloriam, victorias illorum regum, atq; Imperatorum, qui huius cultores, ac eius propagatores, & vt Isaia vnico verbo vtar, nutritij fuerunt, Constantini, Honorij, vtriusque Theodosij, Iustiniani, Heraclij, Caroli: hæc inquam mitte, ne aliquid humanum astruere videar. Domini est .n. regnū, & cui

Psal. 44.

Isaie. 49.

Psal. 21.

& cui voluerit dabit illud,
 nu eius cuncti fines terræ,
 rias confugientibus ad se
 nibus illis, qui vt post Plat
 potiùs ex Platone scripsit
 patriam conseruauerunt,
 auxerint, certus est in coelo
 tus locus paratus, vbi bea
 piterno fruuntur : nihil
 principi Deo, qui omnem
 dum regit, quod quidem in
 acceptiùs, quàm concilia, coeruq;
 minum iure sociati, quæ ciuitates ap
 pellantur: quorum rectores, & cōser
 uatores coelitùs profecti illuc reuer
 tantur: quantò magis, qui vnicam e
 ius sponsam, vnicam hæreditatem e
 ius amauerit, ornauerit, tutatus fue
 rit, amabitur, ornabitur, omniq; ge
 nere bonorū affatim cumulabitur &
 ipse, scit enim Deus magnificè mutu
 um facere, ac diligentes se suaq; inui
 cem diligere. Verum hæc hæctenus.

PER O-

ORATIO

DE PERIS.

Hic quidem est filię regis
ornatus, hæc magnifica in-
signia, hæc illa varietas, de
qua David: *Astitit regina
dextris tuis in vestitu de au-
ta varietate.* Hic est chara-

ter Ecclesiæ à lege & Prophetis,
Apostolisque ac Euangelistis colle-
ctus, velut ex multis odoriferis virgul-
tis, ac medicamentis antidotus bona,
vt inquit Epiphanius, ad salutem vtē-
tium præparata ex voluntate Patris,
& Filij, & Spiritus sancti. Neque tamē
putādum est, hæc oīa eius insignia, at-
que ornamenta esse, multò enim sūt
plura, multò vberiora, quę vel nostrū
tenuem sensum effugerunt, vel ipsi ea
dum breuitati consulimus prætermi-
simus; qualia sunt illa: humilitas non
ficta, constans disciplina, vitæ & cru-
cis Christi imitatio, carnis mortifica-
tio, mundi & diuitiarum contemp-
tus, perfecta sui ipsius abnegatio, ad
maio-

maiores obedientia: vera item in perferendis martyrijs, non pertinax, non maledica, non furiosa sed lata, amocna, & pro persecutoribus Deum exorans patientia: perseverantia imperfracta: rerum secundarum & aduersarum contemptus, atque tolerantia: inuictum animi robur: & alia eius generis planè infinita, quæ nemo rectè enarrare, nemo sufficienter explicare possit, nos pauca hæc ex multis clario-
ra & insigniora, Dei ope & presidio in medium, pro hac affecta valetudine nostra protulimus. De obediētia quidem illa scribit magnificè Cyprianus:

An esse sibi cum Christo videtur, qui aduersus sacerdotes Christi facit? qui se à clero eius & plebis societate secernit? Armis ille contra Ecclesiam portat: contra Dei dispositionem repugnat: hostis altaris aduersus sacrificium Christi rebellis, pro fide perfidus, pro religione sacrilegus, inobsequens seruus, filius impius, frater inimicus, contemptis Episcopis & Dei sacerdotib. derelictis, constituere audet aliud altare, precem alterā illicitis vocibus facere, dominicæ hostiæ veritatē per falsa sacrificia profanare, nec

*Cyprianus de
vnitate Eccle
siæ.*

AA

dig-

dignatur scire, quoniam qui contra ordinationem Dei nititur, ob temeritatis audaciam diuina animaduersione punitur. Sic Chore & Dathan & Abyron, qui sibi contra Moysen & Aaron sacerdotem sacrificiū dilicentiam vindicare conati sunt, pœnas statim pro suis conatibus pependerunt. Terra compagibus ruptis in profundum sinum patuit, stantes atq; viuentes recedentis soli hiatus absorbuit. Nec tantum eos qui auctores fuerant, Dei indignantis ira percussit, sed & ceteros ducentos quinquaginta participes eiusdem furoris & comites, qui coagulati cum iisdem simul ad audaciam fuerant, exiens à Domino ignis properata ultione consumpsit, admonens scilicet & ostendens contra DEVM fieri, quidquid improbi fuerint ad destruendam ordinationem Dei humana voluntate conati. Sic & Ozias rex cum thuribulum ferens, & contra legem Dei sacrificium sibi violenter assumens, resistente sibi Azaria sacerdote, obtemperare nollet & credere, diuina indignatione confusus, & lepræ varietate in fronte maculatus est: ea parte corporis notatus offenso Domino, ubi signatur qui dominum promerentur: peius hoc crimen

*crimen est, quàm quod admisisse lapsi videntur; qui tamen in pœnitentia criminis constituti, Deum plenè satisfacti-
onibus deprecantur. Hic Ecclesia queritur
& rogatur; illic Ecclesiæ repugnatur. Hic
potest necessitas fuisse; illic voluntas tene-
tur in scelere. Hic qui lapsus est, sibi tantum
nocuit; illic qui hæresim vel schisma facere
conatus est, multos secum trahendo decepit.
Hic animæ unius est damnum: illic pericu-
lum plurimorum. Certè peccasse se hic
& intelligit, & lamentatur, & plangit: ille
tumens in peccato suo, & in ipsis sibi deli-
ctis placens, à matre filios segregat, oves
à pastore sollicitat, Dei sacramenta distur-
bat. Et cum lapsus semel peccauerit, ille quo-
tidie peccat. Postremò lapsus martyrium
postmodum consecutus potest regni promif-
sa percipere: ille si extra Ecclesiam fuerit
occisus, ad Ecclesiæ non potest præmia per-
uenire. verùm hac in præsentì sufficiant:
Erectum est igitur vexillum veritatis
dispersis, portus naufragantibus demō-
strat⁹, vrbs fortitudinis Sion, castraq;
Dei viuentis, hostem fugientibus, o-
uile errantibus ouibus, stella maris
propitia per mare disiectis. Proinde ci-*

Lib. 3. Tomo 2. *uitatem videntes (inquit Epiphanius) ad ipsam festinemus sanctam Hierusalem, et virginem Christi ac sponsam, securumq; fundamentum ac petram, & reuerendam matrem nostram, tempestiuissimè & ipsi dicentes: Venite ascendamus in montem Domini, & in domum Dei Iacob, & annuntiabit nobis viam suam. Hic est portus ille pacis serenus ac tranquillus, laticia spirans, cyprum vineæ, & botrum ferens nobis benedictionis, & poculum dolorem nobis exsoluens, quotidie largiens sanguinem Christi, meracum veritatis. Hæc ille. Extra hanc vnicam salutis arcam diluuium est, aquæ sunt, naufragia sunt: extra hanc membrum Christi esse nemo potest, os de ossibus, membrum de membris eius. Qui in hac non est, ille extra connubium Christi adulteratur: hic ab eius consortio ac coniugio exclusus, errat. Et proinde neque ad conjugalem dilectionem, de qua Paulus scribit. Christus dilexit Ecclesiam, & seipsum tradidit pro ea, ut illam sanctificaret, pertinet quicquam. Neque ad illam mutuam in corruptam fidem, de qua Propheta: Sponsabo te*
mi-

Paulo superius.

Ephes. 5.

Osee 2.

mihi infide. Neque ad eam sanctificationem, de qua idem Paulus: *ut eā sanctificaret, mundās lauacro aque in verbo vite.* Neque ad curam & custodiam: *ut sit sancta & immaculata,* non habēs maculam aut rugam, aut quid huiusmodi. Neque ad illam omnium diuinarum & humanarum rerum communionem, ut sit caro de carne eius, & os de ossibus eius. Neque vltimum ad dotem pretiosam illam, ut sit hæres quidem Dei, & cohæres Christi, ius aliquod habet. Quo damno nulum maius, nullum nocentiùs, aut esse, aut cogitari potest. *Auelle,* inquit Cyprianus, *radium à solis corpore, diuisionem lucis unitas non capit: frange ramum ab arbore, fractus germinare non poterit, à fonte præcideriuum, præcisus arefcit.* Extra hanc Apostolus nemo, Martyr nemo, nemo Confessor, non virgo, non denique Christianus esse potest. Christi confessor, inquit Cyprianus, nec dici, nec esse iam potest, qui Ecclesiam Christi negauit. Nam cum Paulus Apostolus dicat: Propter hoc re-

Rom. 8.

De unitate
Ecclesiæ.

Ephes. 4.

erunt duo in carne vna: Sacramētum
istud magnum est, ego autem dico in
Christum & in Ecclesiam. Cū hoc
(dicit Cyprianus) beatus Apostolus
dicat: & Christi pariter atque Ecclesie
vnitatem indiuiduis nexibus cohære-
tem, sancta sua voce testetur, quomo-
do potest esse cum Christo, qui cum
sponsa Christi atque in eius Ecclesia
non est? aut quomodo assumit sibi re-
gendæ aut gubernandæ Ecclesiæ cu-
ram, qui spoliauit & fraudauit Eccle-
siam Christi? Hanc quoniam infideles
non agnoscunt, iam iudicati sunt: in
hac quoniam Iudæi non sunt, cœci
& perditī sunt: hanc quia hæretici op-
pugnant, ideò in tot sectas dissectas i-
psi inter se diuisi sunt: seipsos non in-
telligunt: palpant tanquam cœci in
meridie: ideo quotidie ex errore in
errorem transferuntur, ideò ex arena
funiculos nectunt, qui nunquam co-
herere possunt: ideo omnia humana
& diuina frustrà perturbant: ideò san-
guine & cædibus complent omnia.
Quam nisi cognoscunt, in cuius si-
num nisi se conferunt, non si homi-
num

minum & Angelorum linguis loquā
tur, nō si habuerint prophetiam om-
nem, & nouerint myſteria omnia, &
omnem ſcientiam, non ſi vniuerſam
veterem & nouam legem exhauſerūt,
ac deuorauerint, proficient quicquā.
Habuerunt hæc veteres hæretici ferè
omnia, nihil tamen profecerunt, ni-
hil promouerunt; caruerūt enim du-
ce & magiſtra omnis veritatis, carue-
runt norma & regula fidei, caruerūt
omnis doctrinæ domina & diſpenſa-
trice. Cui qui non credit, ille ſimul ſa-
cræ ſcripturæ non credit, ille ipſi Chri-
ſto ſponſo eius fidem non habet: hic
enim Eccleſiam columnam & funda-
mentum veritatis eſſe docet: hic ſub
graui anathematis pœna eam audire
eiq; parere iubet, per quam ipſos An-
gelos myſteria fidei noſtrę cognoſce-
re, docet Paulus: Vt innotefcat, in- *Ephes. 3.*
quit, principibus & poteſtatibus, in
cœleſtibus, per Eccleſiā, multiformis
ſapientia Dei, ſecundum præſinitionē
ſeculorum, quam fecit in Chriſto Ie-
ſu Domino noſtro. In cuius theſauris
omnem doctrinam & veritatem cō-

Irenæus li 3.
cap. 4.

tineri, Irenæus docet: *Tanta*, inquit, *ostensiones cum sint hæc*, non oportet adhuc querere apud alios veritatem, quam facile est ab Ecclesia sumere, cum Apostoli, quasi in depositarium diues, plenissime in ea contulerint omnia quæ sint veritatis, uti omnis quicumque velit,umat ex ea potum vitæ. Hæc est enim vitæ introitus, omnes autem reliqui, fures sunt & latrones: propter quod oportet deuitare quidem illos: quæ autem sunt Ecclesiæ, cum magna diligentia diligere, & apprehendere veritatis traditionem. Idem sentit Tertullianus: *Querite & inuenietis*, sine disciplina rationis interpretentur. Ratio autem dicti huius in tribus articulis constitit, in re, in tempore, in modo. In re, ut quid sit querendum, consideres. In tempore, ut quando. In modo, ut quousque. Vbi statio credendi? ubi expunctio inueniendi? Apud Martionem? sed & Valentinus proponit: *Querite & inuenietis*. Apud Valentinum? sed & Apelles hac me pronunciatione pulsauit, & Hebion, & Simon, & omnes ex ordine non habent aliud, quo se mihi insinuantes me sibi adducant, & ero itaque nusquam, dum ubique conuenio.

Vbi

*Vbi tamen quæri oportet? Apud hæreticos? ubi omnia extranea & aduersaria nostra veritati, ad quos vetamur accedere. Quis seruus cibaria ab extraneo, ne dicā ab inimico domini sui sperat? Quis miles ab infæderatis, ne dicam ab hostibus regibus, donatiuum & stipendium captat? nisi planè defertor & transfuga, & rebellis? Etiam anus illa intra tectum suum dragmam requirebat: etiam pulsator ille vicini ianuam tundeat, etiam vidua illa non inimicum licet durum iudicem interpellabat. Nemo inde frui potest, unde destruitur. Nemo ab eo inluminatur, à quo contenebratur. Quæramus ergo in nostro, et à nostris, & de nostro. Quos homines, quæ poena, quis exitus, quæ supplicia sequantur, discant non ex me tantum, sed ex vetustissimo Irenæo. Et hæretici quidē, Irenæus li 4
inquit, alienum ignem afferentes ad altare Dei, id est, alienas doctrinas, à cælesti igne comburentur, quemadmodum Nadab & Abiu. Qui verò exsurgunt contra veritatem, & alteros adhortantur aduersus Ecclesiam Dei, remanent apud inferos, voragine terra absorbti, quæ admodū qui circa Chore, Dathan, & Abiron. Qui autem*

scindunt & separant unitatem Ecclesiæ,
 eandem quam Hieroboam pœnam percipi-
 unt à Deo. Eadem Tertullianus his cõ-
 minatur: Qui meminerit futuri iudicij,
 quo oēs nos necesse est apud Christi tribu-
 nal astare, reddetes rationē, in primis ipsi
 fidei. Quid ergo dicent qui illam supraue-
 rint aulterio heretico, virginem traditā
 à Christo: credo allegabunt, nihil unquam
 sibi ab illo vel ab Apostolis eius, de seuis
 & peruersis doctrinis futuris pronuncia-
 tum, & de cauendis, & de abominandis
 quid præceptum. Agnoscent suam potius
 culpam, quàm suorū, qui nos non antè præ-
 struxerunt. Cuius tantæ damnationis
 adfert causam D. Chrysostomus: Ni-
 hil ita Deum irritat, sicut Ecclesiæ diuisio:
 et si innumera bona operati fuerimus, non
 minores tamen pœnas dabimus, quàm qui
 corpus ipsius prosciderunt, si plenitudinem
 & integritatem Ecclesiasticam discerpse-
 rimus. Illud enim lucro quidem factum
 est totius orbis, tametsi non eo animo, si re-
 probos illos respexeris. Istud verò nihil vs-
 piam commodi habet, sed plurimum nocu-
 menti. Ista mihi non ad Ecclesiæ primo-
 res duntaxat dicuntur, sed & ad subditos.

Vir

Hom. 11. in
 Epist. ad E-
 phesios.

*Vir quidam sanctus quippiam dixit, quod
 audaciam sapere videtur, attamen di-
 xit: Quid autem est illud? Peccatum vide-
 licet istud, ne martyrii quidem sanguine
 deleri. Dicenim, quæso, quam ob causam
 martyrium subis? An non propter Chri-
 sti gloriam? Quo itaque pacto, qui ani-
 mam pro Christo expoms, Ecclesiam oppu-
 gnas, pro qua animam suā tradidit Chri-
 stus? Audi Paulum ipsum: Non sum, 1. Corin. 15.
 inquit, dignus, ut vocer Apostolus, quo-
 niam Ecclesiam Dei persecutus sum, ac va-
 stavi illam. Et interiectis quibusdam: Di-
 co & obtestor, Ecclesiam scindere non mi-
 nus esse peccatum, quam in hæresim in-
 cidere. Hanc qui nō audit, deterior est Eth-
 nico et publicano, ipso Christo teste. Hactē-
 nus ille. Quam quidem pulcherrimā
 mulierum compellat in hunc mo-
 dum Epiphanius: Veni de libano spon- Lib. 3. Tomo
 sa, quoniam tota pulchra es, & macula nō^{2.}
 est in te, paradysus magni opificis, ciuitas
 magni regis, sponsa immaculati Christi,
 virgo casta, soli uni viro in fide desponsa,
 illustris & promicans velut matutinus a-
 ër ac aurora, pulchra ut luna, electa ut sol,
 pauor qualis est ab ordinato exercitu, qua
 beata*

beata prædicaris à reginis, & laudibus celebraris à pellicibus, quæ à filiabus laudaris, ut in albata, & in delectum tuum inniteris, quæ unguenta spiras, quæ à deserto ascendis, velut virgula fumi, qui prodit à suffitu mirrhæ & thuris, & de omnibus pueribus unguentarij, qui dedit sibi ipsi boni odoris fragrantiam, quem conspiciat dixit, unguentum euacuatum est nomen tuum. Propterea iuencula dilexerunt te, quæ stas à dextris regis, induta fimbrijs, de auratis variegata, quæ nihil tenebrosum habes, aliquando quidem denigrata, nunc autem pulchra & in albata: quo in te constitui à negotijs hæreseon, quæ nos præcesserunt, odiosissimis quiescamus, & à tempestuosis earundem motibus quiescamus, & in te, sancta mater nostra Ecclesia, & in sancta tua doctrina, & sancta ac sola Dei fide in veritate refrigeremur. Hec ille.

Sed si tam clara, tam euidencia, tam illustria, huius ipsius nobilissimæ fœminæ signa & indicia sunt, si hæc ipsa ciuitas in tam alto monte posita est, si hæc luna, hæc stella, hæc aurora, hic sol, lux denique ipsa tam clara est, cur à tot

à tot millibus hominum videri non potest? cur in gloria positū iustum Ioseph inhumani fratres non agnoscūt? cur vbera illa quibus alti & educati sunt refugiūt? cur innocentem Susannam tot probitatis suę insignia referētem cum perditis senibus calumniantur? Cur matrem pulchrę dilectionis & magnę spei non amplectuntur? An quod & istorum oculi extrema præsumptione, inuidia, malevolentia, tendarum partium & factionum studio, vincendi cupiditate, & libidine, ambitione, nulli parere consueto animo, errandi praua cupiditate cœci sunt, & hæc lux, hæc luna, hic sol grauem nonnunquam ecclypsim, id est, obscurationem & defectionem patitur? Vnde quæso? pueri populi Christiani mores, nostra incredibilis ambitio, nostra inexplebilis habendi cupiditas, nostrę fœdę libidines, nostrę prostitute simonię & vsurę, aliq; innumera flagitia hanc ipsam ciuitatē Dei obscurant: huiusq; ipsius solis & lunę suis tenebris, opacissimaq; vmbra, lucem ex oculis nostris auferunt. Nā
cūm

Isaie 61.

cū hęc ipsa ciuitas, ita vti dictū est, sãcta, imaculata, sine ruga, sine macula esse dicatur, & de qua illud Prophe-
 tæ impleatur: *Et scient in gentibus nomē eorum, & germen eorum in medio populo-
 rum, omnes qui viderint eos, cognoscent illos, quia isti sunt semen, cui benedixit domi-
 nus.* Talem homines cū non vident velatam ac decoloratam pastorū qui-
 dem negligentia, prælatorum supini-
 tate, monachorum perdita ambitio-
 ne, regum & Principum conniuentia
 & cupiditate, populorum malitia; ag-
 noscere non possunt. Non obscurum
 est, quid accusent, quid in nobis desi-
 derent, quid tertio quoque verbo ap-
 pellent, mores, inquam, & vitam cor-
 ruptissimam nostram. Auferatur mo-
 dō velamen malitiæ à facie eius deco-
 ra, & exorietur tanquam luna aut sol
 in meridie: ne cōspuamus vultum e-
 ius, ita, vt cognosci possit: ne velemus
 faciem eius, ita vt non sit illi aspectus:
 ornemus eam, pugnemus pro ea, vel
 saltem nō prodamus eam Iudæorum
 quidem & Gentilium irrisioni, hære-
 ticorum prauitati, ac subuersioni cle-
 rico-

ricorum, & monachorum cupiditati & ambitioni; qui pro eo, quod nudi nudum Christum sequi debebant, lanis eius operti insolescunt, ditiores monachi quàm seculares possident opes, sub Christo paupere, quas sub locuplete & fallaci diabolo non habuerunt, vt suspicet eos Ecclesia diuites, quos mundus ante tenuit mendicos, inquit magnus Hieron. Quos quidem homines pulcherrima & verissima similitudine senibus illis, qui pudore innocentissimæ foeminæ Susannæ quondam, impiè, & insolenter ad suam libidinem abuti voluerunt, comparat vetustissimus Irenæus: cuius illa sunt verba: *Qui verò crediti sunt quidem à multis esse presbyteri, seruiunt autem suis voluptatibus, & non præponunt timorem Dei in cordibus suis, sed contumelijs agunt reliquos, & principalis confessionis tumore elati sunt, & in absconsis agunt mala, & dicunt: Nemo nos videt: redarguentur à verbo, qui non secundum gloriam iudicat, neq. faciem attēdit, sed in cor. Et audient eas, quæ sunt à Daniele Prophe-
ta voces: Semen Chanaan. & nō Iudæ, species*

*Irenæus li 4
cap. 44.*

Daniel. 13.

es seduxit te, & concupiscentia euertit cor
 tuum. Inueterate dierum malorum, nunc
 aduenerunt peccata tua quæ faciebas an-
 tea, iudicans iudicia iniusta: & innocen-
 tes quidem damnabas, dimittebas verò no-
 centes, dicente Domino: Innocentem & in-
 ustum non occides. Haftenus ille. Nulla
 verò periculosiora, nulla magis letha-
 lia vulnera existimemus, quàm ea,
 quæ nos ipsi intulerimus. Vt sanguis
 & vulnera matris nostræ de terra cla-
 met ad Deum contra nos. Nemo illi
 magis nocet, quàm malus ciuis, quàm
 improb⁹ in ea pastor. Viscerum mor-
 bus iste est, domesticus hostis, nemo
 exitiosior proditor quàm ciuitatis
 custos, aut perfidus castrorum dux:
 nam de reliquis eius præssuris illud
 Hilarij verissimum est. *Tum vincit*
cùm leditur, tùm intelligit, cùm arguitur,
tùm obtinet, cùm deseritur, dum persequi-
tur, floret, dum opprimitur, crescit, dum
contemnitur, proficit, tunc stat, cùm supe-
rari videtur, proficit afflictionibus, san-
guine martyrum irrigatur, tristitia erigi-
tur, angustia latatur, ieiunijs reficitur.
 Inde crescit, ynde eius numer⁹ deficit,
 scribit

Hilarius.

scribit Cassianus : Ita igitur in ea vi-
uamus omnes , vt illud de amore &
fide sua erga sponsum liberè profari
possit: Ille mihi benignus & miseri-
cors est, ego illi non ingrata: ille meæ
liberationi, ego illius honori: ille sa-
luti meæ, ego illius voluntati: ille mi-
hi & non aliæ, & ego illi & nō alteri:
ille meam semper audit orationem,
ego illius & non alterius vocem au-
dio. Verūm nos aliquando receptui
canamus. Nox adest, tempestas in-
gruit, pyrata vrget, Antichristus in fo-
ribus est, anchorę soluuntur, mare
tūmet, procellæ sequiunt: qui procul
igitur à littore sunt, ad nauem festi-
nent: qui in proximo, quamprimum
transstros cōscendant: qui iam in na-
ui sunt, in ordinem se componant.
Ad remos nautæ, ad clauum guber-
natores properent. Ac quemadmo-
dum quōdam Vlysses Syrenum sco-
pulos præteruecturus, ne cantu illa-
rum, vel detineretur, vel in somnum
resolut⁹ in mare prolaberetur, aures
quidem cera obstruxisse, seipsum au-
tem ad malū nauis alligasse dicitur;

fic & nos veterum doctrina, maiorumque institutis & exemplis, aures nostras ad hereticorum molles & infidiosas voces obstruamus: funibus autem obedientiæ ad malum navis huius, quæ D. Ambrosio teste crux est Christi, nos firmiter alligemus; ut sic aliquando tuti, Deoque dilecti, sine periculo & discrimine, ad portum æternæ salutis & incolumitatis, salvi & incolumes appellare valeamus, Amen.

Laus Christo Opt. & Max.

Attendite à falsis Prophetis, qui veniunt ad vos in vestimentis ovium, intrinsecus autem sunt lupi rapaces. Matthæi 7.

STA-

STANIS=

LAI SOCOLOVII,

SERENISSIMI STEPHANI

POLONIAE REGIS, THEOLO-

gi, pro cognoscendis & fugiendis

falsis prophetis & eorum

doctrina.

C O N C I O.



Vx & auctor salutis & in-
columitatis nostræ Chri-
stus IESVS, nullam rem
esse quæ populo Christia-
no magis noceat, maio-

reque studio ac diligentia fugienda
sit, quàm falsos Prophetas, quos Pau-
lus & reliqua scriptura, hæreticos ap-
pellare solet, maxima cautione &
monuit & docuit semper. Nusquam
scriptum legimus: Attendite à tyran-
nis, qui vos per varia tormenta, mul-
tiplicesque cruciatus à recta & firma
fide constantique proposito vestro
dimouere atque deterrere conabun-
tur. Nusquam dictum est: Attendite

*Falsi Prophe-
te hæretici.*

Bb 2 à lu.

à Iudæis, Gentilibusque, qui omnes conatus suos ad vos opprimendos, vestrosque labores inficiendos relaturi sunt. At illud grauissimè dici audimus: Attendite à falsis Prophetis, qui veniunt ad vos in vestimentis ouium, intrinsecus autem sunt lupi rapaces. Neque verò nudè & simpliciter falsos Prophetas nobis fugiendos esse docet; sed etià ei⁹ suæ tã diligētis, tã salutaris monitionis duplicē adfert causam. Summā eorum qui fugiendi sunt astutiam & dolos, *qui, inquit, veniunt ad vos in vestimentis ouium: & parem astutiæ & versutiæ rabiē & ferocitatem, intus autem sunt lupi rapaces.* Vt enim eos scopulos, dicebat Magnus ille Nazianzenus, magis nautæ declinare solent, qui sub aquis tecti delitefcunt, quàm eos, qui exstant & eminent; ita & illi inimici maximè vitandi sunt, qui vt latentes scopuli sub aquis, sic illi sub varijs simultatū integumentis latēt & occultantur. & qui tum demum se produnt, cū iam naus fracta, mercesq; disicēte sunt. Et præsertim, cū, vt ait

Am-

In vim Ba-
filij.

Ambrosius, caput petant, iugulum *Super Lucā*
 inuadant, vitalibus vulnus infligant, *lib. 2. ca. 101*
 corpore saluo animam occidāt: quales inimicos maximè metuendos esse idē Saluator studiosè docuit semper, atque nunc item grauissimè & cum magna diligentia monet: *Attendite*, inquit, *à falsis Prophetis, qui veniunt ad vos in vestimentis ouium, intrinsecus autem sunt lupi rapaces.* Idem *Diuisio*
 igitur & nos agamus: ac quis sit hic vestitus ouium: quæ integumenta, sub quibus falsi Prophetæ latere solent; qui item fructus, per quos dignosci possint, paucis ex sacris literis, doctissimorumque virorum iudicijs ad publicam vtilitatem doceamus. Vt vbi eos semel cognouerim⁹, tandem aliquando amare desinamus. Nemo autem alius hac nostra offendetur disputatione, nisi is, qui suo prius iudicio, aut hæreticum se esse, aut hæreses sequi agnouerit: quod vbi cognoscet, laqueo contrito liberatus, gratias potius nobis, qui eas pelles lupis exitiosissimis detrahim⁹ aget, quàm vt succensere debeat. Cu-

ius nostri propositi initium à diuini
numinis inuocatione capiamus.

Vestium ouium

Quis igitur hic vestitus ouium,
quæ integumenta, quæ tam molles
& speciosè pelles, sub quibus falsi de-
liteſcunt Prophetae, Christi quæ oues
seducunt, illis quæ imponere solent?
Alij alio modo iudicant: quidam o-
mnem cultum externum, orationes,
inquam, eleemosynas, ieiunia, humi-
cubationes, omnem quæ; eam quæ pro-
palam fit vitæ probitatem & conti-
nentiam, & quam æquè boni ac mali
simulare possunt, vestimenta ouium
interpretantur. Quidam caerimoni-
as, ritus quæ Ecclesiasticos omnes, ea
integumenta esse putant. Alijs om-
nis ille durus ac horrens vestitus, quo
monachi & Eremitæ, ac cæteri om-
nes, qui mundo renunciarunt, aspe-
rius quæ quoddam, & horridius vitæ
genus secuti sunt, vtuntur, vestitus,
lana, & indumenta ouium videri so-
lent. Verum in re maximi momenti
magis serium quid, quod quæ cum
summa causæ proprius coniunctum
sit, quærendum est. Cuius rei funda-
men-

mentum illud sit. Omnem hæreticum, teste Hieronymo, hypocritam esse; aliud agentem & aliud simulantem. Omnis porro hypocrisis alieno potius quàm suo vestitu superbè induta incedit; qui est virtutis & honestatis, omniumque eius partium simulatio. Cùm igitur hæreticus quisque, ita ut dictum est, hypocrita sit, duplicem itidem habeat vestitum oportet: Alterum cum alijs hypocritis omnibus communem: Alterum sibi peculiarem & proprium. Communis cum cæteris vestitus erit omne illud, quod pium, quod honestum, quod cum virtute prima quasi fronte coniunctum apparet; hæc enim omni fictioni ac simulationi fuerunt semper communia: in quibus artibus dici non potest, quantum veteres illi quondam hæretici se exercuerunt, quantū ieiunijs, orationi, quantum omni vitæ sanctitati & continentię operam dederint. Nam nunc ut virtute ipsa; ita & omni eius specie ac simulatione hæreses carent, ab eaque sunt remotissimæ. At peculiaris ve-

Bb 4 stitus

*Hypocrisis
hæreticorū.*

*communis
vestitus*

*peculiaris
vestitus*

stitus, de quo nobis præsens est institutum, quis? Dum totam scripturam perlustro, dum omnem antiquitatem percurro, dum nostrorum temporum rationem diligenter expendo: non alium hunc profecto inuenio, quàm verbi Dei sacræque scripturæ falsam & eumentitam usurpationem, qua omnes errores, omnes fraudes, somnia, & nugas, ac deliramenta sua hæretici, vestire ac condire solent. Docet hoc primum veterum pseudoprophetarum exemplū, qui cūm aliquid nouū populo persuadere volebant, illis semper abutebantur verbis: Hæc dicit Dominus, hæc dicit Dominus: cūm se illud dicere dominus pernegaret. Quod hoc idem Saluator innuit, cūm dicit: Nō omnem, qui illi dicit, Domine Domine, intraturum in regnum cœlorum; sed qui facit voluntatem patris eius. Hoc est, non omnem illum qui usurpat & inuocat nomen Domini, eiusque verbis & testimonijs abutitur, aut saluari, aut inter eius veros nuncios reputari, sed illos solos, qui

docent

docent & faciunt voluntatem eius.

Quod idem D. Petrus clarè docet: 2. Pet. 3.

Quemadmodum, inquit, Paulus frater noster charissimus ostendit in omnibus epistolis, in quibus sunt quadam difficilia intellectu, quæ indocti & instabiles depravant, sicut & ceteras scripturas ad suam ipsorum perniciem. Deprauabant autem vel falsa interpretatione, vel ipsius scripturæ inuersione, quorum nunc plena ubique sunt omnia. Tan-

*Depranatio
scripturæ quo
modo fit.*

tum autem, inquit Tertullianus, veritati obstrepit adulter sensus, quantum & corruptor stylus. Itaq; D. Ambrosius, hac plena definitione hæreticos, qui, & quales sint, describit:

*Hæreticorū
descriptio.
Ambr. super
epist. ad Ti-
tum cap. 3.
tom. 3.*

Hæretici ū sunt, qui per verba legis legem impugnant, proprium enim sensum verbis legis astruunt, ut prauitatem mentis suæ legis auctoritate commendent. Sciens enim impietas, multum valere auctoritatem legis, fallaciam sub nomine eius componit: ut quia res mala per semetipsam acceptabilis esse non potest, bono nomine commendetur. Nam cum sciant hæretici, magnam esse sacra scriptura auctoritatem, idè hac ipsa errores suos & deli-

Bb 5

ramen-

Lyrinen. li.
I. cap. 36.

*ramenta tegunt, suaq; testimonia minus valida, sacra scriptura authoritatibus alligant. Hæc Ambrosius. Quod idē Vincētius Lyrinen. prolixius in lib. de antiquitate Catholicæ fidei docet: Quid est vestitus ouium? nisi Prophetarum & Apostolorum prologia, quæ iisdem quadam sinceritate, agno illi immaculato, qui tollit peccatum mundi, tanquam velleræ quadam texerunt. Qui sunt lupi rapaces? nisi sensus hæreticorum, feri, & rabidi, qui causas Ecclesiæ semper infestant, & gregem Christi quaquà possumt dilacerant. Sed ut facilius incautis ouibus obrepant, manente luporum ferocia, deponunt lupinam speciem, & sese diuinæ legis sententijs, velut quibusdam velleribus obuoluunt, ut cum quisque lanarum molliciem præsenferit, nequaquã aculeos dentium pertimescat. Hæc Lyrinen. Nemo ex veteribus hæreticis, tam impurus, tamque à veritate alienus, nemo tam absurdus perditusq; fuit, qui non suum errorem ex his, quas nunc in manibus habemus confirmaret scripturis. Videre hoc licet apud Irenæum, Tertullianum, Epi-
pha-*

phanium, ceterosque, qui eorum sententias argumentaque retulerunt, ac refutarunt veteres patres. Non contentus erat vno & alio sacræ scripturæ loco, ad sua confirmanda, Valentinus atque Marcion; nisi vniuersum nouum Testamentum, omnesque Pauli epistolas suis accommodarent sententijs: ac si in opere incrustato & vermiculato, translatis lapillis, ordineque mutato, ex homine faceret vrsu aut leonem. Quam similitudinem venustissimè ante mille trecentos annos his verbis explicat Irenæus: *Cum igitur talis sit ipsorum doctrina, quam neque Prophetæ predicauerunt, neque Dominus docuit, neque Apostoli tradiderunt, quam de vniuersis iactant se plus alijs cognouisse, ex non scriptis legentes, & quod dici solet, ex arena funiculosnectere studentes; ad faciendam fidem, conantur predictis adaptare, aut parabolas dominicas, aut sermones Propheticos, aut dicta Apostolica, quo figmentum ipsorum non testibus carere videatur, ordinem & seriem scripturarum transilientes, & quantum in ipsis est,*
mem-

*Irenæus lib.
1. cap. 1. contra
hæreses.*

membra veritatis soluentes. Transferunt enim & transformant, & aliud ex alio facientes, multos decipiunt, per malè compositam dominicorum verborum adaptatorum sapientiam. Quemadmodum si quis Regiæ imaginis pulchræ, ex pretiosis lapidibus fabricatæ à sapiente artifice, subiectam hominis formam soluat, & lapillos illos transferat & accommodet, ac faciat formam canis aut vulpeculæ, atque hanc malè fabricatam deinde præscribat ac dicat, hanc esse Regis imaginem illam pulchram, quam sapiens artifex fabricavit, ostendens, lapillos illos à primo artifice probe in Regis imaginem compositos; verum malè à posteriore in canis formam translatos, & per lapillorum apparentiam seducat imperitiores, qui regiæ formæ notionem non habent, & persuadeat, quod hæc putrida vulpeculæ formæ sit pulchra Regis imago. Ad eundem sanè modum etiam hi anicularum fabulas consuèntes, deinde verba, dictiones, & parabolas undecunque detrahentes, adaptare volunt fabulamenti suis eloquia Dei. Hæc Irenæus. Plurimis locis scripturæ, minorem filium patre, demonstrare

CON-

contēdebat Arius. Nestorius, sacram scripturam se primum & solum intellexisse, & omnes alios, quicunque ante se magisterij munere præditi, diuina eloquia tractassent, ignorasse, solebat dicere. Ita vt Tertullianus alicubi propter eum impudentem sacrarum scripturarum abusum, Euangelium rem sanctissimā librum hereticorum appellare non dubitauit. Abundè hoc idem docet nostra ætas, quæ cum in sexcentas scissā sit hæreses, in sexcenta schismata, quæ simul omnia vera esse (cū vna & simplex sit veritatis via,) non possunt: nulla tamen est, quæ non suum sacræ scripturæ testimonijs tueatur, alat, & condat errorem. Et eò magis, quò absurdiores, quò exitiores defendit errores, quod in Anabaptistis, Arianis, Ebionitis maximè videre licet. Hic igitur est ille peculiaris Pseudoprophetarum vestitus, hæc illa mollia vellera. Non ieiunat quis, lupo est: *Lupo quid,* vestitus autem ouium ille: *Matth. 15.* *Non quod* *intrat per os coinquinat hominem, sed* *quod procedit ex ore, hoc coinquinat hominem.*

Matth. 6.

Aſtor. 5.

Pſalm. 18.

Matth. 19.

Matth. 10.

Marc. 16.

Ioen. 14.

Rom. 3.

nem. Non orat quis, hic lupus est; vestitus autem: *orantes nolite multum loqui*. Subesse & parere magistratui nō vult quis, lupus est. vestitus autem ouium: *Obedire oportet Deo magis quam hominibus*. Confiteri peccata erubescit quis, lupus est; vestitus autem ouium: *Delicta quis intelligit?* Continentię quis rumpit vota; lupus est: vestimentum autem ouium: *Non omnes capiunt verbum hoc*. Non reddit quæ sunt Cæsaris Cæsari, quæ Dei Deo; lupus est: vestitus autem ouium: *Gratis habetis, gratis date*. Baptismum iterat quis; lupus est: vestitus autem ouilis: *Qui crediderit & baptisatus fuerit, saluus erit*. Minorem patre filium improbè & malitiosè iactat; lupus est: vestimentum autem: *Pater maior me est*. In nulla parte pietatis & honesti se exercet; lupus est: vestimentum autem: *Arbitramur hominem iustificari fide sine operibus*. Pullat pauperes, damnat innocuos, expilat vicos, & oppida, peregrinos, & mercatores mercibus exspoliatur quis; lupus est: vestitus autem ouium: *Si impius egerit*

rit pœnitentiam, &c. Misericordiæ Do- *Ezech. 18.*
 mini multæ; sed & cruces latronum
 plurimæ. Hæc igitur sunt illa vesti-
 menta ouium, in quibus ad nos ve-
 niunt lupi rapacissimi isti. Neque ta-
 men ideo, aut reiicienda, aut non sa-
 crofanctè colenda est sacra scriptu- *Scriptura S.*
 ra: neque ob id ad omnes errores cõ- *authoritas.*
 ficiendos, omnemque Christianam
 doctrinam stabiliendam illa minus
 vtendum erit; sed quemadmodum
 oues non eam ob causam vellera sua
 abijciunt, quòd his aliquando lupi
 induti illis insidientur; quin eò ma-
 gis ea tuentur, atque ab omnibus lu-
 porum insidijs defendunt: eodem
 modo nō ob id sacra scriptura, quòd
 hæretici ea ad suum primum, deinde
 aliorum exitium abutantur, abijci-
 enda erit; sed eò studiosius, diligenti-
 usque tractanda, eiusque veri ac syn-
 ceri sensus peruestigandi. Illud tamē
 non ignorandum sub his pellibus lu-
 pum aliquando delitescere posse: ne-
 que statim, vt quis aliquot sacræ scri-
 pturæ sententias appellare potest, eū
 sequendum esse; cū hic æquè lupis

ac o-

ac ouibus cōmunis vestitus esse possit. In quo genere hæc nostra tempora ita fascinauit inimicus homo, vt nemo tam absurda doceat, modò Paulum, vel Ioannem laudet, vt non statim illi credamus, quintusq; Euan gelista quidam esse censeatur: Et hæc ouium quidem vestimenta sunt. *Attendite ergo vobis à falsis Prophetis, qui in vestimentis ouium ad vos veniunt, intrinsecus autem sunt lupi rapaces.*

*Fructus seu
opera carnis.*

Super 10. Ps.

Quomodo autem veri à falsis dignoscendi sint, quando quidem ex his pellibus atque velleribus rectè cognosci non possint, statim idem cœlestis magister docet: *Ex fructibus*, inquit, *eorum cognoscetis eos.* Qui autem sunt fructus isti; non idem sentiunt omnes, & res ipsa explicatione maiore opus habet. Nostri temporis heretici, sed & veteres teste D. Augustino ferè omnes, auaritiam, ambitionem, simoniam, luxum, vsuram, adulteria, ebrietatem, ac reliqua, quæ carnem consequuntur vitia, eos fructus esse interpretantur. Quibus vitij, cum Ecclesiasticum clerum plañe

nè dissolutum diffuere primi istorū
duces vidissent, inde populo persua-
dere conati sunt, eos falsos Prophe-
tas ex his fructibus cognoscendos es-
se. Fuit hoc ad vulgus, in cuius ocu-
los tot, & tanta nostrorum hominū
incurrerant vitia, argumentum ma-
ximè plausibile. His talibusque retijs
infinita irretita est hominum turba:
populare sanè commentum. Dolen-
dumque est Christiani mei, vobisq;
in primis sacerdotes Dei, vos tantam
contra ordinem vestrum erexisse ma-
chinam, illiusque vim in dies magis
ac magis immensa cupiditate, ambi-
tioneque vestra, alijs vitijs augere.
Hos tamen non esse germanos fru-
ctus, ex quibus veri à falsis Prophetæ
dignosci possint, vel hinc facile per-
spicitur: partim quòd vitia hæc cum
hypocrisi maximè pugnant: patent
enim, & in oculos hominum incur-
runt, nec benè cum illo vestitu ouiū
conueniunt. Nemo vnquam Ario,
nemo Photino adulterium, nemo e-
brietatem obiecit: facile ab his cauēt
illi, qui nocentiora venena ferunt:

Gal. 5.

Gal. 5.

partim quod labes istæ omniū sunt temporum, atque omnis ordinis hominum, siue hæreses vigeant, siue omninò nullæ sint. Quod enim vnamquam temp⁹ tam foelix, tam beatum fuit, quo his nāvis Respub. caruerit Christiana? Itaque carnis potius fructus quàm hæreseos, hæc vitia, scriptura appellare solet. *Manifesta*, inquit Paulus, *opera carnis: quæ sunt fornicatio, immunditia, &c.* in quibus & ipsam recenset hæresim. Abundarūt hoc vitiorum genere veteris legis Pontifices & sacerdotes; nusquam tamen eos scriptura, nusquam ipse Christus Dominus, falsos Prophetas esse dixit: Caiphas Simoniacus Pontifex fuit, futura tamen verè prædicit: Quid Iudas Scariothes? sed & ipsum Petrum reprehensibilem fuisse scribit Paulus. Verùm iam hæc sublata esse videtur controuersia. Ita enim isti ipsi, cum plerisq; nostrum in pari lance malitiæ constiterunt: equè improbi, equè sunt turpes, vt rectè inter se alea iacere possint, vter melior an deterior potius. Itaque vel ipsi non mul.

multum iam hunc locum vrgent, cū
 præsertim illo manifestissimo Chri-
 sti testimonio conuincantur: *Super*
Cathedram Moysi sederunt Scribæ & *Matt. 23.*
Pharisei; omnia ergo quæcunq; dixerint
vobis, seruare & facite: secundum autem
opera illorum nolite facere. Vel ipsis er-
 go non repugnantibus magis pro-
 prij, magisq; peculiare, & quibus
 veri à falsis dignoscantur Prophetæ,
 nobis fructus quærendi erunt. *Fru-* *Fructus hæ-*
ctus igitur hæreseon tales sint oportet, *reseon.*
 quales sunt ipsæ hæreses: quæ cū
 nō ad vnius hominis exitium, & in-
 teritum, sed ad totius corporis Chri-
 sti labefactionem comparatæ sint;
 fructus etiam similes erunt: qui non
 singulis noceant; sed ad totius cor-
 poris Christi, quæ est Ecclesia Dei, ru-
 inam & desolationem referantur: fru-
 ctus enim radici per omnia respon-
 dere debent: radix totum inficit cor-
 pus: fructus igitur similes quærendi
 sunt. In quibus explicandis, non abu-
 tar vestris auribus, nihilq; ex meo
 priuato adferam sensu: quos ipsa scri-
 ptura sacra, quos principes Aposto-

lorum recensent, hos ipse in mediū adferam: quos quidem illi non obiter neq; aliud agentes; sed studiosè, & ex instituto, Spiritus Dei instinctu, admirabiliq; rerum futurarum preñotione explicant, ita vt hos tales fructus, vel negare, vel impugnare nemo possit, nisi qui manifestè cum Apostolis pugnare velit, illisq; fidem habere nolit. *Fuerunt, proponit totum hæc dignoscendorum falsorum Prophetarum argumentū D. Petrus, Pseudoprophetae in populo, sicut & in vobis erunt magistri mendaces, qui introducent sectas perditionis, & eum, qui emit eos, Dominum negabunt, superducentes sibi celerem perditionem: & multi sequentur eorum luxurias, per quos via veritatis blasphemabitur: & in avaritia, fictis verbis de vobis negotiabuntur: quibus iudicium iam olim non cessat, & perditio eorum non dormitat. Quo* tanquam proœmio præmissa, eas notas & insignia, ex quibus hi tales homines cognosci possint, iisdem ferè verbis cum Iuda Apostolo rexit, eosq; suis verissimis pingit coloribus,

bus, ac qua ratione cognosci possint, abundè docet.

Quorum primus ille est: *Dominationem, inquit, contemnunt, maiestatem autem blasphemant.* Vt enim primus ille Apostata & hæreticus Lucifer, extrema contra Deum arrogantia elatus, omnipotentis Dei dominationem spreuit, dum ei par per omnia esse vult, simulque maiestatem eius blasphemauit, cum inquit; *Ponam sedem meam in Aquilone, & ero similis altissimo:* sic vniuersa eius propago, & progenies schismatici & hæretici, non illam primam & principem solum, sed etiam hanc secundam & vicariam potestatem, quæ in magistratibus sita est, spernunt, eiusque maiestatem blasphemant. Nunquam ferè Martinus, nunquam Calvinus, Pontificem Romanum, cuius Cathedram Apostolicam sedem, omnis antiquitas sanctissimè nominat, & venerata est semper, nisi Antichristum: nunquam Pontifices, nisi monstra & portenta: nunquam sacerdotes, nisi ministros & vasa diaboli: nū-

Fructus primus hæreses.

Iudas in sua epistola.

Isa. 14.

quam Reges & principes Catholicoſ, niſi Pharaones, Tyrannos, & libertatis publicæ oppreſſores appellare ſolent: ſcripta illorum teſtantur: res negari non poteſt, niſi planè impudentes eſſe velint, aut ſuos authores, quod illis ſæpè uſu euenit, non legerint. Et cùm authoramentum maiestatis lex ſit, quæ principes magnos & ſacroſanctos facit: omniſque eorum dignitas, & authoritas ex legum authoritate, tanquam firmiſſimo præſidio pendet; idem ipſi legum qui & maiestas hoſtes ſint oportet. Hinc illa Eccleſiaſticaſum primum, deinde ciuiliſum legum & ſanctionum accuſatio: hinc paternarum conſuetudinum immutatio: hinc veterum morum abrogatio: legibus enim integris & ſartisteſtis conſeruatis, neque dominationem contemnere, neque maiestatem conuicijs proſcindere, impunè auderēt; quinimo his ſtantibus & vigentibus ipſi nullo modo ſtare, nec ſeſe diutius tueri poſſent. Primus itaque fructus hæreſeos hic eſt, dominationis
&

ducere. Iudas aut: *Murmuratores et queruli, secur dū desideria sua ambulantes, os eorum loquitur superbiā, qui se ipsos segregant, id aut est, factiosi sunt, tumultu-
cient, publicè pacis tranquillitatē perturbant: Pax. n. vt doctissimis placet, nihil aliud quàm tranquillitas quēdā ordinis est. Vbi igitur null⁹ est ordo, sed potius omnis ordinis puerfio; ibi pax nullo modo esse potest: rixæ, factiones, dissensiones, in mutuumque exitium cōspirationes, domestici tumult⁹, bellaq; ciuilia, qbus nūc vbiq; orbē terrarum ardere videmus, succedant oportet. Istis autē inter se dimicantibus, ac mutuas vires atterentibus, & veluti in vtero vnus matris more Iacob & Esau colluctantibus; contra hostes reipub. Christianæ preclarum geritur nihil. Opes inimicorum Christi indies crescūt: vrbes, regna, insulæ, in eorū potestatē succedunt: nihil nostrū vel ioco cōcupierunt vnquā, quod seriò non obtinuerint: dum isti pro scholæ quæstionibus, quarū finis nullus est, decertant, qui pro regnis, & populis IESV
Chri-*

Pax quid

*Discordia
Christianorū
vires inimi-
corū Christi
crescunt.*

Christi sanguine quęsitis pugnare potius debebant. Quid. n. ab eo tempore, ex quo hæc labes remp. Christianā occupauit, præclarè cōtra hostē nominis Christiani actū est: qđ illius regno quęsitū? quid laudis & nominis gestū? oīa, vt ille inquit, ruūt, & retrò collapsa referuntur: oīs virt⁹ Christiana cōticuit: sexcenta licèt ferantur inter nos pacis fœdera, sexcentæ pacificationes; pax tamen nō est, nec erit vnquā. Quid ita? Pax est tranquillitas ordinis: quæ vbi pturbatur, ibi nulla itē pax & cōcordia, ipsa nature vi & æquitate ita cōcludēte, retineri poterit. Multū qđem valent humane sanctiones, multū leges; naturā tamē rerū inuertere & immutare nō possunt: *Non est pax impijs, dicit Dominus.*

Isa. 48. 57. Et: *Inter superbos semper iurgia. Impij tanquā mare feruens, quod quiescere non potest.* Ita qui pacē inter hēreticos, vel cū hēreticis facere velit; nihil aliud agit, quā arenā, vt Irenæus dicere solebat, sine temperamento glutinat: quæ nunquā rectè cohæret, nunquā diu in vnitatis vinculo permanere po-

potest: Neminē .n. pacē suā tenere posse,
 qui pacē Dei repudiavit, præclarè scrip- *Lib. 5. cap. 2.*
 tum reliquit Hegesippus. Quid ita?

Obstat & impedit quintus, qui *Quintus fructus hæreseos*
 hos quatuor sequitur exitiosus male
 plantę fructus: *Va illis, inquit, qui in via*
Cain abierunt, & in errore Balaā merce-
de effusi sunt, secuti viā Balaam ex Bosor.
 Via Cain extremū quoddā & irrecō- *Via Cain.*
 ciliabile, ex invidia natū odiū, in om-
 nemq; fraternū exitiū conspirationē
 designat. Via Balaā, populi Dei, eius- *Via Balaam.*
 que castrorū infestationem, ac omni
 genere cōiicij & maledicti proscissi-
 onem significat. Habent siquidem dis-
 sidētes in religione insitū quoddā &
 peculiare, ab alijsq; omnibus distin-
 ctum, contra illos qui aliter sentiunt
 odiū: quod & si ad tempus supprimi
 & dissimulari solet; funditus tamen
 & radicitus euelli nullo modo po-
 test: imò quo diutius premitur, eò
 exitiosius crumpere solet: magna .n.
 lis, magnus zelus est religionis. Quæ-
 rit Iosephus, quæ causa fuerit, cur cū *Iosephus con-*
tra Apiquē.
 reliquæ oēs gentes secū facilè cōiun-
 gebātur, soli Iudæi nullā firmā & cō-
 stan-

stantem vnquā amicitia cum cæteris nationib⁹ coluerunt. Reddit nō aliā causam, quā eā ipsam disparitatem & dissimilitudinem sensus de religione cultuq; diuino, odiumq; quod inde manat implacabile; cū Iudæi vnum solū, cæteri oēs infinitos coluerint Deos. Docet hoc idem Dionysius Arcopagita, ac vix non Geometrica ratione demonstrat: *Vt inquit, linee quātò remotius à centro discedunt, & numeri ab unitate quātò magis distāt, tātò etiā plus ab inuicē separātur, maioreq; interuallo absunt; sic homines, quò magis à Deo, qui est rerū omniū primū principū, & centrū, omnisq; vniōis fons & origo, veraq; de illo opinione discedunt, eò magis à seipsis distāt, ac seiungūtur. Non potest, inquit Bernardus, Deo esse contrarium quid, & sibi met cohærere, aut secū cōsentire. Nihil inter tales homines in commune consulitur: nihil ad omniū salutem refertur: nulla totius corporis habetur cura: hoc solū vtile est, quod alteri nocet: ex alieno incommodo, sua quisq; sibi parat cōmoda. Et proinde pacē & cōcordiā illa resp. speret*

nun.

De diuinis
hominibus
cap. 5.

Bernardus
lib. 5. de cōsi-
deratione.

nunquam; quæcunq; semel disparet
& pugnantes intra sua susceperit vis-
cera cultus: frustra impossibilia ten-
tantur. Quod nunquam in tanto de-
cursu seculorū fuit, nunc certè vt fie-
ri possit, sperandum non est.

Sextus fruct⁹ istius mali ab iisdem *Sextus fru-
tus hæreseon*
explicatur Apostolis: *Hi aut quæcunq;*
quidē ignorāt, blasphemāt, quæcunq; autē
naturaliter tāquā muta animalia norūt,
in his corrūpūtur. Quid hoc loco dicit
Apostolus, quā illud, hæreseon blas-
phemiā, siue cōuiciū & maledictum
perpetuū comitē esse, quod nusquā
aliās inuenies: nam Philosophi, & si
nobiscū nō sentiunt, & si disparē cul-
tum sequuntur, nostra tamen conui-
cijs & maledictis nō cōscindunt. Ita
sint duo: Alter Philosophus quis, A-
uerroem, vel Auicēnā sequit⁹: hære-
ticus alter, vterq; Deum vnū & trinū
non cōfitetur; vterq; Christū ex vir-
gine natū negat; vterq; sub specie pa-
nis & vini, verum corpus & sangui-
nē Christi cōtineri, nullo modo cre-
dit. Hoc tamen inter illos interest,
quòd alter disputatione cōtētus, nō
ampli.

amplius progreditur: alter vltra argu-
menta nephandis blasphemijs inqui-
nat cōpletq; omnia. Quæ illi, & qua-
lia in Dei filiū, quæ in virginē sanctā,
quæ in sacramenta diuina, symbola,
maledicta conferūt, quibus cōuicijs,
qua dicacitate pstringunt; pari certē
maleuolentia cū illis, qui filio Dei in
cruce pendenti insultabant quondā:

Matt. 27.
Genes. 49.

*Si filius Dei est, descendat de cruce: Male-
dictus furor eorū, quia pertinax, & indi-
gnatio eorū dura: Non intrēt anima mea
in cōsiliū eorū, & in cœtu eorū non sit glo-
ria mea,* dicebat de simili genere ho-
minū Iacob Patriarcha quondā. Nec
satis est, ipsos ita petulantes, & male-
dicos esse, hacque ratione æterni nu-
minis maiestati lædere; sed illud etiā
hac sua procacitate efficiunt, vt no-
men excelsum Dei, nomen IESV
Christi, eiúsque sacrosanctæ religionis
malè vbique audiat in gentibus. *Per
quos,* inquit D. Petr⁹, *via veritatis bla-
sphematur.* Quis enim ex his qui foris
iunt, eā admiretur religionem, quis
laudet, suspiciat, & nō poti⁹ dānet ac
derideat, quæ in tot hæreses, in tot
dis-

B. Pet. 2.

diffidentia schismata sit distracta, & quæ de suis sacris & myſterijs tam maleuole, tam petulanter, tam impudicè ſentiat & loquatur? Non modò igitur his iſtorum moribus ad lucem veritatis infideles nō redeunt, ſed magis in ſuo errore tenebrisque confirmantur. Ad quos enim potiùs in tanta ſententiarum varietate ſe conferant, aut quomodo illos ſequantur, qui ipſi, vbi certò deſigant pedem, nō habent. Ita vt planè portas vniuerſæ ſalutis omnibus gentibus, ſectis ac diffidijs ſuis, vita & moribus inquietis & diffidentibus ſuis obſtruxiſſe videātur. Et, vt quondam Pilatus Chriſtum ad illudendum, conſpuendum, flagellandum, ac omnibus contumelijs diuexandum cohorti tradidit, ita nunc hæreſeon ac ſchismaſū magiſtri eundem Chriſtū, eiufq; vnicā ſpōſam Eccleſiā, iſdem gentibus, vt denuò flagelletur, cōſpuatur, ac varijs probris cōtumelijsq; ipſi illudatur, exponūt: nullo vnq̃ tantum ſcelus dignè expiaturi æuo. Assume domine zelum, pro ſpōſa tua, & pro nomine ſancto tuo. Ezech. 39.

Septimus fru
ctus hæreseos

Septimus hæreseos fructus ille est, gratiam Domini nostri Iesu Christi transferre in luxuriam, quod idem ipsi docent Apostoli: *Subintraverunt enim quidam homines, qui olim per scripti sunt in hoc iudicium impij, domini nostri gratiam transferentes in luxuriam, delicijs affluentes, in convivijs suis luxuriantes vobiscum.* Vt enim veterator ille paradysi serpens, eam prolixam & liberalem munificentissimi parentis beneficentiam, qua in omni honeste voluptatis & deliciarum usu primos nostros constituerat parentes, in exitialem transferre voluit luxuriam atq; insolentiam; ita vt nimia petulantia & fastu, eius suasu cōtra parentem suum elati, Dij planè effici voluerint: sic isti crucis Iesu Christi, vulnerumque eius, mortis & sanguinis liberalissimè in pretium & ablutionem totius mundi in ara crucis effusi, gratiam volunt transferre in luxuriam; non tanquam exemplum imitationis crucem & mortem Christi habentes, sed quasi velamen malitiæ prætendentes, vt dicebat Petrus. Quod ne fieret, diligen-

1-Petr. 2.

ligentissimè suos monet Galatas Pau *Galat. 5.*
 lus: *Vos in libertatem vocati estis fratres;*
tantum, ne libertatem in occasionem car-
nis detis. Laudent quantum velint in
 primis suis initijs heretici omnem vi-
 tæ continentiam & sanctimoniam,
 laudent castimoniam, Catharos An-
 gelicos, Apostolicos Apotacticos, id
 est, selectos more veterum Gnostico-
 rum, Marcionistarum, Valentiniano-
 rum, sese superbè appellent; ad vlti-
 mū tamen, omnem Dei gratiam trās-
 ferunt in luxuriam. Notum est, in quā
 fœdas, ac planè infandas libidines,
 prioris sæculi hæretici ad extremum
 præcipitabantur: sed & nostri, ieiunia
 primū, vigiliis, cilicia, humi cubatio-
 nes sustulerunt: virginitatem, tanquā
 rem Deo & naturæ aduersam & ini-
 micam, reiecerunt: claustra monaste-
 riorum, ac vota suscepta pudicitæ
 perfregerunt; Polygamiam laudarūt:
 Vltimò Adamismus quidam turpis
 & nefarius apud quosdam inductus
 esse dicitur. Sic hæresis, gratiam DEI
 transfert in luxuriam.

Octaua demū tātæ pestis proles est, *Octauus fru-*

Dd 2

per. *ctus hæreses*

2. Tim. 2.

perpetuus in deterius profectus. Hūc fructum Paulus ad Timothæum scribens, sic explicat: *Semper, inquit, discen-*

2. Tim. 3.

tes, & nunquam ad perfectionem cognitionis peruenientes. Mali autem homines & seductores, proficient in peius, errantes, & alios in errorem inducentes. Et paulò post: *Iniquitas autem eorum proficit in peius, quorum sermo serpit tanquam cancer.* Millequingentis septuaginta octo annis, res Christiana in dispensatione legitimæ potestatis, inter tot persecutionum fluctus, inter tot feri ingenij, & linguæ impugnationes, inter tot hæreses & schismata, integra & intemerata mansit: Articuli fidei, sacramentorum dispensatio, libri sacri, eorumque interpretes, Canones, Concilia, Patres, Cerimonix, sacra, ordines, ordinumque functiones, incorrupta immutataque manent. Sexagesimus vix intercessit annus, ex quo isti noui dispensatores in eam inuaserunt possessionem, & iam vix reliquias eius, quod à nobis acceperunt depositi, tuentur. Sic prophanata, sic conculcata, iacēt omnia. Dum hoc quidem

anno

anno eam inficiunt religionis partē,
alio aliam, & iterum aliam; donec to-
tum fidei & pietatis corpus hic letha-
lis absumat cancer. Vnde cæptum sit,
videtis, & quo profectum. Quorsum
illa aqua lustralis, quorsum indulgen-
tiæ, quorsum purgatorij ignis euasit:
auctores ipsi vix sua recognoscūt dog-
mata. Neque verò in peius proficiūt
tantum, sed in quo maximè admira-
ri licet, summam diuinæ potentia in
hominum malitia & curiositate vin-
dicanda vim, planè in contrarios reci-
dant sensus. Quantum fidei vim &
amplitudinem, suprà quàm etiam ne-
cessè fuit, extulerint quondam, nemo
est qui ignoret. Nunc ipsi, vel penitus
nihil credunt, vel in omni parte fidei
sensum & experimentum quærunt:
iamq; inueniūtur nōnulli, qui in solis
bonis operibus, cum Pelagianis, totā
salutis rationem repositam esse pu-
tant: Verbum Dei, Euangelia, Pauli-
que scripta, quibus laudibus in coelū
sustulerant, scimus: nihil detrahendū,
nihil apponendum esse, quàm sanctè
& religiosè cauebant. Nunc Moyse

multis placet; Christus, eiusque Euan-
gelium, displicet: nouum testamen-
tum, recens quædam & nuper exco-
gitata res esse videtur; veterem legem
& antiquitate, & iudicio omnium gē-
tiū longè plus valere: quomodo om-
nes illi sentiunt, qui noui Iudaïsantes
dicuntur. Quid de Sacramentorum
vi, integritate, veritate, sanctitate, fre-
quenti vsu quàm præclara, vt quidem
videbantur, à primis suis initijs trade-
bant? Nunc, vel nuda quædam & ege-
na elementa esse putant, vel penitus
nulla. Maledictum illum esse dice-
bant, qui consideret in homine, qui-
ue carnem poneret brachium suum:
nunc non minima pars illorum nu-
dum & simplicem hominem IESVM
Christum, vt quidem illi impiè bla-
sphemant, grauissimo idololatriæ de-
lictò obnoxij, colunt & venerantur.
Totum certamen, pro gloria, laude,
maiestate Iesu Christi, se suscepisse
prætendebant. Nos hostes & prodito-
res cultus ac nominis eius, tertio quo
que appellabant verbo. Nunc illum,
quem pater glorificauit, & in quo sū-
mam

nam splendoris glorię suę collocatā esse voluit, ita, vt qui nō honorificet filium, non honorificet & patrē, infra Angelicā etiam constituunt sortem: ac ne ex virgine quidem natum, Mahometanis in ea parte longē deteriores, confiteri volunt: sic facta sunt illis, iuxta prædicationem Petri, posteriora deteriora prioribus. Quām dis.^{2. Pet. 2.}

similia & pugnancia vltima primis, videtis: quæ tamen omnia eò peruentura, iam tum à principio illis à Catholicis viris ad vnguem planè omnia prædicebantur. Vndè igitur tanta mentis coecitas? vnde hæc amentia?

Descendit Dominus, & confundit linguas Gen. 11.
& sensus eorum, vt non audiat unusquisque vocem proximi sui; ac ne suam quidē, quam primò constanter tuebatur, & pro qua fortissimè decertabat. Docet sacra scriptura, singulis Ecclesijs singulos angelos ad earum regimen & gubernationem, ac custodiā, præfectos esse: quas vbi iusta & æqua voluntate Dei peccatisq; hominum deseruerint: eas omnibus ignitis telis spiritualiū potestati patere, ac ex errore in errorem

prolabi: quos hæresibus ac schismatibus fugari, ipsasque Ecclesias relinquere, testis est grauiſſimus auctor Hieronymus: quod nunc istis euenisse, dubitandum non est. Verè igitur sermo illorum serpit tanquam cancer, errorque in principio paruus, in exitu infinitis partibus crescit, nec primum consistet, quàm res ad eos redierit, quibus dictum est: *Qui vos audit, me audit: qui vos spernit, me spernit.* Et quod illud verè usurpare possint: *Sic nos existimet homo, ut ministros Dei, & dispensatores mysteriorum Dei.*

Nonius fru-
strum hæreseos.

1. Timot. 4.

Ex quo pessimi profectus malo, alia miserabilis & funesta nascitur calamitas; conscientia scilicet perturbatio, mentisque inconstantia: *Cauteriatam*, inquit Paulus, *habentes conscientiam.* Quod perplexitatem quandam, & fluctuationem, ac inconstantiam mentis denotat. Dum enim animus, in eo quod summum est, & in quo vitæ & foelicitatis quasi cardo cōstitit, nullum certum modum, nullum finem, nullum inuenit exitum; ac protuto portu, ubi consistere debuit, in
maio.

maiores æstus, maioraque naufragia, se in dies deferri videt; nec vsquã tam firmiter agit pedem, quin nouis fluctibus inde non exturbetur: dici non potest, quantum commoueri & perturbari solet, quantum indignari & planè irasci, nullum mare fluctibus, quantum hic animus cogitationibus æstuarè, ac in transuersum agi solet. Hinc macies: hinc pallor, inedia. hinc vigilię, & nocturnę excitationes: hinc in via, in balneo, ad mensam, in lecto disceptationes, ac perpetuus ad easdẽ cogitationes recursus: hinc leui ex causa maximæ offensiones, & scandala: hinc repetitæ consultationes, conuentus, & synodi: hinc vitæ & lucis tædium: hinc spontaneæ sibi manuum illationes: hinc aliæ infinitæ cruces.

Cauteriato enim mēbro, nulla pax, nulla quies. Ex qua animi ac conscientię ægrimonia, exoritur metus quidam, & trepidatio; vt metuant, vbi nō est timor, fugiant nullo persequente.

Virtutis enim viri recta conscientia robur est. Probatum est hoc nuper aliquoties apud nos, his proximis Tar-

taricis incurſionibus : quid actum,
 quomodo trepidatum ſit, ſcitis. Non
 ſactitarunt hæc, quibus certa & explo-
 rata fuit pietatis & religionis ſuæ ra-
 tio maiores noſtri : qui non niſi cum
 dijs, vt aiunt, & ſacris, bona conſcien-
 tia, pro fortiffimo clypeo recti, in aci-
 em & certamina deſcendere ſolebāt,
 Quanquam autem hi conſcientiæ tu-
 multus in omni illos perturbent vi-
 ta, maximè tamen in morte excitā-
 tantur contrarijs argumentis, in vtrā
 que partem colluctantibus, aſſenſu
 autem dubio, & fluctuante, Diabolo
 aut tunc omnia in immenſum augē-
 te, ita, vt vix centeſimum ex iſtis æ-
 quo animo mori videas. Quam eo-
 rum miſerabilem conditionem, Vin-
 centius Lirinen. ante mille annos di-
 fertè in hunc modum deplorat: *Et pe-
 rire metuunt, & redire erubeſcunt, ſaucij,
 ſeminetes, ſemiuiui: quippè qui tantam ve-
 neni hauſerint quantitatem, qua nec occi-
 dat, nec digeratur, nec mori cogat, nec vi-
 uere ſinat. Heu miſeranda conditio, quātis
 illi curarum æſtibus, quantis turbinibus ex-
 agitantur. Nunc etenim quā ventus im-
 pulerit,*

Vincen. Liri.
 lib. de heres.
 cap. 25.

pulerit, incitato errore rapiuntur: nunc in semetipsos reuersi, tanquam contrarij fluctus reliduntur: nunc temeraria præsumptione, ea, quæ incerta videntur, approbant: nunc irrationali metu, etiā quæ certa sunt, expauescunt, incerti quæ eant, quæ redeant, quid appetant, quid fugiant, quid teneant, quid dimittant. Quæ quidem dubij & male penduli cordis afflictio, diuina erga se miserationis est medicina, si sapiant. Idcirco etenim extra tutissimum Catholica fidei portum, diuersis cogitationū quatiuntur, verberantur, ac pene necantur procellis; ut excusa in altum elata mentis vela deponant, quæ male nouitatum vētis expanderant, seseq; intra fidissimam stationem placida ac bona matris reducāt & teneant, atq; amaros illos turbulentosq; errorum fluctus primitus reuomant, ut possint deinceps viua & salientis aquæ fluentia potare. Dediscant bene, quod didicerunt non bene: & ex toto Ecclesiæ dogmate, quod intellectu capi potest, capiat; quod non potest, credant. Hæc ille.

Sequitur decimus ille lethalis radiceis, lethalior fructus, religiōis vniuersæ cultusq; diuini labes, vltimaq; ruina.

Quem

Decimus fructus hæreseos

2. Petr. 2.

Quē fructū D. Petrus illis verbis explicat: *Venient, inquit, in nouissimis diebus in deceptione illusores, iuxta proprias concupiscentias ambulantes, dicentes: Vbi est promissio aut aduentus eius? ex quo enim patres dormierunt, omnia sic perseverant ab initio creaturæ.* Quod quidem sine multis testibus vel res ipsa clarè demonstrat. Nam cum vniuersa fides ac religio Christiana, demonstratione non constet, sensui item subiecta non sit, sed sola fide, consensu, auctoritateq; nitatur, his sublati, aut saltem labefacti, omnem religionem auferri oportebit. Hac potissimum ratione, versatur quis inter Catholicos, audit argumenta, audit scripturas: confert se idem ad Sacramentarios, eadem omnia inuenit: item ad Anabaptistas, non inferiora: ad Trinitarios, Arrianosque, eodem modo. Quæ omnia, ex iisdem sacrae scripturae ipsiusque rationis fontibus hausta, cum animus infirmus & cauteriatus digerere non possit, magna vndiquaque & rerum, & personarum pondera vidēs, simul omnia cum summo acerbitalis dolo

re euomit, vniuersamque abnegat fidem, ipsoque infideli deterior efficitur. Ex quo hominum genere, non vnum & alterum, sed plenos vbique videmus versari greges: qui illud palam confiteri non erubescunt, se quid in religione sequi debeant, planè ignorare: omnia illa, quæ verissima esse putarunt, falsa & conficta esse: religionis & pietatis nihil præter speciosum nomen & titulum exstare. Et hæc quidē plurimi propalant. Alij porro, qui paulò cautiore prudentioresque sibi videntur, cum id publicè affirmare non audeant, in corde tamen suo illud cum impijs sæpiùs occinunt: Non est Deus: quorum numerus & si soli Deo cognitus sit, esse tamen quāplurimos, vita hæc, & mores hominum perditī satis testantur. Euenerat hoc idem Philosophis quondam. Dū enim Reges ac Principes rerum pub. philosophabantur, grauitè tunc & seriò omnes explicabantur Philosophiæ partes: nihilque dicebatur, nisi quod ex naturæ ipsius principijs, ac planè visceribus, depromeretur: nihil
in me-

in medium adferebatur, nisi quod ipsam veritatem redolebat: nihil quærebatur aliud, quàm ipsa veritas. At, posteaquàm Philosophia ad homines egentes, vagos, ostentationi; deditos translata est, qui finem eius lucrum potius & quæstum, inanemque gloriam, quàm veritatem sibi proponebant; tunc ad nugas omnia quasdam & ineptias, incredibilia; paradoxa, quibus stultæ plebeculæ, illi ambitiosi magistri admirabiles videri voluerunt, transferri coepta sunt. Hinc illa omnia, vnum esse cælum, in perpetua quiete manere, terram autem incito cursu agitari, motum in rerum natura esse nullū: hinc niuem nigrā, & qd non? Quibus nugis & altercationibus eò res deducta fuit, vt nihil certò sciri aut affirmari posse existimaretur, illique sapientissimi esse iudicati sunt, qui nihil se nec magnum, nec parvū, scire profiterentur. Talis Socrates, talis Carneades fuit. Philosophi ex vrbus & ciuitatibus eam ipsam ob causam eiekti, planeq; tota Philosophia subuersa fuisset; nisi duo illa sapientiæ præ.

præstâtiffima lumina, Plato inquã, & Aristoteles, rem planè collapsam seriò philosophando restituisſent. Sic nimium altercando, omnis amittitur veritas.

Ultimus est ille, qui hæc omnia ob-
signat mala, tam exitiosi monstri fru-
ctus, vocata in dubium virtutum om-
nium maxima & sanctiffima religio-
ne, leges item, moresque antiquos,
virtutem, omneque honestum in du-
bium vocari, humanoque potiùs hæc
instituto & opinione, quàm vi & na-
tura sua valere: sicque omnis æqui &
honesti habenis solutis, omni-
que disciplina sublata, à virtute ad vitia, nõ
iam pedetentim & lento gradu, sed
præcipiti cursu disceditur: sic omnis
honesti alea iacitur. Nam vt firmæ
& constantis de religione senten-
tiæ omnis virtus & honestas conse-
quens est, cuius illa mater nutrix, &
certiffimus custos existit; cuius mu-
nera & premia secum portat; cui i-
tem decus ac omnem ornatũ addit,
fidemque & authoritatem facit. Sic
vera & constanti religione labefa-
ctata

*Ultimus fru-
ctus hæreseos*

ctata, aut penitus ex aliqua republica
 sublata, ac quasi in perpetuum exili-
 um acta, comites itidem eius, virtu-
 tem, honestatem, disciplinam, legum
 atque magistratuum authoritatem,
 excludi necesse est. Quid enim illum
 animum potissimum mouebit, quē
 diuini numinis metus, omnia perspi-
 caci suo oculo intuentis, nō mouet?
 aut quid apud illum sanctum erit, a-
 pud quem ea quę prima & summa na-
 tura sua meritō esse debeat, locum ha-
 bent nullum?

Hi sunt igitur illi, quos quæreba-
 mus, hæreticorum proprij & peculia-
 res, non ex nostro sensu & iudicio, vt
 videtis desumpti, sed ab ipsis principi-
 bus Apostolorum nobis traditi, om-
 nium autem temporum exemplis cō-
 probati fructus. Sic igitur rem totam
 cōcludamus: si ante septuaginta hos
 ipsos vel octoginta annos, hi tales fru-
 ctus in Ecclesia Catholica exorieban-
 tur; falsi erant Prophetæ illi, qui Chri-
 stianam profitebantur doctrinam. Si
 autem tum in ea negligentia, quam
 & ipsi videmus, & isti tantoperè accu-
 sant,

sant, nihil horū orbem vexabat Christianum, nunc aut istis ducibus, eaq; tam diligēti scripturarū vēditatione, hi fruct⁹, tanquā ex quadam Epimethei Pandora promanant; qd aliud dicem⁹, quā maiores nostros parum qdem illos diligentes & continentes homines fuisse, falsos tamen Prophetas nequaquā appellari debere: hos aut, prima qdem specie pietatē & veritatem prētulisse; intus aut lupos rapacissimos fuisse? Vultisne vobis in meridie lucernā accendā? Si iudicatū erit, in meridie non lucere, hæc ita se nō habebunt: si autem hæc verissima sunt; qd ampli⁹ desideratis, in re præsertim tanti periculi? Hi. n. fruct⁹, vitā singulorū perturbant, funestaq; labe inficiunt, res publicas euertūt, pietatē & honestatem oēm extinguunt. Eorum tamen fructuū satores vos suspicitis, ac in delicijs habetis, in manibusque propemodū gestatis vestris: horū vita, fortunæq; maximè vobis curæ sunt, totq; cōfoederationib⁹, tot legū præsidij, tot Sacramentis, à vobis ita tecta & cōmunita; vt hæc, vel

Ec offici-

officina ipsa, vltimēq; cōditionis homines, Regib⁹ & Magistratibus insolenter obijcere, illisq; suā impietate tueri nō vereantur: parumq; est, eius generis homines, quōd nō puniuntur; sed aliunde etiā accersuntur; sed publicis premijs ac honorib⁹ prouocantur; sed in ore ipso regū atq; principū, ea semina malorū iacere non erubescunt. Persimilisq; hęc vestra aula diuiturnæ est feбри, quæ nunquā ægrum deserere solet, nisi pri⁹ aliquod vitium, tanquā signū & monumētū sui, in ægro corpore reliquerit. Sic nos nusquā venimus, vbi nō aliquas reliquias eius pestis & cōtagionis, inter eius loci, & vrbis homines relinquamus. Ac vereor, ne in hac ipsa ab ea labe, Dei munere, integerrima vrbe, aliqua eius pestis semina relinquamus, quæ postea similes pariant fructus. Quæ omnia, cui malo num verbo Dei? num veritati? nequaquā: hæc enim manēt in æternū. His nulla malitia humana aut abrogare, aut derogare potest quicquā. Num Ecclesiæ Dei, & regno Christi? nō itē: Hæc .n. est

Deo Iacob. Si introiero in tabernaculum
domus meae: si ascendero in lectum strati
mei. Si dederò somnum oculis meis: & pal-
pebris meis dormitationem. Et requiem
temporibus meis, donec inueniam locum
Domino tabernaculum Deo Iacob. Pro
quo tam praestanti ac pleno pietatis stu-
dio, illud mutuò recipit. Iurauit Dominus
Dauid veritatem, & non frustrabitur eū:
de fructu ventris tui ponam super sedem
tuam. Si custodierint filij tui testamētum
meum, & testimonia mea haec quae docebo
eos. Et filij eorum in saeculum sedebunt su-
per sedem tuam. Quoniā elegit Dominus
Syon: elegit eam in habitationē sibi. Haec
requies mea in saeculum saeculi, hic habitabo
quoniam elegi eam. Viduam eius bene-
dicens benedicam, pauperes eius saturabo
panibus. Sacerdotes eius induam saluta-
ri: & sancti eius exultatione exultabunt.
Illuc producam cornu Dauid: parauit lu-
cernam Christo meo. Inimicos eius induā
confusione: super ipsum autem effloreat
sanctificatio mea. Quid magnificentius,
quid illustrius, quid salubrius, quid opta-
bilius tantis promissis esse potest? Sed lon-
gè magis ipsa promissorum munificentis-

**

sima

*simae exhibitione, quae eadem omnia eos
 manent omnes, qui eandem virtutem &
 pietatem simili studio coluerint, ac conse-
 crati fuerint. Quorum enim facta imita-
 mur, eorum coronas, premia, & merita
 iure expectare debemus. Et sedebit REX
 STEPHANVS fœlix ac Deo dilectus in
 domo sua, & Dominus dabit ei requiem
 undique ab omnibus inimicis suis, senex
 plenus dierum, constituetq; filium suum
 super Israel. Quod tibi magnanime REX
 pro tua ardenti pietate, alijsq; præstantis-
 simis meritis tribuat pater omnipotens, fi-
 at, fiat. REX IN AETERNVM VI-
 VE, tuumq; Socolouium ama, & fove.
 Cracc. Idib. Februarij, 1583.*

SVMMA

S V M M A E O R V M CAPITV M, Q V A E I N T R I - bus his libris continentur.

Capita libri primi.

- | | |
|---|--------------|
| <p>E <i>A signa, quæ heretici putant vera Ecclesia indicia esse, vera signa non existere.</i> pag. 9</p> | <p>I.</p> |
| <p><i>Cur supradicta signa, neq. à sacra scriptura, neq. à sanctis Patribus inter notas vera Ecclesia censeantur.</i> 24</p> | <p>II.</p> |
| <p><i>Supradicta signa & si vera nota Ecclesia Dei nō sint, magis tamē Ecclesia Catholica, quā ipsis eorū auctoribus convenire, & in primis sanā Euāgelij doctrinā.</i> 53</p> | <p>III.</p> |
| <p><i>Verum Sacramentorum vsum, quem secundam notam isti esse dicunt, magis Ecclesia Catholica, quā illorum cœtibus cōvenire.</i> 75</p> | <p>IIII.</p> |

Capita libri secundi.

- | | |
|--|------------|
| <p><i>Verorum Ecclesia Dei signorum partitio.</i> 96</p> | <p>I.</p> |
| <p><i>Ea indicia, quæ in sacro symbolo continentur, veras Ecclesia Dei notas esse.</i> 97</p> | <p>II.</p> |

INDEX CAPITVM.

- III. Prima ex sacro symbolo nota explicatur: Eam verā Ecclesiam, quæ sit una. 101
- IIII. Secunda nota explicatio: Illam veram Ecclesiam esse, quæ sit sancta. 145
- V. Tertia nota explicatio: Eam esse veram Ecclesiam, quæ sit Catholica. 173
- VI. Quarta nota explicatio: Eam veram Ecclesiam esse, quæ sit Apostolica. 202

Capita libri tertij.

- I. Primum insigne veræ Ecclesiæ: Præsentia Spiritus sancti. 245
- II. Secundum insigne: Ad formas & species eius, in scriptura adumbratas, conuenientia & consensus. 248
- III. Tertium insigne: Filiæ Regis obedientia ad legem primam, hoc est, ad legem naturæ. 258
- IIII. Quartum insigne: Vbertas donorum Spiritus sancti. 262
- V. Quintum insigne: Incorrupta per omne æuum fundamentorum religionis Christianæ conseruatio, atq; eius documentorum. 270
- VI. Sextum insigne: Veri cultus diuini perpetua conseruatio. 276
- VII. Septimum insigne: Ordo à Christo Domino

est columna & firmamētū veritatis,
 ædificata in firma petra; cōtra quā ne
 portē qdem inferorū preualuerūt vn
 quā. Cui igitur malo? Rebus publicis
 primū : quarū hęc præsens est ruina,
 hic certissim⁹ interitus. Regib⁹ dein
 de ac principibus ipsis, quib⁹ hęc om
 nia exedenda sunt, quęcunq; isti diui
 ni magistri intriuerint: cēteris deniq;
 omnib⁹, q̄ his tantis errorū laqueis se
 capi ac irretiri passi fuerūt. *Verū dicet*
quis: hęc quidē de cæteris Sacramēta
riorū, Arianorū, Anabaptistarum se
ctis verissimè dici, Augustanę aut cō
fessionis nequaquā cōuenire. Cæterū,
 placētne meum de Augustana, quod
 antea nunquam attuli, audire iudici
 um? paucis accipite. Spero .n. vos id,
 quod ipsa res docet approbaturos.
 Habet Augustana pelles, vellera, co
 lorē, lōgè speciosiora, & ad fallēdum
 magis accōmodata, quā reliqua hęc
 mōstrahominum; fruct⁹ aut p̄simil
 imos, quod ex hac similitudine ag
 noscite. Solent Plagiarij, qui vel ex lit
 torib⁹, vel ex oppidis circumiacētib⁹
 homines furātur, cū ipsi eorum lo

*Augustana
 Confessionis
 imago.*

corum hominib⁹ suspecti sint, habere quosdā secum, vel ex illis ipsis oppidanis, vel saltem p̄simili habitu & vestitu adornatos: hos ex nauib⁹ ad oppida vicina dimittunt, vt familiaritate cum illius loci hominib⁹, atq; adeò pueris ipsi inita, eos ex oppidis in solum locum ad littora, tanquam inābulandi causa educunt. Quos vbi primum illi eduxerint, isti rapiunt, ac in naues cōiectos, secum in medios fluct⁹ asportāt. Plagiarijs sunt p̄similes ceteri heretici: Augustana ipsa, ex hoc est genere hominum insidiosorum, qui similitudine victus, & habitus, homines ex tuto Ecclesiæ Catholicæ sinu in littora, pyratis obnoxia, deducunt: idq; propter eam quā se cum Catholica Ecclesia habere simulant, & qua incautis & simplicib⁹ hominibus facile imponunt, similitudinem & cognationē. Exaudire. n. licet illas voces, eandem hanc religionem esse, iisdem principijs & fundamentis initi: incultu & cērimonijs hescio qd discrepare. Quos vbi semel ex loco tuto eduxerit, hunc Sacramentarius,

tarius, illum Anabaptista, istum Ebi-
onita, aut Trinitari⁹ quispiam rapit;
cum eoq; in ipsos certissimæ perditionis scopulos fugit. Quem. n. isti funesti Plagiarij ex Augustanæ sinu nō rapuerunt? quem ista insidiosa Syren ex portu Ecclesiastico nō eduxit? aut quis ex istis Augustanā fidem à principio non laudavit, quis sequutus nō est? Habetis veram, vt puto, Augustanæ formā & imaginem: si hoc idem res ipsa non docet, nolite credere; si autem veritatem dico vobis, quare non creditis mihi? Attendite igitur vobis à falsis Prophetis; sed maturè, priusquàm hoc incendium ita augeatur, vt postea nisi vestra ruina extinguere non possit. Deus misereatur vestri, & hoc tantum malum, quo tot respub. florentissimæ collapsæ sunt, à vobis, ceruicibus-
que vestris auertat,
Amen.

Laus Christo Optimo & Maximo.

Oretur pro Auctore.

mino & eius Apostolis designatus & in-
choatus, vsq; ad hanc etatem integer con-
seruatus. 282

Octauum insigne: Communionis san- **VIII.**
ctorum sensus & consensus. 287

Nonū insigne: Virtus miraculorū. 295 **IX.**

Decimum insigne: Lumen & veritas **X.**
Prophetia. 302

Vndecimum insigne: Præsens ubiq; & **XI.**
perenne Dei adiutorium. 309

Duodecimum insigne: Opportuna & **XII.**
salutaris correctio ac depressio. 315

Tredecimum insigne: Perpetuus in me- **XIII.**
lius profectus. 319

Quatuordecimum insigne: Nouitatem **XIV.**
omnem fugere, ac suspectam habere, vene-
randa autem vetustati in omnibus adha-
rere. 323

Quintumdecimum vera Ecclesie insi- **XV.**
gne: Extrema non sequitur, medio tu-
tissima incedit. 332

Sedecimum Ecclesie insigne: Perpetu- **XVI.**
um contra illam omnium haeticorum &
schismaticorum bellum ac impugnatio-
nes. 335

Decimumseptimum insigne: Quod sit **XVII.**
canon & regula omnis veritatis; & quod
ulti-

INDEX CAPITVM.

*ultimò omnes heretici ad eam prouocent
ac redeant.* 338

XVIII. *Decimuoctauum insigne: Quòd
Deus ordinauit ex eius ore audire gentes
Euangelium & credere.* 345

XIX. *Decimumnonum insigne: Omnium
Ecclesiarum presentis & prateriti tem-
poris verissimum testimonium.* 349

XX. *Vigesimum & ultimum insigne: A-
postasia, hoc autem est ab ea defectionis
presentissima, tam publicè quàm priua-
tim Dei vindicta.* 362

Peroratio operis. 368

M. BA.

M. BASIL. GOLINENSIS

Prof. Crac. in Ecclesiam.

Ἀγλότατος πέλεται πάντων ἐκκλησία ὄντως
τὴν οὖν τίπτε τινὲς μήτι δύνανται ὁρᾶν
Ὀφθαλμῶν μετέχον βλεφάρων καὶ φύλλι ἀνοιγᾶν
Λισχρόν καὶ αἰεὶ ὄψιος ἔμμεν ἄνευ
Ὀμματα εἰσὶ μάτῳ τῷ σώματος ἄντι νόοιο
Νόος ἄτερ χάριτος καὶ εἰσὶ θεοῖο ματῳ.

Idem eiusdem.

*Spectatur dudum magnumque Ecclesia
mole est,*

*Quaeso quid hanc necdum plurima tur-
ba videt?*

*Corporis est oculus nullus sine lumine
mentis.*

Et sine, sunt mentis lumina nulla, Deo.

**Eiusdem, de tribus operibus Autoris
ad aduersarios.**


Nudi, pallia dum notat, stetitis:

Dum tractat male transfugas, timeris:


Quid nunc dum caput amputat? iacetis.

SEXAGINTA SVNT REGI-
NAE, ET OCTOGINTA CON-
CVBINAE, ET ADOLESCEN-
TVLARVM NON EST NV-
MERVS. VNA EST COLUM-
BA MEA, PERFECTA MEA:
VNA EST MATRIS SVAE,
ELECTA GENITRICI SVAE.
VIDERVNT EAM FILIAE,
ET BEATISSIMAM PRAE-
DICAVERVNT REGINAE
ET CONCVBINAE, ET
LAUDAVERVNT
EAM. Cant. 6.

STANIS.







B. 410-411